



ZV
47

~~VI. i. 26.~~
~~Hist. 2949.~~

Act.



ACTA CONVENTVS THORVNIENSIS.

Celebrati Anno 1645. 
Mens. Septembr. Octobr. Nouembr.

PRO
Ineunda ratione componendorū Dis-
fidiorum in Religione, per Regnum Poloniæ.

IMPRESSA

Authoritate & Mandato SACRÆ REGIÆ MAIESTATIS.

Ad Exemplum & Fidem Regij Protocolli.



Cum Gratia & Priuilegio eiusdem S. R. M. Speciali.

VARSAVIÆ,

In Officina PETRI ELERT S. R. M. Typographi, Anno Domini, 1646.

M. Lucæ Piotrowski. M.



22939 II

BIBLIOTH. UNIV.



SACBLLONICAR



V L A D I S L A V S I V .
DEI GRATIA REX POLONIÆ,
Magnus Dux Lithuaniae, Russiae,
Prussiae, Masouiae, Samogitiae, Liuo-
niae, Smolensciae, Czerniechouiaeq; .
Nec non Succorum, Gotorum,
Vandalorumq; Hæreditarius
R E X .

Vniuersis & singulis, Regni Nostri, Magniq; Ducatus
Lithuaniae, & Prouinciarum eis adnexarum Incolis.



Quoties cogitamus Europã,
partem terrarum nobilissimam, ar-
mis vbique infestam haberi, nouaq;
bella ex bellis in dies enasci, mirari
satis non possumus, viribus propè la-
ceris exhaustisque, penes tot diffidia hærec, nec
† 2 adhuc

adhuc penitus corruisse. Non egemus certe ad Christiani Orbis euersionem alienis odijs, aut vicinâ iuratorum Hostium potentiâ; non Asiæ, Africæq; in nostrum exitium conspiratione. Domesticæ inimicitiae plus omninò aduersus communem fortunâ possunt. Hæc est illa ciuilis machina, quæ à fundamentis felicitatem subruit, legum vim ad laxa licentiæ iura inclinat, libertatem per aliena profligat arbitria, Respublicas in noxiam regiminum formâ præcipitat. Hâc impulsæ complures Prouinciæ in ociosas vicinorum manus ceciderunt; qui se interim quiete armorum contra debilitatas dissensionibus regiones præparabant.

Quod ne his quoq; calamitosis temporibus iterum eueniat, non immeritò timent omnes; atque idcirco ad remediorum initia pertinere existimant, DESIDERIUM PACIS. Hoc commune votum Castra circumsonat, auditur inter Classica, stricto ferro quæritur. Hoc mileri oppressiq; gemitibus exprimunt, felices explicato in occursum amplexu loquuntur. Hoc per Regnorum Arbitros, per Duces Partium, ad Loca consiliorum, deliberationumque Tribunalia deferitur. Ne Nos quidem, quibus Diuinâ Benignitate concessum in altissimo inuentæ Pacis sinu quiescere, huius desiderij exsortes sumus.

Exper-

Experti enim tanti Boni commoda, impensè cupimus, interruptæ tranquillitatis experimentum ad alios quoq; peruenire

Nostra tamen Nos tangunt vehementiùs, impelluntq; in dies, ne quidquam eorum omittamus, quod ad felicitatis constantiam aliquid momenti afferre posse videatur. Eò spectabat facilis erga victos clementia, non inuitus cum promptis in amicitiam descensus, aduersùs infidos locios circumspecta fœderum vigilantia. Quibus medijs tandem effecimus, vt Regnorum Nostrorum fines, Ciuium domicilia, subsellia Magistratum, securo pacatoq; vultu, Faustitas & Pax obambulet.

Vnicum Nos adhuc non leuiter perplexos tenet, quod ad integram plenæ Pacis gloriam, desit animorum in eandem Religionē consensio. Sine quo adminiculo nihil vspiam terrarum stabile, aut tutum vnquam fuit. Dum enim circa veritatem conflictus, sententiarumq; pugnæ vigent, acerbitas quædam mentis initio occupat, tum infestæ turbulentæq; lites ad odium vsq; defæuiunt, tam diu, donec in seditionem, vindictæq; cupiditatem tota dissensio exeat.

Actum igitur egerunt omnes hætenus, quibus armorum furorem compescere satis visum fuit.

Altera enim melior boni fortunatiq; Regiminis Pars,
quæ cum ciuili gubernatione vnâ Rempublicam
componit, præsidio propugnaculisq; vacua, longè la-
teq; patentibus ostijs, deteriores iras in ipsa Regnorū
viscera admittit. Adeò iam propè nec Ciuem esse
pleriq; putant, quamuis iisdem legibus viuat, nisi
credendi seruitutem sub eodem alienarum opinio-
num dominio habeat. Totas igitur quisq; vires ad-
hibet, vt animum alterius expugnet, captiuumq; te-
neat in suarum inuentionum obsequio. Quod vt
tanto fiat validius, conuitia, calumniæq; passim ia-
ctantur; quibus pulchritudo nouæ institutionis o-
stendi non potest, veteris fabulosa deformitas obtru-
ditur. Vbi verò eiusmodi offensionum causæ inter
obuias reprehensiones serpunt, vbi nemo sine infe-
sto ingenij telo, pauci sine vulnere Conscientiæ vi-
uunt, quæ tandem duraturæ Pacis constantia ac se-
curitas esse potest? quid per variam obstinationem
integrum in antiquo iure stabit? quid potius non
distrahetur ambitione Partium? quid quæ sitis in-
rem propriam rapinis spolijsq; libertatis non conuel-
letur? Inde omnia in communem fortunam impe-
dimenta, ad labores publicos moræ, in consilia len-
tentiasq; diuersæ factiones veniant. Quod dum fit,
necesse est pericula votis pertinacibus foueri, leges
in le-

in seditionum auxilia trahi, omnia deniq; remedia
disponi ad perniciem.

Hæc tam grauium rerum consideratio non semel animum Nostrum impulit, vt de potenti quopiã fundandæ Pacis perfectissimæ stabilimento cogitationem susciperemus. Neque pauca veniebant in mentem, quibus integritas eius absolui posse videbatur. Placuit præ alijs illa inuicem agendi ratio; placidaq; Colloquij de Negotio Religionis diligentia, cuius impetum moderaretur Fraternitas, dissensiones charitas temperaret, iras suspenderet modestia. Cùm enim videremus vsurpatas priori sæculo disceptationes ad acerbitates animorum, aliterque sentiendi contumaciam valuisse idcirco plurimum, quòd nullis cancellis concertatio præiudiciaq; stringerentur; ita nostrum recens inuentum & vix tentatam hæctenus concordiaẽ viam disponendã esse duximus, vt ne pro vno quidem iniuriarum passu auersio haberet spatium; abessentq; omnia, ad quæ libertas & amicitia possent offendere.

Agnouerunt prouidam hanc Nostræ meditationis solertiam, potissimum Equestris Ordinis Viri, sperabantq; fore, vt cura Nostra omnis in optimum exitũ desineret. Ipsi Nos audiuius, cum ad hunc Lydium amicæ Collationis lapidem sua dissidia ex-
plora-

plorari cuperent, semelq; planè intelligere, quid tandem animos ac Religiones inuicem committeret? quæ causæ factam à Catholicæ Romanæ Ecclesiæ corpore discessionem fouerent? quibus medijs ad vnitatem reditus tentari possit? Quæ bonarum mentium propensio tantò vehementiores stimulos Nobis addidit, vt & in ipsis aggressionis huius initijs, indubiam boni successus spem retineremus; & nunc nihil aliud optemus magis, quàm piam hanc laudatissimæ promptitudinis operam, optimalq; Pacis cogitationes plenè conseruari.

Neq; enim defuturam existimamus occasionē, cū ij etiam animarum Curatores, qui pericula conscientiarum in Pace, damna fidei in Dogmatum concordia extimescebant, Nobilitatis desiderio suspiciones suas variosq; metus sint submissuri. Sensim animaduertent & illi, nihil in Instructione Nostra offerri violentum, nihil horridum, nihil bonis mentibus suspectum, quod ad iustam formidinem valeat, & pugnet in conscientias. Is modus agendi in ea est præscriptus, quem arguere is solus possit, qui charitatem laudare nescit. Ordo verò ita naturæ & Æquitati consonat, vt eius euerfionem sola mediorum Pacis confusio, intentiq; finis perturbatio excipere debeat.

Nulla

Nulla in ea Partium aduersus alteram potestas
permittitur, quæ in tractando negotio a qualita-
tem vitiet. Reliquimus cuius integrum, quod
ab antiqua consuetudine, quod à veteri nouoq; iu-
re, quod à Sacramenti nostri Fide habet. Ne li-
bertatem quidem, quam Regni huius gemmam
esse nouimus, existimandi sumus imminuisse, cum
præscribendam esse colloquendi formam cense-
mus. Quò enim tãdem progressa fuisset discepta-
tio, si singuli pro ingenij fecunditate suas inuentio-
nes suggererent, neq; ab aliena censura vellēt pen-
dere, quidquid in rem communem effinxissent; quò
excreuisset negotij moles, nisi arbitrandi licentiam
accommodatãq; ad diuersarum Religionum indolem
artificia, vnus in antecessum restringeret, qui Au-
thoritate præpolleret? Hic profectò fuisset primus
scopulus, ad quem sancta Nobilitatis vota proieci-
sēt illi, qui in consensu priuatam suam prolapsionem im-
meritò coniciebant. Ad hunc appulsi pij aliorum
conatus tamdiu inter collisos rationum fluctus de-
pugnassent, donec planè alternâ reciprocaq; iacta-
tione concussi, in spumam tandem inutilem tume-
scerent.

Quas syrtes, cum velut è specula à longè depre-
hendiſſemus, posuimus certos carceres, intra quos

fas esset securè progredi: designauimus metas, quibus fœcundiores ingeniorū excursus cōercerētur: satis superq; monuimus, ne quisquam sibi assignandi, regendiq; tramitis fiduciam assumeret, nisi qui totius causæ optaret naufragium. Nostra tamen hæc placita nolimus Legem vocari, ne vel obseruantia, quam apud fideles Subditos repertum iri credebamus, sub duriore appellatione periclitaretur; vel libertas putaretur offensa, si ipsa sibi necessitatem obsequendi non imponeret. Hâc ratione nihil videbamus reliquisse perplexum, aut non satis præmunitum, cū & consensus omnium haberet paciscendi alia potestatem, & vel vnius Partis admissio Instructioni Legis nomen dare pro se posset. Multò enim æquius est ad iustissimum Principis arbitrium, liberimaq; præscripta sponte se demittere, quàm Partium decretis, in quibus condendis plurimi latent, aut timentur anfractus, non satis commodè regi velle.

Nos certè de sinistro totius Colloquij progressu conclusimus, vel ex prima à Nostra voluntate deflexione. Cū enim vellemus pauca quædam, non satis in Instructione expressa, diei vnius spacio definiri, audiremus verò triduum peti ad inueniendas difficultates; mensem autem penè totum in inuen-

tis ac limine nondum incepti operis conteri, quid boni sperare potuimus?

Facile Nobis ex vno hoc experimento veniebat in mentem, alios esse debere, qui leges ex potestate ferant; alios qui latis insistant atq; obtemperent: ne si ijdem vtrumq; agant, causam præiudicio, priuatisq; affectibus discerpant, singulaq; sibi ipsis & non rebus accommodasse videantur. Arduum enim est diuersos in finem imprimis eundem, deinde in eadē media conuenire: vix autem possibile, nil retineri ex dissensione, dum tollendis diffidijs rationes ab ijs conquiruntur, qui dissident. Arbitri ad eiusmodi negocia vtiliores semper fuisse existimati sunt, ij potissimum, qui & ius ad quærendam pacem, & sinceritatem ad stabiliendam apud Partes habent.

Neq; tamen hoc loco quenquam contrauentionis reum agimus. Liberum erat Partibus ex arbitrio & pacto leges condere: id enim Inuitatoriis Nostris permisimus. Liberum & Nobis, Nostros animi sensus exponere, faciem præferre, circumscribere ingenia cancellis, diuersarum & pugnantium sententiarum prælia præoccupare. Nec diffidere poteramus placitura, quæ in opere nostræ Architectionis magno ac diuturno consilio in parem omnium Partiū sortem mirā temperie conformauimus. Vbi

verò semel displicere visa sunt, per Nos licuit sine crimine non acquiescere; non tamen licuit contradicente vel vnâ quâpiam Parte noua sancire.

Certè si ad libellam mentis, propositiq; Nostri, Collocutores ipsi voluntates conatusq; suos exactissimè temperassent, non potuisset non fluere Negotium expeditius. Non erat mentis Nostræ, Partes in pugnam committere, id est, Disputationes instituere, illis similes, quibus hætenus pro reducenda populorum pace, vix quidquam vtiliter confectum est. Præcipuus desideriorum Nostrorum scopus erat LIQUIDATIO DOCTRINARVM. Iam enim pridè cōpertū Nobis & persuasissimū est, Arcē præsentis Dissidij esse SINISTRAS INTELLIGENTIAS; caput cōcordiæ SINCERATIONEM VERITATIS. Errores, nō quos vnquā docuit, sed quos docere fingitur vera Christi Ecclesia, execrabile innocentissimis populis reddiderunt. Calumnijs, criminationibus, imposturis persuasa est Dissidij necessitas. Quod si semel in conspectum veniret purioris doctrinæ sinceritas, solo placeret intuitu, & virgineo nitore gratiâq; vultûs in amorē cogeret etiam renitentes.

Frustra cogitationes accumulant, & inaniter profundunt delideria, qui pacem religiosam nostro sæculo moliantur, nisi prius gnaute dent operam

vt vin-

vt vindicetur vera Religio ab infestis cauillis, fabulis, commentis. Nunquam Hæresis tam fidenti fuit animo, vt cum veritate bellageret. Ipsa sibi fingit hostem, stramentitios exædificat exercitus, à nullo creditos, à nemine cogitados delineat errores, superstitiones, blasphemias, idolomanias; & contra has somniatas acies molitur bellum, expedit arma, miscet prælia; & verò etiam victorias palmasq; refert. Tum verò insultatur castris DEI viuientis, canuntur victoriæ, & veniunt in mendacè triumphì gloriam, qui nec victi fuerunt, nec impugnati. Præclarum stratagemam! ne victrix veritas spaciū haberet depugnandi contra errores serios, distinetur obiecto negotio, cogiturq; totas propè vires impendere, vt à se ipsa repellat errores fictos.

Ergò hæc vnica cura sit eorum, qui pacem profligatam reuocare curant, vt semotis omnibus officiis, genuinæ Partiū Doctrinæ in apertum prodeant, illis palam fatentibus quod affirmant, istis nequaquā imputantibus quod negant. Tum verò primū scernatur deartuatus error, fiatq; periculum an sustinere tenebræ valeant fulgorem veritatis?

Hoc enim verò præcipuum erat in votis Nostris, atq; in eum finem tantā curā ac studio primam in Congressu Partium Actionem Liquidationi Doctrinarum

narū destinauimus, dispertitis exquisitissimè singulis eiusdē Actionis Partibus: quæ si iisdē gradibus, quibus distinctæ erant, ad apicē vsq; productæ fuissent, tenuissemus sine dubio emolumenta huius operæ, curarumq; Nostrarum, quibus optare non oportuit maiora.

Sed Nos iam ab initio promulgati Negocii, quo intelleximus varia & immatura circūferri consilia, non potuimus prosperrimè de eo, quem præconceperamus, exitu augurari. Afferebantur vndequaq; variorum hominū sensa, notationes, censuræ, cautelæ, consilia, atq; etiam integri in publicū edebantur libri, quibus illi, sapientissimè scilicet, consultum ibant Nostræ & Christianæ Paci. Ingens verò publicæ rei præstitissent beneficium, si maluissent ad breue cōducere calamū, & neq; Nobis præripere florem negocii, neq; deterioribus consiliis præoccupare meliora, neq; nouas fâces veteribus diffidentiis addere. Iam tum minus sperare cœpimus, quando subuereri necessè fuit, ne Actores Negocii formā acciperent à Nostra præconceptione alienam & impressis semel malè concinnatis ad rem Nostram rationibus succenturiare nollent meliores.

Sed ex ipsis etiam Inuitatarum Partium primis Responsis grauem quibusdam dubitationem iniectā

fuisse

fuisse intelleximus, num eâ voluntate animorumq;
fiduciâ acceptum fuerit negotium, quâ erat propi-
natum. Ita enim videbantur composita, vt despe-
rationem successûs præferrent: quæ proinde de-
prehenfi sensûs inspectio quosdam permouit, vt
iteratam Inuitationē Nobis dissuaderent. Et verò
mouebamur non mediocriter grauissimis rationi-
bus, quibus fas erat acquiescere, nisi eousq; proue-
ctum fuisset Negotium, vt è dignitate Nominis Ca-
tholici & Regii futurum censeremus, procedere.
Placebat etiam homines non ita faciles ad fiduciam
erigere, & credebatur posse assuetudine nonnihil
mitescere odium Romani Nominis: nec exiguum
fore lucrum, si vel solum rigorem à diffidentia se-
parauerint.

Atq; hunc quidem vberimum melioris fiduciæ
fructum afferre Nobis potuit primum illud Negocii
Experimentū, quod anno citius adhiberi oportuit, si
primæ Indictioni Nostræ Partes omnes paruissent.
Ibi enim licuisset vultibus inuicem assuescere, pe-
netrare animos, molitiones propositaq; obseruare,
condere leges, præuidere moras, difficultatibus ob-
sistere, deniq; omnia ita tractare prouidē, vt postea
res nulla in limine ac progressu pios labores sisteret.
Ea tunc fuit Consilij Nostræ ratio, quando post di-
uulga-

uulgatum Anno Dñi 1644. vigesimá Martij Negocium, Partes vt ad decimam diem Octobris eiusede Annì Thorunium confluere, conuenimus. Præuidimus enim primo Congressu ad intimos Causæ secessus deueniri vix posse; atq; adeò sufficere credebamus, si tempestiuè quæ in ipso limine obstare poterant, vtcunque dealciarentur. Præsensimus venturos homines sui Genij, ingenijq; tenaces, & in aliena placita difficiles; timidos etiam & suspicaces, quorum prouentus est, nihil agere, cum omnia volunt agere cautissimè: Exteros etiam, qui nihil allaturi erant ex infito Patriæ Nostræ amore ad tanti operis curam; in quibus nunquam sic premi posset peregrina Indoles, quin ad sua fomenta identidem à nostris declinet. Itaq; consultissimū arbitrati sumus experimento proludere, & iam tunc explorare ruditer sensus Partiū & voluntates; quod si prima tentamenta non caderent ex animi sentētia, maturè, interpositis vel collatis consilijs, viam ad meliora sternere. His inquam Consilijs votisque Nostris si tunc obtemperatum fuisset, planiori deinceps & faciliiori tramite itum fuisset in ipsa Causæ penetrália.

Præstiterunt tunc equidem promptissimè Catholici, quod volebamus, & ad condictam diem pleno
nume-

numero Thorunium deuecti, in ipso Urbis conspectu pulcherrimum alacritatis suæ specimen ediderunt; non puduit tamen quosdam, fallere Prouincias & Extera Regna, atq; etiam Typis euulgare, adfuisse Dissidentium Oratores, solos ad nomina nō respondisse Catholicos. Ex quo infami principio, mali ominis prognosticum acceptum est. Ex illa enim turpis figmenti nubecula præuidere sibi pleriq; visi sunt formidabiles in progressu tempestates, quod censerent vix fieri posse, vt securo cursu enauigemus hoc mare, si ipsa littora tam malè Nos salutarunt: videri non expectari posse tranquillitatē Patriæ, sed Ciuium rixas.

Vtinam verò etiam deinceps reperti non sint, quibus malè videatur esse, si Patriæ benè sit; nec acuant hoc medio pacis nouum dissidium, aut venenum non parent ex remedio. In eorū numero eos esse ducimus, qui etiam post solutū proximū Thoruniensem Congressū infames in vulgus pagellas spargunt, actionum seriē figmentis, prauisq; dissertationibus inuertunt, de suo adiiciunt maleuolas interpretationes, hoc deniq; vnum agunt, vt non ea scribant, quæ acta sunt, sed quæ agi voluissēt. Faciunt id illi profectò, siue vt falsis rumoribus vitā famamq; sustentent, siue vt suos mendacijs in errore detineāt.

Nos verò exoptamus vnicè, vt omnes intelligāt, libellos eiusmodi deliria esse impotentis cerebri, aurium oculorumq; toxica, animorum pestē, flabella dissensionum, turbinē Reipubl. Non patitur hanc debacchandi vesaniam Nostra Instructio, quā etiā leues iniuriarum Causas, minimasq; offensas vetamus; non Partium sanctiones, quibus mutuū honorem ac reuerentiam præscripserunt; non veritas aut pax, quarum vtramq; profligatū eunt, qui nobilissima hæc cōmunis Boni ornamenta calamis infelicibus calamitosa esse volunt; non denique bonæ Causæ fiducia, quā circumscriptores illi si destituti non essent, prodromos istos veteratorios, fabularū mendaciorumq; veredarios veritati non præmitterent, & eandem tam anxie ab animorum aditu prohibere nollent.

Illi ipsi diuersarum Confessionum socij, qui genere, dignitate, consilio, animiq; moderatione eminent, temerarios istos ausus, damnant; & ingenua Nobilitas non benignè (quod cum voluptate audimus) interpretatur conatus istos obscurorum hominum non sanè ingenuos, nihilq; magis habet cordi, quàm sordidas has quietis domesticæ veri; turbas horrere, persequi, detestari. Quorum strenuā sinceritatem quemadmodum iustissimā laudatione
ad con-

10

ad constantiam prouocamus; ita & cæteros ad parē tranquillitatis nostræ curam adhortamur.

Nec est profectò cur aliquis conscribendi Negocij prouinciam sibi vsurpet. Nòbis hanc sollicitudinem in Instructione illibatam esse volumus; neq; nunc in consortium quenquam admittimus. Vidimus Protocolla omnium Partiū, magnâq; fide & integritate in publicam lucem dari, quæ ué discrepant annotari mandauimus. Inde verò promptum erit agnoscere, quantum à veritate abierint, quæ iā rudi aut ignaro Lectori callidè obtruduntur.

Simili temeritati ut deinceps ponamus obicem, seuerè præcipimus, ne ullus in Regnis Nostris quidpiam tale exprimere typis, aut alibi expressum intra Nostras Ditiones venale inferre audeat, nisi sua omnia Confiscationi, seipsum arbitrarijs pœnis velit exponere.

Liberas interim relinquimus Confirmationes, aut Confutationes Dogmatum, modò illesus sit Collocutorum honor, & intacta Colloquij Authoritas. Quemadmodum enim placidum veritatis cum Falsitate certamen non arguimus; ita Negocij (quod Nostrum fuit) contumeliam & iniquas hominum actionumq; accusationes ac imposturas non patimur, nec impunitas esse sinemus.

Quid opus est tanto molimine de præambulis Ne-
gocii decertare, quando tota Causæ substantia ad-
huc integra est & intacta? Agant nunc si iusto du-
cuntur zelo, quod agere oportuit coram: doctrinā
palam exponant, errores damnatissimos, quorum
accusantur, suos esse negent, liquidis documentis
innocentiam probent, opinionem calumniarum à se
remoueant, genuina Partium Dogmata recogno-
scant, aliena, imputata, fabulosa excernant, veras
doctrinarum antitheses & pugnas eliciant, sic tandē
de vero ac falso fraternè certent. Hoc demū
erit DEI, Ecclesiæ, Fidei, & cōmunis salutis Causam
agere; At rixari iam de frustrato Negocio, falsis
narrationibus Orbi illudere, contumeliam meliori-
bus impingere, diem dicere ei, qui pari iure ad æ-
quiores iudicem prouocet, iactare Encomia, quæ
post paucos dies castigatiores calamus interprobra-
retulerit, quid aliud est, quàm Causam DEI transfer-
re ad ambitum hominum, Ecclesiæ gloriam priuato
fastu metiri, Religionis sanctitatem infamibus fæ-
dere criminationibus, pacem & salutem perdere?
Nos equidē, cū sacrū istud Negocium moliremur;
Pacem vnicè spectauimus, & ipsos primos conatus,
quamuis fortassè non ex voto procederent, Paci pri-
stinæ deuouimus, pacem seruari, pacē afferri, pacē
domum.


domum reportari voluimus : aduersâ igitur acie
Nobiscum pugnant, isti inimici gloriæ suæ vindices,
qui paci rixas substituunt, qui ex diuinissimo pacis
semine dissidia metunt, qui cicatrices refricant, &
fopitas ut cunq; Partium iras velut è cinere resusci-
tant. Nostrium verò est perniciem præuerrere.

Faxit DEVS immortalis, ut Noster hic in amo-
uendis obstaculis, quærendaq; Religionis Concor-
dia labor benè cedat. Hæc enim uerò præcipuum
esset bellorum feliciter à Nobis susceptorum sola-
tium, victoriarum gloria, honor triumphorum. Sit
sanè illustris & ille, quem ex obtritis hostibus acce-
pimus, Coronæ militaris splendor: Ciuiça magis,
ob seruatos reductosq; ad Religionis Consensum.
Ciues, ornari mallems. In illam infida deterioris
fortunæ tempestas non parum potest : hæc in ani-
morum penetrati, adeoq; in ipso Diuinæ Benignita-
tis sinu contra rerum vices custoditur.

Vos, quorum industriâ ac amore ad rem tantâ
egemus, fauete Capiti Nostro pulcherrimum hoc
Diadema, Reipublicæ hoc Palladium. Liceat No-
bis post tot exantlatos labores è triumphali Pacis
curru spectare nobilissimas victoriarum comites,
Vnitatem & Concordiam. Liceat in plausu Vestro
ac læticia, quam ex Tranquillitatis spectaculo acci-

pitis, Diffidia non intueri. Liccat in vestros animos communisq; Boni adyta, exponere nobilissima Regnorum ornamenta, gloriæ constantiam, & securitatem. Vestris manibus hos successus, qui omnium oculos sub Nostro Regimine prouocant, elaborastis; efficite adhuc mutuo consensu, vt Reipublicæ fortunam, pleno Pacis comitatu, inuariatq; Religionis cultu insignem Orbis admiretur. Synceritates & Fidelitates Vestras benè valere cupimus. Dat. 25. Martij Anno Salutis M.DC. XLVI. Regnorum Nostrorum Poloniae XIV. Sueciae XV. Anno.

VLADISLAVS REX.



❧❧❧❧

VLADISLAVS IV. DEI GRATIA REX
Poloniæ, Magnus Dux Lithuanix, Russiæ, Prussiæ,
Masouiæ, Samogitiæ, Liunionis, Smolensciæ, Czerniechouiæq;
Nec non Suecorum, Gothorum, Vandalorumque
Hæreditarius REX,



Ignificamus presentibus literis Nostris, quorum interest uniuersis & singulis. Ex speciali iussu & Mandato Nostro Regio consentiendum esse & permittendum Honorato PETRO ELERT Typographo Nostro, Libros Actuum Colloquij Charitatiui Thorunensis excudendi, imprimendi, ac in lucem edendi, duximus, prout consentimus, & permittimus presenti Diplomate Nostro: Statuentes seuerè, ne quispiam in Regno Dominijq; Nostris Typographorum, prater PETRUM ELERT Typographum Nostrum prefatos libros Colloquij Charitatiui Thorunensis excudere, imprimere, ac in publicum Typis edere ad decursum sex Annorum à data presentium computando audeat & presumat, idq; sub Multa Mille Aureorum Hungaricalem & amissione eiusmodi librorum impressorij, Cuius pæna medietas Fisco Nostro, altera verò parti laesa cedet. Eandem pænam presenti Nostro Regio edicto subire tenebuntur omnes Externi Typographi & Bibliopola, quicunque eiusmodi libros Colloquij Charitatiui Thorunensis, in alienis Regnis impressos, per Regnum Nostrum & eius Dominia venderent aut distraherent. Quod ad notitiam omnium & singulorum Magistratum Regni Dominiorumq; Nostrorum deducentes mandamus, ut prefatum Honoratum PETRUM ELERT Typographum Nostrum circa eandem facultatem sine ullis impedimentis manteneant, & omnino conseruent, manuq; teneri & conseruari ab alijs faciant. Secus non facturi pro gratia Nostra. In cuius rei fidem presentes manu Nostra subscriptas Sigillo Regni communiri iussimus. Datum Varsovia die XIV. Mensis Aprilis Anno Dñi M. DC. XLVI. Regnorum Nostrorum Polonia XIV. Suecia XV. Anno.

VLADISLAVS REX.




Jac: Max: Fredro
Referendarius Regni mp.


22
No

2
A
2

ter
S
ci
iun
De
cle
H
D
&
Sa
sta
Pr
ue



ACTA THORVNIENSIA.

 Nno à Natiuitate Domini
Millesimo Sexcentesimo Quadragesi-
mo Quinto, Indictione Decimâ tertiâ,
SS. Dñi Nři INNOCENTII X.
Pontificatûs Primo; Regnorum Po-
tentissimi, Inuictissimi, eiusq; felicissimi VLADI-
SLAI IV. Poloniae Decimo tertio, Sueciae verò De-
cimo quarto, Die vigesimâ octauâ Augusti, quæ erat
iuxta Gregorianum Kalendarium FERIA secunda post
Dominicam XII. post Pentecosten, Diuo Augustino Ec-
clesiæ Doctori sacra, Horâ circiter octauâ matutinâ in
Horologio medio, Illustrissimus & Reuerendissimus
Dominus GEORGIVS TYSZKIEWICZ Dei
& Apostolicæ Sedis gratiâ Episcopus Mednicensis seu
Samogitiæ; ad Colloquium Thoruniense cum Augu-
stanis & Reformatis habendum; Authoritate Synodi
Prouincialis Varsoviæ Anno Dñi 1643. vndecimâ No-
uembris, & sequentibus diebus celebratæ, Præsidente

A

Illu-

Illustrissimo & Reuerendiss: Dño MATTHIA LV-
BIENSKI Dei & Apostolicæ Sedis gratiâ Archiepi-
scopo Gnesnensi, Legato Nato, Regni Poloniæ Prima-
te, Primoq; Principe, ad præsidendum Theologis in,
Colloquio Thoruniensi Deputatus, Ad Ecclesiam San-
cti Ioannis Baptistæ descendit, in eaq; Sacris operatus,
Missam Pontificaliter de S. Spiritu decantauit, ad im-
plorandum Diuinum auxilium, assistente Prælatorum
frequentia, præsentē Illustrissimo ac Excellentissimo
Principe ac Dño D. GEORGIO de TECZYN
Duce in Ossolin, S. Rom: Imperij Principe, & Supremo
Regni Cancellario, ad præsens Negotium Colloquij pa-
cificè tractandum, & fraternè continuandum à S. R. M.
Legato. Quâ finitâ, Benedictioneq; datâ solemni, ad
locum Colloquio destinatum, vnâ cum Illustrissimo
Principe Legato, Comitatus Ecclesiarum Cathedraliũ,
Theologorumq; Deputatorum Coronâ, in Prætorium
ascendit, inibiq; iuxta edicti S. R. M. promulgationē,
& duplicis Epistolæ inuitationem, incidente termino
confedit, in Aula maiore Prætorij, locoq; primario da-
to confessus Illustrissimo S. R. M. Legato, præsentibus
Illustrissimis à S. R. M. Deputatis, ex parte Catholicorũ,
Illustrissimo D. IOANNE Comite à LESZNO
Castellano Gnesnensi; ex parte Reformatorum, Illu-
strissimo D. ZBIGNEO de Goray GORAYSKI
Castellano Chełmensi; ex parte Augustanorum, Mag:
Dño

V.
pi-
na-
n-
an-
us,
m-
um
no
N
no
pa-
M.
ad
no
uī,
m
nē,
no
da-
us
uī,
O
lu-
KI
g:
o

D. SIGISMUNDO GVLDENSTERNIO Ca-
pitaneo Stumensi; sedentibus ad mensam distinctam,
à parte dextra Catholicorum Theologis, Dissidentium
verò à parte læua Colloquutoribus, Legationem Sa-
cræ Regiæ Maiestatis, à Sua Celsitudine in hunc mo-
dum excepit:

O R A T I O

Illustrissimi Domini LEGATI.



*Ediuuium tranquilla veneretur Constantinum Polonia.
Non vno Maxentio domito, & gloriâ Crucis, vltra Istrū
& Tanaim prolata, VLADISLAVS Regum Constan-
tissimus, inter virentia ac florida Alma Pacis, que ipse
plantauit, oliueta, de tam Beata semente sollicitus, tempestiuâ curâ
eiusdem indemnitati decreuit prospicere. Terret, in propria crudelis
viscera, à medio iam penè auo conceptus, Orbis Christiani furor; quo
velut astro perciti Conciuium, Cognatorum, imo Fratrum animi, præ-
textu Religionis & sacrorum, Religionem euertunt, Sacra profanant,
& pollunt, sanguinem tot Innocentium exhauriunt, Rempubl: Chri-
stianam tot Propugnatoribus spoliant, & intentis tam luculentæ oc-
casioni Barbaris produnt & prostituunt. Valida nempe in animos
hominum Religio, eos vel arctissima stringit compage, vel si ipsa scin-
ditur, ipsa disrumpit ac dilaniat; vt ne ipsis quidem naturæ vinculis
parcat, quamuis vniuerso generi humano summè venerandis. Illa,
quam optimus quisq; se Creatori optimo debere profitetur, Gratitude
non patitur alios cancellos aut ligamenta, præter intentam in id quod*

ei credit placere, voluntatem: quæ, ut recto processerit tramite, aut ab eo deuiauerit, mortalium mentes, opinionis suæ tenaces, vel in seipsas armat & acuit. Hinc à communi Christiano nomine & iure exultat, probè dolor! Christiani Amoris & Unionis Communio, & illud ferrum, quo Christi propaganda erat gloria, in eius sauit membra, inò viscera. Sola hucusq; Polonia, prudentissimâ Maiorum Nostrorum moderatione, tantæ feritatis expers, placidâ tolerantia, mutui inter Conciues Amoris affectum, quamuis sæpè renitentem, retinet ac fouet. Sed hæc vniuersalis, quæ totam, inscit Europam, contagio, an non metuenda? imbibent nostrorum animi vel ex vicinia, vel usurpata inter Exteros peregrinantium conuersatione, peregrina vitia & vti in sole deambulantibus euenire consuevit, sensim se infuscari haud sentient. Hinc promanat prouida S. R. Maiestatis Domini Nostri Clementissimi sollicitudo, quæ dies noctesq; cor & mentem Regiam incitat ad procurandam (stabilitâ iam politicâ) pacem Ecclesiasticam; vti nempe vnicam illius Nutricem. Cum verò Pacis origo, sit Amor & Concordia, præmissâ maturâ Cleri in Prouinciali Sacra Synodo congregati deliberatione, ad hoc charitativum & Fraternum Colloquium, Dissidentes opinionibus in Religione Christiana Subditos suos, clementissimè euocare constituit: Quo (remotis illis acerbis altricibus, scholasticis nempe concertationibus) de vero genuinoq; vniuscuiusq; opinionis sensu, tranquillâ Collocutione discent fraternè colloqui, & remotis calumnijs, falsis traductionibus, & imposturis vnius ab altero abhorrentiam deponere. Quod, vbi processerit, non dubitat S. R. Maiestas, reliquum genuinæ differentie facilius componi, & extinctis odijs, spiritum illum, qui in turbine non operatur, sed sibilo leni inspirat, aurâ suavi incomprehensibilis potentie suæ disponit, ad illuminanda oculo Diuini honoris zelo accensa, pectora prouocari & allici posse. His verò præmissis, conciliabuntur demum praxes, corrigentur mores, profli-

profligabuntur scandala, & vnus ad alterum postliminio reuocabitur fiducia. Et ecce breuis descriptio scopi, ad quem S. R. Maiestas collimat, quem consecuturum, quis dubitat? hoc tam frequenti & ad secundanda eius vota, tam prono concursu, quem auxisset libentissimè suà ipsius Prasentiâ, vt sic demùm, Constantini Sarmatici totum nomen impleret, si tot diuersæ Regnorum curæ vnâ Reipubl: partem curare permitterent. Me tamen remotâ tantisper à communis Patriæ gubernaculis vicariâ manu, suas hîc vices curare, & nomen ac omen inferre voluit, vt mutæ Charitati, Paci, Tranquillitatique, facem præferrem. Quod dum ego tanti Regis, veri que Patriæ Patris, nomine ago, adeste Animis Reuerendissime, Illustrissimi, Generosi, Doctissimi, ac Eruditissimi Viri, & quo sine ita DEO disponente in hunc confluxeritis locum, accuratius expendite. Hoc nempe illud tempus est, beatitudinis Vestræ, si Ecclesiam, & illi subditum Orbem pace beaueritis; hoc tempus felicitatis & gloriæ huius Amplissimi Regni est, si Vestrâ curâ & sollicitudine, vestro affectu & Charitate, nati in Ecclesia minori contigerit per Restauratam in Ecclesia Pacem primogenitura. Quod ergo beneuertat nomini Christiano, Ecclesiæ & Reipubl: ad opus vos accingite, ubi manudentem S. R. Maiestatis Domini Nostri Clementissimi Instructionem prælegendam, nostraque Legationis fiduciarias intelligetis.

Postquàm Illustrissimus Dominus LEGATVS finem dicendi fecit, tradidit fiduciarias Legationis suæ Litteras, Illustri & Admodum Reuerendo Domino THEODORO ZAPORSKI, Cantori Vladislauensi, Sac: Reg: Maiestatis Secretario, perlegendas, quarum Tenor est:

VLADI-

VLADISLAVS IV.
DEI GRATIA REX POLONIÆ,
Magnus Dux Lithuaniae, Russiae,
Prussiae, Masouiae, Samogitiae, Liuo-
niae, Smolensciae, Czerniechouiaeq;
Necnon Suecorum, Gottorum,
Vandalorumq; Hæreditarius.

R. E. X.

Reuerendo, Magnificis, Generosis, Nobilibus, Spe-
ctabilibus, & Eruditis. Viris, ad Colloquium Thoru-
nienſe à Nobis indictum congregatis, Sincerè
& Fideliter Nobis dilectis, Gratiam
Nostram Regiam.

REVERENDE, MAGNIFICI, GENEROSI, NO-
BILES, SPECTABILES, ERVDITI, Sincerè,
& Fideliter Nobis dilecti.



Non possemus, nisi congratulari Felicitati
Nostræ; dum post tot discrimina bellorū,
propulsatis vndiq; hostibus, Soli in alta Re-
gni Nostri pace, spectando, & numerando, mutuas
vici-

vicinorum Regnorum ac Populorum clades, triumphare videremur, ni in Materno cōmunis Patriæ sinu, collidi inter se, varietate dogmatum, diuersa odia, & dissidia prouocantium, & grauius in dies certamen excitantium, cara pignora tam benignæ Matris videremus. Cui rei mederi, internæq; Paci, quantum in Nobis est, consulere cupientes, Sinceritates & Fidelitates Vestras, ad hoc Colloquium Charitatum conuocandas duximus, summo perè desiderantes, idq; in votis habentes, Fraternalis hic Sinceritatum & Fidelitatum Vestrarū congressus, sub hoc benigno Sydere Pacis Nobis prælucentis, id componere possit, quidquid mutua vota distrahit, boni publici studia conuellit, internumq; quod aperto grauius est, fouet in Dissidentibus animis bellum. Quod tam pium institutum, vt eò grauius procedere possit, cū ipsi alijs auocemur curis; mittimus ad memoratum hunc Sacrum Sinceritatum & Fidelitatum Vestrarum congressum, Illustrē GEORGIVM DVCEM in OSSOLIN, Sacri Romani Imperij Principem, Supremum Cancellarium Regni, Lubomlensem, Rycensem, Adzelensem Capitaneum Nostrium, Virum tractandarum rerū vsu, ac felicitate, ipso Orbis iudicio insignem, qui munus Irenarchæ huius congressus Nostro nomine, eâ fide,

fide, dexteritate, & prudentiâ obeat & moderetur,
quâ ardua quæq; Reipublicæ negocia publico bono
tractare, & optato euentu exequi solet. Huic itaq;
authoritate Nostrâ designato Supremo Præsidi
Pacis, vt Sinceritates & Fidelitates Vestræ stu-
dia Sua accommodent, ac in omnibus, quæ ex præ-
scripto Instructionis Nostræ, de ordine & modo re-
rum tractandarum, in hoc congressu tenendo, pro-
positurus est, fidem habeant, amanter postulamus,
speramusq; Sinceritates & Fidelitates Vestras, tam
pio religiosæ voluntatis Nostræ proposito, quod pu-
blicæ Felicitatis cura, ac ipsa temporum ratio expo-
scit, promptū in vota Nostra studium allaturas, eòq;
intentiones suas directuras, quibus, non huius tan-
tū Regni, sed & totius Europæ expectationi, v-
berrimo fructu ac Fidelium omniū, quos Christianus
complectitur orbis solatio, satisfacere possint.
Quod superest, Diuinam Maiestatem oramus, vt vota
& molimina hæc Nostra secundando, ea ad optatū
effectum deducat, prosperrimamq; valetudinē Sin-
ceritatibus & Fidelitatibus Vestris, & felices suc-
cessus largiatur. Datum Varsoviæ die XIX. Mensis
Augusti, Anno Dñi M. DC. XLV. Regnorum No-
strorum Poloniæ XIII. Succiæ verò XIV. Anno.

VLADISLAVS REX

His

His finitis, statim iussu Illustrissimi D. LEGATI, Generosus D. THOMAS VIEYSKI S. R. Maiestatis Secretarius, clarâ voce subiunxit, Præscriptum Instructionis, seu Manuductionis S. R. Maiestatis, de Ordine & modo tenendo, in Colloquio Thoruniensi, Functionibusq; Illustrissimorum DD. Deputatorum, ut sequitur.

PRÆSCRIPTVM INSTRUCTIONIS,
Seu Manuductionis S. R. Maiestatis,

De Ordine & modo tenendo in Colloquio Thoruniensi, Functionibusq; Deputatorum, Illustri GEORGIO DUCI in OSSOLIN, Sacri Rom: Imperij Principi, Supremo Cancellario Regni, Lubomlensi, Rycensi, Adzelensi, Capitaneo, ac Sacra Regia Maiestatis ad congressum Thorunij celebrandum Legato, datum Varavia die xv. Mensis Augusti, Anno Domini M. DC. XLV.

1. **I**mprimis, scopum quem suscepto negotio præfigimus, Concordiam & Vnitatem Religionis, ac beatam Ecclesiæ Patriæq; Pacem, omnium votis tantopere expetitâ, Collocutores præ oculis habeant, & ut assequantur, totis animi viribus contendant, remotis aliis omnibus intentionibus, quæ animos aliò, studiaque diuertere possunt.

2. Medium quod in eum finem direximus, id est, liberum, & amicum congressum magni faciant, & quod semel libenter amplexi sunt, ita deinceps tractent, ut neque Nos curarum Nostrarum (quas paterno prorsus affectu suscepimus) vnquâ pœniteat, neque Ipsos pudeat cognitionis, & iudicii, quod expectare debent ab Orbe Christiano Vniuerso.

3. Rerum Tractationem, Formam, & Ordinem, Moderatorum, & Collocutorum arbitrio committimus; ut Ipsi, communi Partium consensu, consciis Legato Nostro & Partium Deputatis, de his statuunt, sibi que leges dicant: quod statim initio ante omnia alia facere debent, amplexantes magno stu-

dio eā media, quæ promouere poterunt pacificam & fructuosam Transactionem. Ne verò in præambulis hisce tempus absumāt, volumus, vt intra spatiū vnius diei sanciantur omnia.

4. Non possumus tamen intermittere, quin Nostrā quoq; mentem & desiderium, circa Rerum tractandarum Ordinem clementer indicemus. Optamus igitur, vt Collocutores, Tribus generaliter Actionibus, Vniuersum negotium complecti velint. Ac in Prima quidem inuestigent quā accuratissimē, propriam & genuinam singularum Partium Doctrinā & Sententiam. In altera, de Veritate vel Falsitate Doctrinæ conferant: In tertia, si quid circa Praxes & Mores controuersum sit, discutiant.

5. Primum, id est, perfectam totius Doctrinæ liquidationē & Sincerationem permagni facimus; cum compertum Nobis sit, maximam iam Præsentium malorum causam esse, sinistras Partiū Intelligentias, & hoc vno fomite, tam luctuosum dissidium in hoc inprimis Regno foueri.

6. Itaque, primam in eo, & exquisitam Collocutorum diligentiam desideramus, vt primis Colloquiorum diebus, vnaquæq; Pars, de omnibus & singulis Doctrinæ controuersæ capitibus, suam sententiam, breuibus, simplicibus, apertis verbis, & propositionibus conceptam, in medium proferat, oppositæ Parti eandem recognoscendā offerat, eidem iam scripto, iam viuā voce explicandæ, elucidandæ, depurandæ, ab imputatis erroribus vel opinionibus vindicandæ, tam diu insistat, donec cuius liquidò & velut in meridiana luce cōstare possit, quid Vnaquæq; Pars reuera docuerit, quid ué putetur, vel fingatur docuisse. Probationes hīc penitus nullæ admittendæ sunt, præter eas, quibus ostendendum erit, hunc esse suæ vel
oppo-

opposita totius Partis sensum; nec enim hic agendum est, num hæc vel illa Pars verum sentiat, sed quid verè sentiat.

7. Ita procedatur longo ordine ab vno Doctrinæ capite ad aliud, neque citius ad discussionem Veritatis de vltro puncto Collocutores se accingant, quàm omnia simul & singula Controuersiarum capita, eodem modo liquidauerint. Quod ubi præstiterint, statim magno studio colligant, ex vnanimi confessione Partium ea, quæ repperint verè & contradictoriè pugnancia; & ita omnium oculis spectanda exhibeant, vt Vnusquisque doctus & indoctus, possit vno veluti intuitu, videre & aduertere, quid tandem illud sit, in quo Catholici & Protestantes pugnent, sibiq; contradictoriè aduersentur?

8. Atq; hæc sola sit, tum sequentium in hoc Congressu colloctionum, tum (si fortè Pax nondum perfectè coalesceret) futurarum deinceps disputationum, scriptorum, concertationum materia, semotis omnibus figmentis, cauillis, criminationibus; imò penitus extinctis funestis hisce odiorum, irarum, infestationum facibus & incitabulis. Ita inter se conueniant partium Theologi, conspirent, paciscantur, sibiq; legem dicant, & deinceps bonâ fide seruent.

9. Quoad alteram Actionem, quâ de Veritate vel Falsitate alterutrius Doctrinæ differendū duximus, intelligant Omnes, non esse, nec vnquam fuisse mentis Nostræ, permiscere, vt Partes infestis hinc inde disputationib⁹ sese impetant, à quibus tantopere abhorremus, vt ne quidem disputationis nomen, in toto hoc negotio vsurpari vnquā voluerimus. Didicimus enim, experimento vnus seculi, interminatas illas argumentorum conflictationes, in maiores ferè rixas desinere, & post longos conatus, vix fieri posse, vt Diuina Veritas, solidioribus & validioribus firmetur argumentis, quâ hæcenus firmata est.

10. Itaq; ijs tantùm, quæ ad candidam simplicemq; & sæpè
sæpiùs præstitam Veritatis ostensionem & confirmationē spe-
ctant, semel, iterumq; & ad summum tertio in medium pro-
ductis, non tam ingeniosis argumentationibus concertare
pergant, quàm potiùs prudentiâ, & consilio dispiciendum
assumant, quid saluâ Veritate & conscientiâ præstare possint,
ac debeant, vt tantum Ecclesiæ Patriæque restituant bonum,
Pacem Diuinam & Humanam.

11. Quamuis autem certum Nobis sit, quibusuis Religio-
num dissidijs, finem difficulter imponi posse, nisi præsto sit
animatus iudex, qui audiri possit, & cuius sententiæ necesse
sit acquiescere; non diffidimus tamen, Pacificam, Fraternalq;
collationem, ritè peractam, maximum habituram momentū,
si abrogatis falsis imputationibus, & sepositis, sepultisq; vete-
ribus odijs, vel nouis diffidentijs, integrè & sincerè iudicare
velint. Hæc profectò sola iam superest ad Pacem via, quâ si
nihil proficimus, restat Christum non reliquisse remedium,
rationem & modum, quo conciliari queant Fratres, cum ma-
ximè volunt; quo nihil dici potest insulsius, Christianæ Reli-
gioni infamius, & Christo Regum Regi Optimo Maximo in-
iuriosius.

12. Tertiæ Aetioni Secunda modum mensuramq; ponet.
Neque dubium Nobis est, facile de Accessorijs conuentum
iri, si in principali, id est, in præcipuis Doctrinæ capitibus itū
fuerit in eandem sententiam. Interim studiosè præcaueri
volumus, ne, dum de doctrinæ Veritate disquiritur, quicquā
eorum, quæ ad Praxim, Ordinem, Mores, Legumq; discipli-
nam pertinent, importunè inseratur. Atq; hæc de ordine re-
rum tractandarum.

13. Circa modum agendi, hæc arbitrio Nostro statuenda,
& ab

& ab Omnibus obseruanda esse decreuimus. Inprimis arceatur longissimè, quicquid obesse potest pacificæ, tranquillæ, fraternæ Transactioni. Præcipuè verò caueant Collocutores vehementiam affectuum & verborum, ne quis agat, vel quicquam proferat, quod vel umbram habeat offensæ, aculei, cauilli; sed potius ita se gerant, vt omnes præsentēs absentēsq; intelligant, nihil aliud insedisſe Singulorum & Omnium animis, quàm sinceram & candidam Fraternitatem.

14. *Propositio Doctrinæ, Declaratio, cæteraq; omnia quæ spectare putabuntur ad rei substantiam, cōcipiantur scripto, extra quæ deinceps, cūm oretenus agendum erit, non sit liberum longè excurrere. Scripta, vbi ab Authoribus suis priuatim limata fuerint, deferantur ad manus Nostri Legati, & Deputatorum; non vt Illi de Doctrina eiusq; Veritate vel Falsitate iudicent, sed vt videant, num aliquid insertum sit, quod Partem oppositam meritò possit offendere; quo deprehensō, moneatur Pars, cui tale quid excidit, vt temperet, corrigat, deleat. Quibus peractis, tradantur cuius Parti scripta Partis oppositæ.*

15. *Detur vnus dies, vel bīduum, vel ad summum tridū, quo priuatim Pars vna, alterius Partis scripta legat, & examinet. Quod si qua in re desiderabitur plenior satisfactio, liberū sit, semel vel bis, nouo scripto, breui, neruoso, aperto, mentem explicare: Aut, si quæ Pars Colloquium expetatur, concedatur intra idem triduum.*

16. *Pro singulis Particularibus Colloquijs, nominari debent Bini tantūm à quauis parte Collocutores, quibus liberum sit, in vno illo congressu interloqui. Nec illi aliundè assumi poterunt, quàm ex illo Duodenario numero eorum, quos Vnaquæque Pars initio deputauerit. Reliqui adsint, & taciti audiant.*

17. De alijs Auditoribus ad Colloquium admittendis, arbitrium erit penes Legatum Nostrum, hâc lege, vt paucissimi, & nonnisi capaces harum rerum admittantur. Plebs penitus arcenda. E familia præsentium Magnatû nonnisi bini admittendi.

18. Si quis Collocutor contra vel præter mentem suæ Partis, aliquid promeret, Parti non præiudicet, sed relinquatur locus, mox vel paulo post, comunem sensum interpretandi, requirente id Partis Moderatore. Id tamen palam & in publico Partium confessu fieri debet.

19. In primo statim Partium congressu, nominentur duo ab vnaquaque parte Notarij, & ijdem à Legato Nostro Partiumq; Deputatis approbentur. Ipsorum erit munus, excipere calamo integrè & fideliter singula, quæ in singulis Actionibus & Sessionibus dicentur & agentur: quod bonâ fide se præstituros, palam promittent, interposito iuramento.

20. Quicquid sex illi Notarii, in quauis Actione vel Sessione scripto exceperint, totum illud ad finem actionis vel Sessionis Partibus præsentibus prælegatur, ab omnibus, tanquàm verè scriptum, ratum habeatur, à Moderatoribus Partium subscribatur, annulo sex Deputatorum obsignetur, & ad manus Legati Nostri tradatur, Nobisq; deinceps euulgandum reseruetur.

21. Durante negotio, nemo quicquam in vulgus scripto, vel typo spargat, aut aliò transmittat, siue narrando, siue disputando, siue quacunq; aliâ ratione de Rebus, Actis, Dictis, Legibus, Personis, Progressibus huius Tractationis differendo: Longè verò minùs obtrectando, carpendo, cauillando, aut quâuis aliâ ratione causam dando turbare, offensarû, irarum, & quorumuis disgustuum.

22. Eodem modo caueatur, ne vel in priuatis congressibus, vel in publicis ad populum sermonibus, vlla penitus mentio inferatur presentis Tractationis. Sufficit intimasse, DEVM vt omnes pro bono successu impensè orent. Longè verò minus tolerandæ erunt priuatæ in vulgo de Religione Concertationes & rixæ

23. Post absolutum negotium, nemo quicquam de habitis in eo Actionibus & Collocationibus in publicū scripto, vel typō edat, quousque Protocollum, vt vocant, ex voluntate & mandato Nostro in lucem prodierit. In Publicis autem sermonibus vel libris, non nisi honorificam totius Negotii, & Personarum, quæ interfuerunt, mentionem faciant.

24. Priusquam Partes Thorunio abeant, diligenter postremis Sessionibus Acta recolligant. Videant quid illud sit, quod maximè obfuit, & deinceps obesse possit optatissimæ Paci & Vnitati; Et quidquid illud sit, tantūne pondus habeat, vt tanto Nos debeat priuare bono; Quæ in re sollicitè & clementer hortamur, tum Legatum Nostrium, partiumq; Deputatos, & Moderatores, tum Collocutores Ipsos, vt cordatè introspiciant, quid in re tanti momenti vtiliter consuli statuiq; possit.

25. Toti Tractationi non aliter imponatur finis, quàm ex Vnanimi Consensione Partium. Quòd si Vna quæpiam Pars aliis contradicentibus recedere, & abire vellet, nequaquam id pro arbitrio facient, sed rationes suæ postulationis Legato Nostro, Partiumq; Deputatis, scripto porrigent, qui ex communi consilio, expensis hinc inde Partium rationibus, recognoscent, quid consultius sit, magisque conueniens? Et si visum fuerit, rem vniuersam ad Nos, per literas vel Internuncium quantociùs deferent, & ex Nostro deinceps sensu ac arbitrio de terminando, vel continuando, vel aliàs reassumendo Negotio decernent;

F V N C T I O.

D D. Deputatorum à quauis parte.

1. Deputati Partium sex esse debent in vniuersum. Duo Catholici, Duo Augustani, Duo Reformati, quorū hæc erit functio.
2. Adsint toti Transactioni, tanquam Testes agendorum & dicendorum omni exceptione Maiores.
3. Præsentia & autoritate suâ, in Publicis, Priuatisque Partium congressibus animos & Actiones Congredientium moderentur.
4. Priuatim vnusquisque suæ Partis, & potestatis Collocutores in officio contineat, obuiando inprimis strenuè, ne quis turbator, aliquid intentioni Nostræ contrarium, & negotio, bonisque Pacis progressibus perniciosum moliat.
5. Si quæ difficultas in ipso negotij decursu emergat, bonis & pacificis consilijs, à Legato Nostro requisiti, succurrant.
6. Impertinentes Homines à loco Confessus remoueri, & Plebem admonito & adhibito Ciuitatis Magistratu compesci curent.
7. Collocutores pro æquitate foveant.
8. Vrgeant & promoueant executionem eorum, quæ vel Nos sanciuimus, vel ex Partium Consensu sancita fuerint.

VLADISLAVS REX.

Locus
Maioris
Sigilli.

*Iacobus Maximilianus Fredro,
Referendarius Regni. m. ppria.*

Post

Post istorum omnium, quæ præcesserunt lectionem, sic Illustrissimus ac Reuerendissimus Dominus Episcopus Samogitiæ Catholicorum Theologorum Præses perorauit.



Acrosancta Romana Ecclesia, Mater omnium Fidelium, & Magistra, diuulsam penèque discissam Christiani nominis Vnitatem, semper gembunda desiderauit, & hæcenus desiderat, in integrum restitui statum. Paribus votis, Sacrum Prouinciale Concilium, non ita pridem in hoc Poloniae Regno celebratum, expetijt eiusdem restorationem, dieq; hodiernâ, ne dum huc congregatus, sed etiam vniuersus Clerus, & populus Christianus, quem S. R. Maiestatis Domini mei Clementissimi, complectitur Regnum, continuis precibus supplex à Supremo Numine exorat. Hæc vota Pacis, & sancta totius Cleri desideria, ipsius Numine imprimis recognosco à S. R. Maiestate Domino meo Clementissimo, omni studio, omni pietate ac diligentia, Sanctè promoueri: eoq; intuitu Amicum & beneuolum præsens colloquium, cum ijs, qui à Catholica vnitatem dissentiunt, saluberrimè à S. Prouinciali Synodo, esse institutum, zelosè & indefinenter instante S. R. Maiestate. Qua in re sollicitudinem S. R. Maiestatis Domini mei Clementissimi, iam susceptam & suscipiendam, Clerus Catholicus, quâ promptitudine ab initio excepit, eadem animi submissione in præsentem recipit; & hoc Sacrum de rebus Fidei Colloquium amplectitur, veneratur, & constanter aggredi cupit. Minimè diffidens, quod singuli nostrum, qui ad hoc Fratrum Colloquium promptis Animis, pleno, planeq; Fraternali affectu commeauimus pacis accurato studio, quantum nostrarum erit præsertim partium ac virium, S. R. Maiestatis Domini mei Clementissimi, expectationi & pacis desiderio respondere conabimur: veteribus Odijs semotis, nouisq; diffidentijs reiectis: ea nimium, quæ restitutioni Pacis hæcenus aduersari consueuerunt,

deuitantes : ea verò quæ ad redintegrandam Pacem publicam, sopiendâque Animorum dissidia disponunt, sectantes, pacificâ & Fraternali Actione pertractare enitemur. De cætero, Dominus, qui in medio nostrum præsens est, hæc vota atque Consilia Sacræ Synodi Prouincialis, hæc optata S. R. Maiestatis Domini mei Clementissimi, ad desideratum, suâ bonitate & misericordiâ perducatur exitum, diuturnam vitam eidem S. R. Maiestati, felicem omnium Actionum successum, in Republ. continuæ Pacis fructum, demum post fera fata nunquam finiendam largiatur securitatem.

Leetæ sunt deinde Literæ Missionis DD. Theologorum Catholicorum, Authoritate Illustrissimi Domini Archiepiscopi expeditæ, quarum tenor est.

MATTHIAS LVBIENSKI

**DEI & APOSTOLICÆ SEDIS GRATIA
ARCHIEPISCOPVS GNESNENSIS,**

Legatus Natus, Regni Poloniae

Primas, Primusq; Princeps.



Niuerfis & singulis, quorum interest, aut aliquomodo interesse poterit, potissimum ijs, qui ad Colloquium Fraternali, de rebus Fidei, Thorunij institutum, pertinere dignoscuntur, Salutem in Domino. Cùm Sacra Prouincialis Synodus, non ita pridem celebrata, sacram Ecclesiasticam Vnionem atq; Concordiam, in hoc Poloniae Regno, & annexis ei Prouincijs, læsam ac diuulsam consideraret;

nec

nec non continuis suspirijs supplicibusq; votis ac precibus, eiusdem restorationem à Supremo Numine exoraret, hoc salutare medium, & ad redintegrandam in negotio Religionis Publicam Pacem, conforme, Diuinâ concurrente gratiâ adinuenit; quod ex ipsismet Pacis & Tranquillitatis visceribus, est desumptum; videlicet Fraternalium & Charitativum Colloquium. Cui quidem Colloquio, Nos eiusdem Sacræ Synodi Auctoritate, vnanimi consensu, à Parte nostra præfecimus Illustrissimum & Reuerendiss. Dñum GEORGIVM TYSZKIEWICZ Episcopum Samogitiæ; simulq; ad tractandum hoc sacrum & necessarium opus, destinamus & destinatos esse declaramus, Theologos infra scriptos, videlicet:

A Sacra Regia Maiestate, R. P. PREMISLAVM RVDNICKI, Soc: IESV Rectorem Collegij Iarossauieñ & Sac: Theol: Professore, R. P. LAVRENTIVM PIKARSKI Soc: IESV Sac: Theol: Doctorem & Professore, R. P. GREGORIVM SCHÖNHOF Societ. IESV Sac: Thologie Doctorem & Professore.

Ex Archidioecesi Gnesnensi, R. P. DAMALEWICZ S. Th: Doct: Canonicum Regularem. R. P. BENEDICTVM BVLAKOWSKI Ordinis S. Francisci de Strictiore Observantia. Clarissimum Dñum BARTHOLOMÆVM NIGRINVM S. R. M. Secretarium.

Ex Dioecesi Cracouieñ, A. R. D. CHRISTOPHORVM SAPELIVM Sac: Theol: Doctorem Canonicum Cracouieñ. Adm R. D. IACOBVM VSTIENSEM S. Theol: Doctorem & Profess: Academia Cracouiensis, Prepositum Ecclesiæ Omnium Sanctorum ibidem,

Canonicum S. Floriani. Adm R. D. IACOBVM VITELLIVM Sac. Theol: Doctorem & Professore eiuſdem Academiæ, Canonicũ Eccleſiæ S. Floriani. R. P. HIERONYMV M A S. HYACINTHO Ordinis Carmelitarũ Diſcalc: S. Th: Doct: Eccleſiæ Cathedr: Cracouiẽ Ordinarium Concionatorem. R. P. ALEXANDRV M à PVERO IESV, eiuſdem Ordinis Sac. Theolog: Lectorem. R. P. STANISLAV M KRZYKOSKI Societatis IESV Theol: Profeſſ.

Ex Dioceſi Vladiflauienſi, Adm R. D. SEBASTIANVM GROTKOWSKI S. Theol: Doct: Archidiaconũ Vladiflauiẽ.

Ex Dioceſi Vilnenſi, Adm R. D. IOANNEM DAWGIALO ZAWISZA S. Theol: & I. V. Doctorem, S. R. M. Secretarium, Archidiaconum Vilneũ. R. P. THOMAM KLAGIV M Soc: IESV Collegij Nieſwiſiẽ Rectorem, & S. Th. in Academia Vilneũ Profeſſ. R. P. IOANNEM WOLKOWICZ Soc: IESV Theolog.

Ex Dioceſi Poſnaniẽ, R. P. NICOLAV M TRZASKOWSKI Soc: IESV S. Th: Profeſ: Illuſtriſſimi & Rẽdiſſ: Epifcopi Poſnaniẽ Theologum, & per Dioceſim Synodalem librorum Cenſorem.

Ex Dioceſi Plocenſi, A. R. D. PAVLVM POTRYKOWSKI I. V. Doctore, Canonicum Plocẽ, Archidiaconum Pultouiẽ. R. P. SIGISMVNDVM LAVXMIN Sac: Theol: Doctorem & Profeſſ: Collegij Plocẽ Rectorem.

Ex Dioceſi Varmienſi, A. R. D. FRIDERICVM MEYBOHM S. Theolog: Doctorem, Archiprebyterum Elbingenſem. R. P. IOANNEM RYWOCKI Soc: IESV Collegij Brunsbergen Rectorem.

Ex Dioceſi Samogitiæ, A. R. D. NICOLAV M BLASZKOWSKI S: Th: Doct: Cuſtodem Samogitiæ, Scholaſticum Vendeũ, R. P. ADAMVM SOBOLEWSKI Soc: IESV, Illuſtriſſimi & Rẽdmi D. Epifcopi Samogitiæ Theologum.

Ex Dioceſi Culmenſi, Adm R. D. ANDREAM KESLER I. V.

I. V. Doctorem. Adm R. P. FABIANVM MYSLINSKI Ordinis Præ-
dicatorum, Sac: Theol: Doct: Priorem Conuentus Thorunien.

Dantes præfato Illustrissimo ac Reuerendiss: Dño
Episcopo, plenam & omnimodam potestatem, ex ijs-
dem Theologis alios in Collocutores, alios in Subsidia-
rios, Notarios, Secretarios, & alios Officiales, ad hunc
Colloquij Actum necessarios assumere, & instituere;
aliaq; quæ negotium huiusmodi concernunt, faciendi,
gerendi, & exercendi, &c. &c. In cuius rei fidem, &c.
Louicij vi. Mensis Iulij Anno 1645.

MATTHIAS LUBIENSKI
Archiepiscopus Gnesnensis m. p.

*Secuta est Oratio Illustrissimi Domini ZBIGNEI de Goray
GORAYSKI Castellani Chelmenfis à S. R. Maiestate Præsidis,
nomine Partis Reformatæ.*

Illustrissime Domine LEGATE.



Illuxit tandem, illa bonis omnibus desideratissima dies,
cui iure meritissimo illud optari potest Hæc est Dies
quam fecit Dominus! illuxit, inquam, non tam ordi-
nario solis lumine illustris, quàm imperscrutabilis &
admirandæ Diuinæ providentiæ fulgens radijs. Quorum potenti
influxu, Deus Ter Opt. Max. gloriosi Vncti sui, Serenissimi ac Po-
tentissimi Regis Nostri, sacrum Cor, magno impleuit pacificæ pi-
etatis calore. Hoc auspicio, etiam in hoc præsentis conuentu S. R.
Maiestas Dominus Noster Clementissimus, sacro pectore suo ex-
citatum diuinitus excutit ignem, vt gratissimum & suauissimum
Amoris mutui, inter Christianos excitet incendium. Reflectit
ab exçello Maiestatis Sux Throno, has flammæ; non vt inflam-
met,

met, sed vt feliciter consolidet enorme corpori Christianitatis inflic-
tum vulnus. Ita ferit, vt etiam cicatricem deleat, imò vt af-
fucto Triumphis lacerto suo Regio, Discordiam populorum vno
conficiat ictu, quæ non iam per interualla, & spiramenta tempo-
rum sed continuo, ferè totum, vt concutit, ita deuastat Orbem.
Exoptabant videre hunc diem Maiores Nostri, tum & nos posteri
illorum, quo possimus aliquando audiri & euincere, nec illos, nec
nos, ne cogitatione quidem, voluisse à Comuni Sancta Matre,
verè Catholica Ecclesia (quam in communibus profitemur Sym-
bolis) discedere, neque ab illa vnquam secessisse. Imposuit ergo
S. R. Maiestas Dominus noster Clementissimus, tot annis calen-
tissimi nostri desiderij hanc magnam diem: impleuit vota nostra;
ita vt ex copia tanti beneficij, magnam verborum patiamur ino-
piam. Proinde ac si vereamur, nè magnitudinem gratiæ, tenui-
tate verborum, imminuere videamur, quæ potius verecundo ve-
neranda esset silentio: tamen vt ingratitudinis deuitemus notam,
quas possumus, maximas S. R. Maiestati Dño N. Clementissimo
& Patri Patriæ suauissimo agimus gratias; simulq; pollicemur,
nos vltimam vsq; sanguinis guttā, tum & exilitatem facultatum
nostrarum Incolumitati & Dignitati S. R. Maiestatis, prout debe-
mus, alacriter impensuros. Protestamur etiam, nos omnem in
amore veritatis candorem, ad hoc sacrum adferre negotium;
hunc solum præfigentes huic glorioso proposito scopum, vt Pax
& Veritas, sancto & indissolubili vinciatur nexu. Voto hoc tandem
& sincerâ deuoti cordis Acclamatione, Regem & Dñum nostrū
Clementissimū, tanquā salutare Orbis & Patriæ veneramur sydus.
Constantino Sarmatico, Augusto, vita & salus; Constantinū Sar-
maticum Deus seruet in multos annos: Constantino Sarmatico,
triumphi sine exemplo; gloria sine fine, & prosperrimi in hoc Au-
gusto negocio successus; vt totū hoc, quod sublimi Regio incepit
conatu, vergat & perducatur ad maioriē Dei gloriā, & magnū Orbis
totius Christiani & Patriæ nostræ emolumentum.

O R A T I O.

D. IOANNIS HÜLSEMANNI *Sac. Theologiae Doctoris & Professoris Wittemberg: & Ecclesiastæ, Nomine Partis Augustanæ.*



Acratissimam Regiam Maieſtatem, Sereniſſimi & Potentiſſimi Principis ac Domini D. VLADISLAI IV. Regis Poloniae, Magni Ducis Lithuaniae, Ruſſiae, Pruſſiae, Maſouiae, Samogitiae, Liuaniae, Seuerienſis, Smolenscenſis, Czerniechouienſis, &c. nec non Suecorum, Gothorū, Vandalorumq; Hæreditarij Regis, Domini ac Protectoris noſtri Clementiſſimi, animum ſuum verè Regium, victorijs trophæiſq; populorum innutritum, ad Religionis diſſidia componenda applicuiſſe, Regumq; ſolemnibus ſtudijs tantisper quaſi ſubduxiſſe ſe: id verò eſt Princeps & Cancellarie Illuſtriſſime, Reuerendiſſime, Illuſtres, Generoſiſſimi, & Magnifici, Regijq; Præſides, Dñi Benigniſſimi, quod tanquam coelitus ad ſe demiſſum, atq; incomparable beneficium humillimè agnoſcunt & deprecant, Generoſi ſtatus, ampliſſimarum item Urbium Delegati, primam puramq; illam Auguſtanam Confeſſionē die 25 Iulij, ſuperioris Sæculi Anno 1530. Inuiſtiſſimo Imperatori, eiufq; glorioliſſimæ recordationis Carolo V. exhibitā, in Maiore & Minore Polonia, Magno Lithuaniae Ducatu, & Regali Pruſſia Proſitentes: Tantum, inquam, beneficium, quo maius homines hominib⁹ impertiri non poſſunt, hoc eſt, tot populorum gentiumq; gemitibus & votis expetitur remedium, atque vnica panacea mitigandarum adducendarumq; Chriſtianarum mentium in vnum quaſi horizontem dogmatum ad credendum diuinitus præceptorum & officiorum mutuo exhibendorum, vel ſaltem ad inflectendos tetricos illos Chriſtianorum aſpectus, vt mutatis tandem quadratis oppoſitiſq; vultibus, ſaltem per ſextiles & trigonos ſeſe incipiant mutuo contueri, qui hoſtilibus ſagittis, certe à Regula Chriſtianæ Charitatis non raro
ab lu-

abludentibus, hæcenus sese mutuum impetiuerunt; hoc est, quod prædicti status, vrbiumque Deputati, pro ligno vitæ habent, abolituro etiam inueteratos animorum morbos, abstersuro inolitas illas affectuum Amaritudines, vitamque inter Ciues pacatiorem conciliaturo. Venit nempe illis in mentem, versauit, depressit & attulit animum, Salomoneum illud, *Spes, quæ differtur affligit animam*, *Prouerb. 13. v. 12.* sed lignum vitæ est (lignum plurium vitarum ex indole sermonis sacri) desiderium veniens. Affixit Christianorum Animas, iteratus quidem sed irritus tamen medendi conatus, sub Carolo V. Ferdinando I. Maximiliano II. Rudolpho & Matthia Gloriosissimis Romanis Imperatoribus, nec non Diuo SIGISMUNDO Augusto Poloniae Rege laudatissimæ memoriæ, afflixit, inquam, assumptus & reassumptus, sed spe suâ deicius medicandi nifus. Nunc, cum gloriosissimus Rex, & felicissimæ suæ gentis Salomon VLADISLAVS IV. desiderio Christianæ plebis, non nihil protracto, tandem satisfacere cœperit, quas meritis poterunt tantis impendere grates? quam vt sublati in Cælum palmis à Salomone mutuentur quod Salomoni suo nuncupent: Deus da iudicium tuum Regi *Psal. 72.* & iustitiam tuam filio Regis, vt iudicet populum tuum in Iustitia, & pauperes tuos in iudicio. Assumant montes Pacem populo & colles iustitiam. Domine in fortitudine tua lætabitur Rex, & super salutare tuo exultabit vehementer. Desiderium cordis eius tribuisti ei, & voluntate labiorum eius non fraudasti eum semper. Quoniam præuenisti eum in benedictionibus bonitatis, pones in capite eius Coronam de Obrizo, pones eum in Benedictionem sempiternam, exhilarabis eum lætitia apud vultum tuum. Fiat, fiat.

Quemadmodum autem ad Dauidem, pariter & Salomonem, certatim atque agminatim confluabant tum indigenæ, tum exteri; ita promulgatâ gloriosissimi Regis VLADISLAI Epistola inuitatoria, mirum quantus vbique ardor subditorum pariter atque

atque exterorum animos incesſerit, præueniendi vultum Auguſtiſſimi Regis in benedictionibus, & vel ante ſolis ortum com-
parendi; tantum atque vnicè vt oſtendant ſe eſſe populum illum
Nadaboth ſpontaneum, liberalem, liberamque ſobolem, quæ
victori V L A D I S L A O liberaliter & in ſplendoribus Sancto-
rum ſeruitura ſit, in die ſortitudinis ſuæ. Reliquum eſt vt veſtræ
quoque Celſitudini, atque Illuſtribus Generoſitatibus, Illuſtriſſime,
Reuerendiſſime, Illuſtres, Generoſi, & Magnifici, Regiique Præ-
ſides deuotas, & quantum eniti poſſunt ſummas maximasq; agant
gratias, memorati ſtatus Regni, Prouinciarumque & Urbium De-
putati, ob elocatum impenſumque in Rempubl. (quid Rempubl.
dico?) in vniuerſam Chriſti Eccleſiam, tamque præclarum, nul-
laque vnquam ſæculorum vetuſtate oblitterandum veſtrum ſtu-
dium. Quod, vti nunquam in poſterum abs ſe abiturum ſibi
promittunt, factæque propoſitionis Regiæ Authenticam copiam
reuerenter petunt, ita fatentur ingenuè non eſſe opus, ſuæ vt Cel-
ſitudini atque Illuſtribus Generoſitatibus Veſtris æquiualens iu-
ſtumque laboris precium reddere poſſint. Recipiunt tamen
Sanctæque pollicentur, ſe impetraturos apud D E V M, vt quemad-
modum Auguſtiſſimi Regis V L A D I S L A I IV. pietatem in
Conſtantini, Valentiniani, Theodoſij, Martiani, Caroli M. Bole-
ſlaorum & Iagellonis, pientiſſimorum Imperatorum ac Regum
faſtos cenſusq; , haud dubiè relatura eſt poſteritas: ſic Veſtra quoq;
nomina Frumentiorum, Ædeſiorum, Bacuriorum, Marcellinorū,
Bonifaciorum, aliorumq; pientiſſimorum Comitum, & Procon-
ſulum encomijs exornet & proſequatur: Cæterum præſentes no-
ſtri Patroni, & Urbium Deputati, non negligent cum nomina,
tum numerum Theologorum, ad hoc Colloquium abs ſe addu-
ctorum, tum etiam futurorum Collocutorum, tum etiam Nota-
riorum, craſtinâ die Illuſtriſſimo Domino Legato, & Præſidibus
edere atq; inſinuare.

Hac finitâ oratione, subiunxit idem D. Hülsemannus, se loco Literarum fiducialium, prouocare ad DD. Patronos suos presentes, qui ipsum huic Colloquio sistunt.

Sessio indicta ab Illustriss: D. Legato in horam octauam sequ: diei.

S E S S I O I. Vigestimâ Nonâ Augusti.

In hac Sessione, DD. Catholici, Conditiones pro prima Actione, quæ quidem DD. Reformatis eadem die ab illis exhibitæ sunt Illustriss: D. Legato insinuarunt; DD. verò Augustanis non nisi die 31. Augusti, & sunt istæ.

C O N D I T I O N E S

Propositæ à Catholicis pro prima Actione:

1. **V**T hac Primâ Deliberatione; DD. Dissidentes de illis solis conditionibus vel legibus, agere velint, quæ se extendant ad solam primam Actionem à S. R. Maiestate requisitam, id est, ad liquidationem Doctrinæ.

2. Vt publicè contestari velint, tam incolæ Regni quàm extranei, se omnia integrè & fideliter seruaturos, quæ S. R. Maiestas obseruari voluit, non tantùm quàm diu intra fines Regni Poloniæ constiterint, sed etiam eiusdem Regni limites excesserint; præsertim, quoad ea, quæ concernunt publicam Scriptorum & librorum euulgationem; Et pro extraneis faciant cautionem Incolæ Regni.

3. Vt post acceptam à nobis, candidam & apertam Doctrinæ nostræ Catholicæ Declarationem, palàm & publicè recognoscât, tanquam verè nostram; & deinceps nihil aliud nobis imputent, vel adscribant, nec imputari vel adscribi inter suos patiantur.

4. In congressibus, statim ybi moniti fuerint, ad rem accedât,
non

non præmissis vllis omninò præfationibus, ingressionibus, allocutionibus, & similibus, quibus cursus rerum retardari possit.

5. Ad vitandam confusionem, in Colloquijs, quibus agendum erit de Puncto Doctrinæ, in quo conuenit Augustanis & Reformatis, non plures Collocutores deputentur quàm duo, qui agant pro parte utrâque.

*Subscripta sic: Georgius Tyſkiewicz Episcop. Samogitiæ
Præsident Theologorū Catholicorū m. p.*

*In eadem Sessione, imò & hora, exhibita sunt Illustrissimo Domino
LEGATO, postulata & desideria quædam DD. Reformatorum, quorum tenor est.*

P O S T V L A T A

Ratione normæ, & requisitorū Colloquij præsentis.

1. **A**B inuocatione Spiritus Sancti, ordiantur Actiones, & cum laudibus nominis Diuini concludant.

2. Vt ex iustis, certis, infallibilibus, communibusq; principijs procedatur; pro Regula, Norma, Amussiq; sit nobis Scriptura S. rectè secundum Fontes Hebræos, Græcosq; versa, & iusto debitoq; modo intellecta seu explicata.

3. Ad illustrationem locorum seu Dictorum Scripturæ, quæ vel obscuritatis, vel ambiguitatis aliquid habere videbuntur, admittatur quoq; piæ vetustatis, sæculorum primorum trium post Apostolos testimonium; pro certo tamen & indubitabili non habeatur, nisi ex genuinis, indubitatis, & incorruptis documentis erutum sit; & consensu manifesto, atq; demonstrato roboratum compareat.

4. Quidquid vel diuinarum literarum Dictis, vel primæ Antiquitatis testimonijs, probationis ergo admittendum fuerit, id probationis vim habeat, vel ex verborum ipsorum ad thesin propositam congruentia; vel ex verborum phrasiumque, seu Dictionū

manifesta, & euidenti in sensu æquipollentia; vel ex certa, bona, & aperta Consequentia.

5. In Probationibus obseruetur forma Rationalis, qualis locum habere intelligitur in ijs, quæ vel per testimonia, vel per ratiocinationes, & argumentationes probari solent.

6. Ad probandum obligatus ille necessario tantum censeatur, qui, quod affirmat, ab alijs necessario credendum, agnoscendumq; & tenendum statuit.

7. In Responsionibus & Refutationibus, directa ratio teneatur, vt quod negandum venit, negetur; non per distinctiones quasdam imperceptibiles, aut nullo modo probabiles probationes, seu Argumenta elidantur.

8. Alternationes inter Collocutores, iuridico modo congruant, vltra tamen triplicem non procedatur; cum res ad tot gradus deducta satis patere queat.

9. Quæ Pars id quod affirmat in probando, & ab aduersa Parte sanctè credendum approbandumq; censet, deficere fuerit deprehensa, agnoscat se id alteri non obtrudere posse; multo minus, eam, propterea condemnare, aut Hærescos, vel Anathematis ream pronunciare.

10. Vt inter Partes De Titulis, quibus Colloquentes inter se vti debeant, conueniat.

Subscripsit Ioannes Bithnerus super- Attendens Ecclesiarum Maioris Poloniae Reformatarum, & Collocutorum à Parte Reformatorum Præses.

Sequuntur Desideria DD. Deputatorum ex Parte Reformatorum.

DESIDERIA NOSTRA.

Circa Serenissimæ Regiæ Maiestatis Præscriptum Instructionis seu Manuductionis De Ordine & Modo in Colloquio tenendo.

Quod

QUOD S. R. Maiestas monet, de Binis Collocutoribus, ut solis illis in congressu interloqui liberum sit, desideramus hoc etiam addi, ut, antequam ad Proposita respondeant, imò etiam in ipso Actu Collationis, temporis aliquid iisdem concedatur, ad sententiam Collegarum suorum ante exquirendi, adeoq; nil, nisi ex eorum consilio, & consensu reponendi.

De Protocolis id desideramus. 1. Ut singularum Confessionum Collocutores, singula etiam obtineant exemplaria, subscriptionibus sigillisq; Præsidium, utrorumq; tam Regionum quàm à Consensu delectorum communita. 2. Ut peracto Colloquio Protocolla eadem, intra semestre, in publicum edantur.

De solutione Colloquij desideramus, ut absoluator illud, atq; ad finem, quem iam sub præsentè statu cum Deo bono sortiri poterit, intra Hebdomadarum quatuor intervallum deducatur, quo exacto ex S. R. Maiestatis voluntate & præscripto dimissio fieri queat.

*Subscripserunt. Zbygneus de Goray Gorajski Castellanus.
Chelmenfis M. ppria.
Stanislaus Drohojowski M. ppria.*

His peractis, cum è priuatis conclauibus egressi, in Aula maiore Thoruniensis Prætorij, in præsentia Illustrissimæ D. Legati, & Illustrissimorum ac Magnificorum DD. Deputatorum, DD. Collocutores consedisent, Hymno Veni Creator Spiritus, Versiculoq; & Oratione, De Spiritu S. Ab Illustrissimo & Reuerendiss: Dño Catholicorum Theologorum Præside (quem omnes alij præsentès voce & genuflexione secuti) præmissis: unaquæq; Pars, electos pro connotandis fideliter Actis, ad præstandum iuramentum præsentauit. Ex parte Catholicorum electus Adm. R. D. FRIDERICVS MEYBOHM Archipresbyter Elbingensis, & R. P. THOMAS KLAGIVS Soc: IESV Rector Niesuisiensis, in manibus Illustrissimæ & Reuerendiss: D. Præsidis sui, ad
D 3
sancta

sancta Dei Evangelia; Ex parte profitentium Augustanam Confessionem, D. M. IOACHIMVS GÖBELIVS Pastor Vilenfis, & D. M. IOANNES HOLFELDIVS Pastor Lesnensis. Ex parte Reformatorum, D. CHRISTOPHORVS PANDLOWSKI Delegatus ex Districtu Belsensi, & D. BENIAMIN VRSINVS Delegatus ex Maiore Polonia, in manibus Illustrissimi D. Legati S. R. Maiestatis, corporale Iuramentum præstiterunt. Cuius Tenor est. Ego N. N. ea omnia, & singula, quæ in singulis præsentis Colloquij Actionibus dicentur, & agentur, fideliter connotabo, & in debitam redigam formam, nihil addam vel minuam, quod rei substantiam possit immutare. Durante Colloquio omnium trium Partium Acta eiusdem, nec verbo, nec scripto, nec typo, nec alio quouis modo diuulgabo. Sic me Deus adiuuet & hæc sancta Dei Evangelia.

Post hæc D. Magister Göbelius, nomina Theologorum & Collocutorum ex parte Augustanorum publicè recitauit in hunc modum.

CATHALOGVS THEOLOGORVM

Ecclesiarum, Maioris Poloniæ, Magni Ducatus Lithuaniae, in specie, Vilenfis & Caunensis, nec non Ecclesiarum Thorunienfis, Elbingensis, Gedanensis, Mariaburgensis, Thorunij iam præsentium.

1. IOANNES HÜLSEMANNVS S. Theologiæ Doct. P. P. & Ecclesiastes in vniuersitate Vitembergensi. 2. IOANNES BOTHSAECVS S. Theol. Doct. & Pastor Ecclesiæ Parochialis Marianæ apud Dantiscanos. 3. ABRAHAMVS CALCVIVS S. Theol. Doctor, eiusq; Professor P. Gymnasij Rector ad S. Trinitatem Inuariatæ Confessionis Augustanæ Pastor apud eisdem. 4. PETRVS ZIMMERMANVS Senior Ministerij Thorunienfis. 5. Magister BALTHASAR VOIDIVS Senior Ministerij Elbingensis. 6. IOANNES MÖCHINGERVVS ad B. Catharinæ Aedem Pastor & Eloquentiæ P. in Gymnasio Dantiscano. 7. Magister IOANNES FABRITIVS Ecclesiæ Bartholo-

tholomæitanæ Pastor apud eosdem. 8. NICOLAUS NEVSERVS
 Pastor Neopolcos Thorunij. 9. DAVID HOLSTIVS Pastor Elbin-
 genfis. 10. Magister IOACHIMVS GÖBELIVS Pastor Germ Eccles:
 Vilnen: inuariatâ Augustanam Confessionē profitentis, Scholæq;
 inspector. 11. Magister IOANNES HOLFELDIVS Ecclesiæ Lesznen-
 sis Inuariatæ Augustanæ Confessionis Pastor, & Ministerij eius-
 dem Confessionis in Minori Polonia Consenior. 12. Magister
 HENRICVS RVHELIVS Pastor Ecclesiæ Suercensis, Inuariatæ Au-
 gustanæ Confess: P. & Minist: eiusdē Confess. in Maiori Polonia
 Consenior. 13. MICHAEL SCHELLENBERGERVS. 14. MI-
 CHAEL BRICHNERVS, Symmistæ Thorunien. 15. IOANNES PVDO-
 RIVS Pastor Augustanæ Confessionis Strasburgenfis

Quod si plures Theologi Augustanæ Confessionis accesserint,
 vt certa spes est, accessuros ex Ducatibus Prussiæ & Curlandiæ ex
 illorum numero etiam hic numerus augendus erit.

Interea pro Collocutoribus in futuro Colloquio deputantur
 sex sequentes. 1. IOANNES HÜLSEMANNVS Sacræ Theol. Doctor.
 2. IOANNES BOTSACCVS Sacræ Theol. Doctor. 3. ABRAHAMVS
 CALOVIVS Sacræ Theol. Doctor. 4. PETRVS CIMMERMANVS.
 5. IOANNES MOCHINGERVS. 6. Magister IOANNES FABRICIVS.

Sed cum expresso hoc referuato. 1. Vt Aduentantibus pluri-
 bus August. Confessionis Theologis, numerum istum senarium
 non solum augere, sed etiam præsentibus Collocutoribus, vni vel
 pluribus alijs substituere liceat. 2. Durante numero senario
 Collocutorum August. Confess. etiam numerus Collocutorum
 ex parte Catholicorum intra senarium constituatur, quoties cum
 August. Confess. Parte agendum est.

Nomina Theologorum Partis Reformatæ sunt ista.

NOMINA THEOLOGORVM

Ex parte DD. Reformatorum

Ad Colloquium Charitativum Thoruniense Delegatorum.

A Serenissimo ELECTORE Brandenburgico, IOANNES BERGIVS Sac: Theologiæ Doctor, Consiliarius Electoralis, Ecclesiastes Aulicus. FRIDERICVS REICHELIVS Sac: Theologiæ Doctor, & in Academia Francofurtana Professor Publicus.

Ex Maiori Polonia, IOANNES BYTHNERVS Superattendens Ecclesiarum Reformatarum Maioris Poloniæ, & Theologorum partis Reformatæ Præses. GEORGIVS VECHNERVS Sac: Theologiæ Doctor. IOANNES COMENIVS Senior. IOANNES FELINVS Cōsenior. BENIAMIN VRSINVS Delegatus & Notarius præsentis Colloquij ex parte Reformatorum. GEORGIVS GLENIG.

Ex Minori Polonia, THOMAS WEGIERSKI Superattendens Ecclesiarum Reformatarū Minoris Poloniæ. PAVLVS BOCHNICIVS Ecclesiarum Districtūs Russiæ Senior. ALBERTVS WEGIERSKI Districtūs Cracouiensis Senior. ANDREAS WEGIERSKI Districtūs Lublinensis Senior. GEORGIVS LÆTVS Districtūs Russiæ Conf: SAMVEL PLACHTA District. Russiæ Confenior. CHRISTOPHORVS PANDLOWSKI Delegatus District. Belzen. & Notarius præsentis Colloquij à Parte Reformatorum. IOANNES LÆTVS Districtūs Cracouiensis Delegatus. DANIEL STEPHANVS Districtūs Sandomiriensis Notarius.

Ex Magno Ducatu Lithuanix, NICOLAVS WYSOCKI Ecclesiarū District. Podlachiæ Superattendens. ANDREAS MVSONIVS Ecclesiarū District. Nouogrodien Superattendens. REINOLDVS ADAMI V. D. M. Aulæ Radziuilianæ à Sacris, & Scholarum M. D. L. Visitator. APOLLOS STYRZYNSKI Pastor Eccl: Wegrouiē.

Ex Borussia, IOANNES CÆSAR ab Illustrissimo Dño Palatino Pomeraniæ Delegatus. IOANNES EPISCOPIVS Illustrissimo Dño Pala-

Palatino Pomeraniæ à Sacris, ab eodemq; Delegatus. DANIEL
KOPECKI Illustr: Capitanei Stumen Concionator Aulicus.

Beniamin Vrsinus Notarius
Partis Reformatæ m.p.

Tandem cum DD. Augustani iuxta Instructionem S. R. M. pro
prima Actione, Conditiones nullas hac Sessione redderent, ob infirmi-
tatem Illustris ac Mag: D. Guldensternij, à S. R. M. ex parte August:
Deputati, Illustris: D. Legatus causam hanc iustam esse admisit, &
declaravit, Sessionem soluit, futuroq; Conuentui horam octauam in
crastinum assignauit.

Accesserunt postea Theologi Augustanæ Confessionis.

LEVINVS POVCHENIVS Sac. Theol. Doct. & Profess. Publicus
in Academia Regiomontana, & Electoralis Aulicus Ecclesiastes.
MICHAEL BEHMIVS Sac. Theol. Doct. & Profess. Pub. ibidem.
CHRISTIANVS DREIERVS S. Th. Doct. & Profess. Pub. ibidem.
M. PAVLVS EINHORNIVS Pastor Germanicus Mitouien & Superin-
tendens Ecclesiarum Curlandiæ. M. HERMANNVS TOPPIVS Pastor
Derbanen Curlandicus. SEVERINVS ROSENTRETTERTVS P. Eccles.
Graudentinæ. IOANNES MÜLLERVVS Pastor Ecclesiæ Dirschauien.
IOANNES RVNDORFF Pastor Starogarden & Rauden. Eccl. IOANNES
MALENDORFF Pastor Meuen. MICHAEL FVSIVS Pastor Schöneceen.
M. GEORGIVS HISCVS Pas. Fridlanden. GEORGIVS MELCHIOR GER-
HEVSERVS Pastor Coniceen. SAMVEL HENTZKOVIVS Pastor Ecclesiæ
Hammersteinensis.

Trigesimâ Augusti.

Sessio nulla fuit ex eo quod Illustrissimus Dominus Legatus, ad
Postulata DD. Augustanorum, in trigesimam primam Augusti disse-
rendam censuisset.

SESSIO II.

Trigesimâ primâ Augusti

In hac Sessione DD. Catholici Postulatis & desiderijs DD. Reformatorum responderunt in hunc modum.

Responsum ad Postulata DD. Reformatæ Ecclesiæ.

Quoad Primum, Factum iam est, & deinceps fiet.
Quoad 2. 3. 4. 5. 6. 7. 8. 9. agendum erit, cum ad secundam Actionem, iuxta S. R. Maiestatis instructionem, ventum fuerit.

Quoad 10. Dabuntur Tituli, quos tum S. R. M. in Instructione & literis suis, tum ipsa pars insinuat, videlicet, DD. Collocutores.

Ad Desideria, quoad 1. Satis prouisum est, omni periculo in ipsa S. R. Maiestatis instructione & 18.

Quoad Protocolla. Non est res nostri Arbitrij; cum, S. R. Maiestas in sua Instructione, palam suam voluntatem patefecerit.

Quoad Dissolutionem Colloquij, standum putamus voluntati S. R. Maiestatis in literis, in hunc modum expressæ: Meta Colloquij, aut citius occurret, si vacuo hoc tempore plus disceptationis, & inutilium tricarum sepositum fuerit; aut poterit proferri, ut ad instruendum labori veritatiq; amplius aliquantum liceat.

Subscriptum. Georgius Tysskiewicz, Episcopus Samogitiæ
vni Præsident Theologorū Catholicorū, m.p.

In eadem Sessione, oblatae sunt Conditiones Præliminares, ab ijs qui Augustanam Confess. profitentur, quæ tales fuerunt.

CONDITIONES PRÆLIMINARES

Quas ad ineundam & prosequendum Colloquium Charitativum, in Vrbe Thorunienſi iam institutum, cum debita Reuerentiæ præfatione, petunt Proceres & Theologi presentes, Absentiumq; Deputati, Inuariatam Augustanam Confessionem professi.

I. Ini-

30

1. Initio ea omnia, quæ S. R. Maiestas, in literis Vniuersalibus & responsorijs Conuentui Orlensi datis, ex paterno prorsus Affectu, vereq; Regio Iudicio definiuit, promisitq;, & sanxit, humillimo obseruantia cultu amplectimur; ijsq; in vniuerso hoc Negotio confidenter innitimur.

2. Quocirca solenni protestatione, illud præcauemus, 1. Ne comparitio hæc nostra alio vnquam nomine habeatur, aut allegetur, quàm quæ in Honorem S. R. Maiestatis, & ex subiectissima Deuotione, assurgendi sanctissimo suæ Maiestatis Zelo præstetur. 2. Vt nihileorum, quæ in Præsenti Colloquio suscipiuntur, vlllo pacto in præiudicium Confoederationum, Priuilegiorū Immunitatum, & libertatis nostræ iurium, & comprimis liberi Religionis Inuariatæ Augustanæ Confessionis exercitij sanctissimè confirmati, trahatur. 3. Minimè etiam Acta & actitata huiusce Colloquij, alijs cuiuscunq; Partis Ecclesijs, vlla præiudicij specie, quidquam derogatura, aut easdem vllatenus prægrauatura. 4. Excludendâ adeo ab hoc Charitativo Colloquio, quoad Partes, earumq; Assistentes & gesta, ex eodem enascitura, omnem Iurisdictionem, tam Ciuilem quàm Ecclesiasticam; ne siue nunc, seu vnquam vlla Actio institui, aut citatio decerni in eas, vel eos queat, qui ad hoc Colloquium accesserunt.

3. Porrò rogamus, ea quâ par est reuerentiâ; tradi hinc inde à Partibus mutuas assécurationes, quibus sanciat, omnem de cætero Sessum Indictionem, consensu partium definiendam esse, omnemq; Actionem prosecutoriam Colloquij fore irritam, cuius institutioni, deest de præsentieuidens æqualitas Præsidum, Collocutorum, & Notariorum, siue etiam securitatis, libertatis, & loci ad proponendum, declarandum, defendendum, excipiendum, opponendum, negandum, replicandum, duplicandum, triplicandum, quadruplicandum, reassumendum, reuidenda & conferenda Protocolla &c. Quantum Partes ipsæ, & vna quælibet earum, necef-

sarium iudicabunt, adeò vt per enumeratos defectus, cùm vniuersos, tum singulos, tota actio suspendatur.

4. Nihil omnino admittendum erit in Colloquio Charitativo, quod alicuius imperij, & ab vlla in alteram partem sibi arrogatæ Superioritatis speciem præferat.

De cætero circa Scopum Attendimus.

Post certificationem Diuinæ veritatis, de credendis & faciendis, Pacem & Concordiam Ecclesiasticam inter Dissidentes Regni Ciues, vnicè ac religiosissimè respiciendam esse. Quæ autem media ad hunc Scopum non videantur facere, ea communi Partium consensu ab Actione remouenda esse.

2. Circa Processum.

Et Quidem formandum Controuersiæ statum.

1. Non videtur expedire, vt sub ingressum Colloquij, status omnium Controuersiarum, de omnibus & singulis Articulis Fidei, simul & semel formetur, & ad disputandū exponatur. I. Quia directè non influit in Scopum vnionis à S. R. Maiestate intētum. 2. Est contra naturam transactionis, qualis non semel ab altera parte desideratur; nec enim solent in transactionibus cumulari quæstiones controuersæ simul & semel, sed ab vna & altera Principaliiori proceditur ad alias, & attenditur, quousque in vna vel altera promoueri negotium queat.

2. Si tamen vrgeamur synopsis Controuersiarum simul & semel edere, oportebit DD. Catholicis initio explicare, in quibus Articulis petant Augustanæ Confessionis consensum? quia sunt primi inuitantes ad Transactionem. Quapropter æquum est, ipsos facere initium determinandi Articulos, circa quos consensum nostrum expetant; quot, qualesq; Articulos Fidei, pro suis habeant: Cum primis, quia aliunde numerus Controuersiarum præsumi non potest, quàm ex præsentī dinumeratione. Quandoquidem
non

non satis constat vtrum controuerfarum Quæſtionum numerum ab Italis, Hiſpanis, Gallis, Belgis, Germanis determinatum rati habeant Poloni? neq; etiam Scriptores harum terrarum, per quos iſte numerus definitus fuerit, nobis in promptu ſint: Nec deniq; conſtet, vtrum reſtringant, numerum Quæſtionum controuerſarum, & veritatum Theologicarum, ad Definitionem Concilij Tridentini, iuxta interpretationem celebriorum Scriptorum è Soc: IEſv, quam vocant.

3. Quoad noſtram Sententiam attinet, prouocamus ad Inuariatam Auguſtanam Confefſionem, ſpondemusq; poſtquam DD. Collocutores Catholici, omnes & ſingulos Articulos affirmatiuos & negatiuos, Fidei & morum, diſertè nobis explicuerint, nos ſecundùm tenorem Auguſtanæ Confefſionis, noſtram quoq; Sententiam de ſingulis expoſituros.

4. Medium probandi quid vtrinq; controuerſum ſit, aliunde ſumendum non eſſe iudicamus, quàm ex ſymbolicis ſcriptis, Confefſione vtriuſq; Partis talibus, quod ſint ſymbola conſtitutiua, & diſcretiua dogmatum diuerſorum & cætuum. Præſertim cùm ipſa Sereniſſimi Regis Inſtructio, optet, ſtatim magno ſtudio colligi, ex vnanimi Confefſione Partium ea, quæ verè & contradictoriè pugnantia ſint.

5. Quemadmodum neq; Affirmatio, neq; Negatio Poſitionũ, ab alterutra Parte in hoc Colloquio afferendarum præiudicare poterit, cæteris alterutrius Partis Affeclis, per vniuerſum Orbem: ſic neq; numerus Quæſtionum deinceps controuertendarum, qui eoſdem extra vel intra hoc Regnum obliget, in hoc Colloquio determinari poterit, ita quidem vt partes in has anguſtias conſtringantur, ne vllò vnquàm tempore, quidquàm extra vel præter has determinationes indubium vocare audeant.

3. Circa Inquiſitionem Veri & Falfi.

1. Ab inquisitione veri & falsi Theologici, vix poterit omnis disputatio arceri: præsertim ad sensum testimonij Diuini, quo Positio aliqua probatur, vel improbat, vindicandum: Itaq; citra Disputationem, vel expressè Syllogisticam vel Enthymematicā, inter partes Colloquij feliciter procedi vix poterit.

2. Proponens affirmatiuas de supernaturalibus veritatibus, seu Rebus Fidei, tenebitur, & iure Diuino & æquitate naturali, probare eas, ex Principijs quæ nostræ Propositionis homogenea sunt, id est, ex solo verbo Dei scripto.

3. Proponens negatiuas de veritatibus supernaturalibus, per modum doctrinæ, vt persuadeat alijs, negatiuam hanc vel illam credendam esse iure Diuino, tenebitur eas probare; At verò regrens negatiuas per modum exceptionis, aut Anthitheseos ad affirmatiuas propositas, eo ipso legitimè transfert onus probandi in affirmantem.

4. Negandis consequentiarum rationibus non est fatigandus Aduersarius, vbi consequentiæ ratio, vel per naturam inest; vel ex scripturarum, & vtrinq; receptæ vniuersæ Antiquitatis Testimonium euidens est; nec licebit per Noteriorum Heterodoxorum, aut Paganorum obiectiones, contentionem in infinitum extendere: sed consequentiæ ratio, si innitatur Hypothesi ab vtroq; controuertente concessæ, aut ex Domesticis principijs concedendæ, porro non erit exigenda.

5. Principia constitutiua propositionum de fide, tantum sumantur ex verbo Dei, extra Controuersiam posito, scriptis Propheti-
cis & Apostolicis comprehenso, eoq; intellecto iuxta communem sensum, quem Verborum in fonte indoles grammatica, occasio, & scopus dicendi; nec non parallela earundem phrasium, & rerum alibi in eiusdem scripturæ codice ostendunt.

6. Ad impugnandam aliquam veritatem Theologicam de fide & moribus, quæ ex sacrarum literarum naturali communiq;
signi-

significatu, inest ipsi literæ, non admittantur rationes ab incommodo, ab improbabili, ab absurdo &c. deductæ; nisi ostendantur eâdem euentiâ, fundari in ijsdem literis, quâ fundatur in ijs propositio facta, ac tum demùm de concilianda apparente *antilogia* dispiciatur.

7. Argumenta declarantia & vindicantia propositionem de Fide ciere licebit secundariò à Consensu perpetuo antiquæ Ecclesiæ; qui consensus in quinq; primis Concilijs vniuersalibus, eorûq; de fide symbolis, ac decretis proponitur: deinde ab illis etiam Scriptoribus Ecclesiasticis melioris antiquitatis, qui non suam nec paucorum aliorum, sed totius vniuersalis Ecclesiæ collectiuæ de fide sententiam præferunt.

8. Side Vero & Falso Theologico conuenire inter partes nequiverit manendum quidem erit. Collocutoribus intra terminos dogmatum vtrinq; concessorum, & inquirendum saltem de necessitate residuorum non Conciliatorum dogmatum ad fidem & pietatem erga DEVM, nec non Charitatem erga proximum generandam & exercendam, sed iudicium de causa & culpa non conciliatorum dogmatum proximè quidem præsentì Auditorio. Adæquatè autem vniuersis & collectis per Orbem fidelibus, quibus tanquam immediato subiecto promissio infallibilitatis in rebus fidei à Deo facta est, committendum erit.

9. Quanquam obiectis differt, doctrina de fide & moribus, quia tamen de moribus Christianorum proprijs circa quos partes dissentiant, nulla vnquam suscipi potest disceptatio, non interueniente quæstione Fidei de agendorum & omittendorum siue necessitate, seu vtilitate, seu licentia, seu illicito, ideo de his capitibus quando de vero & falso Theologico disquiritur, suo etiam ordine dispiciendum, vsurpatoribusq; eorum morum, probandæ siue necessitatis, seu vtilitatis, seu libertatis Prouincia imponenda erit.

4. De Ordine & Modo Extrinseco Processus.

1. Cum primis expetitur vt in disceptatione Theologica de statu Controuersiae, de Vero & Falso, nec non de moribus, separatae Actiones instituantur inter Catholicos & Augustanae Confessionis socios, distinctae ab Actionibus cum Reformatis.

2. Quamquam leges Colloquij Charitatiui, hoc praesferre videantur, ac si veritas fidei definiri & conciliari inter Dissidentes possit, semotâ disquisitione de necessitate Iudicis Mortalis & Praesentis, ex natura tamen inter partes instituendae disquisitionis conueniendum praecipue erit de Necessitate & Infallibilitate illius Iudicis, non minus quam de latitudine normae ad quam expendendae sunt Affirmatiuae & Negatiuae propositiones Partium, earumque probationes.

3. Postea licebit etiam iuxta seriem Articulorum Augustanae Confessionis sic procedere, vt postquam Catholici vnam affirmatiuam vni articulo eius Confessionis oppositam, probandam susceperint, probauerint & terminauerint; tunc demum incumbat eius Confessionis Professoribus vnam vicissim affirmatiuam Confessionis à Collocutoribus Catholicis liquidatae Oppositam proponendi, probandi & terminandi necessitas. Atque ita deinceps alternatim cum eodem onere & iure Affirmatiuas & Negatiuas Partium proponendi, deducendi & euincendi procedetur: Vel

4. Quia Schisma ortum est ex Indulgentiarum doctrina & praxi, canonicam medendi methodo procedi poterit, à remotione causae mortificae vnius vel plurium, eo ordine quo coeperunt ad instaurationem sanitatis pristinae.

5. Scripto theses vtriusque Partis exhiberi placet tanquam obiectum adaequatum instituendae disquisitionis, & seruatis disputandi legibus, hoc tamen expetitur, ne de pluribus Articulis Fidei, quam de vnico, qui per distincta decreta & Canones Concilij Tridentini

à cæ-

à cæteris Articulis distinctus esse agnoscetur, Theses simul & semel ventilandæ tradantur.

6. Ut ad perfectionem & dilucidationem Thesium de vno Articulo propositarum ad exceptiones item hinc inde proponendas, diluendas, & terminandas ad minimum concedatur spatium sextidui: quod tanto facilius sperant se impetraturos esse A. C. Professores quanto grauiores sunt dijudicationes de rebus fidei, æternam salutem concernentibus.

7. Consentiunt vt obscura aut æquiuoca si quæ contigerit irrepere in theses vtrinq; proponendas, non solum alijs breuibus scriptis explanentur, sed ne obscurum per æquè obscurum efferatur Colloquio locus detur, quando Pars post primam & secundam theses Declarationem scripto factam perspicuitatem eius agnoscere nequit, mutuumq; Colloquium petit. In quo ipso tamen responsuris ad dilucidanda quæ sita moderatum cum Collegis deliberandi spatium, concedendum fuerit.

8. Æquum est vt Collocutores abstineant ab Euagationibus, declamationibus, & cauillis mutuis, verbisq; & scriptis offensiuis, aut si præter spem committatur eiusmodi, cognoscatur super qualitate offensæ per æqualia DD. Præsidium suffragia, ac per eodem corrigatur.

9. Contenti sunt binario Collocutorum numero, qui in singulis particularibus Colloquijs sermonem reciprocent, ea lege, vt si Collocutori quidquam excidat, præter mentem suæ Partis, non solum ad requisitionem D. Moderatoris, sed etiam admonitionem proximorum Absidentium, id queat corrigere. Hoc adiecto si quid Absidentes fortè fugerit, quod stante pede non corrigatur, id liceat in proximo congressu, auditâ Collatione Protocollorum, emendare, neq; interea censeatur assensu partium siue tacito, siue interpretario approbatum.

10. Senario Collocutorum singularium numero liberum esto

Confess. August. socijs alios deinceps addere, si fortè aduenerint, præsentibusq; vni vel pluribus alios surrogare, vbi necessariū ipsis videbitur.

11. Ne durante senario Collocutorū numero, à parte August. Confess. plures ad partem Catholicorum adhibeantur.

12. Ne Colloquium vltra definitum à S. R. Maiestate trimestre spacium prorogetur, sed residuum Controuersiarum, competentì tempore, & præuiâ dispositione Regiâ reassumatur.

13. Deniq; in votis habent, quàm maximè, vt Illustri D. Præsidi Guldensternio, quantociùs & antequam in Colloquio procedatur vterius, iuxta determinationem Instructionis Regiæ, præsidij consors, pro August. Confess. Professoribus constituatur, vt numerus senarius DD. Deputatorum iuxta Regium præscriptum compleatur.

5. Quoad Accidentia & circumstantias Colloquij.

1. Desiderant, vt transigatur inter partes de titulis, quib⁹ quisq; Collocutorum compellendus est.

2. Petunt, vt liceat sibi ea quæ ad extensionem, aut dilucidationem Mandati pro re nata à Superioribus suis impetrandam spectant, & ad rationes requisitæ extensionis, aut dilucidationis ostendendas faciunt, de Actis & actitatis in hoc Colloquio, ad suos perscribere, finitoq; Colloquio de ijs verè ac libere referre, & ne hoc culpæ cuiquam aut noxæ sit.

3. Vt Sententia de numero Auditorum capacium ad Colloquium hoc admittendorum, committatur singularum Partium præsidibus, ita vt per conuentionem æqualis numerus Auditorum, singularum partium admittatur, ad singulas diartas.

4. Vt sub finem Colloquij reuisis & irrotulatis Actis, cum primis quidem S. R. Maiestati plenum Protocollū sistatur. Præsidibus tamen singularum Partium, idem in Maiorum Terrarum Prussiæ ciuitatum Archiuo deponendum sub eadem Authentia concedatur.

5. Vt Protocollum plenum & à partibus authenticatum, infra annum excudatur typis publicis, citra concessionem Monopolij, aut interdictum, ne vsquequaq; diuendatur.

6. Ne vlla Actorum editio typis procusa, pro Authentica habeatur, cuius homogæneum exemplar omnium, & singulorum Colloquij præsentis Præsidum Sigillo, & manu approbatum, à singulis præsidibus nō possidetur, aut reperiri, & recognosci apud eos nequit.

7. Vt Communis Notulæ processus, iuxta hæc Conditiones Præliminares à Præsidibus partium approbata, subscripta, Sigillisq; munita, singulis partibus extradatur, normæ deinceps instar habitura. Saluo Iure addendi.

Signatum die 30. Augusti Anni Christi M. DC. XLV.

*S. R. Maiestatis Præses in Colloquio Thesuniensi Charitativum
pro Augustanæ Confessionis Professoribus Destinatus Sigismundus Guldensternius Capitan. Stum. m. p.*

Eâdem Sessione DD. Catholici DD. Augustanis responderunt ad Conditiones Præliminares ab ipsis propositas, ut sequitur.

AD CONDITIONES PRÆLIMINARES

DD. ut vocant Augustanæ Confess. Professorum,

RESPONSVM.

Ad primum iustum est. Ad secundum nihil est, quod moremur. Ad tertium, quoad indictionem Sessionum ex consensu partium, standum est Instructioni S. R. Maiestatis § 15. Quoad æqualitatem Præsidum, securitatis, loci, &c. vti etiam quoad triplicationem, & quadruplicationem, non satis liquet, quid sibi pars velit, proinde mentem apertiùs explicet. Ad quartum, placet.

Circa Scopum & Media.

Scopus idem nobis præfixus est: Quæ circa media præscribuntur Illustrissimi D. Legati Regij, & Deputatorum officio, in S. R. Maiestatis Instructione sub finem § 3. & 4. commissio derogant.

Circa Processum.

Ad 1. non potest nobis probari, cum § 5. 6. 7. 8. 9. Instructionis S. R. Maiestatis penitus repugnet; nos interim profiteamur intentionis nostræ non esse, ut omnia simul discutiantur, sed tantum ut omnia, antequam ad secundam Actionem procedatur, simul proponantur.

Ad 2. & 3. Non potest ob easdem causas probari.

Ad 4. Circa ea, quæ vulgus communiter persuasa habet, media probationis desumenda non tantum ex solis libris symbolicis.

Ad 5. Videtur repugnare § 5. & 8. Instructionis S. R. M.

Circa Inquisitionem Veri & Falsi.

Cum ad secundam Actionem pertineant omnia, eodem quoque referenda sunt.

Circa Ordinem & Modum Extrinsecum Processus.

Ad 1. Vbi concordia est inter Dominos Augustanæ Confessionis addictos & Reformatos, cum utrisque simul agatur, ubi verò discordia intercedit, seorsim.

Ad 2. 3. & 4. Pertinent omnia ad secundam Actionem.

Ad 5. Iuxta mentem S. R. Maiestatis, nè nomen quidem Disputationis admittimus, sed Colloquij tantum, cuius etiam leges iuxta singularum Actionum exigentiam seruabimus.

Ad 6. & 7. Stabitur Instructioni S. R. M. præsertim quoad § 15.

Ad 8. Satis prouisum est, in S. R. M. Instructione, tum § 13. tum etiam tertio & quarto, De officio Deputatorum.

Ad 9. Standum est § 18. Instructionis S. R. M.

Ad 10. & 11. Collocutorum numerum, tum literæ, tum Institutio S. R. M. duodenarium definiunt, dum modo iuxta § 16. in ipso Colloquij Actu plures duobus nè intercedant.

Ad 12. Procedetur iuxta mentem & vota S. R. M.

Ad 13. Per nos sanè licet, ut Domini suis ipsi votis respondeant.

Circa

Circa Accidentia, & Circumstantias Colloquij.

Ad 1. Vtemur Titulis à S. R. M. quin & à Parte insinuatis, videlicet, Dominorum Collocutorum.

Ad 2. Non placet, quia directè est contra mentem S. R. M.

Ad 3. Non itè placet, quia est contra § 17. Instructionis S. R. M.

Ad 4. Communicetur sanè Partibus singulis exemplar, dummodo ante præfixum à S. R. M. § 20. tempus, nihil in publicum euulgetur.

Ad 5. Hoc à S. R. Maiestatis voluntate pendet.

Ad 6. Exemplaria Authentica, non apud Præsides, sed apud primos partium Deputatos erunt.

Ad 7. Explicanda est apertius mens partis.

*Georgius Tysskiewicz, Episcopus Samogitiæ
vni Præsident Theologorū Catholicorū. m.p.*

Tandem Illustrissimus Dominus Legatus, postquàm DD. Catholici Theologi ad horam vsq; secundam post meridiem & ultra, Responsum ad Conditiones à se propositas, frustra expectassent; Dominiq; Augustani & DD. Reformati, existimantes se fuisse dimissos, è Prætorio digressi fuissent, Sessionem soluit, futuraq; horam octauam sequentis diei indixit.

S E S S I O III.

Primâ Septembris.

In hac Sessione, redditum est DD. Catholicis Theologis Responsum Declaratorium DD. Reformatorum, ad Conditiones à DD. Catholicis propositas, simul & generalis Confessio Doctrinæ, quorum tenor est, ut sequitur.

RESPONSVM DECLARATIVVM

Ad Conditiones nobis à DD. Catholicis propositas, pro prima Actione.

1. Quod leges circa primam Actionem, siue liquidationem Doctrinæ attinet, declaramus, nos eas acceptare, quæ in Instructi-
one S. R. Maiestatis continētur. Petimus vicissim vt Conditioni-
bus per nos exhibitis, satis fiat; simul autem proponimus, scriptū
peculiare, quo summa Confessionis nostræ continetur.

2. Quoad secundam Conditionem inhæremus Orlensi no-
stro postulato, & S. R. Maiestatis ad illud responso, tum & deside-
rio nostro, pro pridie exposito.

3. Postquam Declaratio Doctrinæ talis, qualem S. R. Maiestas
exigit, qualemq; conditio tertia exprimit, facta fuerit, id est, bre-
uis, simplex, candida & aperta, fiet id, quod tertia postulat con-
ditio, sed triplici cum limitatione. 1. Vt hoc de Incolis DD. Ca-
tholicis huius tantum Regni quorum nomine hæc Confessio
exhibebitur intelligatur. 2. Nisi ipsos diuersum deinceps alicubi
docere ex scriptis, aut sermonibus ipsorum proprijs, ostendi possit.

3. Vt quod à nobis obseruari volunt, idem ipsi præstent.

4. Quarta Cōditio, quoniā Iusta & Cōmoda est, tota admittitur.

5. Ad Quintam præstare arbitramur, vbi viuâ voce aliquando
colloquendum fuerit, vt bini partis cuiusq; cum binis alterius
partis committantur, inter eos tamen sermonem ducat, non nisi
vnus, in re scilicet eâdem, quam tractare coeperit pertexenda, sug-
gerendi vicibus alteri interim proximè relictis.

*Zbigniew à Goray Gorayski Castell:
Chelm: Præfatus à S. R. M. Designatus
m. p.*

*Stanislaus Drohoiczki Director
Confessus à Parte Reformatorum
m. p.*

GENERALIS CONFESSIO DOCTRINÆ

*Ecclesiarum Reformatarum, in Regno Polonia, Mag: Duc: Lithuania, Annexisq;
Regno Princijs, ad liquidationem Controuersiarum maturandam, proposita
Primâ Septembris.*

Vt

VT postulatis DD. Catholicorum pro prima Actione in liquidatione Doctrinæ tantò promptius, pleniusq; satisfaciamus; simulq; eandem ex nostra parte, Diuinâ adiuuante gratiâ hoc responso inchoemus, generalem hâc vice doctrinæ nostræ Professionem proponendam censemus: præsertim cùm & Sacratissima Regia Maiestas primam in eo Collocutorum diligentiam requirat, vt vnaquæq; Pars de omnibus & singulis Doctrinæ Controversæ Capitibus, suam sententiam breuibus, simplicibus, apertis verbis & propositionibus conceptam, in mediûm proferat, oppositæq; Parti eandem recognoscendam offerat.

Profitemur itaq; in primis quidem nos amplecti Sacras Canonicas Veteris & Noui Testamenti scripturas, in Veteri, Hebræâ, in Nouo, Græcâ Linguâ, à Prophetis & Apostolis, instinctu Spiritus Sancti, primitus scriptas, quas solas fidei ac Cultus nostri regulam perfectam esse agnoscimus, in quibus apertè posita inueniuntur illa omnia, quæ ad salutem omnibus sunt necessaria, seu vt B. Augustinus loquitur, quæ continent fidem moresq; viuendi, spem scilicet & charitatem.

Quarum etiam velut compendium quoddam, quoad credenda Symbolo Apostolico, in quod omnes baptizati sumus; quoad facienda Decalogo, cuius summa consistit in dilectione Dei & proximi; quoad petenda & speranda, Oratione Dominicâ continetur; quæ & ipsa à Domino nostro IESV CHRISTO, institutione, tum Baptismi, ceu Sacramenti Initiationis, siue regenerationis, tum S. Eucharistiæ, ceu Sacramenti nutritionis spiritualis, confirmata sunt.

In his ergò capitibus summam Doctrinæ Christianæ saluificæ consistere censemus; cui in Ecclesia propagandæ, & conseruandæ, sacrum etiam Euangelij prædicandi, & Sacramentorum administrandorum ministerium, Dominus noster instituit, & potestate clauium Spirituali aduersus incredulos, & immorigeros armauit.

Si quid

Si quid verò in hisce Doctrinæ Christianæ capitibus, dubitationis aut controuersiæ, de genuino eorum sensu, exoritur, profiteamur porro, nos amplecti ceu interpretationem Scripturarum, certam, & indubitatam Symbolum Nicænum, & Constantinopolitanum, iisdem planè verbis, quibus in Synodi Tridentinæ Sessione 3. tanquam principium illud, in quo omnes, qui fidem Christi profitentur, necessariò conueniunt, & fundamentum firmum, & vnicum, contra quod portæ inferorum nunquam præualebunt, proponitur.

Cui etiam consonare Symbolum, quod dicitur Athanasianum, agnoscimus, nec non Ephesinæ primæ, & Chalcedonensis Synodi Confessiones. Quin etiam quæ quinta & sexta Synodi Nestorianorum & Euthichianorum, reliquijs opposuere; quæq; aduersus Pelagianos olim Mileuitana Synodus, & Arausicana ex Scripturis docuere. Quinimò quidquid primitiua Ecclesia ab ipsis usq; Apostolorum temporibus, vnanimi deinceps, & Notorio consensu, tanquam Articulum Fidei necessarium, credidit, docuit, idem nos quoq; ex Scripturis credere, & docere profiteamur.

Hac igitur Fidei nostræ Professione, tanquam Christiani verè Catholici, ab omnibus Veteribus, & recentibus Hæresibus, quas Prisca Vniuersalis Ecclesia vnanimi Consensu, ex Scripturis reiecit, atq; damnauit, nos nostrasq; Ecclesias segregamus.

Cæterum eas controuersias, quæ Patrum nostrorum memoriâ Ecclesias occidentis, infelici dissidio disiunxerunt, quod attinet, profiteamur ei nos sententiæ accedere, quæ tum in Augustana Confessione superioris sæculi, Anno 30. Imperatori Carolo Quinto à Principibus, & Ciuitatibus Imperij protestantibus exhibita, siue eam Inuariatam, siue repetitam, aut emendatam dixeris: tum etiam in Bohemica & Sendomiriensi ex scripturis explicata, in Ecclesijs huius Regni Reformatis, integrum iam ferè sæculum, obtinuit: prout tres illæ Confessiones quamuis verbis non nihil discrepantes, tamen vt re ipsa cum Scripturis & inter sese in capitibus fidei

fidei necessarijs consentientes Sendomiriensi Consensu Anni 1570,
in Ecclesijs nostris receptæ Vnitæq; sunt : atq; etiam confederatio-
ne Pacis, & securitatis publicæ in hoc Regno firmatæ ac munitæ.

Sin autem DD. Catholici singularum iam Controuersiarum
distinctiorem, & specialiorem explicationem à nobis requirant,
vicissim eos, quâ par est obseruantia, rogamus, vt ipsi prius Can-
didam illam & apertam doctrinæ suæ declarationem, quam po-
stulato seu Conditione suâ tertiâ promittunt, nobis conside-
randam offerant : ita nostrum in singulis, vel consensum, vel dis-
sensum apertè item atq; simpliciter nos ostensuros, aut si quæ am-
bigua videbuntur, plenior explicationem vel proposituros, vel
petituros pollicemur. Ipsis etiam si fortè id malint, permittimus
vt ex dictis Ecclesiarum nostrarum Confessionibus, ea doctrinæ
capita nobis recenseant quæ Hæreseos accusanda, eoq; à Commu-
nitione Ecclesiæ Catholicæ, & à spe salutis æternæ arcenda & exter-
minanda ipsi iudicent.

Hac ratione fieri posse confidimus, vt quàm minima temporis
iacturâ, ac labore facillimo, quale & quantum sit hoc, inter vtrâq;
Partem Religionis dissidium perspiciatur, qui primæ Actionis Ge-
neralis scopus est.

Zbigneus de Goray Gorayski
Castellanus Chelmensi Prae-
ses à S. R. M. Designatus,
m. p.

Stanislaus Drohoionski Di-
rector Confessus à Parte Re-
formatorum, m. p.

Joannes Bithnerus Superattendens Maioris
Poloniae & Theologorum ad hoc Colloquiū
Deputatorum Praeses, m. p.

Thomas Wegierski Ecclesiarum Min: Pol:
Reformatarum Superattendens, m. p.

Nicolaus wysocki Ecclesiarū Ref. in M. D.
Lith: Superattendens. m. p.

In eadem Sessione, responderunt DD. Catholici, ad Declaratorium
Responsum DD. Reformatorum, & Generalem Ecclesiæ suæ Professio-
nem, ijsdem obtulerunt : quorum tenor est.

R E S P O N S V M

Ad Declaratorium Responsum DD. Reformatorum, Primâ Septemb; datum.

AD 1. Iam DD. Reformatorū postulatis à nobis respōsum est.
 Ad 2. Nos quoq; literas S. R. Maiestatis acceptamus, in quibus datur quidem venia imprimendi Acta præsentis Colloquij ex pacto tamen partium. At nos aliter pacisci non possumus, quàm conformiter ad instructionem S. R. Maiestatis, quæ primas partes in hoc sibi relinquit: in quo nos ad Illustrissimum D. Legatum referimus.

Ad 3. Et ad limitationes. Quantum ad primam limitationem, sicut nos supponimus, DD. Reformatos, doctrinam nobis non Polonicorum duntaxat cætuum, verùm etiam aliorum Regnorum & Prouinciarum cætibus communem, proposituros: Ita potiori Iure illi de nobis supponere debebant, nos non aliam doctrinam quàm vniuersalem, totiq; Ecclesiæ Catholicæ communẽ daturos. Ac proinde non solum Ecclesijs Polonicis, verùm etiam toti Ecclesiæ nihil præter Declarationem, à nobis proponendam, debere imputari. Quantum ad secundam limitationem: quandoquidẽ doctrina Catholica semper ex natura sua inuariabilis, à nobis proponenda est, non est, quòd DD. Reformati timeant, hanc aliquando mutandam fore. Si verò quidpiam huic Doctrinæ à nobis proponendæ, vel dissonum, vel certè minùs Consonum, in priuato aliquo Authore repererint, hoc non ideo Ecclesiæ Catholicæ poterunt imputare. Quidquid enim huic nostræ Professioni Fidei est, vel erit contrarium, Catholicum censi non debet. Tertia limitatio placuit conformiter ad promissa.

Ad 4. placuit totum.

Ad 5. Hac Conditione admissum est, vt nunquam bini Collocutores cum quatuor committantur.

*Georgius Tysskiewicz Episcopus Samogitiæ
 vti Præsides Theologorū Catholicorū m.p.
 Gene-*

Generalis Ecclesiæ Catholicæ Professio est.

OMne illud & solū credendū & tenendū esse Fide Diuinā quod reuelatū est per verbū Dei, siue scriptum illud sit, siue non scriptum. Scriptum dicimus, quod extat in Sacris libris legitimo Canone seu Cathalogo, prout à sancta Catholica & Apostolica Ecclesia, tum aliās tum nouissimè in Concilio Tridentino propositus est, comprehensis: quos omnes admittimus, & amplectimur, iuxta eum sensum, quem tenuit & tenet eadem sancta Mater Ecclesia, cuius est iudicare de vero sensu, & interpretatione SS. Scripturarum. Non scriptum verò quod extat in Symbolo Apostolico, alijsq; Diuinis, & Apostolicis sine scripto Traditionibus, quas ex ipsius Christi ore, ab Apostolis acceptas, aut ab ipsis Apostolis Spiritu Sancto dictante, quasi per manus traditas, & continuā successione in Ecclesia Catholica conseruatas, pari pietatis affectu, & reuerentiā, suscipimus, & veneramur.

Particularem de cæteris capitibus controuersis Ecclesiæ Catholicæ doctrinam libenter exhibebimus, die crastinā; Petimus tamen cum pari Fraternali Charitatis & reuerentiæ contestatione, ut ipsi quoq; DD. Reformati suum de singulis Articulis controuersis (quos habent exploratissimos) sensum paucis, & apertis, propositionibus concipere, & simul cū nostras scripto acceperint, vicissim exhibere velint.

*Georgius Tyskiewicz, Episcopus Samogitia
vni Præsidens Theologorū Catholicorū, m. p.*

In eadem Sessione, redditum est DD. Catholicis Responsum DD. Augustanorū, ad Conditiones à DD. Catholicis propositas, ut sequitur.

R E S P O N S V M

Ad Conditiones à DD. Catholicis pro prima Actione propositas, redditum die 1. Sept. Anni 1645, à Professoribus Inuariatæ Confessionis Augustanæ, Thorunij.

AD 1. Cùm ea Conuentionum sit natura, gentium etiam iure, & consuetudine firmata, vt ante causæ propositionem, & formationem de modo & ordine procedendi inter partes transigatur, ipsaq; S. R. Maiestas initio propemodum Instructionis, seu manu-ductionis die 15 Mensis Augusti Varſauix datæ, Moderatorum, & Collocutorum arbitrio commiserit tractationem rerum, formam & ordinem, vt ipsi communi partium consensu, conscijs Illustrissimo Dño Legato, & Præsilibus partium de his statu-ant, sibiq; leges dicant, in hoc per Dei gratiam, iam coepto Colloquio Charitatio; ideo vel ipsa æquitatis ratio absoluet Augustanæ Cõfessionis asseclas, à debito ponendi Sententias suas, de figura, & ordine subsequen- tium deliberationum, antequam de singulis & vni- uersis Conditionibus præliminaribus antehac exhibitis, circa pro- cessum generalem, in hoc Colloquio instituendum, plenè fuerit inter Partes transactum. Quapropter mallent requisitum illud de formatione legum, circa liquidationem status Controuersix à DD. Catholicis tantisper fuisse suspensum.

Ad 2. Respondent autē, saluo iure seruādi deinceps ordinis, ad se- cundū. Postquā summa eorū, quæ S. R. Maiestas obseruari voluit, August. Confessionis Professoribus, liquido determinata fuerit, se exposituros humiliter, quid quantūmq; liberæ Conuentionis ra- tio obseruari permittat, de ijs, quidem quæ in rescripto Instructio- nis seu manu-ductionis Regiæ continentur, sententiam suam scri- pto iam retulerunt. Et constanter prouocant ad Inuitatorias Serenissimi R E G I S literas die 1. Decembris Anni 1644. datas, quibus expressa, iterataq; facultas Partibus conceditur leges Col- loquij, ex vnanimi Præsidentium Partiumq; consensu sancire, tem- pora colloquendi ex negotij vtilitate amplecti, proposita, aut con- ciliata in publicam aliorum notitiam, scripto, vel Typo, ex pacto deferre. De statu autem Controuersix in scriptis, librisq; dein- cept euulgandis, non aliter proponendo, quàm hic determinatus fue-

fuerit, modo competenti respondebunt, postquam qualitas cautionis, à parte Catholicorum cum pro Incolis, tum pro exteris, præsentibus, ac futuris præstandæ, ipsis antea fuerit perlustrata.

Ad 3. Cum ex Fidei literis, submissâ voce in publico recitatis, satis intelligi non potuerit, ab August. Confessionis Professoribus, quò usq; facultas præsentium DD. Catholicorum in ijs extensa sit, non dedignabuntur earum nobis facere copiam, quâ impetratâ deprehensioq; quòd DD. præsentis facultatem acceperint agendi, & concludendi pro vniuersis, per Inclýtum Rêgnum Poloniæ, annexasq; Prouincias, Catholicis: vbi cauerint se Declarationem Doctrinæ à nobis exhibendam, non solùm habituros, pro verè nostra, sed neq; deinceps aliud nobis esse imputaturos, nec passuros, vt inter suos nobis quidquam aliud adscribatur, aut imputetur, nec mutaturos vllatenus statum Controuersiæ hîc determinatum nec alios articulos Verbo scriptouè producturos aut admissuros, nec deniq; interpretationem aliam exhibitæ determinationis & declarationis suæ, quàm quæ ex solo communi loquendi vsu nobis potuit apparere, sibi reseruatos esse, tunc demùm cauebunt Augustanæ Confessionis Professores DD. Catholicis in Regno Poloniæ ea Fide & modo quæ Christiana pietas, æquitas libertasq; requirit.

Ad 4. In quarta Conditione præter Sacrarum precum præfationem ab se præmittendam nihil desiderant: sed præstabunt Conditionem, vbi moniti fuerint à Dominis Præsidentibus & Moderatoribus suis, sed eâ lege vt idem obseruent Domini Catholici.

Ad 5. Ad vitandam Confusionem in Colloquijs, quibus agendum erit, de puncto Doctrinæ, in quo conuenire videtur Augustanis & Reformatis, necessarium erit deputari binos seorsim Collocutores, pro Parte Augustanæ Confessionis, qui in separatis à Parte Reformata Collocutionibus, cum DD. Catho-

licis agant, quandoquidem notoria diuersitas harum partium in ipsa Inuitatione Regia satis manifestè indigitatur.

S. R. Maiestatis Praeses in Colloquio Thoruniensi Charitativus pro Parte August. Confess. Professoribus Designatus Sigismundus Guldensternius Capitan. Stum. m. p.

In loco Absentis à S. R. Maiestate designati Praesidis vice Substitutus Stephanus in Gotussino Boianowski m. p.

Ioannes Hulsemannus Director Confessus Theologici Professorum Augustanae Confess. inuariata m. p.

Post hac Unanimi Partium consensu, in eam itum est sententiam, ut bini ab vnaquaq; parte Theologi cum suis Moderatoribus deputarentur, qui insequenti die, in praesentia Illustrissimi D. Legati & Illustriss: ac Magn: DD. Deputatorum, de Conditionibus Preliminariibus, ore tenus conferrent. Dimissa itaq; hac die Sessio fuit, & pro hora septima subsequenti diei indicta.

S E S S I O IV. Die Secundâ Septembris.

I. **C**um Partes ad sua conclauia statâ horâ conuenissent, iuxta praeteritæ Sessionis placitum, delecti ex vna quaq; Parte Theologi bini, cum suis Praesidibus ad Illustriss. D. Legati conclauem in praesentia Illustrissimorum DD. Deputatorum conuenerunt, videlicet ex parte Catholicorum cum Illustr. D. Praeside Samogitiae Episcopo, Theologi Regij, P. Gregorius Schönhoff, & P. Laurentius Pikarski soc. IESV praesente eiusdem Partis Notario P. Thoma Clagio: ex Parte verò Augustanae Confessionis Professorum cum Domino Ioanne Hulsemanno Moderatore, D. Ioannes Botsaccus, & Dominus Petrus Zimmermannus Praesente Notario M. Ioachimo Gobelio: Deniq; ex parte Reformatorum cum D. Ioanne Bythnero Moderatore seu Praeside D. Ioannes Comenius & D. Andreas Musonius praesente D. Beniamine Vrsino Notario.

2. Post

417

2. Postquam igitur Illustrissimus D. Legatus proposuit, ut vniuersalia futuri Colloquij præliminaria statuerentur, & ad scripta atq; Responſa hinc inde tradita responderetur; D. Ioannes Hülſemannus Auguſtanorum Moderator petijt ſibi explicari, quid velit illud in Reſponſo Catholicorum § 2. Nihil eſt, quod moremur. Reſpondit P. Gregorius Schönhof: id nullum vilipendium, vel prauum affectum præſeferre, ſed tantum ſenſum eſſe: nihil in ijs quatuor proteſtationibus DD. Auguſtanorum, quas Illustriſſimus D. Legatus acceptauit, videri ſuperſeſſe DD. Catholicis, quod moram futuro Colloquio obijciat. Quam explicationem acceptauit Pars.

3 De dierum inter Seſſiones Colloquij interuallo, & de duratione ipſarum Seſſionum, Illuſtriſſ: D. Legatus cum Ill: DD. Deputatis, cenſuit iuxta ſtatum & exigentiam rei ſatiſeſſe, ut intra Seſſiones Colloquij ad ſummum triduum intercedat, niſi fortè ob grauitatem materialium, ex communi omnium trium partium conſenſu, quartus vel quintus dies adiſciendus videretur. Horæ verò Seſſionum quatuor ſint, videlicet, ab octaua ad duodecimam.

4. Quoad æqualitatē loci, ſtatuit Illuſtriſſ: D. Legatus cum Ill: DD. Deputatis, ut omnes Collocutores medio loco ita conſideant, ut & audiri, & audire accurratè queant. Quocirca ex Auditoribus, excluſa iuuentute & plebe, Viri duntaxat grauiores, præſertim qui huius Colloquij cauſā aliunde aduenerunt, admittendi, & extra Cancellos ſtatuerendi erunt.

5. Quoad media ad futurum Colloquium facientia, vel officientia ſtatuerenda vel remouenda; adhiberi poſſunt etiam ipſi Collocutores, ſue per ſe, ſue per ſuos Moderatores id agant.

6. Quoad Propoſitionem omnium in particulari Articulorum, pro prima Actione res eatenus ſuſpenſa eſt, donec præliminaria vniuerſalia ſtatuantur.

7. Quoad

7. Quoad Imputationem Doctrinae, & quid deinceps pro cuiusq³ Partis Doctrina haberi debeat, statutum est inter Partes praesentes, ne in Regno & annexis Prouincijs imputetur deinceps toti Parti, quod tota Pars non suum esse ex idoneis principijs liquido demonstrauerit.

8. Quoties Catholici agent cum vna Dissidentium Parte, si sequenti die altera Pars iisdem medijs probandi utatur, liceat Catholicis respondere: iam de hisce medijs actum heri; ne si nihil noui adferatur, cogantur eadem repetere.

9. Determinatio, quodnam thema pro distincto Articulo Fidei habendum sit, tractabitur in fine Actionis primae.

10. Concessum est vtrinq³ DD. Collocutoribus in ipso Colloquij Actu, moderatum cum suis conferendi spatium, ex communi arbitrio.

11. Collocutor in ipso Colloquij Actu, praeter Moderatorem habere potest Absidentem, Admonitorem, & tertium Subsidiarium, alijs interim quiete sua loca tenentibus. Quod si quae incaute excidissent, intra spatium illius diei, & initium sequentis Sessionis, corrigi poterit.

12. Collocutorum substitutio singulis Partibus libera est.

13. Senarius Collocutorum numerus ex parte Augustanae Confessionis in prima Actione usurpabitur. De quo ante secundam Actionem iterato agendum erit.

14. Titulis Collocutorum omnes tres Partes contentae sunt.

15. Ad Requisitionem Illustrissimi D. Legati, ut habeat peculiarem suum Notarium publico iuramento obstrictum, omnes Partes assensum praebuerunt.

16. Ex Illustrissimi D. Legati declaratione, & omnium Partium consensu permissum est, ut singulae Partes habeant sua Protocolla; imò & ex Protocollis transumpta, ad Ecclesias & Synodos Ecclesiarum suarum mittenda: quae tamen nullo pacto à priuatis transcribenda, multò verò minùs ab ullo euulganda erunt, priusquam S. R. Maiestas intra sesqui Annum publicari fecerit, per eum, cui id S. R. Maiestas

com-

committere dignabitur. Quâ super re is, apud quem Authenticû Pro-
tocolli fuerit, præmissâ legitimâ asecuratione, Partibus alijs cauebit.

17. Et si durante Colloquio liceat Mandatarijs ad suos scribere,
nemini tamen Collocutorum, multò verò minùs aliorum præsentium
Auditorum, licebit scripto Acta excipere. Quem in finem Obseruato-
res, à Magistratu loci in Aula maiore constituendi sunt. Iam verò qui
durante Colloquio transumpta partibus describent, Iuramento ad se-
creti fidem obstringentur.

18. Quotidie à meridie Actorum collatio inter Notarios fiat, ut
initio sequentis Sessionis prælegantur, ac deinceps descripta ab Illu-
striss: D. Præsidente & DD. Moderatoribus Partium subscribantur,
& ab Ill: DD. Deputatis signentur. Notarij porrò rapsodias suas il-
licò lacerabunt.

19. Conditiones Colloquij in formam recessus redactæ, instar nor-
mæ, quoad præsentem Actum apud Partes habeantur, Et Illustriss: D.
Præsidenti, & DD. Moderatoribus, præ oculis sint.

20. Preces ante & post Sessiones omnibus Partibus communes
sint, de quarum forma Partes conuenient.

21. Tempus duraturi Colloquij, ex re ipsa DEO iuuante definitur.

22. Ad hodiernam diei vesperam permittitur Partibus, ut liceat,
si quid occurrerit proponere.

Sessione futura in diem sequentem Luna 4. Septemb: indicta.

S E S S I O V. Die Quartâ Septembris.

Cum Partes omnes ad conclaue Illustriss: D. Legati cum suis Illu-
striss: DD. Deputatis, Illustrissimo ac Reuerendiss: D. Præsidente,
& DD. Moderatoribus Partiû conuenissent, Ex parte quidem Catho-
lico-

licorum iidem qui pridie fuerant: Ex parte Augustanorum D. Abrahamus Calouius, & D. Ioannes Mochingerus, Collocutores: Ex parte autem Reformatorum, iidem qui proximâ Sessione interfuerant, cum DD. Notarijs; præstitit Iuramentum secundum Formulam supra positam Perillustri ac Adm: R. D. Adamus Kos Canonicus Kielcen: S. R. M. Secretarius, & R. P. Ioannes Rywocki è Soc: IESV, ut Notarios agerent; Primus quidem Illustriß: D. Legati, pro parte S. R. Maiestatis; Alter pro parte Catholicorum, cuius hætenus vices gessit R. P. Thomas Klagius. Ibi statutum inprimis, ut DD. Notarij habeant potestatem non admittendi ad suum Confessum ullum, qui non sit iuratus.

Mota est deinde difficultas de titulo DD. Catholicis in Actis tribuendo, qui titulum Catholicorum absolutè sibi tribui volebant. DD. Augustanis & DD. Reformatis, Titulum Romano-Catholicorum ipsis tribuentibus; super qua re satis protixè actum: illis possessionem inuiolatam eius tituli absoluti, inprimis in hoc Regno vsitatum asserentibus; his tituli eius in hoc negotio concessionem, cum præiudicio causæ suæ & exclusionem ab Ecclesia Catholica, coniunctam esse affirmantibus. Cumq; varia hinc inde media afferrentur, & Partes in conclaui conuenire non possent, singule sententias suorum requisierunt, ijsq; auditis conuenerunt, ut DD. Notarij Catholici, scribant simpliciter Catholici; DD. verò Notarij reliquarum Partium scribant, prout pronuntiabitur, siue simpliciter Catholici, siue cum additione Romano-Catholici.

Ex hac occasione Illustrissimus D. Castellanus Chelmenfis, nomine DD. Reformatorum, obtulit Illustrissimo: D. Legato manifestationem, cuius hæc erant verba.

Quod in hoc Colloquio, alij Catholici Romani, alij Augustani, alij verò Reformati dicantur, id nulli parti quidquā præiudicare, neq; ita accipi debet, quasi Augustani & Reformati

non essent membra Ecclesiæ Catholicæ, vel quasi Augustani non essent Reformati, vel Reformati non essent Augustanæ Confessionis Socij, sed hæ partium appellationes discriminis ergo in hoc Colloquio adhibebuntur.

Quâ manifestatione auditâ, pars Catholica se interposuit, satisfactis quoque ad titulū Catholici præuiâ conuentione prouisum esse asseruit. Post quā Catholicorum Declarationem, Illustrissimus Dñs manifestans, se eadem Conuentione prius acceptatâ contentum esse, nec plius requirere dixit: Superesse verò sibi, ut cum DD. Augustanis de altera clausula conueniat. Exorta enim fuerat inter Augustanos & Reformatos controuersia, super hac porrecta manifestatione: Illustriss: autem D. Legatus, redditâ Illustrissimo D. Castellano Chelmenfi formulâ manifestationis, censuit, ut ambæ Partes inter se tanquam de negotio sibi speciali conuenirent.

His peractis Sessio est in diem sequentem indicta.

SESSIO VI. Die Quintâ Septembris.

Idem omnibus in conclauī Illustriss: D. Legati congregatis, qui proximâ Sessione conuenerant, præter duos DD. Collocutores, D. Nicolaum Wysocki, & D. Paulū Bochnicum, ex parte DD. Reformatorū, ad hunc Actum designatos, prælectæ sunt ac recognitæ Conditiones præliminares generales, die 2. Septemb, connotatæ, in quibus & occurrentes difficultates sunt complanatæ.

De Precibus autem in Aula maiore sub initium Sessionū, præeunte Illustrissimo ac Reuerendiss: D. Episcopo Samogitiæ, publicè habendis, conuentum est inter DD. Catholicos & DD. Reformatos: sed opposuerunt se DD. Augustani, paritatem libertatis exigentes, ad recitandas per vices Preces publicas; qua de re eâ die conuentum cum illis

non est. Adiectæ sunt tandem duæ Conditiones ad priores præliminares, quarum prima est desumpta ex Instructione S. R. Maiestatis ; cuius tenor est talis.

Post absolutum negotium nemo quidquam de habitis in ea actionibus, & colloctionibus in publicum scripto, vel typo, per se vel subornatum (quod membrum additum est, ex Consensu partium) edat, quousq; Protocolum, ut vocant, ex Voluntate & Mandato S. R. M. in lucem prodierit. In publicis autem sermonibus, vel libris, non nisi honorificam totius negotij, & personarum, quæ interfuerant, mentionem faciant. Altera est.

In Congressibus statim ubi ab Illustrissimo Præsidente & à DD. Moderatoribus moniti fuerint DD. Collocutores, ad rem accedant, non præmissis ullis omnino præfationibus, digressionibus, Allocutionibus, & similibus, quibus cursus rerum tractandarum retardari possit.

His peractis indicta est Sessio insequentem diem.

S E S S I O VII.

Die Sextâ Septembris.

IN præsentia Illustris: D. Castellani Gnesnensis, quem Illustris: D. Legatus legitime impeditus, in locum suum substituerat, & Illustris: D. Præsidentis Catholici, cum suis Collocutoribus, & Illustrissimorum DD. Deputatorum partis Reformatae & Augustanae, cum D. Calluio pro tempore Moderatore Augustanorum, & D. Baltbasare Voidio, nec non M. Ioanne Fabritio, Collocutoribus ; similiter cum D. Moderatore partis Reformatae, & Collocutoribus ; D. Musonio & D. Bochnicio, correctæ sunt quedam præliminares Conditiones, 2. Septemb: ex
cen.

consensu Partium acceptata, quod non satis perspicua viderentur, & inter alias Conditio preliminaris 16. hoc modo est declarata.

Quo casu Protocollum intra sesquiannum, iussu S. R. Maiestatis typo non euulgaretur, licebit Partibus illud, vel transumptum legitime subscriptum, typis euulgare; hac tamen lege, ut Correctura & reuisioni operarum Typographicarum, tres Iurati, singuli singularum Partium praeficiantur, qui absoluto opere attestentur, se reuidentibus, corrigentibus, & cum Protocollis suae Partis, vel transumptis legitimis conferentibus, totum opus euulgatum fuisse: & hoc ipsum testimonium initio Libri praefigatur. Visum est autem id Thorunij commodissime fieri posse. Quod si duae Partes in euulgationem consentirent, tertia autem Pars a duarum Partium consentientium Deputatis, vel Praefidente, aut Moderatoribus requisita refragaretur, liberum erit duabus reliquis, in id consentientibus, ex Protocollis, supra dicto modo, seruatisque iisdem legibus, vel ex transumptis legitime subscriptis Typo publicare.

Indicta est Sessio insequentem diem.

S E S S I O VIII. Die Septimâ Septembris.

Praesente Illustrissimo D. Legato, Illustrissimo ac Reuerendiss: D. Praefidente, Ill: DD. Deputatis, & DD. Moderatoribus, seu Praesidibus, & binis cuiusque partis Collocutoribus, videlicet, ex parte DD. Catholicorum, Illustri ac Adm. R. D. Paulo Potrykowski, Archidiacono Pultouienfi, S. R. M. Secretario, & R. P. Gregorio Schönhof Soc: IESV; ex parte Augustanorum, D. Calouio, & D. Zimmermanno; ex parte Reformatorum, D. Musonio, & D. Bochnitio; initio relecta sunt Acta Sessionum trium, à die 4 Septemb: ad 6 eiusdem inclusuè.

Ex occasione verò Manifestationis in Sessione 4. Septemb habita, ab Illustriß: D. Castell: Chelmenßi oblata, D. Hülsemannus Augustanorum Moderator, nomine sue Confessionis Professorum, solenniter reprotestatus est contra prædictam DD. Reformatorum Manifestationem, postquam intellexit eam in Acta relata esse, se non permittere communionem Augustanæ Confessionis sociorum DD. Reformatis, quoad communionem dogmatum.

Reassumpta deinde est cōtrouersia de precib⁹ publicè dicēdis, de quib⁹ in Sessione diei 5 Septemb actum fuerat. Augustani enim paritatem publicè precandi sibi competere dicebant, vt euitaretur hæc ratione scandalum. Catholici è contra id nullo modo fieri posse asseruerunt, propter similis scandali periculum, & præterea contra consuetudinem hætenus in Regno obseruatam, in præsentia Illustriß: D. Legati Regij, & Illustrißimi ac Reuerendiß: D. Præsidentis Catholicorum, qui Episcopus & Senator esset, & Synodi totius Catholicæ Authoritatem repræsenteret. Atq; ita mansit adhuc hæc res indecisa: conuentum ^{vide} tamen, vt Augustani à publicis precibus abesse, suasq; in conclau pro- ^{Ses. 31.} prio absoluerè possent, & tum demum ijs finitis sese reliquis in Aula ^{4 No-} maiore adiungere. ^{uemb.} Ad instantiam verò Ill: D. Castellani Chelmenßis formula hæc Precum Actis inserta est: cuius tenor est talis.

INVOCATIO SPIRITVS SANCTI

*Ad initium cuiusvis Sessionis Colloquij Charitatiui Thoruniensis
de rebus Fidei Anno Dñi, 1645.*

H T M N V S.

Veni Creator Spiritus,
Mentes tuorum visita,
Imple supernâ gratiâ
Quæ tu creasti pectora.
Qui diceris Paraclitus,
Altissimi Donum DEI,

Fons viuus, Ignis, Charitas,
Et Spiritualis vnctio.
Tu septiformis munere,
Digitus Paternæ Dexteræ,
Tu ritè promissum Patris,
Sermone ditans guttura.

Accen-

Accende lumen sensibus,
Infunde amorem cordibus
Infirma nostri corporis
Virtute firmans perpeti.

Hostem repellas longius,
Pacemq; dones protinus,
Ductore sic te præuio
Vitemus omne noxium.

Per te sciamus da Patrem,
Noscamus atq; Filium,
Teq; vtriusq; Spiritum
Credamus omni tempore.

Deo Patri sit gloria,
Et Filio, qui à mortuis
Surrexit, ac Paraclito
In sempiterna sæcula. Amen.

Ÿ. Emitte Spiritum tuum & creabuntur;

℞. Et renouabis faciem terræ.

O R E M V S.

DEus, qui corda fidelium Sancti Spiritûs illustratione docuisti,
da nobis in eodem Spiritu recta sapere, & de eius pia consola-
tione semper gaudere. Per Dominum nostrum Iesum Christum
Filium tuum, qui tecum viuit & regnat in vnitate eiusdem Spiritus S.
Deus, per omnia sæcula sæculorum, Amen.

O R E M V S.

Actiones nostras quæsumus Domine, aspirando præueni & ad-
iuuando prosequere, vt cuncta nostra oratio & operatio à te
semper incipiat, & per te coepta finiatur. Per Christum, &c.

GRATIARVM ACTIO.

Ad Finem Sessionis.

P S A L M V S.

LAudate Dòminum omnes gentes, laudate eum omnes populi.
Quoniam confirmata est super nos misericordia eius : & veri-
tas Domini manet in æternum.

Gloria Patri & Filio, & Spiritui Sancto.

Sicut erat in principio & nunc & semper, & in sæcula sæculorū, A.

Ÿ. Benedicamus Patrem & Filium cum Sancto Spiritu.

℞. Laudemus & superexaltemus eum in sæcula.

Ore-

O R E M V S.

Omnipotens sempiterne Deus, quid edisti famulis tuis in confessione veræ fidei æternæ Trinitatis gloriam agnoscere, & in potentia maiestatis adorare vnitatem; quæsumus, ut eius fidei firmitate ab omnibus semper muniamur aduersis. Per Dominum nostrum Iesum Christum Filium tuum, &c.

Protestatus est postea Illustrissimus ac Reuerendiss: D. Episcopus Sæmogitiæ vti Præsident Catholicorum, nec non R. P. Schönhof e Soc: IESV, Collocutorum Catholicorum nomine, hætenus nullam causam moræ ex parte sua intercessisse, quæ pium S. R. Maiestatis desiderium differret, sed ex sola August: parte. Responsum ad hæc ab Augustanis propter honestas rationes hætenus id factum fuisse, constitutumq; id toti Orbi. Cui Responsum oppositum à R. P. Schönhof: optasemus honestas istas causas ita tractatas fuisse, ut moram negotio non iniicerent, simulq; declarauit, iam se paratos esse etiam proximè futurâ Sessione rem ipsam cum Reformatis aggredi.

Oblata deinde à Catholicis est generalis Professio, Augustanis (quæ diebus aliquot obtulerant ante 1 Septemb: Reformatis) & repositum est responsum ab Augustanis, quod ex eadem contra eandem formaauerant: Cuius tenor est talis.

Ad Professionem Generalem à DD. Catholicis
propositam reponimus.

Omne illud & solum credendum esse & tenendum fide Diuinâ quod per verbum Dei, sacrarum literarum Canone comprehensum, reuelatum est.

2. Canonem verò Sacrarum literarum absolui profiteamur Scriptis Prophetis Veteris Testamenti Hebræâ linguâ Ecclesiæ Iudaicæ olim concredit, à Christo & Apostolis approbatus nec non

Apo-

Apostolicis noui Testamenti Græcâ linguâ exaratis, prout à sancta Ecclesia Catholica & Apostolica propositus, inq; Concilio Laodicensino repertus est.

3. Præter Scripturæ S. Canonem, nullum aliud agnoscimus Dei verbum non scriptum, quod quidem ex ipsius Christi ore ab Apostolis receptum, aut ab ipsis Apostolis Spiritu S. dictante, quasi per manus traditum, continuâ successione in Ecclesia Catholica conseruatum, pari pietatis affectu, & reuerentiâ suscipiendum, adeoq; fide diuinâ credendum sit.

4. Symbolum Apostolicum, etsi quoad Articulos fidei, quos summam exhibet, scriptis Apostolicis prorsus congruat, & præ alijs Symbolis aut Scriptis Ecclesiasticis, in magna Authoritate merito haberi debeat: quòd tamen Symbolum istud totidem omnino verbis ab ipsis Apostolis per immediatum Spiritus S. afflatum profectum, Ecclesiæq; concreditum sit, quot & quibus verbis inde à quarto sæculo in Ecclesia propositum est, hoc inquam, ceu infallibiliter certum fide diuinâ haud creditur.

5. De alijs verò scriptis Ecclesiasticis literisq; Episcoporum, quæ post Confirmatum Canonem, vel scriptæ sunt, vel scribuntur, Iudicio B. Augustini accedimus, in decreto Gratiani, dist. 9. c. quis nesciat: approbato. Et per sermonem fortè sapientio rem cuiuslibet in ea re peritioris, & per aliorum Episcoporum grauiorem auctoritatem doctioremq; prudentiam, & per Concilia licere reprehendi, si quid in eis fortè à veritate deuiatum est.

6. Suscipimus verò & amplectimur Sacras literas, non nisi eo sensu quem Spiritum Sanctum intendisse, per legitima interpretandi media colligitur, eundemq; tenuisse, & tenere S. Matrem Ecclesiam Catholicam minimè dubitamus, cuius est verum sensum sacrarum Scripturarum ex ipsis Scripturis eruere, & de rebus fidei secundum Canonem verbi Dei, iudicare.

7. Quæ autem & quales sint res fidei è sacrarum literarum ge-

nuino sensu legitimè deductæ, Ecclesiarum nostrarum professio
summaria in Augustana Confessione Inuariata comprehensa, de-
lineat, ad quam prouocauimus in Articulis nostris præliminaribus
circa Processum § 3. nec non circa inuestigationem veri & falsi § 5.

Joannes Hülsemannus S. Th. Doct. Mo-
derator Partis Aug: Conf: Inuar. m. p.

Accessit deinde D. Hülsemannus ad specialia præliminaria primæ
Actionis tractanda, petijtq; vt pars Catholica declararet, quos libros
haberet pro symbolicis: quos inuicem promiserunt sibi Partes scripto
exhibere.

Cum verò de modo probandi ageretur, conuentum est, vt quis verè
sit Partis sensus, integrum sit etiam per legitimas, easq; proximas con-
sequentias probare. Quodsi post examen consequentiæ, an legitima
sit, nondum inter Partes conueniat, relinquendum in medio esse iu-
dicium de Legimitate consequentiæ.

Tandem cum inter Partes, de principijs probandi sensus Partium
ageretur, R. P. Schönhof principium illud habendum esse pro dogmate
Catholico dixit, quòd decisum est à Concilijs Oecumenicis approbatis,
similiter & vnanimem consensum omnium Pastorum & Doctorum Ec-
clesiæ Catholicæ, non obstante paucorum, si qui inuenirentur dissensu.
Sed D. Hülsemannus respondit à sua Parte, admitti non posse hoc po-
sterius principium, quod contradictionem inuolueret. Cui re-
sponsum est, non inuoluere vllam contradictionem, cum vniuersalis
particula [omnium] sumatur non Mathematicè, sed moraliter, mo-
ralis autem vniuersalitas patitur exclusionem aliquorum, vel paucor-
um. Replicatum est ab Augustana parte, vniuersalem [omnes]
in propositione illa, nec posse, nec debere sumi, nisi numericè, quando
de concordia sensuum inter Doctores vnius visibilis Ecclesiæ, questio est.
Iterum iterumq; replicatum est à Catholicis, consensum omnium Ec-
clesiasticum, quoad concordiam Doctrinæ, integrum esse, & rectè dici,
alia

aliquibus, vel paucis aliter sentientibus, & probatum primitivæ Ecclesiæ exemplo, Tertulliani, Origenis, Augustini; Responsum est ab Augustanis, consensum Ecclesiasticum sumi vel obligatorie, quid publice doceri debeat, vel logicè, quæ sit omnium Doctorum super vno obiecto sententia. Conclufum tandem ex parte Catholicorum, principium hoc ex liberalitate & fiducia causæ oblatum, postquam tot difficultatibus videretur implicitum, deinceps offerendum non esse, quod etiam tota Pars Catholica requisita, immobiliter retinendum esse denunciavit. Conclufum etiam à parte Augustana, numerum & statum questionum controuersarum, sufficienter definiri non posse, nisi de hoc probandi principio antea fuerit conuentum, seq. ad suos hoc relaturam esse.

Et ita Actus præsens limitatus est, dilatusq. ad Sabbathum.

SESSIO IX. Die Nonâ Septembris.

In Conclauis Partis Augustanæ exhibitum est nomine Catholicorum Augustanis Scriptum sequens: cuius tenor est talis.

Principium pro liquidatione Doctrinæ Catholicæ,
à DD. Augustanis admissum.

Pincipium ad cognoscendam & internoscendam propriam, genuinam, & vniformem nostram, & quorumuis Catholicorum, de Doctrina Articulorum controuersorum sententiam, est consensus Ecclesiæ Catholicæ expressus, in quibusuis legitimis Concilijs, siue generalibus, siue particularibus, legitimè approbatis, in quantum approbata sunt, & præcipuè in Sacrosancto Concilio Tridentino.

Solum Concilium Tridentinum sufficere equidem poterat ad præsentem causam. Complectitur enim totam & integram Doctrinam eorum Articulorum, de quibus liquidâdis laboramus; & apud nos tantundem Auctoritatis pondus habet, quantum reliqua omnia; ut proinde pro inuestigando Catholicorum in his Articulis sensu, superfluum planè sit, ad superiora Concilia recurrere, & in amplissimis illis voluminibus quærere, quòd nullo prorsus negotio, in exiguo, omnibusq; obuiò totius Orthodoxæ Doctrinæ, nostrorumq; sensuum compendio, abundè deprehendi potest; id est, in Codice Concilij Tridentini, quod est cæterorum Conciliorum recapitulatio, & veluti summa.

Sed ne quid subduxisse videamur, & ex abundanti, exprimere volumus, quæuis Concilia legitimè approbata. Quidquid enim in quolibet illorum tanquam dogma fidei definitum est, nostrum est.

Ne verò prolixiores simus in recensendo Conciliorum Catalogo, ad eum nos referimus, quem exhibet Bellarminus lib: 1. de Concilijs. cap. 5 & Decret. Gratiani dist. 16. Can: sexta Synodus & seqq. & d. 20. Can: de libellis.

*Georgius Tyſkiewicz. Episcopus Samogitia
vni Præsident Theologorū Catholicorū m.p.*

Illic reddatum est ab Augustanis scriptum, tenoris talis.

Firmamenta ac Symbola Fidei, Ecclesiarum Augustanæ Confessionis.

Catholicam fidem eam esse profiteamur, quam Prophetæ in Veteri, ac Apostoli in Nouo Testamento, in vniuerso Orbe terrarum prædicarunt, nobisq; per voluntatem DEI in scripturis verè Canonicis tradiderunt.

Huius Catholicæ Fidei Symbola esse agnoscimus. Apostolicum, & reliqua Generalia. Nicenum, Athanasianum, Constantinopolitanum, Ephesinum, Chalcedonense. Quibus addimus
Decre-

Decreta de fide Concilij Oecumenici Constantinopolitani secun-
di; vt & Concilij Oecumenici Constantinopolitani tertij, nec non
Mileuitani, & Arausicani secundi aduersus Arij, Macedonij, Nesto-
rij, Euthychetis, Pelagij, & aliorum errores.

Hæc Catholica Fides in Symbolo Ecclesiarum nostrarum, Au-
gustana nempe Confessione, eaq; Inuariata proposita, in Apolo-
gia eiusdem defensa, ac in maiori & minori Cathechismis Luthe-
ri, Articulisq; Smalcaldicis explanata, atq; in formulâ concordiaë,
pro rei temporumq; exigentia perspicuè declarata est.

Ex hisce Symbolis & scriptis publicis de doctrina Ecclesiarum
nostrarum vnicè iudicari volumus, nec quidquam nobis imputa-
ri tanquam nostrum, quod iisdem contentum non est.

*Ioannes Hulfemannus D. Moderator Theol. August.
Confessionis Inuariata. m. p.*

*Eodem die in Conclauis Illustrissimi Dñi Legati relecta sunt Acta
diei 7. Septembris præsentibus Partibus.*

S E S S I O X. Vndecimâ Septembris.

*Postquam DD. Reformati Illustriss. Dñm Legatum per Generon-
sum D. Albertum Dorpowski conuenissent, Sessionisq; præsentis dila-
tionem iustas ob causas in 13. Septemb. petissent, Illustris quoq; Dñs
Stanislaus Drohoiowski eiusdem Partis directior postulatum hoc DD.
Reformatorum, Illustriss: & Reuerendiss: Præsidenti Theol: Cathol:
proposuit, simulq; promisit tunc DD. Reformatos sine vlla mora, vo-
lente D E O, rem ipsam aggressuros.*

*Antequàm autem Sessio solueretur, oblatum est DD. Catholicis Re-
sponsum DD. Professorum August: Confess: ad principium proliqui-
datione Doctrinae Catholicae, die 9 Septemb: Illustrissimo D. Legato
exhibitum, cuius tenor est.*

Theo-

Theologorum Augustanæ Confessionis Responsum,

Ad principium pro Liquidatione Doctrina Catholica,

Die IX. Septembris exhibitum.

I. **P** Rincipium illud non est admissum, sed responsio dilata, donec interpositæ quæstioni interlocutoria de qualitate, & quantitate illorum Conciliorum, in quibus consensus iste expressus dicitur, fuerit satisfactum.

2. Acceptant autem quod DD. Catholici id solum Parti suæ imputari cupiunt, super quo Consensus expressus est, in denominatis Concilijs, petuntq; si quid publicè docetur, aut in praxi obseruatur in Regno Poloniae, & annexis Prouincijs, quod in denominatis Concilijs definitum non est, ut Pars Catholica testari velit, id Catholicum non esse.

3. Quandoquidem distinguunt DD. Catholici inter Concilia legitima & legitimè approbata, petunt DD. Augustani Declarationem, utrum illa omnia & sola sint talia, quæ apud citatum Bellarm: lib: I. de Concil: c. 5. & Gratian: Dist: 16. Canone sexta Synodus & sequentibus Canonibus, vsq; ad finem Distinctionis, nec non Dist: 20. Can: de libellis allegantur.

4. Cæterum distinguunt & ipsi Confessores Augustani inter enumerata Concilia, & largiuntur in ijs quædam esse hodiernorum Catholicorum propria, quædam communia vniuersis per Orbem Fidelibus. Oblatum die II. Septembris.

Joannes Hülsemannus D. & Moderator Theol: Aug: Conf: Inuar. m. p.

Eadem Sessione, DD. Catholici exhibuerunt dubia quædam, ex proximo scripto DD. Augustanorum excerpta: cuius scripti titulus fuit, Firmamentum & Symbola Fidei. Dubia autem huiusmodi fuerunt.

Dubia DD. Catholicorum, ex proximo DD. Augustanorum scripto.

I. Vtrum

1. Vtrum DD. Augustani ex toto Concilio Nicæno, Constantinopolitano, Ephesino, Chalcedonensi, nihil penitus aliud recipiant, præter Symbolum generale?

2. Vtrum nullas admittant suarum Confessionum Synodos, vel decreta Synodalia?

3. Vtrum omninò respuant consensum Sendomiriensem?

4. Vtrum Corpus Doctrinæ Pruthenicum non habeant pro Symbolico?

5. Vtrum acceptaturi sint tanquam Doctrinam propriam quidquid probari poterit ex verbis Lutheri?

6. Cum Confessio Augustana non contineat omnes Articulos controuersos, unde constare de illis poterit?

7. Cum de quibusdam Articulis Confessio Aug. loquatur parè & obscurè, unde authenticè liquidabitur?

8. Nuper oblatum à nobis Catholicis fuit medium liquidationis, Consensus Ecclesiæ Præsentis, id est, Consensus omnium Pastorum & Doctorum, qui degunt in Ecclesia Romana; & parati eramus etiam offerre plura, ex quibus integrum foret dijudicare, & determinare, quam sit propria nostra Doctrina, quæ non? At postquam illud protulimus & obtulimus, impugnatum est à DD. Augustanis in conclauis, tanquam incertum, & inutile ad eiusmodi liquidationem, eò quòd existimarent, vix vnum reperiri dogma inter Catholicos, in quo non sit aliqua Docentium discrepantia.

Responsum est tunc, id quidem de nostris dogmatibus, quæ habentur vt dogmata fidei, difficulter ostendi posse; quod si tamē contingeret, vnum aliquem vel paucos à cōmuni sensu discedere, per hoc non destrui Catholicum consensum, qui dici possit *Omnium*, quia Vniuersalitas illa, quæ moralis est, seu secundum quam dicuntur *Omnes* moraliter (qualis est in re nostra) patitur exclusionem paucorum. Maximè quod illi pauci, qui deprehenderentur discedere à cōmuni sensu, parati sunt errorem abijcere, & eiurare, si intel-

intelligent se aberrasse à sensu Ecclesiæ, quòd plerumq; Authores nostri in fronte, vel in tergo librorum suorum, protestantur. Atq; ita quamuis discrepent ab Ecclesia per errorem particularem, ex fragilitate, inaduerteria, lapsu memoriæ, ignorantia, concordant tamen per consensum generalem, ex animi præparatione ad deponendum omnem dissensum. Atq; ita admissio etiam paucorum lapsu, integer adhuc manet consensus Ecclesiasticus *Omnium*.

Hæc nuper dicta sunt: quæ quia à DD. Augustanis acceptata non sunt, eò ventum est, ut nostra Pars declarari palàm vellet, Catholicos quidem ex liberalitate & fiducia causæ suggessisse hoc medium liquidationis, tanquam certissimum, ex nostro sensu exploratissimum, aptissimum; sed quandoquidem cernerent parvifieri à DD. Augustanis, imò impugnari & rejci, tanquam implicatum difficultatibus, & inutile ad præsens negotium, ideo illud ad se recipere: non sine admiratione, quòd DD. Augustani repulerint, id quod in rem suam arripere, & tanquam toti negotio pernecessarium ambabus manibus tenere debuerunt; & deniq; nolle, ut DD. Augustanis usurpare deinceps liceat, alterum istud medium liquidationis,

Tum verò exceperunt DD. Augustani se ad liquidationem doctrinæ non posse procedere, nisi de hoc principio certum aliquid statuatur; cum ergo iam in procinctu liquidationis simus, ne quem obicem progressui exceptio iniiciat, audire libenter volumus, quis sit Augustanæ partis sensus.

*Georgius Tyskiewicz, Episcopus Samogitiæ
viti Præsides Theologorum Catholicorum, m.p.*

Deinde DD. Catholici elapso non longi temporis spatio, dubia in proximo responso à DD. Augustanis proposita, sequenti scripto expediuerunt.

Hoc scriptum sequenti die 12. Septembr. ad manus DD. August. devenit.

Expe-

Expediuntur Dubia Proximo Responso à DD.
Augustanis, proposita.

AD primum. Exhibitione nostri Principij satisfactum est.
Ad Secundum. Immeritò dicunt DD. Augustani, se acceptare, id quod à nobis oblatum non est. Nunquam à nobis audiuerunt, quasi id solùm nobis imputari velimus, super quo consensus expressus est in Concilijs. Diximus velle nos, vt omne illud nobis imputetur, quod habet consensus expressus in Concilijs, inde verò non sequitur velle nos, vt id solùm imputetur. Nec enim bona est consequentia, A propositione vniuersali affirmatiua, ad exclusiuā, sicut nō valet, omnis homo est animal, ergo sol⁹ homo est animal.

Quod si iam petunt vnde constare possit, quænam sint illa dogmata, quæ quamuis in Concilijs definita non sint, ad mittuntur tamen à Catholicis tanquam dogmata fidei? Respondemus ei nos difficultati occurrere voluisse, cū alterum liquidationis medium porrigeremus, nempè consensum Ecclesiæ præsentis; id est, Consensum Omnium Pastorum & Doctorum existentium in Ecclesia. Et nisi DD. Augustani deliberationem illam de medijs liquidationis interpositâ disceptatione, & refractione abruptissent, suggerissemus alia quoq; sibi itaq; id adscribere debent, quòd destituti sint totali & adæquato medio liquidationis. Ex his verò sequitur, non satis æquum esse postulatum DD. Augustanorum, quo petunt vt testemur, id omne, quod in Concilijs definitum non est, non esse Catholicum.

Ad Tertium. Non esset inconueniens distinguere inter Concilia legitima & legitimè approbata, cū pleraq; particularia seu Prouincialia, quæ in tota Christianitate frequenter aguntur, possint agi legitimè, id est, iuxta leges & Canones, quamuis eo ipso non censeantur legitimè approbata. Ipsa quoq; legitima approbatio, quam confert Summus Pontifex, supponit Acta legitima, de-

niq; fieri potest, vt conuocentur legitimè Concilia etiam genera-
lia, & tamen non approbentur. Sed nos in Scripto nostro, nihil
minus intendimus, quàm distinguere. Sed quædiximus legiti-
mâ maioris explicationis gratiâ vocauimus legitimè approbata.
Verùm ad rem; Omnia Concilia quæ citatione Decreti & Bellar-
mini indicauimus, allegare licebit DD. Augustanis, tanquam legi-
tima: Vtrùm verò sola quæ ibi recensentur sint legitima? Respon-
demus, non esse sola, illa tamen sola sufficere ad præsens negotium;
imò solum Concilium Tridentinum, quia vel omnia continet, quæ
inter nos Catholicos præcisè & inter DD. Augustanos, sunt contro-
uersa, vel illa saltem: quæ si acceptare & credere velint DD. Augu-
stani, nihil iam ampliùs ad plenitudinem fidei veræ Catholicæ ab
illis desiderabimus.

Ad Quartum implicat in adiecto. Concilia nobis, qui Catholici
sumus, esse propria, & non esse Vniuersis per Orbem Fidelibus com-
munia, loquendo de iure.

*Georgius Tyſkiewicz, Episcopus Samogitia
vni. Præsident Theologorū Catholicorū, m. p.*

*Tandem Illustrissimo D. Legato, & DD. Catholicis assentientibus,
dilata est Sessio in decimam tertiam Septembris.*

S E S S I O X I.

Decimâ Tertiâ Septembris.

*DD. Catholici, & DD. Reformati, inuicem sibi exhibuerunt scri-
pta pro liquidatione Doctrinæ. Scriptum DD. Catholicorum istius
fuit tenoris.*

Præ-

50

PRÆAMBVLVM PROPOSITIONVM CATHOLICARVM.

AMplectimur ambabus manibus illum Tractationis Ordinem, quem non humano sensu excogitatum, sed à D E I Spiritu suggestum & inspiratum, vel inde certissimò persuasi sumus, quòd tantà consensione animorum & sensuum, tum S. R. Maiestas Dñus noster Clementissimus, tum Supremus totius negotij ex Parte nostra Motor & Moderator, Illustrissimus Regni Primas, tum deniq; aliorum omnium, qui rectè sentiunt sententiæ, in eandem tractationis formam conspirent.

Ordinur itaq; à Liquidatione seu sinceratione nostræ Catholicæ Doctrinæ: & tantò quidem libentiùs, quòd ex certa scientia compertum habeamus, irrepsisse in animos DD. Augustanorum & DD. Reformatorū, tam præposterarum, tamq; absurdas, & absonas de nobis, deq; doctrina nostra Persuasiones, vt planè mirum nobis non sit, quòd à plerisq; quibus aliunde nunquam satis innotuit sincerior Catholicorum sensus, contemptim habita sit, & interdū etiam enormibus hæresibus comparata, vel postposita.

Nos verò profitemur coram D E O, & Orbe vniuerso, ab ijs nos opinionibus, vel erroribus, de quibus passim traducebamur, & traducimur, vsq; adeò alienos esse, vt anathema dicamus, qui ita sentiunt, & tanquam manifesto D E I verbo repugnantes, iamq; pridem ab Ecclesia D E I damnatas, & à quouis fidei, qui membrum Christi & Ecclesiæ esse velit, damnandas ac reprobādas hæreses, reprobamus, damnamus, & anathematizamus. Liceat cum bona pace vestra, recensere longissimo ordine, quibus puritatem Doctrinæ nostræ, non sine magno dolore nostro, hætenùs obscurari, in plerisq; populis, & propè extingui sensimus. Nec enim aliter liquidari posse credimus, in animis vestris genuinam Doctrinæ nostræ sententiam, nisi priùs eam caliginem, quæ sincerioris Doctrinæ lumen offuscat, & mortalium oculis subtrahit, abster-

gamus. Et verò speramus, vos ipsos quoq; fraterno compassu-
ros animo dolori nostro, & pro vestro candore candidæ sinceræq;
Declarationi nostræ, sine vlllo fucō & dolo, in medium prolatae,
totiusq; Orbis iudicio subiectæ, fidem datu-
ros.

Itaq; circa Regulam Fidei, accusamur & damnamur, quasi ab
vnica formali & suprema Fidei Regula deficientes, ipsamq; sacrā
Scripturam contemptui habentes, amplectamur humanas tradi-
tiones, tanquam fidei nostræ fundamenta & bases, easq; DEI ver-
bo, Euangelio Christi, Iustitiæ Fidei, præferamus, concessâ etiam
Ecclesiæ & Summo Pontifici potestate, vt noua dogmata, seu Ar-
ticulos fidei, sine verbo DEI, imò contra verbum DEI, pro ar-
bitrio condant. Scripturas ipsas fastigio Romanæ Hierarchiæ
subijcere dicimur, ac si æterna inuiolabilisq; DEI veritas, homi-
num arbitrio niteretur. In potestate Papæ esse scripturas abolere,
quas velit, erigere cultus, ordinare Sacrificia, instituere Sacramen-
ta, mutare Sacramentorum substantialia, figere leges quas velit,
dispensare, soluere, quibuscunq; legibus velit, &c. Nobis autem
quidquid vel Papa, vel Ecclesia contra vel extra DEI verbum sta-
tuerit, habendum esse non alio loco, quàm certum DEI oraculū.
Ex quo secutum sit, quod deletō Christi Euangelio, tota nostra
doctrina ex horrendis Sacrilegijs & blasphemijs confuta sit, cum
veluti caput Arcanæ nostræ Theologiæ sit, nullum esse DEVM,
quæcunq; de Christo scripta sunt, esse mendacia & imposturas, do-
ctrinam de futura vita, & vltima resurrectione, meras esse fabu-
las, &c. Deniq; Papam talem fingunt, qualem nemo Catholi-
corum somniat, & qualem non esse sole ipso clariùs est, vt cum
dicitur Antichristus, adorari à nobis vt DEVS, &c. &c.

Circa Doctrinam de Iustificatione.

Accusamur & damnamur, quasi prætermisâ DEI misericor-
dia, Christoq; mediatore, & propitiatore præterito, ac prorsus se-
pulto,

pulto, improbato, deleto, imò spreto Christi merito & gratiâ, Euangelio, de gratuita peccatorum remissione, deq; Iustitia fidei penitus abolito, oppressaq; doctrinâ Pauli, de gratia Christi, citra fidem polliceamur Iustitiam, & humanis tantum viribus, quæramus viam & accessum ad DEVM, & nostris operibus, sine Christo, & extra gratiam factis, obtinere, mereri, emere, conemur remissionem peccatorum Pelagianis per omnia facti similes, somniantes. Christianam Iustitiam nihil esse aliud, quàm civilem & Philosophicam, & inducentes Christianismum, qui nihil aliud sit, quàm observatio feriarum, rituum, ieiuniorum, vestitus, doctrina legis, abrogatio Euangelij, doctrina desperationis, factitia religio, deniq; cultus Mahometicus, Pharisaicus, Hypocriticus, &c. Hæc & similia initio huius Schismatis, magno strepitu contra nos iactabantur, & eiusmodi accusationibus implebantur omnes libri, qui & hodie omnium vestigantur manibus, & cum plerisq; symbolici sint, magnam inter vos auctoritatem habent, ut mirum non sit paucos esse, qui aliter de nobis persuasi sint. At verò nos longius ab his pestilentissimis erroribus absumus, quàm Coelum & Terra, quod ostendere possumus, veluti in meridiana luce. Et tamen à primis Doctrinæ vestræ Magistris, hæc veluti supremæ, & ferè vnica causa prætextitur, ob quam necesse fuerit à Romana Ecclesia recedere.

Circa Doctrinam de Sacramentis.

Accusamur & damnamur, quasi fingamus principaliter per suam naturalem Conditionem Sacramenta conferre Spiritum, & quidem sine fide, & fiducia, & sine bono motu accipientis, & exclusis Christi meritis, & hanc impiam & perniciosam opinionem, magnâ auctoritate doceri in toto Regno Pontificio: miserisq; homines hâc superstitione illigari, ut potius in spectaculo rei corporeæ, quàm in DEO ipso acquiescant. Quasi Ecclesiæ nostræ

sensus sit Baptismo vota esse paria, & Monasticam Professionem, eodem meliorem, &c. &c.

Quasi à poenitentibus plura exigamus, quàm præstare homo possit, circa enumerationē peccatorū, contritionē, &c. Et è contra plura tribuamus quàm possit, vt quòd conteri possit sine fide, quòd contritione mereatur de condigno remissionem peccatorum, quòd contritio sit æqualis offensæ, quòd actus poenitentiae det efficaciam Sanguini Christi, quòd poenitens surgat suis satisfactionibus absq; Christo, quòd Sacerdos absoluat à peccatis auctoritate propriâ, &c. &c.

Quasi in Consecratione Eucharistiae Magicis incantationibus utamur, neglectis Christi verbis, & additis potiùs vanis gestulationibus, & ritibus, quasi consuetudo communicandi sub vna specie contra Scripturas, & contra veteres Canones, & exempla Ecclesiae suscepta sit, quasi negemus Laicis Calicem quia indigni sunt, quasi panem adoremus, & reclamante scripturâ nostrâ met libidinis arbitrio, D E V M fabricemus derelicto D E O viuente, &c. &c.

Quasi matrimonia legitima prohibeamus, & immunditiam, iniquitatem, inquinamenta, sordes vocitemus, quasi doceamus Cælibatum ministrorum Ecclesiae esse de iure Diuino, quasi aliqui vi cogantur ad Cælibatum, quasi sentiamus humanæ potestatis esse sine singulari dono D E I Creationem mutare, &c. &c.

Quasi sentiamus Indulgentias vsurpari ad remissionem peccatorum quoad culpam, quasi indulgentiæ non per Christum, sed per Petrum, Paulum, & Martyres remissionem largiantur, quasi supponamus sanguinem Martyrum, addi Sanguini Christi, ad redimendam culpâ, ad reconciliationem obtinendam, ad æternam Poenam abolendam. Quasi per Doctrinam Purgatorij expiatio peccatorum alibi quærat, quàm in Christi Sanguine, &c. &c.

Circa

Circa Sacrificium, & alios Cultus.

Quasi Sacrificium Missæ, Christi Crucem, & Passionem opprimat, & obruat, vel eò directè spectet, vt rursus si fieri possit trucidetur Christus, vel vt nouam in Missa redemptionem recognoscamus, vel vt significemus Passioni & morti Christi vim defuisse æternæ purgationis. Quasi Sacerdotem, qui Missam offert Christo æquiparemus, aut eò Superiorem faciamus, atq; ita censemur Christum, non solum suo honore spoliare, sed etiam à dextra Patris deturbare. Quasi contendamus Missam esse opus, quòd ex opere operato iustificat, & delet peccata graua, sine vlllo peccatoris negotio, &c. &c.

Quasi cultum illum tribuamus Sanctis, qui re ipsa à Cultu DEI, non differt, atq; ita per Cultum Sanctorum, Diuinitatis gloriam disseceamus, aut certè turbam minorum Deorum sum modum DEI circumdemus. Quasi vt plurimum Christo præterito per Sanctorum nomina DEVM inuocemus, aut certè illa anxietate laboremus, ac si hic Christus deficeret. Quasi publica inter nos inualuerit persuasio, B. Virginem prorsus in locum Christi successisse. Quasi Sanctos faciamus Mediatores redemptionis. Quasi veneratio Imaginum, reliquiarum, sit mera Idololatria, &c. &c.

Hæc & multo plura sunt, quæ nobis Catholicis passim imputari, non sine graui iniuriæ sensu comperimus. Non tamen ideò allegamus, vt de iniurijs hoc loco expostulemus, sed in hoc fraternitatis foro, sensum nostrum explicare volumus, vnum illud postulantes, vt candidis dictis candidam à vobis fidem impetremus. Quid amplius in rebus fidei desiderare potest exquisitissima mortalium sagacitas, quàm apertam Confessionem, quâ affirmet in terminis quod affirmandum est, & neget quòd negandum est?

Neq; refert quòd aliqui per syllogisticas Consequentias istiusmodi propositiones rectè se inferre, & iustè nobis imputare existiment. Videndum enim est cui magis credendum sit, mihi nè simpliciter

pliciter, apertè & in terminis terminantibus, propositionem neganti, an alteri per Consequentiam (quam ipsam legitimam esse nego) eandem mihi imputanti? Sed priusquam de legitimitate consequentiarum agamus, explicemus, per paucissimas propositiones summam nostræ Doctrinæ.

PROPOSITIONES DOCTRINÆ CATHOLICÆ.

De Regula Credendi.

VNica formalis, & adæquata credendi Regula est, Integrum DEI verbum, scriptum videlicet, & traditum, per os visibilis, & ex certa perpetuaq; Spiritus Sancti assistentia, infallibilis Ecclesiæ, propositum, & expositum, interueniente operâ, & autoritate legitimorum Pastorum, id est, Episcoporum, & præcipuè Romani Pontificis, qui est Visibile totius Ecclesiæ Caput, & Supremus in terris Christi Vicarius.

De Iustitia Christiana.

I. **A**Dam per inobedientiæ peccatum, in quo omnes peccaverunt inquinatus non tantum mortem, & poenas Corporis, in omne genus humanum transfudit, sed etiam ipsum verè & propriè peccatum, quod mors est animæ, cuiusmodi concupiscentia non est, quamvis etiam ipsa peccatum sit, & dicatur.

2. Hoc quamvis liberum arbitrium homini non abstulerit, ad bonum tamen sicut oportet viribus illud spolavit in perpetuum, nisi Pater misericordiarum Christum IESVM Filium suum, unicam propitiationem, plenamq; per fidem in Sanguine ipsius pro nostris peccatis misisset.

3. Non solum autem pro nostris, sed etiam pro totius mundi, quamvis non omnes beneficium mortis eius recipiunt, sed ij duntaxat quibus meritum Passionis Christi communicatur, atq; ij soli iustificantur.

4. Iusti-

gan-
ego)
quē-
sum-
4. Iustitiam quā peccatores iustificantur, gratis, & non ex ope-
ribus accipiunt, & quamvis adulti, excitati gratiā D E I per
CHRISTVM, & adiuti, sese præparare, & disponere debeant ad iu-
stificationem, non tamen huiusmodi dispositione eam promerētur.

rum
pilis,
cle-
rita-
Ro-
mus
5. Porro Præparatio huiusmodi præter motum fidei in DEVM,
quā impius credit vera esse, quæ diuinitus reuelata, & promissa
sunt, atq; illud imprimis, à DEO iustificari impium gratis, per gra-
tiam eius in Sanguine IESV CHRISTI, includit præterea motus
per Christum factos, Timoris, Spei, dilectionis DEI, odij, detesta-
tionis peccatorum, propositum Baptismi, emendationis vitæ, &
mandatorum obseruationis. Ideò dici non potest, solā fide impi-
um iustificari, ita vt intelligatur, nihil aliud præter hunc fidei mo-
tum requiri, quod ad iustificationis gratiam consequendam præ-
paret, seu disponat, quod ipsum & de sola fiducia intelligimus.

6. Dispositionem hanc, iustificatio per quam iusti nomina-
mur, & sumus, & non solū reputamur, consequitur, quæ non
est sola remissio peccatorum, sed & sanctificatio, & renouatio inte-
rioris hominis, seu est iustitia DEI, non quā ipse iustus est, sed quā
nos iustos facit, & pro illa quam Adam sibi nobisq; perdidit, per
CHRISTVM IESVM nobis donat.

aue-
pris,
pro-
ntia
7. Sic Iustificatorum nemo existimet se non teneri ad obser-
uantiam mandatorum DEI, sed quilibet credat CHR I S T V M
I E S V M à D E O hominibus datum esse, & vt redemptorem
cui fidat, & vt Legislatorem cui obediat, & cuius mandata im-
possibilia non sunt.

ad
um,
yni-
pro
8. Obedientiam istam Iustificati dum præstant per gratiam
CHRISTI, in eadem Iustitia cooperante fide, bonis operibus cre-
scunt, atq; magis Iustificantur, sicut & illi, qui ultra mandatorum
obseruantiam etiam Consilia perfectionis Euangelicæ sequuntur.

ndi,
lun-
soli
ti-
Hi Iustorum labores, non ideò solū inanes non sunt, sed ma-
gnam habent remunerationem, quia Iustitiam acceptam augent,

sed etiam, quia plenè legi DEI satisfaciunt, per eos vitam æternā, & ipsius vitæ æternæ, si in hac Iustitia decesserint consecutionem, atq; gloriæ augmentum merentur.

10. Neq; Iustificatus peccat intuitu mercedis huius operando, multoq; minus peccat in quolibet huiusmodi opere, aut mortaliter, aut venialiter.

11. Nullus autem scire potest certitudine fidei, cui non possit subesse falsum, nisi hoc speciali reuelatione DEI didicerit, Iustitiam hanc Christianam se esse consecutum, aut in ea perseueraturum, sed suam propriam Indispositionem, & infirmitatē quilibet respiciens, de sua gratia, & Iustitia formidare & timere debet.

12. Vnde etiam nemo certò statuere debet, se esse in numero prædestinatorum, quia & Iustificatus peccare potest, & si peccauerit certam sibi resipiscentiam promittere non debet.

13. Quod si ab accepta Iustitia per peccatum mortale quodpiam Iustus exciderit, rursus per DEI gratiam iustificari potest, si excitante DEO Cor, atq; adiuuante lapsus per poenitiæ Sacramentum, atque etiam adeò per satisfactiones merito Christi gratiam recuperare procurauerit.

14. Ad hanc Iustitiam finaliter habendam, soli prædestinati secundum propositum voluntatis misericordiæ eliguntur, quorum fructus nimirum permanet. Electionis autem, & prædestinationis vim negamus pertinere ad reprobos, sicut & mala eorum opera: negamus enim adeo proprium DEI opus esse proditionem Iudæ, atq; vocationem Pauli.

De Sacramentis.

SAluâ Analogiâ seu consensu Veteris cum Nouo Testamento, Sacramenta Evangelica differunt à Mosaicis, naturâ, numero, efficaciâ, ritu, fructu, præstantiâ, promulgatione.

Baptismus aquæ naturalis omnibus ad salutem omninò necessarius

rius est, & adultis quidem cum præuia fide propria, infantibus autem cum fide aliena.

In Sacramento Eucharistiæ, verè realiter, & præsentialiter adest, & ore sumitur totus Christus etiam ab indignis, cui ratio existendi adæquata, & vltima est transubstantiatio, ideoq; natura eius Sacramenti non consistit in vfu. Vt hoc Sacramentum sub vtrâq; sumatur specie, Christus non præcepit.

Confirmatio, Pœnitentia, Extrema Vnctio, Ordo, Matrimonium, vera sunt Nouæ legis Sacramenta.

Partes Pœnitentiæ in quantum est Sacramentum, sunt Contritio, auricularis à Christo instituta, & præcepta Confessio, & Satisfactio: est tamen in Ecclesia potestas etiam extra Sacramentum, Pœnitentiæ ijs, qui post adeptam reconciliationem rei sunt luendæ poenæ temporalis, satisfactionem Christi applicandi, ac per hoc indulgentias concedendi, quibus animæ defunctorum in Purgatorio, post decessum ex hac vita existentium, non minùs iuuari possunt, quàm consuetis viuentium suffragijs.

Ordo inuehit in Ecclesiam Christi Hierarchiam, constantem Episcopis, Presbyteris, & Ministris, quorum nemò legitimus est, absq; legitima vocatione Ordinaria, vel Extraordinaria, Cælibatus Ministrorum Ordinatione Ecclesiasticâ rectè & salubriter institutus est.

Ceremoniæ seu ritus in Sacramentorum vel Sacrificij administratione, ab Ecclesia Catholica recepti, & approbati, sicut & alia Sacramentalia, siue obseruationes eiusdē Ecclesiæ Catholicæ, nō solùm vacāt omni suspitione cuiusuis superstitionis, multò magis Magiæ, verùm etiam sunt laudabiles admittendæ, & retinendæ, nonnullæ etiam sub onere conscientiæ, quod onus ab Ecclesia vi potestatis diuinitus acceptæ potest imponi fidelibus.

De publico DEI Cultu.

1. **C**ultus Religiosus in Ecclesia Catholica vsitatus, vnum ac solum DEVM per se primariò & vltimatè respicit, nam etiam Honor DEI causâ, creaturis impensus, in DEVM ipsum redit.

2. Cultus soli DEO debitus Latria dicitur; Dulia verò vel Hyperdulia, qui Creatæ supernaturali excellentiæ conuenit, qui verò creatæ naturali Cultus, vel adoratio ciuilis dicitur.

3. Inter Actus Latriæ primo præcipuoq; loco censetur sacrificium. Sicut igitur in lege naturæ & Mosaica fuerunt, ita & in lege gratiæ, Missa est verum & propriè dictum Sacrificium, tum Eucharisticum, tum propitiatorium; in quo secundum ordinem Melchisedech Corpus & Sanguis Christi ritu incruento offertur.

4. Quia Sancti, etiam ante comunem corporum resurrectionem cum Christo in cælo regnant, ex vi essentialis Beatitudinis, quâ fruuntur, & charitatis, quâ nobis coniuncti sunt, non tantum cognoscunt, sed etiam patrocínio & intercessione sua necessitates nostras adiuuant. Quocirca non minus quàm Sancti in terris adhuc viuentes, inuocari, & coli à nobis, citra vllam Idololatriam, possunt.

5. Crux Christi, sacræ item Dei, Christi, & Sanctorum imagines, propter specialem, quam ad DEVM & Sanctos habent connexionem, participatamq; inde excellentiam, deniq; & ipsæ Sanctorum reliquiæ, vtiliter & piè in honore & veneratione fidelium sunt.

6. Pari pietate Tempia ad DEI honorem, & Sanctorum eius memoriam erecta, aliâq; loca reliquijs, Imaginibus, vel memorijs Sanctorum illustria, publicis fidelium processionibus, vel etiâ peregrinationibus, frequentari possunt.

*Georgius Tyssiewicz, Episcopus Samogitia
vni Præsident Theologorū Catholicorū m.p.*

Scri-

Scriptum verò DD. Reformatorum, eò quòd videretur multa continere superflua, & impertinentia, quedam etiam iniuriosa, à DD. Catholicis acceptatum non fuit: Sed DD. Reformatis redditum sequenti die vt illud corrigerent. Sessio in sequentem diem dilata.

S E S S I O XII.

Decimâ quartâ Septembris.

Cùm controuersia ratione Scriptorum quorundam, inter DD. Catholicos & DD. Augustanos, sopiri non potuisset, horâ post meridiem secunda Sessio soluta, & in diem sequentem indicta.

S E S S I O XIII.

Decimâ quintâ Septembris.

In hac Sessione oblatum est DD. Catholicis, à DD. Augustanis Responsum ad dubia, à DD. Catholicis, super principio Liquidationis Doctrina DD. Augustanorum proposita: cuius tenor est talis.

Resolutio Dubiorum duobus Scriptis,

Die 9. & 11. Septemb: à DD. Catholicis proposit: DD. Augustanis.

Cvm præsentes Aug: Confess: Theologi, pro liquidanda tota & integra Doctrina sua, iuxta requisitum S. R. Maiestatis, determinauerint media siue principia liquidandi non solum positiuè, sed etiam exclusiuè, in Scripto 9. Septemb: oblato, cui titulus, *Firmamenta*, cum hac diserta clausula: Ex hisce symbolis & scriptis publicis, de Ecclesiarum nostrarum Doctrina vnicè iudicari volumus, nec quicquam nobis imputari, tanquam nostrum quod iisdem contentum non est: maluissent vtique parsum ipsis fuisse à DD. Catholicis, interrogationibus illis, de talibus scriptis,

quæ ipsi Dñi Interrogantes optimè norunt non admitti ab Augu-
stanæ Confessionis Professoribus, pro symbolis fidei suæ, neq; sin-
gula, neq; vniuersa, præterquam symbola & decreta fidei eorum
Conciliorum, quæ denominauimus.

Hoc autem petimus, cùm S. R. Maiestas cupiat, ipsaq; postulet
æquitas, vt capita doctrinæ controuersæ, omnia & singula eo-
dē modo ac pari cùm integritate, & plenitudine vtrinq; liquiden-
tur, ne refragentur DD. Catholici post enumerata, seu enumeran-
da ab se scripta Symbolica, eandem addere clausulam quàm ex fir-
mamentis nostris iam recensuimus.

Atbitamur enim hoc eis incumbere, vt aut hoc præstent, aut
singula, & omnia media specificent, per quæ sufficienter, & adæ-
quatè possint omnia & singula Doctrinæ Controuersæ capita liqui-
dari, ; aut deniq; patiantur liquidari sibi à nobis doctrinā suam, ex
publicè receptis, confirmatis, & quotidie ad legendum, cantandū,
prædicandum, credendum, & amplectendum propositis, præce-
ptisq; scriptis.

2. Principium nobis oblatum, consensus nempè præsentis Ec-
clesiæ Catholicæ, inutile est iudicatum. Non ad Partis Catholicæ
diuersas sententias indagandas, sed ad dogmata verè Catholica di-
gnoscentia, nec ita certum prout quidem à parte Catholica alle-
gatur : Cum vnanimis omnium Ecclesiæ Pastorum, & Doctorum
partis alicuius sententia, haberi minimè possit, quam in Ecclesia illa
visibili Pastores & Doctores præcipui, citra censuram Ecclesiasti-
cam contraria sententia impugnant ; quòd de plerisq; articulis cō-
trouersis cum parte Catholica, in procliui esset ostendere, qui sanè
dissensus formalis, & explicitus, per aliquam virtualementem & hypo-
theticam consensionem moralem, cùm Ecclesia Romana mini-
mè conciliatur : cùm apertè dissentiens consentire manente eodē
obiecto, dici nequeat citra cōtradictionem : nec doceri potest vlla-
tenus, aut mente comprehendere, quomodo in hoc, vel illo doctri-
næ

na Capite, in quo manifestus est, quorundam Doctorum dissensus, vnanimis omnium Doctorum consensus asseri possit, præsertim eiusmodi, qui testetur de dogmate verè Catholico, cuius hanc proponit Vincentius Lyrinensis notam, si nempè id teneatur, quod vbiq; quòd semper quod ab omnib⁹ creditū est. Quâpropter cū de Identitate conceptuum super obiecto controuerso quæritur, non moralem, sed numericam vniuersalitatem consentientium requiri diximus, & demonstrabimus. Neq; verò propositum submit- tendi se iudicio Ecclesiæ, hoc efficere potest, vt contradictio for- malis desinat esse contradictio formalis: nec quisquam dissentien- tium in visibili Ecclesia Catholica hoc supponit quod supponunt DD. Collocutores, sese dissentire à sensu præsentis Catholicæ Ec- clesiæ Romanæ, sed vterq; dissentientium prouocat ad illum con- sensum, vterq; manet, moriturq; citra censuram Ecclesiasticam, in illa visibili Ecclesia Catholica Romana.

*Ioannes Hülsemannus D. & Moderator Theol. August.
Confessionis Inuariata. m. p.*

Indictum deinde, vt DD. Notarij pro Collatione Actorum horâ circiter septimâ, cum suis Moderatoribus, DD verò Theologi omnium Partium, horâ octauâ sequentis diei, pro publica Sessione celebranda conuenirent.

SESSIO XIV PUBLICA, Decima sextâ Septembris.

Ante Sessionem publicam horâ septimâ, in præsentia Illustris & A. R. D. Pauli Potrykowski Archidiaconi Iultouiensis, ad id spe- cialiter in locum Illustrissimi D. Episcopi Samogitiæ Deputati, tum D. Hülsemanni ex parte Augustana, ex parte vero Reformatorum, D. Ioannis Bythneri, Moderatorum, Acta totius Colloquij, relegi & con-

conferri cœpta; sed quia nonnullæ in ijs occurrebant difficultates, remissæ sunt ad pleniorē DD. Deputatorum cognitionem, quoad hæc puncta. Primò actum de titulo & cæteris ad procemium Actorum pertinentibus. 2. D. Hülsemannus non suo nomine, aut ambitione priuatâ, sed nè quæ in Actis inæqualitas appareret, postulauit, ut vel DD. Prælati Catholicorum non addatur titulus, Adm Reueren Dñi, vel sibi quoq; tribuatur titulus consimilis. 3. Postulauit idem, ut quoad ordinem inter Augustanos & Reformatos seruandum, primo loco nominentur Augustani, posteriore Reformati. 4. Cum hæc scripta à Parte Parti insinuanda, non eadem aliquando die exhibita sint Parti, quâ Illustrissimo D. Legato fuerunt insinuata, vtra dies in Actis consignanda.

Post hæc intra priuata Conclauia seorsim Partes singule moratæ, quoad horâ vndecimâ Catholici in maiorem Aulam processerunt, quò etiam superuenit Illustrissimus D. Legatus, & mediâ horâ post, reliquis omnibus congregatis, & Liquidatio Doctrinæ cœpta proponi. Primo loco, à parte Catholicorum R. P. Gregorius Schönhof Soc: IESV, de scripto legit Liquidationem Doctrinæ Catholicæ, quæ 13. Septembris Actis inserta est.

Post modum D. Ioannes Bythnerus Reformatorum Præses, petijt, ut suæ quoq; Partis Declaratio specialior Doctrinæ palàm legeretur, quod cum Illustrissimus D. Legatus, cum Illustrissimis DD. Deputatis annuisset, ea Declaratio per D. Christophorum Pandlowski eiusdem Partis Notarium, recitata est.

Quâ finitâ, Illustrissimus D. Episcopus Samogitiæ Catholicorum Præsides, solenniter protestatus est, quòd lecta Declaratio DD. Reformatorum contraueniret menti & Instructioni S. R. Maiestatis, & quòd cum iniuria & offensa Ecclesiæ Catholicæ coniuncta sit.

Hic, Illustrissimus D. Legatus protestatus est, eam Declarationem non esse ad mentem S. R. Maiestatis, & sui muneris esse Instructionem

S R.

S. R. Maieſtatis interpretari. Debit enim quiſq; liquidare Doctri-
nam ſuam, id eſt, dicere hoc credo, hoc non credo; dicere verò,
ego hoc ab iſſis, vel damno Eccleſiam Catholicam, non eſt Liquida-
tio, ſed Paſquillus, & niſi hæc expungantur, contra proteſtor S. R.
Maieſtatis nomine, nè Actis inferatur.

Ad hæc Illuſtriſſimus D. Chelmenſis. Mens S. R. Maieſtatis eſt, vt
qualibet Pars explicet, quæ credit; proinde Scriptum hoc menti S. R.
Maieſtatis ſatisfacit, quia proponimus in eo fidem partis Reformatæ,
vt ſciatur quid credat, quid non credat. Quod ſi aliqui verba Anti-
chriſtianitatis accuſant, illa ita generaliter poſita ſunt, vt neminem
merito offendant. Rogo nè mentibus audientium hæreat, Paſquillum
eſſe, quia non fuit intentio ledendi, ſed ſeceſſionis noſtræ cauſas expo-
nendi. Hoc enim tempus, hic locus eſt, id oſtendendi: quando remo-
uemus ea, in quibus diſſentimus, officium noſtrum facimus. Proinde
rogamus, vt Scriptum hoc interpretationi æquiori ſubiaceat, & Actis
inſcribatur, vti porrectum eſt. Ea enim conditio æqualitatis eſt, vt ſi
vnius Partis Acta inſcribantur, etiam alterius inſcribantur; ſi ali-
ter fiat, proteſtamur æqualitatem violari, & S. R. Maieſtatis inten-
tioni non ſatis fieri; illud etiam addimus, quòd Acta nondum ſunt ſub-
ſcripta, quemadmodum neceſſarium fuit, ſi ita pergatur, manifeſta-
mus nos ulterius non progreſſuros, niſi Acta præterita ſubſcribantur,
& tandem finis imponatur ſcriptionibus præteritorum geſtorum.

Ad hæc Illuſtriſſimus D. Legatus reſpondit, vnus ego hîc ſum Lega-
tus S. R. Maieſtatis, qui mentem S. R. Maieſtatis exploratam habeo,
& declarare debeo, mihi cōncredita eſt manuſcriptio ſeu Inſtructio S. R.
Maieſtatis, nemini præterea. Quod ad æqualitatem attinet, nemini
maior quàm nobis inæqualitas facta eſt, de qua etiam proteſtamur.
Cum nos ſummâ Charitate procedamus, vos iniuriam reponitis, &
imponitur nobis id, quod anathematizamus, & quod Theologi noſtri
iam ante reiecerunt. Niſi caſtratum fuerit hoc Scriptum à calumnijs,

non admittetur ad Acta. Hic Illustrissimus D. Chelmenfis dixit, prius fuisse confectam hanc Declarationem, quam Catholici suam exhiberent. Quæ proposuissent generalia esse, & optare se ut non agnoscant pro suis, quæ sibi dicunt imputari. Illustrissimus D. Legatus respondit, D. V. Illustris: ipsa nuper in conclavi eandem mentem palam explicuit, detestari se illud dogma, DEVM esse authorem peccati, eò quod sibi imputetur. At in publico confesso dicere, quòd Ecclesia sit Antichristiana, Tyrannica, quid aliud est quàm seducere corda Innocentium. Illustrissimus D. Chelmenfis dixit, Verba tantum esse generalia, quæ cuius Ecclesiæ applicari possunt.

Hic Illustrissimus Episcopus. Quem ergò arguunt hæc verba nisi nos? Tum Illustrissimus D. Legatus: prauidebam ego & præcauebam hæc, proinde nè in publicum cum teli scripto venirent, rogavi. Et tamen venerunt cum Antichristo, cum Doctrina, non tam nostra, quàm sua: Illi enim sunt Antichristi, qui Christi Doctrinam oppugnant, & Vicarium Christi non agnoscunt. Hæc ego Scriptum nomine S. R. Maiestatis nequaquam admittere possum, unicum est S. R. M. desiderium, ut Pax coalescat, quomodo verò tum tantis calumnijs coalescet? nos nihil horum dicimus, & tamen nobis affinguntur, quæ detestamur, nec tantum Catholici taxantur, sed etiam Augustani, mirum quòd non Mahometani, & alij.

Illustrissimus D. Chelmenfis iterum dixit: generalia tantum proposuimus, remouemus calumnias, & certas prepositiones statuimus, quid credamus, quid non credamus.

Illustris: D. Legatus. Quid verum, quid falsum sit, secundâ Actione ostendi debuit; nunc enim non querimus, quid non credant, sed quid credant. At verò per oppositionem retorquere in nos quæ detestamur, est calumnias iactare. Illustris: D. Chelmenfis: Non video inquit calumnias. Illustris: D. Legatus. Et quidem tales sunt quales vestri Prædicantes ex Cathedra proferre solent, quibus decipiant homines. Hoc enim ipsis in vju est. Illu-

Illustrissimus D. Chelmenfis. Deliberabimus quid faciendum sit, hunc tamen casum inopinatum in arena decidere non possumus, neque iam capita conferre.

Denique Illustrissimus D. Legatus: Nunquam fuit hæc mens S. R. Maiestatis, ut hoc loco & tempore proscindatur Ecclesia, in qua Rex ipse Serenissimus natus est, & quam defendit, pro qua nos quoque, uti & Maiores nostri sanguinem persfundere parati sumus. Quod tibi imputatur amoue, non abominare Concil. Trident. Neque enim prædicationum est de Concilio hoc agere, hoc nostrorum Theologorum est, illi de Consensu suo Sandomiriensi, & alijs eiusmodi, tractent.
Tandem soluta est Sessio ad deliberationem DD. Reformatorum expediendam.

Decimâ octauâ Septembris.

Ex consensu omnium Partium, horâ 3. pomeridianâ conuenerunt DD. Notarij ad relegenda Acta præteritarum Sessionum.

S E S S I O X V.

Decima nonâ Septembris.

In hac Sessione exhibuerunt sibi inuicem DD. Catholici & DD. Augustani scripta, sequentis tenoris.

Scriptum DD. Augustanorum.

Ad replicam DD. Catholicorum 12 Septemb: exhibitam, Responsio.

QUÂ I. Quæstioni interlocutorie de quantitate & qualitate Conciliorum, ex quibus liquidari possit vniuersa Doctrina Catholica, per exhibitionem principij liquidationis DD. Catholicorum, plenè satisfactum esse minimè agnoscunt Aug. Confess. Professores: quandoquidem in exhibitione illius principij, neque quoad qualitatem declaratum fuerit, quidnam intelligatur per legitima, aut legitimè

approbata Concilia, vel in quonam legitimitatem aut approbationem legitimam Conciliorum, consistere velint DD. Collocutores; neq; quantitas numerica, & exclusiua Conciliorum in liquidatione vnice adhibendorum satis expressa, vel definita sit.

Quâ 2. Nunquam nos argumentantes audiuerunt DD. Catholici, à propositione vniuersali affirmatiua ad exclusiuam; quam argumentatio eiusmodi omninò legitima sit, cum Vniuersalis affirmatiua est reciproca. Nec enim vsquam ex eo, quòd omne id pro suo agnoscere sese professi sint DD. Catholici, quod in Concilijs expressum est, collegimus, eosdem id solùm pro suo agnoscere velle; sed cùm indicauerint in scripto die 9. Septembris nobis oblato, Concilium Tridentinum complecti totam & integram Doctrinam eorum articulorum, de quibus liquidandis laborandum, idemq; esse totius Orthodoxæ Doctrinæ, sensuumq; Partis Catholicæ compendium legitimè hinc conclusimus, DD. Catholicos, id solùm agnoscere ad totalitatem, & integritatem Doctrinæ suæ pertinere, quantum ad Controversos Articulos, idq; solùm admittere, ceu partis suæ sensum, quod expressum est, in Concilijs imò id solùm, quod in vno Concilij Tridentini Codice exprimitur. Iure ergo meritoq; postulauimus, vt DD. Catholici testarentur, id quòd in denominatis Concilijs definitum non est, non esse Partis suæ sensum, non Catholicum; quod si facere dignabuntur prout æquum est, similisq; attestatio à nobis edita iam est, non opus erit illa quæstione quænam sint illa dogmata, quæ quamuis in Concilijs definita non sunt, admittuntur tamen à DD. Catholicis tanquam fidei dogmata. Nulla quippè ampliùs dogmata relinquentur, de quibus liquidandis laborandum, omnia in Concilijs definita erunt, imò in solo Concilio Tridentino, definita omnia. Cæterùm cùm abundè nobis constet, nec diffiteri queant DD. Collocutores, multa alia dari capita Doctrinæ, quæ in Catholica Ecclesia propugnantur, in Nostrate verò Ecclesia ne-

gan-

gantur, extra & præter illa, quæ in Concilio Tridentino, aut quæ in omnibus designatis Concilijs simul sumptis expressa sunt, ipsa necessitas requirit, vt DD. Catholici alia liquidationis media, quæ sese habere profitentur edisserant, eaq; rotundè, adæquatè & plenariè definiant, non positiuè tantùm, sed etiam exclusiue, quemadmodum id, rotundè adæquatè plenariè, & exclusiue à nobis factum est, vt nempè pariter constare possit, illa sola esse symbola partis Catholicæ, ex illisq; solis doctrinâ eiusdem iudicandâ esse. Quod si recusauerint ad liquidationem Doctrinæ, accedere minimè poterimus, destituti scilicet totali, & adæquato medio liquidationis, nec enim in DD. Catholicorum arbitrio situm est, tale nobis, vel indicare vel denegare medium, sed cum ad liquidationem id requiratur, necessarium omninò est, vt designent totalia & adæquata media, tenenturq; illud præstare DD. Catholici iuxta præscriptum Regium, quod requirit omnia, & singula Controuersiarû Capita eodem modo liquidari § 6 & § 7.

Quoad 3. Non esset alienum circa adhibitam istam distinctionem quærere, quasnam leges & Canones intelligant DD. Catholici, iuxta quos legitimè agi Concilia censeant, & quâ fieri possit, vt Concilia generalia legitima, vel legitimè celebrata, iuxta sensum Partis Catholicæ, hoc est Authoritate Romani Pontificis, eoq; siue per se, siue per Legatos suos præsidente non approbentur à Romano Pontifice, nisi admittatur eundem sibi ipsi aduersum fore, aliud scilicet in Concilio, & cum Concilio definiendo, aliud finito Concilio separatim statuendo. Sed istis missis, petimus solùm, vt sese citra vltiorem moram declarent DD. Catholici, quod & quænam Concilia præter allegata pro legitimis legitimeq; approbatis agnoscant. Quandoquidem doctrinam suam professi sunt eam esse, quæ in Concilijs legitimis, & legitimè approbatis exprimitur. Quapropter necessum est, vt quot & quænam illa sint legitima, legitimeq; approbata Concilia, plenè definiatur, nullo

præterito, vel prætermisso: Cum in prætermisissis alia possint haberi capita, & dogmata Fidei, quàm in designatis: quod utiq; non dissimulant DD. Catholici, cùm destitutos nos esse totali & adæquato Liquidationis medio asserunt; vnde relinquitur illa sola, quæ designarunt Concilia non esse totale, & adæquatum Liquidationis medium, ex illis solis non posse totam doctrinam Partis suæ adæquatè haberi, nedum è solo Tridentino Concilio: Quod præterea minimè continere, ea omnia, quæ inter nos, & DD. Catholicos controuersa sunt, vel solo exemplo institutionis, auctoritatis, & potestatis in rebus Ecclesiasticis, itemq; sæcularibus Summi Pontificatus, vt multa alia taceamus constat.

Quoad 4. Non implicat in Concilijs quædam esse DD. Catholicis propria, quæ non sint, vniuersis per Orbem fidelibus de iure comunia, supponitur enim immerito, id quod iam in questione versatur, nimirum quod DD. Collocutores verè Catholici sint, nec quidquam aliud credant, vel doceant, præterquam, quod vniuersi per Orbem Fideles.

Joannes Hülfemannus D. & Moderator. Theol. Aug. Conf. Inuar. m. p.

SCRIPTVM DD. CATHOLICORVM.

Vltima Responsio DD. Catholicorum ad Scriptum DD. Augustanorum,

Die 15. Septemb: exhibitum.

Ad § Primum.

HActenus certè mentem præsentium DD. Collocutorum indubitatò scire non poteramus, quos ipsi libros, vel quæ scripta habere vellent pro symbolicis, neq; sufficere poterat illa particula exclusiua, *Vniè*, principio addita, vt quasdam nobis dubitationes eximeret, & suppositiones nostras, quas arbitramur certissimas fusq; deq; verteret. Supponebamus enim certò.

I. Acce-

1. Acceptari à Dominis Collocutoribus, non tantùm Symbolum quatuor primorum Conciliorum, & decreta quinti & sexti Concilij, sed tota & integra Concilia, & saltim prima illa quatuor Nicenum, Constantinopolitanum, Ephesinum, Chalcedonense.

2. Acceptari certos eosq; celeberrimos conuentus, quos in Germania Electores, Principes, & status Protestantium, siue Augustanæ Confessionis, vnâ cum eorundem Theologis, diuersis locis & temporibus, de rebus Fidei inter sese habuerunt, eosdemq; publica autoritate suâ confirmarunt.

3. Acceptari consensum Sendomiriens. Cracouiens. Vladislauiens. Thoruniens, exemplo maiorum suorum Augustanæ Confessionis, quorum subscriptiones in ipso consensu cernimus, & perpetuâ praxi ad præsens hoc vsq; tempus vigorem habuisse in hoc Regno animaduertimus: de protestationibus autem solenniter & communiter à tota Ecclesia Augustana contrafactis nihil nobis authenticè constare potuit.

4. Acceptari corpus Pruthenicum, cùm à tota Prussia Ducali habeatur pro libro symbolico, & omnes qui vel ab Academia Regiomontana ad honores facultatum promouentur, vel à Consistorio ad Ministerium per Regnum Poloniae, & Magnum Ducatum Lituaniae, atq; alias Regni Prouincias mittuntur, Conscientiam suam iuramento, super eodem Corpore obligare teneantur.

5. Acceptari scripta Lutheritanquam primi Augustanæ Confessionis Delineatoris, & Supremi Interpretis, ad quæ etiam tanquã ad normam Corpus Pruthenicum scriptum fuit, & explicandũ est.

6. Acceptari non solum articulos, qui in Augustana Confessione expressè nominantur, sed etiam vigore pacis Religionis, in Germania factæ, alios articulos controuersos, quos non exhibuerunt, quosq; eos docere posse scripto publico testantur, nec obligatos fuisse omnes, & singulos articulos in ipsorum Confessione Augustana exhibere, sed cum causa Religionis inter ipsos Status a-

more,

more, & beneuolentia amice deberet transigi, ideo illos nō omnes enumerasse abusus & articulos, ad Religionem Augustanam pertinentes, sed saltem exhibuisse Generalem Confessionem Cæsareæ Maiestati, in qua capita doctrinæ, quæ potissimum ad salutē sunt utilia comprehenderint, ut Sacra Cæsarea Maiestas clarè percipere possit, nullam impiam doctrinam ab iisdem permitti.

Hæc inquam certo certiùs supponebamus, interim porrigitur ad manus nostras Principium, in quo ex adiecta particula exclusiua *Vnicè* intelligimus hæc omnia excludi, id est,

1. Non acceptari integra quatuor Concilia prima generalia, sed tantum Symbolum Fidei.
2. Non acceptari Decreta Fidei, præter ea quæ sunt Concilij Constantinopolitani secundi & tertij, & duorum Conciliorum particularium.
3. Non acceptari celeberrimos Confessionistarum Augustanorum Conuentus, Decreta, Statuta.
4. Non acceptari consensum Sendomiriensem, &c.
5. Non acceptari Corpus Doctrinæ Pruthenicum.
6. Non acceptari scripta Lutheri.
7. Non acceptari articulos à Confessionistis extra Confessionē reseruatos. Non potuimus non mirari, & cum vehementer inter pugnantes hinc inde cogitationes luctaremur dubij & ancipites, quid præsentēs DD. Collocutores in pectore gererent, expressè & specificè de singulis interrogandum esse decreuimus, ut ipsi quoq; expressè & specificè, suam nobis sententiam explicarent. Quod quia iam disertis utcunq; verbis (non tamen disertissimis) faciunt, pro pleno responso accipimus, & deinceps interrogationibus hac super re parcemus, impetraturi fortassis à DD. Augustanis, ut tandem aliquando tractatibus hisce præliminaribus finem velint imponere, & pretiosum hoc tempus Principali negotio donare.

Ad

Ad 2 Secundum & Tertium.

PEtunt nominari & determinari à nobis principium liquidationis, ex quo *Vnicè* dijudicari possit de nostro Catholico sensu. Fecimus abundè, iterumq; faceremus, nisi obstarent ipsi vetarentq; DD Collocutores Augustani. Dicebamus principium, seu medium, ex quo dignosci velimus, quænam dogmata censi debeant Catholica, esse consensum in Ecclesia nostra omnium Pastorum & Doctorum. Neq; quidquam dici poterat ad rem aptius. 1. Quia hoc agebamus, vt certum Criterium & quasi characterem designaremus, sensus nostri, nomine, & re Catholici, quem non aliunde assumendum putauimus, quàm ab ipsa forma & ratione *Catholici*, quæ est doceri semper, vbique, ab omnibus. 2. Quia ad discernendam propriam cuiusq; Ecclesiæ Doctrinam nihil esse potest certius quàm consensus. Nam si illa Doctrina nō est propria, quæ est omnium, quæ tandem erit propria? 3. Consensus est medium liquidationis facillimum, & omnibus obuium, & ex quo ferè solo maxima pars fidelium Ecclesiam suam discernit ab extraneis congregationibus. 4. Quia cætera principia liquidationis quæcunq; assignari possunt, & solent à consensu, magnam vim habent, & interdum totam. Quod ostendo primùm in nostris, tum in ijs, quæ designata sunt ab DD. Augustanis. Nostra principia sunt, Concilia approbata, & decreta Pontificum. Concilia verò quid aliud sunt quàm Pastorum, & Doctorum consensus? Anima certè omnium definitionum, & decretorum in Concilijs latorum est conspiratio capitis, cum toto corpore Ecclesiæ, & totius Corporis, cum Capite, de quo aliàs. Iam verò Decreta Pontificum, quæ hætenus extant, illa tantùm ligandi vim habent, quæ ex omnium consensu habentur, pro decretis Fidei. Hæc de Nostris Principijs. Quid de Vestris? Principem in his locum tenet Augustana Confessio. Obsecro vnde codicillus ille sortitus est tantam vim, & Authoritatem, vt sit quasi vnica Vestræ Congregationis

onis Tesseræ? Non aliundè profectò, quàm ex vnanimi Consensu, siue eorum qui primi Confessionē Casari obtulerunt, siue eorū, qui eam deinceps amplexati sunt.

Ex his rationibus vehementer mirari debuimus DD. Collocutores Augustanos principio huic, tam esse infestos sine quo licuisset nobis abijcere omnia fere principia liquidationis ab iisdem proposita. Inuenissemus enim facile aliquem eumq; non leuem eorum, etiam qui se Augustanos vocant circa eadem dissensum. Nam 1. Non omnes Augustani recipiunt solum Symbolum quatuor Conciliorum, sed plerumq; integra quatuor Concilia. 2. Nō omnes recipiunt sola decreta secundi Concilij Constantinopolitani. 3. Non omnes se alligant ad solam Confessionem Augustanam Inuariatam. 4. Non omnes respuunt Synodos Confessionistarū. 5. Non omnes abijciunt consensum Sendomiriensem. 6. Non omnes repudiant Testimonia Lutheri. 7. Non omnes conueniūt circa Articulos vltra Confessionem reseruatos. Hunc ergo Dissensum obijcere poteramus, & importunè pōscere, vt ostenderent liquidoq; nobis probarent, suū cum omnibus Confessionistis Augustanis Consensum in ijs principijs ex quibus *Vnicè* liquidari volūt suā Doctrinā; sed nos inutiles moras & tricasnectere noluim⁹.

Redeo ad id quod cœperam dicere, facile DD. Collocutores à nobis obtenturos fuisse principium liquidationis, ex quo *Vnicè* de nostro Catholico sensu diiudicare potuissent, nisi ipsi per plurimas obtensiones obstitissent dixissemus vno verbo. *Iudicate de nostro sensu ex consensu omnium, qui sunt in Ecclesia Catholica Romana, hoc nostrum est quod omnes amplectuntur, vt dogma Fidei, siue definitum sit à Concilijs, vel à Summis Pontificibus, siue non. Hoc Vnicè nostrum est.* Et ecce confecta res esset lucratiq; fuisset plus quam octiduum pro tractando negotio principali. Ista remora non potuit nobis non esse dolori, maximè quod obtensiones illæ tam nullius essent momenti, vt vix fieri posse crederemus, non ad-

uerti ab ipsis DD. Collocutoribus. Dicam de illis obtensionibus:
ad 2 ultimum.

Hoc posito nec de Concilijs, quæ ex liberalitate causæq; fiducia obtulimus, nec de Pontificum decretis, quæ offerre parati eramus, mota fuisset quaestio, & nouæ tricæ de Concilijs in genere, eorūq; legitimitate, de iisdem in specie, & præcipuè quænam illa sint, quæ adhiberi volumus, & an sola seu *Vnicè*? non pigebit, quæ superiori scripto diximus breuiter repetere.

1. Quoad legitimitatē. Legitima Concilia diximus, quæ iuxta leges seu Canones Ecclesiæ celebrata, expressâ vel tacitâ Summi Pontificis approbatione obsignantur. Quænam illæ leges sint, quæ uè vsitatæ praxes, quæ ad instar legum sunt nō est præsentis loci: illud nuper obseruauimus fieri posse, ut Concilium legitimè conuocetur, non tamen legitimè procedat, aut certè quædam legitimè tractet, in paucis tamen deficiat: in quo casu nihil mirum erit, si Pontifex quædam approbet, quædam reprobet, aut penitus nihil approbet. Sed hæc aliàs.

2. Quoad numerum. Indicauimus locum ex Gratiano & Belarmino cuius obuiō ubi nominatim omnia numerantur, & qualificantur 24. generalia, 24. particularia. Ex illis licebit DD. Collocutoribus Doctrinæ, sensusq; nostri Testimonium, eruere.

3. Ex hisnè *Vnicè*? Si petitur de tota nostra Catholicorum Doctrina prout comprehendit, omnes articulos siue controuersos iam, siue non controuersos, tum respondemus; illa Concilia non posse statui tanquam principium, ex quo *Vnicè* ferendum sit iudicium de nostra Doctrina. Quia multa docentur Catholicè, quæ in Concilio definita non sunt, quod fateri debent, etiam ipsimet DD. Collocutores de sua Confessione Augustana, alijsq; principijs à se propositis, nam & ipsi multa docent, tanquam dogmata fidei de DEO, de CHRISTO, de Iustitia, de Sacramentis, &c. quæ in illis definita non sunt, contenti solis testimonijs scripturarum. Itaque

quemadmodum DD. Collocutores agnoscent non benè conuerti,
Omnia quæ continentur in Confessione Augustana, creduntur à Con-
fessionistis Augustanis, ergo omnia quæ creduntur à Confessionistis
Augustanis continentur in Confessione Augustana. Ita non con-
uertitur, *Omnia, quæ continentur in prædictis Concilijs creduntur*
à Catholicis, ergo omnia quæ creduntur à Catholicis continentur
in prædictis Concilijs. Ex quâ obseruatione nuper notauimus
DD. Collocutores, non rectè à nobis requisuisse, vt fateremur nō
esse Catholicum quidquid in Concilijs definitum non est, & tamen
in Polonia docetur vel practicatur. Procedebat ea requisitio ex illa
suppositione, quòd statuissimus principium liquidationis nostræ,
Concilia. Inde, acceptare se dicebant, quòd nihil agnoscamus, tan-
quam doctrinam nostram, nisi quòd, extat in Concilijs. Hoc ve-
rò nihil aliud erat, quàm vel falsum supponere, vel aliquid non le-
gitimè inferre. Vel enim supponebant nos concessisse Concilia, tan-
quā principia adæquata totius nostræ doctrinæ, & hoc fuit falsum:
quòd optimè sciebant DD. Collocutores ex præhabitis de eadem
re in conclauis conferentijs, in quibus semper ad complementum
principij adæquati, apponi volumus consensum Præsentis Eccle-
siæ, quem quòd DD. Collocutores, non admitterent, non ideò
volumus sola Concilia esse principium adæquatum. Vel si id non
supponebant, facile aduertere poterant consequentiam, quàm ta-
citè innuebant, non esse legitimam ab vniuersali affirmatiua ad
exclusiuam.

Quòd si petitur, num Concilia prænumerata statuantur à nobis
pro Principio liquidationis, vt ex ipsis *vnice* feratur iudicium de ijs
Doctrinæ capitibus, quæ inter nos, ex vna parte, & inter Professo-
res Augustanæ Confessionis, ex altera parte, sunt controuersæ.
Tum respondemus, adhibitâ istâ limitatione sufficere Concilia
prænumerata, vt ex ipsis *vnice* liquidetur nostra Doctrina: spera-
mus enim nihil allatum iri ex tota Doctrina, quâ ab Augustanis
discre-

discrepamus, quod ex aliquo prædictorum Conciliorum liquidari ex nostra parte non possit. Imò hoc ipsum de solo Concilio Tridentino promittere ausi sumus, quod proinde pro toto tractatu commendatissimum nobis esse volemus, & tanto quidem libentiùs, quod vti aliàs dicebamus, complectatur, ad instar compendij omnium superiorum Conciliorum præcipuas pro controuersijs nostri temporis doctrinas; ex quo capite non poterit non esse commendatum etiam ipsis DD. Collocutoribus Augustanis, qui in tanto numero, aliorum Conciliorum conqueri fortassè potuissent de numero & mole tot voluminum, propter vnum interdum Articulum euoluendorum: iam verò summatim procedent omnia in exiguo codicillo.

Ad 2 Vltimum.

Totus hîc 2 versatur in impugnando principio, quod obtuleram⁹ sumpto ex consensu omnium Pastorû & Doctorum. Conantur enim ostendere DD. Collocutores, incertum esse & inutile ad dogmata verè Catholica indaganda. I. Probant quia de plerisque Catholicorum Articulis, procliue est ostendere, non haberi vnanimem consensum in Ecclesia Romana, cum plerosq; præcipui Pastores & Doctores, citra censuram Ecclesiasticam impugnent.

¶ I. Si sermo sit de Articulis, seu dogmatibus Fidei præcipuis, & maioris momenti fidenter dico, nec vnum ab Augustanis nominari posse, in quo non detur vnanimis ille consensus Pastorum, & Doctorum, & immeritò nobis imputari, quod præcipui Pastores & Doctores talia dogmata impugnent, nè dum quod citra censuram Ecclesiasticam impugnent, quod in loco euidenter cōmonstrabimus. Scio falli sæpè Scriptores Augustanos, vt aliquid nobis adscribant, tanquam dogma Fidei, quod reuera non est, sed vel opinio, vel alterius rationis persuasio; sæpè cùm in modo explicandi, definiendi, probandi, aut similibus discordant, in dogmate discordare existimant, sæpè cùm vnus quispiam, vel pauci pro-

habilitate & ut probabile, vel ut certum ex sua priuata sententia, aliquid esse de Fide docent, illi temerè arripiunt, & vniuersim à Pontificijs doceri asserunt id esse de fide, & tamē sciūt ab alijs doceri contrarium: sapē aliter atq; aliter nobis aliquid, tanquam Fidei dogma, & dogmatum dissonantiam impingunt, confundentes dogmata Ecclesiæ, cum dogmatibus scholæ, publica cum priuatis, vniuersalia cum particularibus, definita cum non definitis: sed quemadmodum non ideo configunt quædam sydera, quia ab oculo in terris posito cernuntur quodammodo colligere, ita nec nos pugnamus, quia putamur pugnare.

¶ 2. In Articulis seu Dogmatibus obscurioribus, & non ita magni momenti fieri aliquando posse, ut aliquis à communi Pastorum & Doctorum consensu desciscat, idq; altero ex duobus modis, puta 1. cum pertinacia erroris aduertendo, se sentire contra Pastores & Doctores suæ Ecclesiæ, atq; etiam damnando eosdem erroris. 2. Sine pertinacia erroris, sed ex ignorantia vincibili, vel inuincibili, ita ut non aduertat se aduersari Pastoribus, & Doctoribus, atq; sensui communi suæ Ecclesiæ, paratusq; sit deponere priuatam suam persuasionem, si intelligat suam ab Ecclesiâ (quâ credit esse veram) discrepantiam. Neutra dissensio vnius vel aliorum officit consensui Catholico.

Non prima: quia qui ita dissentit in dogmate Fidei, eo ipso est Hæreticus, & diuellit seipsum ab Ecclesiâ, iamq; amplius non est membrum Ecclesiæ per internum spiritum Fidei: vnde propter ipsius, tanquam extranei dissensionem, vel contradictionem, non censetur dissentire Ecclesiâ. Ipse enim solus, aut cum alijs paucis, non effert Ecclesiam extra Ecclesiam.

Non secunda 1. Quia aliàs in nulla Ecclesiâ esset possibilis consensus Catholicus. Nescio an gloriari velint Confessionistæ Augustani, nullum penitus esse inter suos, qui ignoret aliquid, quod sufficienter Diuinitus reuelatum est, Recolamus exempla

maio-

maiorum; in ipsamet primitiua Ecclesia reperiemus aliqua fuisse ignorata. Nonne Scriptores Augustani mille tales nauos obseruasse se putant in SS. Patribus, & tamen non audent dicere corripisse consensum Catholicum. 2. Quia ad consensum Catholicum, non opus est vt consentiant *Omnes* Mathematicè, seu numericè, sed sufficit quod consentiant *Omnes* Moraliter: quod non nostri tantum, sed Augustani quoq; Scriptores docent, & inter suos non infimi nominis Horneus de sufficientia scripturæ pagina 249. vbi approbat sententiam Valentiae his ipsis verbis. *Per concordem (inquit) sententiam Patrum, non intelliguntur Omnes Mathematicè, id est, nullo excepto, sed moraliter, vt omnes ij censeantur, quorum authoritatis pondus tantum est circumstantijs omnibus consideratis, pietatis, multitudinis, &c. vt à prudentibus eorum solum ratio haberi debeat, neglectis cæteris, quasi nihil sint, si cum illis conferantur.* 3. Quia hoc habet mos omnium gentium dicentium *Omnes* aliquid agere, si maior vel maxima pars agat, esto pauci non agant. Ita dici solet, quod confluxerit omnis Ciuitas, quod omnes Milites in exercitu cæsi, omnes Ciues cõsentiunt; &c. 4. In Concilijs Generalibus sæpè contingit vix aliquot centena Episcoporum colligi, nec possibile est, vt ex orbe vniuerso colligantur omnes, & tamen dicuntur consentire *Omnes*. 5. Ille qui priuatim dissentit, errat errorem particularem, & simul corrigit eundem fide Generali. Errat v. g. Credendo Spiritum S: non procedere à Filio, & corrigit eundem credendo, quidquid credit vera Christi visibilis determinata Ecclesia. Per hanc enim fidem Generalem retractat quodam modo errorem particularem, natum ex ignorantia, paratus eundem deserere, si rectius de sensu Ecclesiæ informetur: vnde non censetur errare formaliter contra fidem, sed tantum materialiter. Ille enim formaliter errat contra fidem, qui dissentit à veritate cognoscens esse ab Ecclesia propositam, contemnendo Ecclesiam, quàm potuit & debuit cognoscere esse

esse veram Christi Ecclesiam; ille materialiter errat contra fidē, qui dissentit quidem à veritate, paratus tamen est eidem consentire, quàm primùm agnouerit Ecclesiam, & intellexerit veritatem illā ab Ecclesia esse propositam. Propter quam præparationem animi, & virtualem retractationem particularis erroris, censetur Morali- ter consentire Ecclesiæ. Non ergo destruit talis priuatus dissensus, consensum Ecclesiasticum, & Catholicum. Atq; adeo non facit inutile nostrum principium.

Dicunt, Dissensus formalis & explicitus, per virtualē, & Hypo- theticam consensionem moralem, cum Ecclesia non conciliatur. 1. Quia apertè dissentiens, consentire, manente eodem obiecto, di- cinon potest citra contradictionem. 2. Quia mente comprehē- di non potest, quomodo in hoc, vel illo doctrinæ capite, in quo manifestus est quorundam Doctorum dissensus, dici possit omniū Doctorum consensus. 3. Vincentius Lyrinensis dicit id esse Catholicum, quod vbiq; quod semper, quod ab omnibus credi- tum est. 4. Propositum submittendi se iudicio Ecclesiæ effi- cere non potest, vt contradictio formalis, desinat esse contradictio formalis. 5. Nullus dissentiens supponit se dissentire ab Ecclesia, quam credit veram Christi Ecclesiam.

R. Nego quòd consensus ille generalis, seu virtualis, non con- ciliet cum Ecclesia eum, qui per ignorantiam, vel per errorē vin- cibilē, aut inuincibilem dissentit ab Ecclesia; quia cōsensus ille ge- neralis, seu virtualis, facit vt ita errās, non erret formaliter contra fidem, sed tantùm materialiter, vt paulò ante dictum est.

Ad primam probationē. Apertè dissentiens, non potest dici con- sentire per illam fidem particularem, quā dissentit; potest tamen dici consentire per fidem Generalem, quā vniuersaliter credit quid- quid credit Vera Christi Ecclesia. Ad 2. benè potest mente com- prehendi, quomodo dicantur Omnes consentire per fidem saltem generalem, & tamen quosdam dissentire per errorem particularem

oppo-

oppositum quidem veritati, quæ est de fide, non tamen oppositum eidem veritati, in quantum est de fide, id est, in quantum veritas illa intelligitur, proposita ab Ecclesia. Hæc enim oppositio non tollit vniuersalitatem *Omnium* moralem. Ad 3. Vincentius id dicit esse Catholicum, quod creditur ab omnibus secundum vniuersalitatem moralem. Ad 4. Propositum submittendi se iudicio Ecclesiæ non facit, vt inter duas propositiones sibi contradicentes, desinat contradictio formalis, secundum quod vtraq; absolutè est propositio; facit tamen, vt illa contradictio non sit formaliter contradictio secundum rationem fidei, vt antedictum est. Ad 5. Vix fieri potest, vt aliquis credens hanc determinatam Ecclesiam, esse veram Christi Ecclesiam, velit dissentire ab eadem Ecclesia; posito tamen casu, ille formalissimè esset hæreticus: attamen ad hæresim hoc non est necessarium; sufficit si possit, & debeat agnoscere veram Ecclesiam, & nolit per voluntariam excæcationem vel obdurationem, ei se iungere. Talis per fidem illam generalem, quæ credit quidquid credit vaga quæpiam, & indeterminata Ecclesia non reconciliat se veræ Christi Ecclesiæ: quia vera Christi Ecclesia, non est Ecclesia vaga & indeterminata, sed certa & determinata, atq; vt ita dicam indiuidua, cui omnes se tenentur iungere. Vnde de tali hætenus locuti non sumus, sed de illo, qui cognoscens veram indiuiduam Christi Ecclesiam credit, quidquid illa credit. Hunc dicimus in casu, quo errat particulariter, & ita dissentit ab Ecclesia, reconciliare se ipsum eidem Ecclesiæ per Fidem generalem.

¶ 3. Demus (quod tamen non damus) dissensum paucorum destruere vniuersalitatem consensus Ecclesiastici, tamen consensus ille, quem in nostris dogmatibus nos Catholici producere & probare possumus, sufficit, vt intelligant DD. Collocutores, nos in plurimis saltem dogmatibus magno consensu pugnare cum Augustanis, imò in multis ita vniuersaliter pugnare, vt nec vnus no-

minari possit Catholicus, quicum Augustanis sentiat, v. g. quòd Papa non sit caput Ecclesiæ, quòd sola Scriptura sit regula credendi, quòd iustificatio fiat per Fidem solam, &c.

Cur ergo DD. Collocutores Augustani, audito isto certissimo nostrorum ab Augustanis dissensu, conferre de his nobiscum, & iuxta intentionem S. R. M. agere, de tentanda via ad consensum nolunt? Deinde, si de alijs nostris dogmatibus existimant, non posse euidenter probari nostrum vniuersalem consensum, sciât, nos omnino persuasos esse, Augustanos longè minùs probare nobis posse vniuersalem consensum eorum omnium, qui se vocât Professores Confessionis Augustanæ in ijs etiam quæ habentur expressè in Confessione Augustana: Et tamen nos illis simpliciter consensum illum affirmantibus, credimus: credant ergo & nobis, & de his, quæ ex nostra asseueratione sibi aduersantia rependerit, nobiscum conferant.

Ad extremum, vt finem aliquando præliminaribus hisce disputationibus imponamus, medium sæpè indicatū, iterū atq; iterum suggerimus. Ordiamur à Concilio Tridentino, & Confessione Augustana, in quibus euident est, quàm multa, quàmq; lata sit inter nos & vos dogmatū discrepantia. Illa assumamus, & singula capita confrontemus. Credite, copiosam naçti sumus colloquendi materiam, si seriò rem agimus, & si DEVS vult, non minimo Christianitatis commodo, nec deinceps plura. Agamus agenda, & seriò rem aggrediamur.

*Georgius Tyssiemicz, Episcopus Samogitia
vni Præsident Theologorū Catholicorū m.p.*

S E S S I O XVI. Vigesima secunda Septembris.

In praesentia DD. Deputatorum, tam ex parte DD. Catholicorum, quam ex parte DD. Augustanorum, Adm. R. P. Hieronymus à S Hyacintho, & Adm. R. D. Fridericus Meybohm Archipresbyter Elbingen: causas dederunt, ob quas DD. Augustanorum Confessio, 20 Septemb: post meridiem, Illustrissimo D. Episcopo exhibita, à DD. Catholicis acceptari non posset, scilicet, quod à praescripto S. R. M. deflecteret, multa superflua & impertinentia, quaedam etiam iniuriosa continere videretur. Pleraq; D. Hülsemannus, specialiter ad hoc vocatus, annotavit, dixitq; se in praesentiarum nihil refellere, quia mandatum refellendi non haberet, & petiit ut dubia hac scripto porrigerentur, quod quidem scriptum a parte Catholica in suo conclauo nullo modo dandum, iam conclusum erat, ideoq; Deputati designati erant adhuc dubia exponenda, qui & dixerunt difficile hoc parte Catholicam, quod petebat D. Collocutor facturam, nihilominus Illustriss: D. Castellanus Gnesnen. obtulit suam operam agendi cum parte Catholica. His absolutis, dimissa Sessio, & insequentem diem indicta,

S E S S I O X V I I .

Vigestimâ tertiâ Septembris.

Dubia in scripto, ab Illustrissimo D. Castellano Gnesnensi, DD. Augustanis expectarunt, & DD. Catholici responsum, quod à DD. Augustani ad proposita dubia putabant sibi dandum. Postquam autem Illustrissimus D. Gnesnensis à parte Catholica declarasset, nulla dubia ob certas causas in scripto danda esse, elapso tempore, soluta est Sessio.

SESSIO XVIII. PVBLICA,

Vigestimâ quintâ Septembris.

*Sessio Publica in Aula Maiore, presentibus omnibus Partibus.
Principio Literæ S.R.M. ad Conuentum presentem, lectæ sunt, per Illu-
strem & A.R.D. Adamum Kos, S.R.M. Secretarium, quarum tenor est.*

V L A D I S L A V S IV.
DEI GRATIA REX POLONIÆ,
Magnus Dux Lithuanix, Russiæ,
Prussix, Masouix, Samogitiæ, Liuo-
niæ, Smolensciæ, Czerniechouixq;
Necnon Succorum, Gotorum,
Vandalorumq; Hæreditarius.
R E X.

REVERENDE, MAGNIFICI, GENEROSI, NO-
BILES, SPECTABILES, ERVDITI, Sincerè,
& Fideliter Nobis dilecti.



Ptassemus equidem, vt Colloquium præ-
sens Thoruniense, Authoritate Nostrâ de-
signatum, Præsiede verò Illustri GEORGIO
Comite in OSSOLIN, S.R. Imperij Principe, Supremo
Regni Cancellario, Lubomlensi, Rycensi, Adzelen,
Capitano, & Legato Nostro, feliciter inchoatum,
eodem directore, vlteriùs, bonis auspicijs continua-
retur. Sed quia grauissima Reipubl: negotia mu-
neri.

neri ipsius incumbencia, id à Nobis efflagitant, imò
cogunt, vt eundem ad Nos euocemus: is verò in
locum suum Magnificum IOANNEM LESCZYNSKI Ca-
stellanum Gnesnensem, quem acceptissimum Sin-
ceritatibus & Fidelitatibus Vestris fore existima-
mus, substituat; Ideo Nos eandem substitutionem
ipsius ratam & gratam habentes, illamq; Authorita-
te Nostrâ Regiâ approbantes, amanter contendi-
mus, vt Sinceritates & Fidelitates Vestræ eidem
Magnifico Castellano Gnesneñ, eximiâ prudentiâ,
singulari dexteritate, rerumq; gerendarũ vsu con-
spicuo, ijsq; virtutibus, quibus huic Sac. Congrega-
tioni satisfacere, dextreq; præsidere possit, ornato,
munus hoc obeunti, studia, fauoresq; suos impen-
dere, taliq; honore atq; beneuolentia excipere ac
prosequi velint, qualem hoc ipsum munus illi ad
præsens impositum exposcit. Quod Sinceritates
& Fidelitates Vestras cum suæ integritatis, atque
prudentiæ, tum boni publici, internæq; Pacis & trā-
quillitatis causâ facturas confidimus. Quibus
de cætero optimam valetudinem à Domino precca-
mur, omnemq; felicitatem vouemus. Dat. Zem-
brouiæ die XVI. Mensis Septembr. Anno Domini
M DC. XLV. Regnorum Nostrorũ Poloniae XIII.
Sueciae verò XIV. Anno.

VLADISLAVS REX.

TI.

Titulus Literarum.

Reuerendo , Magnificis , Generosis , Nobilibus , Spectabilibus , & Eruditis , ad Colloquium Thoruniense congregatis , Sincerè & Fideliter Nobis dilectis .

Deinde Illustrissimus D. Castellanus Gnesnen. Causam, inquit, morarum præteritarum nullam aliam agnosco, quàm quod multum recesserimus ab Instructiōe S. R. M. Necesse igitur est, ut illa explicetur; ad hoc autem munus deputauimus R. P. Gregorium Schönhof Soc; IESU. Sic igitur R. P. Schönhof exorsus est.

Clarissimi DD. Collocutores vtriusque Partis Augustanæ & Reformatæ.

Post obortas iam sæpiùs non exiguas inter nos, & vtramq; Partem difficultates, cum sæpè deliberarent nostri Catholicæ partis Theologi, & collatis grauissimis Consilijs peruidere vellent, unde malum scaturiat, & quænam sit remorarum causa; intellexisse sibi visi sunt, intentiones partium non in eundem collimare scopū, atq; adeo in diuersas, & interdum etiam oppositas abire vias, contrarijsq; medijs sæpiùs configere, & ad inuicem collidi. Inde tot interstitia cessationis & quietis. Semel ergo mentem suam declarare palam, & apertè voluerunt, quid velint, quouè tendant, & quò per alienos impulsus se duci, aut rapi nequaquam passuri sint: ut tempestiuè intelligant aliæ partes, quid à nobis sperare, quid ultra nō promittere sibi debeāt. Hæc est intentio præsentis allocutionis.

Profitemur nos itaq; à scopo, quem S. R. Maiestas D. Noster Clementissimus, toti huic negotio clementissimè præfigere, & à medijs, quæ sapientissimè præscribere dignata est, nec ad latum unguem discedere velle, nec posse. Scimus enim

I. Quantâ sapientiâ S. R. Maiestas D. Noster Clementissimus, omnia maturè prospexit,

2. Quam

2. Quàm diuturno,quàmq; graui consilio omnia ponderauerit.
3. Quanto pietatis affectu omnia excipi nobisq; promi voluerit.
4. Quantâ curâ quàmq; cordata paterni pectoris sollicitudine omnia ad amussim obseruari desiderauerit.

5. Quantâ spe ex accurata omnium obseruatione eximios huius magni negotij fructus sibi promiserit.

6. Quantâ prouidentiâ vel nullos vel infelices progressus, & exitus ex eorum neglectu formidauerit.

7. tandem, Quantâ Maiestatis Authoritate,eadem nobis,id est Catholicæ nostræ parti comendauerit, inculcaueritq;. Ex his verò causis legis instar nobis esse volumus, quidquid de toto negotio arbitratur S. R. Maiestas D. Noster Clementissimus. Qui quidem quamuis pro sua Regia Clementia, & incomparabili benignitate leges dici noluerit: nobis tamen Religio fuerit manucentem. Sapientissimum, & Pientissimum Regem non sequi; temeritas, nostris inuentionibus, vel additamentis negotium aliorum flectere; leuitas, vel alienis vestigijs duci, vel impulsibus extra Regium tramitem abripi.

Scopum (de hoc enim iam ordior) S. R. Maiestas totiùs negotij bipartitum esse voluit, vnum per se intentum, nempe pacem, & vnitatem perfectam eiusdem Regni sui Ciuium, qui iam Religionē dissident. Alterum per accidens, si prior deficeret, nempe pacem saltem imperfectā. Commendationem perfectæ Pacis, frontem esse voluit suæ Regiæ Instructionis. *In primis, inquit, scopum quem suscepto negotio præfigimus, Concordiam & Vnitatem Religionis, ac Beatam Ecclesiæ Patriæq; Pacem, omnium votis tantoperè expetitam, Collocutores præ oculis habeant, & vt assequantur, totis animi viribus cõtendant, remotis omnibus alijs intentionibus, quæ animos aliò, studiisq; diuertere possunt.*

Videbat enim mens illa perspicacissima, quàm disparia sint hominum præsertim religionem tractantium vota & studia; & dubitabat

tabat interdum, (consciis loquor) num omnibus infederit synce-
rum, & quale omnium pectoribus inesse vellet, desiderium pacis;
& iam tum non sine aliqua formidine diuinabat, fore fortassis ali-
quos, qui non Concordiam iam notissimarum Confessionum ten-
tare, sed potius nouas Confessiones condere, atq; ita ex Actu re-
conciliationis Actum professionis, seu Confessionis facere vellent;
fore, qui ex hoc congressu occasionem arriperent, non tam vt ex-
trema hæc pugnancia in vnum coalescant, quàm potius, vt
sue partis Dissidia firment, & augeant; fore, qui oppositam partem
non pacem lucrari, sed de vetere pacis possessione deturbare, suoq;
statu, vel gradu deicere vellēt: fore, deniq; qui molirentur etiā no-
uis, si fieri posset, iuribus, prærogatiuis, immunitatibus partem su-
am exornare & stabilire. Qui quidem omnes quàm longè abeant
à linea, & à scopo S. R. Maiestatis D. Nostri Clementissimi, imò
quàm penitus ex aduerso pugnent, nemo est qui non videat. Nos
verò cum hanc S. R. Maiestatis mentem ab initio statim præsentis
tractationis haberemus perspectissimam, magno semper studio ad-
uigilauimus, ne quidquam nobis dicto, scripto, facto, excideret,
quod eò tenderet, vt neglectâ conciliatione animorum, & perfectâ
pace, nostra tantum firmaremus. Nec opus habemus hac cura
roborandi nostra, cum fides nostra Catholica, vera in hoc Regno
Materfamilias, Dñâ, & hæres, suis met præsidij, adeò firma sit, vt no-
stris adminiculis, quæ tenuissima forent, prorsus non egeat.

Hoc igitur vnum agebamus, & agimus, vt ijs quoq; qui à no-
bis dissentire coeperunt, quantum saluâ veritate & conscientia fas
esset, reconciliemur; si aliò nos aliquando tendere aduertitis, aut
etiam deinceps aduertetis, monete, illicò pedem retrahemus, & ad
vestigia S. R. M. nos reuocabimus. Idem à vobis, vt pari iure
nobis in vos liceat, postulamus, cum hac diferta & aperta denun-
ciatione, non permissuros nos quidquam, siue maximum, siue mi-
nimum, quod ab eo sine videbitur alienum, nedum si è diametro
vide-

videbitur, huic fini contrarium, id est, si nobis conslitterit, ea vos meditari, vel agere, quæ ad roboranda dissidia partium faciunt, ad extorquendas, nescio quas, nouas prærogatiuas, ad impetrandas inauditas in hoc regno æqualitates, & stabilienda sicubi sunt vetera iura, ad impetrandos nouos titulos, ad introducendas nouas Cōfessiones, ad deturbandos Catholicos à possessione siue nominis Catholici, siue aliarum prærogatiuarum, & denique ad quæuis alia siue maiora siue minora.

Hæc enim omnia manifesta sunt argumenta, non quæri, vt partes hæctenus diuulsæ, fiant vnum; sed vt maior, & stabilior sit diuulsio. Neq; nos eo fine, vel à S. R. M. huc euocati, vel à Principibus Prælatiq; nostris Ecclesiasticis delegati sumus, vt talia vel tractem⁹, vel concedamus, vel permittamus, sed ab omnibus vnum illud magnâ Authoritate nobis inculcatū est, nihil, nihil innouandum esse, præter solâ Pacē. Vos si aliud habetis in mandatis audire volumus.

Ex hac verò denunciatione nostra iudicabit deinceps Orbis terrarum, quænam pars censenda sit morasnectere, & obices progressibus ponere: illinē, qui obsecundant intentioni S. R. Maiestatis D. Nostri Clementissimi, & eiusdem tanquam primi in hoc negotio motoris ductum constantissimè sequuntur? an alij quieiusdem intentioni, Ductui, Motui, contraniti volunt?

Altera pars intentionis Regiæ erat, Pax imperfecta, in casu quo perfecta per nostram infelicitatem non coalesceret. Imperfectam Pacem dixit, quâ, si fortè Partes in totalem & perfectam, vnus eiusdemq; doctrinæ & sensus vnitatem non transirent, saltē sopiantur, aut penitus extinguantur odia, & prorumpentes ex odijs mutux infestationes. Pientissimum Patris Patriæ desiderium! Semper autem persuasa fuit S. R. Maiestas, vnicam ad excitandas has odiorum, irarum, bellorum, flammæ, causam esse quoddam genus hominum, qui obsequium se DEO præstare credunt, cum Doctrinam aduersæ Partis, quantumuis optimam, ita populo præ-

pinant, vt nulla teterrima hæresis comparere possit fœdiorè formâ. Ex quo spectaculo impossibile est aliud quidpiam progigni quàm odia & execrationes. *Nobis, (inquit,) compertum est maximam iam malorum præsentium causam esse, sinistras intelligentias Partium, & hoc vno fomite tam luctuosum Dissidium in hoc inprimis Regno foueri.* Ex qua mente S. R. Maiestatis facilè intelligimus, quantopere S. R. Maiestas si præsens esset, abhorreret ab omni præsentium Collocutorum scripto vel dicto, quo offendi partes, & veteribus, nouisq; cauillationibus, vel aculeis offuscarì & perstringi cerneret alterutrius Partis Doctrinam, aut certè ijs coloribus infectam in publicum produci, quibus ipsa pingi, neque velit, neq; debeat. Diceret utiq;, tales artes in propositum negotij scopum nequaquam tendere, sed toto coelo à meta aberrare. Quid in eo genere, & qualiter à nobis actum sit hætenus, testabuntur nostra scripta, quæ porreximus, atq; illud inprimis in quo nostras de Catholica Doctrina propositiones nuperrimè obtulimus: quid autem à Partibus desideremus, tum aliàs insinuauimus, tum paulò post intimabimus.

Venio ad media pro consecutione finis à S. R. Maiestate præscripta, vt de his quoq; Partes nostrâ mentem maturè intelligant.

Media S. R. Maiestatis singularia sunt, & toto hoc sæculo, à quo dissidium coepit, vix vñitata. Pleraq; Colloquia ita hætenus habita sunt, vt acerrimis disputationibus, similia fuerint, quàm amicis & fraternis Colloquijs, nostrum autem fraternum esse voluit, atq; adeò ab omni disputationis specie remotissimum. Audiamus loquentem. *Quoad alteram Actionem, quâ de veritate & falsitate alterutrius Doctrinæ disserendum duximus, intelligant omnes, non esse, nec vnquam fuisse mentis Nostræ, permittere vt Partes infestis hinc inde Disputationibus sese impetant, à quibus tantopere abhorremus, vt nè quidem Disputationis nomen, in toto hoc Negotio usurpari vnquam voluerimus.* Didicimus enim experimento
vnius

10
vnius sæculi, interminatas illas Argumentorum conflictationes in maiores ferè rixas desinere, & post longos conatus, vix fieri posse, vt Diuina veritas solidioribus & validioribus firmetur argumentis, quàm hactenus firmata est,

Vnius ergò sæculi memoria & experientia, quam recognoscit Christianus Orbis vniuersus, sapientissimum Regem à veteri receptoq; quorundam more meritò dimouit, persuasitq; vt nobis non relinqueret liberum, disputando certare. Quo imperio fregit nostram quoque Catholicorum animositatem, qui à primordijs huius expeditionis nostræ, nihil aliud meditabamur, quàm argumentorum pugnas, & huc veluti in arenam nos accingere & descendere cogitabamus, sed ex moderamine S. R. Maiestatis spiritus istos bellicosos deposuimus, & in aliud tempus, si quando dabitur classicum, reseruamus. Pacem iam quærimus per viam pacis, à qua dimoueri nos nullâ vi patimur: illius etiam grauissimæ admonitionis memores, quâ Paulus ab istiusmodi conflictationibus, præclarissimos Christianæ militiæ Archistrategos Timoteum & Titum dehortabatur. *2. Tim: 2. Noli contendere verbis. Ad nihil enim vrile est, nisi ad subuersionem audientium. Profana & vaniloquia deuita, multum enim proficiunt ad impietatem. Sine disciplina quæstiones deuita, sciens quia generant lites. Seruum autem Domini non oportet litigare, sed mansuetum esse ad omnes, docibilem, patientem. 1. ep c. 6. Si quis aliter docet, & non acquiescit sanis sermonibus Domini nostri IESV CHRISTI, & ei quæ secundum pietatem est Doctrina, superbus est, nihil sciens, sed languens circa quæstiones & pugnas verborum, ex quibus oriuntur inuidiæ, contentiones, blasphemiæ, suspiciones malæ, conflictationes hominũ mente corruptorum. Contentiones & pugnas legis deuita, sunt enim inutiles & vanæ. ad Tit: 2.*

Inutiles planè ad eum finem, quem iam cum S. R. Maiestate

Dñō nostro Clementissimo, intendimus. Disputationum finis est, vt Pars alterius Partis doctrinam impugnet, & eò vsq; deprælietur donec victoriam referat. Hoc nos non agimus, nec agemus, sed aliā viam inibimus, non à nobis inuentā, sed Regijs auspicijs nobis iam præmonstratam, & propè vnicam ad proseguendam, & obtinendam eam, quam quærimus, Pacem : ideoq; à nobis, quod iterum iterumq; profiteamur, sacrosanctè tenendam, siue ordinem rerum tractandarum spectetis, siue modum tractandi.

Et quidem quoad ordinem rerum, placet S. R. Maiestati tribus distingui actionibus negotium. Quarum prima conciliare poterit, debeatq; illam pacem saltem imperfectam, si constanter & fideliter lineam ductumq; Regium sequamur; secunda, & tertia Pacem, si DEVS volet, perfectam.

Primæ Actionis tres vel quatuor partes constituit. *Vnaquæq; Pars, (inquit) de omnibus, & singulis doctrinae Controuersæ capitibus suam Sententiam breuibus simplicibus, apertis verbis, & propositionibus conceptā in medium proferat.*

Expendo propè singula verba. Ac imprimis, *suam Sententiam.* Nec enim vellet explicari manu nostra alienam. Hospes, & Paterfamilias domi suæ plura pernoscit, quàm aduena; neq; fieri posse credimus, vt ita castigatè, mundè, correctè, alienus Author explicet, quàm suus: si præsertim fiat ante auditam pleneq; perceptā alterius partis sententiam. *De omnibus & singulis Doctrinae Controuersæ Capitibus.* Capita, non verò minutissima segmenta enumerari S. R. M. voluit: illa censeantur, à quibus cætera pendent. *Breuibus, simplicibus, apertis, &c.* *Breuibus* vt non sit tractatus, non volumen, non liber, sed propositiones, vt edi solent, ab ijs, qui defendendam doctrinam in scholis proponunt; *Simplicibus*; non vtiq; compositis, vt de eodem obiecto, & affirmatiuè & negatiuè, differatur. *Altera Pars (inquit) eidem oppositæ Parti eandè recognoscendā offerat, eidē iam scripto, iam vivā voce explicandæ, insistat*
Distin-

Distinctam partem Actionis voco. Nam & scriptum, & viuam
vocem concedit. Rursus eidem depuranda, ab imputatis erroribus,
vel opinionibus vindicanda, tamdiu insistat, donec cuius liquidò
veluti in meridiana luce constare possit, quid vnaquæq; Pars reuera
docuerit, quid putetur, vel fingatur docuisse. Hæc tertia eiusdem
Primæ Actionis Pars est, vt illæ imputationes, quæ initio simplici-
bus primo scriptis offeruntur remoueantur, & ex collatione eorū
quæ in confesso sunt, & quæ negantur, liquidum fiat, quid meritò
quid immeritò imputatum sit. Sequitur quarta Pars. *Quod ubi*
(inquit) præstiterint, statim magno studio colligat ex vnanimi Confessio-
ne partium, ea quæ repererint verè, & contradictoriè pugnantiâ. Hic
demum est apex primæ Actionis, & fructus. Ex quo Sapienter col-
ligent DD. Collocutores nostrum esse præcauere, ne actiones, &
partes actionum confusionem subeant, & pars præueniat partem,
sed suis motibus singula procedant manu ducente S. R. Maiestate.

Altera Actio quæ est de veritate & falsitate doctrinæ. Repeto,
iterumq; cordatè inculco, acrimoniam Disputationum, vsq; adeo
intentioni Regis & nostræ aduersari, vt planè certi simus, nihil to-
ti negotio menti; S. R. Maiestatis magis aduersari, quàm hoc,
quòd vigesies & ultra ex ore S. R. Maiestatis excepi, nolle se
permittere, vt nouum Seminarium odiorum, & litium, hic
nascatur, & deinde in amplissimum Regnum diffundatur. Ita-
que hæc Sac. Reg. Maiestatis mens est, vt sæpè præstitæ (vt lo-
quitur) *veritatis ostensiones, eaq; simplices confirmationes semel,*
iterumq;, vel ad summum tertio, à quauis Parte equaliter in medium
producantur. Eonè fine vt sine fine de iisdem certetur? minimè.
Sed non tam ingeniosis argumentationibus concertare pergant, quàm
potius prudentiâ, & consilio discipendum assumant, quid saluâ verita-
te, atq; conscientiâ præstare possint, ac debeant. Neq; quidquam
amplius extorqueri nobis patiemur.

Tertiam Partem existimat S. R. M. totam pendere, à secunda.

Illud studiosè præcauet, ne quidquã importune de praxi inferatur.

Iam verò quod attinet ad rerum tractandarum modum, liquidum est, detestari S. R. Maiestatem omne id, quod partem offendere possit. Ex his verò, quæ apertis & clavis verbis denunciavimus, facilè intelligere Clarissimi DD. Collocutores poterunt, quid hætenus nobis in mentem venerit, vt scripta nobis porrecta, tam facilè non recipereamus. Nec velim hic morari, factâ semel denunciatione. Concludo, nos neq; pati, neq; passuros vnquam, vt vel ad latum vnguẽ dimoueamur à scopo & medijs, à S. R. Maiestate conceptis. Et pariter à Clarissimis DD. Collocutoribus percipere volumus quæ eorundem sit mens, & voluntas.

Hanc Declarationem mentis S. R. Maiestatis, à Rñdo P. Schönhof finitam. Illustrissimus D. Castellanus Chelmen, ex parte DD. Reformatorum, his verbis Excepit:

Si tam longis allocutionibus nos inuicem compellaremus, tempora agendi verbis tantum occuparemus. Puto enim omnes, qui huc ex mandato S. R. M. & benignissima inuitatione Ecclesiæ totius Sarmaticæ Catholicæ venerunt, hunc scopum intendere, vt hoc negotium benè & intra metas temporis præscripti, imò citius peragatur. Scopus tamen omnium hac in parte vnus est, & esse debet, vt non solum pacem, sed etiã veritatem intendamus, ita vt indissolubilis nexus sit inter hæc duo, & magis firmetur. Illa duo sunt fons riuulorum istorum, qui sunt in intensione S. R. Maiestatis, hoc est reconciliationis & vnionis, Religionis & animorũ: media quæ scopum attingere, & feliciter ferire debent, puto illa essentialia esse, vt aliquid affirmetur vel negetur, & deinde rationibus illud aut probetur, aut refellatur. Basis enim est istius negotij, vt primò propositiones formentur. 2. De probatione illarum sit diserratio. Ergò quando scribuntur propositiones, necessum est, vt lucidè, non obscurè, clarè, & sufficienter scribantur. Ad corpus humanum, & ad motum corporis, non solum partes

maio-

maiores, sed etiam filamenta venarum requiruntur. Hoc applicari potest præfenti Negotio: sunt filamenta, sine quibus corpus humanum consistere non potest. Explicanda sunt & enucleanda omnia, quæ differentiam pariunt, & animos distrahunt, si vel minimum in oculum incidat, & lædat, euellendum est, etiam illa minima si oculum lædant Charitatis, sunt euellenda. Deinde Disputatio illa quidem, quæ habet gradum sibi adiunctum contentionis & rixæ, abesse debet, attamen inquiri debet de vero & falso, per ratiocinationes. Idem videtur innuere S. Paulus. Non ut contendamus *Verbis*, proinde rationibus agendum. Non putandum S. R. Maiestatem, cum mentis suæ notas in Instructione exprimere voluit, exclusisse ab istis, etiam minimarum rerum disquisitiones, quæ possint cum bono publico tractari. Non opus erat nobis tam latè explicare Instructionem S. R. Maiestatis, si memoriter dicta fuisset, semper de verbis interrogaremus, sed cum typis expressa sit, quilibet affert oculos ad videndum & rationem, ad dijudicandum, quid velit Rex. Combinamus nos ista duo, S. R. Maiestatis responsum ad Orlensem supplicem libellum, & modernam instructionem. Hæc duo proueniunt ex eodem pietatis fonte, ita tamen ut semper maneat præcipua in proponenda Religione libertas ita faciendi ne quid desit ad explicandam veram Religionem. In responso Orlensi indigitauit causas discessionis, proinde illa omnia sunt explicanda, & puto non posse præiudicare Instructionem eodem responso Orlensi. Hærent mentibus verba Illustrissimi Dñi Legati, Instructionem esse manuductionem Paterni affectus, non legem. Natura negotij si aliud postulat, liberum erit Partibus statuere, collimando ad eundem scopum, quem S. R. Maiestas præfixit. Non hic quæritur, ut noua alicui accedat prærogatiua, ut æqualitas aliqua vni tribuatur, alteri detrahatur. Æqualitas est per DEI gratiam, securitatis & libertatis in hoc Regno, proinde nulla hinc inæqualitas inducetur spero. Nos etiam cauebimus
ne no-

ne noua præiudicia patiamur, quæ præiudicent libertati. Putamus Patriam esse Matrem familias, quæ primò DEI indignatione Pagana fuit, postea recepit Religionem Christianam. Eadem cum videret ob Religionem concuti Orbem, securitatem vt promissit, ita præstat religioni Reformatæ. Puto non propriè dici Religionem esse Matrem familias, sed Patriam, quæ ita disponit in rebus, vt Pax & securitas semper seruetur.

Vt autem satisfiat omnibus, quæ ita citò notari non potuerūt, existimo non ægrè luros, si modicum deliberandi spatium petierimus. Hoc pro comperto haberi volumus, ne alia opinio de nobis habeatur, quàm nos omni candore eò progressuros, quo Pax Christiana coalescere, acerbitas animorum extingui possit, & totum modum & methodum Tractationis nostræ id euicturâ,

His subiecit Dñs Hülsemannus Augustanæ Partis Moderator.

Perceperunt Augustanæ Confess: Professores, eam siue repetitionem, siue præsumptâ explicationem Instructionis Regiæ, quæ cum dilucida sit, videtur, potuisse supersederi ea declaratione. Ipsi autem cum huc accesserint, ad animorum concordiam promouendam, inter accepta cum primis referunt, quod S. R. Maiestas instructionem suam non legis loco, sed desideriorum esse voluerit; Collocutoribus autem leges sibi figere plenam potestatem concesserit: petunt autem, vt quemadmodum DD. Catholici, ea quæ iam prolata sunt consultò, & meditâtè dixerunt, ita etiam, ipsi responsum suum hoc ipso in loco publicè reddant. Quod ad Processum attinet, qui hætenus obseruatus est, sperant, imò planè confidunt, nihil vel literis, vel voce ab se emissum esse, quod offensionis speciem præstulerit; se deinceps quoq; idem facturos pollicentur, & cum ante quintiduum positiones doctrinæ suæ fuerint exhibitæ, petunt eum ordinem seruari, qui hætenus obseruatus fuit, in prælegendis partium Positionibus, præsertim cum Illustriss. D. Legatus ipse iudicarit, nihil offensiui inesse. Hoc si obtine-

rint

rint, non secundos, sed primos se fore, qui maturationem huius Colloquij eiusq; exoptatum finē summis viribus sint promotori.

Tandem Illustrissimus D. Castellanus Gnesnē. Sessionem publicam, ut primus Senator in horam Octauam Sequentis diei indicxit.

SESSIO XIX. PUBLICA. Vigefimâ sextâ Septembris.

Congregatis in Maiori Aula omnibus Partibus Illustriss. D. Castellanus Chelmenfis sic præfatus est.

Hesternâ die distulimus responsum ad Allocutionē à R. P. Schönhof factam ad hodiernam diem, proinde expediendo deliberationem hanc. fiet Declaratio ista nomine Partis Reformata, à Clarissimo Dño Doctore Ioanne Bergio. Qui cum iam incepisset interposuit se Magnificus D. Boianowski perconstatus, quomodo intelligendæ sint literæ Serenissimi Principis Electoris Brandenburgici, quæ asserunt Theologos à se missos esse August. Confess. Cum tamen Dominus Bergius inter Reformatos confederit. Tum D. Bergius legi nomina Theologorum missorum ex literis Serenissimi Electoris voluit, quæ fuerant D. Ioannes Bergius Sac. Th. Doct. D. Georgius Calixtus, D. Fridericus Richelius, simulq; asseruit Sereniss. Electorem non passurum se excludi à Soc. August. Confessionis. Nec ego (subiunxit) vellatum vnguem ab illa discedo. Neq; tamen idcirco membrum esse desino Reformatæ Ecclesiæ, petijtq; non interrompi suum sermonem. Interea cum Illustriss. D. Castellanus Gnesnensis aliò spectare dixisset hanc actionem subiecit D. Boianowski: Protestamur, cui responsum ab Illustriss. Dño Castellano Chelmenfi, & nos retestamur. Tū D. Bergius sic orsus est.

Reuerendissime Illustrissime nec non Illustrissimi DD. Præsides DD. gratiosissimi, vosq; Reuerendi & Clarissimi Dñi Collo-

Q

cuto-

cutores. Et si hesternâ die ad eam orationem, quæ partim Illustr. DD. Castellani Gnesnensis nomine, partim nomine totius Cleri Catholici habita est, ad pleraq; satis superq; responsum arbitror ab Illustr. D. Castellano Chelmenfi Præsidente nostro, tamen cum partem oneris Illustriss. D. Castellanus, & Reuerendi Dñi Fratres in me deuoluerunt. *Verbis his auditis Illustriss. ac Reuerendiss. D. Episcopus Samogitiæ Præsides Catholicorum, cum suis loco se proripuit, protestatus, titulum hunc à Catholicis, sine præiudicio audiri non posse, iamq; de eo fuisse conuentum in Absentia Excellentiss. D. Bergij, ut titulo Collocutorum sint contenti.*

Subiunxit D. Bergius sine titulis igitur rem aggrediar. Cum, inquam, huius oneris partem in me deuoluere voluerint, cui humeros meos impares esse agnosco, tamen in hac causa, ad quam agendam Sereniss. Elector D. meus Clementissimus me ablegauit, hoc onus defugiendum minimè censui, & sine proœmio iuxta Regium præscriptum ad hesternam Orationem accedo: Cuius mihi summa hæc visa est. Quod Clariss. D. Collocutor veras hætenus inutilis moræ in hoc Colloquio nobis causas indicarit, quas putat esse duplices. Alteram quod à Scopo à S. R. Maiestate proposito, alteram quod à medijs ad hunc scopum nobis prædefinitis hætenus plus satis discessum sit. Ita tamen hæc omnia proponere voluisse visus est, ut potissimam eius rei culpam & inuidiam in nostras partes illum deuoluere voluisse non obscure patuerit: Et quidem oratione, singulari Artificio & facundia, quæ laus ei meritò debetur, præmeditata, verbisq; satis libratis, & exasciatis elaborata. Necesse sit itaq; ipsa ad innocentia nostræ defensionem responsum à nobis requirit publicum, non quidem præmeditatum, cum vix ante vnam, & alteram horam designatio illius orationis à DD. Fratribus mihi sit tradita, sed tamen ita ex animi mei sententia instituendū, ut sine vlla vlli partis offensione vel leuissima proponi id velim. DEVM Ter, Opt, Max. oro, ut verba mihi, & mentem inspi.

inspiret, quæ veritatem, & charitatem vnicè spirent. Principio in optimam nos quidem partem interpretamur, quòd Illustriss. D. Præses partes suas in virum illum disertissimum quo ad hanc orationem transferri voluerit, vt eo liquidius omnibus Illustritatis suæ sensus, & optima intentio pateret. Cæterum cum ipso Clarissimo D. Oratore non tam quidem expostulare, quam leniter queri, vel potius quærere liceat, an non ipsemet sua illa oratione in ijs, quæ de suo addidit, eius culpæ reus, factus sit, de quâ nos accusat? Quid enim sibi voluit oratio ista monitoria, nisi, vt toti negotio moram inutilem inijceret. Quid voluerunt sibi, &c.

Hic Illustrissimus D. Castellanus Gnesnensis interfatus. Putabam ego DD. vestras aliter mentem meam accepturas fuisse, quàm nunc inuenio. Ex mente mea locutus est, sermonem meum, quem fusiùs exposuit R. P. non solum ex mente mea suscepit, sed etiam ea quæ dicturus erat mihi, accuratè prælegit, explorata illi omnia mea erant, itaq; sensum ipsius totaliter probavi, ac proinde non potest refutari sermo R. Patris sine refutatione mea, quam rem ego non possum pati. Putabam ego DD. vestras potiùs declarationem suam dare voluisse, an S. R. M. intentioni satisfacere vellent, quàm refutationẽ sermonis.

Tum D. Bergius ad hanc Declarationem tribus (inquit) verbis opus est. Nos ne latum quidem Vnguem discessisse nec discessuros esse ab Intentione S. R. Maiestatis. Ratio hic habenda veritatis non Dignitatis. Liceat mihi proponere quæ ad innocentiam nostram declarandam faciunt. Hic Illustrissimus D. Castellanus Gnesnensis subintulit licet dare Declarationem an recipiant Instructionem S. R. Maiestatis, sed non licet refutare sermonem meo nomine propositum, non enim quidquam obiectum est DD. Vestris quod receßerint, à manu ductione vel aliquid contrafecerint, sed modus tantum & melior explicatio proponebatur sine læsione & iniuria, quam D. Vestra interpretatur aliter, Rogo sit modesta declaratio. Adhuc Illustrissimus D. Ca-

stellan. Chelmen. rogo vt finiat Declarationem suam. Respondit Illustriß. D. Castell. Gnesnensis, Finiat. Perrexit itaq; D. Bergius.

Quæstus utiq; est vir Clarissimus à scopo Regio, & medijs discessum esse, non agnoscit, id ex parte sua, ergo ex nostra. A scopo quoddam nouas potius Confessiones videamur proponere voluisse, quoddam dissidia nostræ partis firmare, nescio quas nouas prærogatiuas extorquere, stabilire, sicubi sunt, vetera iura, impetrare novos titulos, deturbare de possessione pacis alios &c. si hoc in nos dictum est, respondemus ex communi sententia, hoc nobis non fuisse propositum, non nouas edere volumus Confessiones, sed ad veteres in consensu Sendomiriensi propositas prouocauimus, cumq; iuberemur Declarationem aliquam proponere in controuersijs, monito, & voluntati paruimus DD. Catholicorum, vt veteres repetere-mus, & ad præsentis Controuersias applicaremus. Multo minùs id agere volumus, vt dissidia confirmaremus, sed vt odijs sepultis (quoddam coram DEO, & Angelis testamur) vnice pacem fouerem⁹, multo minùs hoc nobis propositum fuit, vt de possessione pacis, aut nominis aliquem deturbaremus. Titulos nouos non moramur, Nobis honorificentissimus est titulus dici Seruos CHRISTI, pro quo vitã etiã ponere, parati sumus. Neq; nouas æqualitates, aut alia iura quærimus, quæ iura Regni, quæ æqualitates sint Politicis demandamus, nos hic alia iura non quærimus, quam quæ à Christo Redemptore habemus. Professus est Catholicam fidem non egere aliqua roboratione. Fatemur nec nostrã quiddẽ fidẽ noua indigere confirmatione, sed tamen aduersus contradicentes, vt eam tueamur hoc secundæ Actionis proprium est. Prædicauit suam Ecclesiam veram Matrem familias, Dominam & Hæredem. Ad hæc satis superq; ab Illustrißimo Præsidente nostro responsum est. Et si Ecclesia Mater est, Domina tamen fidei esse non potest, ne videatur filios tanquam seruos, & ancillas habere velle. Nos protestamur nobis eundem scopum propositum esse, vt pacem si fieri possit perfectam

fectam in Regno hoc inclyto constitueremus. Si verò iniquitate
temporum, & hominum injuriâ primario hoc scopo excideremus,
saltem secundarium obtineremus: Pacem imperfectam. Pacem
perfectam eam esse arbitramur cum perfecta consensio est in Do-
ctrina fidei, in puritate cultus, & in charitate fraterna Christiana.
Hæc nobis perfecta Charitas omnibus quidem votis expetenda,
omnibus etiam studiis quærenda est, sed an in hac iniquitate tem-
porum, & corruptissimi sæculi speranda sit, Clarissimi DD. Collo-
cutores, æquè ac nos, vt ex hesternâ oratione apparuit, ipsi vehe-
menter dubitant. Ergo cùm prima velificatione vti non liceat, se-
cundarius saltem finis imperfectæ Pacis nobis, & optandus, & quæ-
rendus, & per DEI Gratiam sperandus erit. Quam equidem eam
demum esse puto, cùm in aliqua discrepantia opinionum, & rituū,
doctrina tamen fundamentalis, & ad salutem maximè necessaria,
vt vtrinq; retineatur, operam omnes per Christi Spiritum damus:
& ad hunc potissimum scopum omnia Consilia, & conatus no-
stros retulisse hætenus, & deinceps directuros sanctè testamur, imò
hac quoq; ratione aliquomodo perfectam pacem nos putamus
adipisci posse, & si non in consensu omnium opinionum, & rituū,
tamen in tanto ardentiori conspiratione charitatis, & mutuæ fra-
ternæq; tolerantia. Hæc sunt quæ de scopo totius Actionis ex
mente S. R. Mai. statis, prout eam tum in Clementissimo ad Con-
uentus Orlensis scriptum responso, tum etiam in præscripto seu in-
structione huic Conuentui exhibita, explicatam inuenimus. Ego
quoq; nomine fratrum repetere volui, & nobis quoq; propositum
esse testor. Non enim id agimus (absit hoc à nobis nefas) vt ma-
ior fiat diuulsio; non hoc fine à Principibus nostris, aut Ecclesijs
missi sumus, aliud planè testantur mandati literæ à Serenissimo
Electore Brandenburgico mihi transmissæ, & de suis principibus,
aut Ecclesijs idem testari DD. Fratres poterunt. Nec verò Doctri-
næ Ecclesiarum nostrarum innouationem vllam quærimus, aut

promittimus, sed iisdem hac quidem in parte verbis uti volumus, quibus heri Clarissimus D. Collocutor usus est, magna nobis Auctoritate iniunctum esse, ut nihil, nihil, nihil in doctrina Ecclesiae haecenus recepta, ea praesertim, quae toti Ecclesiae Reformatae communis, non verò particularibus quorundam Theologorum saltem sententijs proposita est, sed ut sola Pax innouetur, vel potius renouetur, & quae haecenus Ecclesiae huius Regni inclyti, & Ducatus Borussiae gauisae sunt: porro ad posterum conseruetur ac propagetur. Agnoscimus etiam rectissimè de toto hoc negotio iudicare S. R. Maiestatem, cum, ut heri ex ore Clarissimi D. Collocutoris audiuius, ad excitandas odiorum, irarum, bellorum flammam causam praecipuam esse iudicat, quoddam hominum genus, qui obsequium se DEO praestare credunt, cum doctrinam Aduersae Partis quantumvis optimam ex scriptis, vel malè intellectis, vel iniquè detortis, ita populo propinant, ut nulla teterrima haeresis comparere possit foediori formae. Quinam verò illi sint, qui hoc nomen mereantur, nos iudicare nolumus, sed iudicium ea de re tum toti Ecclesiae hodiernae, tum toti posteritati, si quae futura est, incorruptius iudicaturae permittimus. Haec de prima orationis parte adeoque, de Scopo S. R. Maiestatis proprio. Ad alteram paucis respondebo, quae agebatur de medijs, quae planè à S. R. Maiestate longè prudentius, & sanctius, quam antea toto hoc saeculo ab ullo principe factum est, constituta & praescripta agnoscimus. Nimirum, ut absterneatur animosis disputationibus, quae maiori plerumque; animorum exacerbationi, & partium dissidio occasionem praebere solent. Merito etiam laudamus Cleri Catholici mansuetudinem animi, quod animositates suas, ut heri ferebat Regis persuasione frangi passi sunt. Quod Spiritus illos bellicosos ad tempus deponere parati sunt, & seponere donec Classicum canatur. Nos ex nostra parte non sumus nobis conscij animositatis tantae, aut bellicositatis, ut ita quamvis barbarè loquar, eoq; eas abijcere aut seponere

opus

opus non habemus. Classicum à nobis deprecamur, DEVS illud
ab hoc Regno, & ab his Ecclesijs in æternum abesse iubeat; Ange-
li Pacis esse volumus, tubam vocis nostræ ex Iussu Regis Regum
attollere potius ad arguenda, & reprehendenda peccata, & licen-
tiam populi, quàm ad Bellicosas aut animosas Disputationes: Cõ-
siderandum tamen DD. Catholicis permittimus, an non æquè pe-
riculosæ sint perorationes, & Rhetoricationes eiusmodi theatri-
cæ. facile enim fieri potest, vt per has potius ex aliqua eloquentis,
vel incogitantia, vel imprudentia acuantur disidia, sin autem de
re ipsa aliquando agendum, aut disceptandum erit, cui rei secun-
dam Actionem ex præscripto S. R. Maiestatis instituendam esse
meminimus, tum certè non videmus, quomodo de veritate, aut
falsitate sententiarum sine ratiocinio aliquo, atq; adeo sine Disputa-
tione, modesta tamen & pacifica, hoc est Logicâ, & Theologicâ
non autem Sophisticâ institui possit, sed de ea re viderint Illustrissi-
mi DD. Præsides.

Ordinem agendorum in quo medij potissima ratio vertitur,
repetijt nobis & proposuit Clarissimus D. Collocutor, & primam
Actionem à S. R. Maiestate nobis demandatam, in quatuor par-
tes distribuit, quarum prima est, vt vtraque Pars proponat suam
sententiam de singulis capitibus, verbis breuibus, & simplicibus,
perspicuis. Vbi nobis singula hæc verba, tanquam mirè Empha-
tica consideranda rectè monuit, nempe officij nostri esse, vt quisq;
suam sententiam non alienam proponat. Deinde de singulis
Capitibus, in quibus segmenta tamen minutiora seponi voluit.
Demùm verbis breuibus, non voluminibus, non tractatibus, non
libris, nec propositionibus compositis, idem de eodem affirman-
tibus & negantibus. Deinde in prima hac parte, sententiam ita
propositam ad recognitionem Partis alterius esse offerendam.
3. Imputationes à verè Controuersis fecernendas, denique hoc
pacto verè contradictoria planè liquidanda. In 2, deinde, quid
verum

verum, quid falsum sit, probationibus semel, bis, teruè ostendendum. Quæ verò ad ordinem, & praxim potiùs, quàm ad doctrinam pertinere videbantur, ad 3. Actionem esse reiicienda. Addidit Vir Clarissimus, se, suosq; non pati, nec passuros, vt latũ vnguẽ ab hoc ordine S. R. Maiestatis Authoritate proposito recedatur, quin etiam si quid fortè, vt fert humana infirmitas, ex sua parte, vel ab ordine hoc, vel à scopo recedere nobis videatur, amicè à nobis se moneri velle, vt pedem retrahant, & idem iuris sibi in nos, quod quidem æquissimum est, postulauit. His à Viro Clarissimo dictis nos lubentissimè accedimus, imò arbitramur solâ narratione eorum, quæ ex nostra Parte in hoc Colloquio hætenus gesta, dicta, scripta, imò etiam quæ patienti silentio, præterita sunt, satis, superq; de nostra hac intentione testari? Nam vt paucis potissima repetam, in ipsis præliminaribus, nos ex nostra parte ad eò faciles fuimus, vt à nonnullis imprudentiæ, etiam, alicuius, & nimix facilitatis, accusati fuerimus. Erat sanè apud nonnullos dubitatio haud leuis, de coniungendis Precibus, Nos ita sensimus, cum quibus, & quatenus fides, in DEVM nobis cõmunis est, ab illis, nec inuocationem nostram, quando ea DEI verbo conformis est, quod de illis precibus præscriptis confessi sumus, esse separandum. Cùm igitur cum DD. Catholicis in eundem DEVM Patrem, eundem Redemptorem IESVM CHRISTVM, eundem Sanctificatorem Spiritum Sanctum, credamus, cur nobis religio sit, eundem etiam DEVM, Creatorem, Redemptorem, Sanctificatorem, coniunctis precibus inuocare? Quod tamen sine iniuria, aut vllò præiudicio dictum velim, eorum, qui grauib; haud dubiè rationibus moti, diuersum senserunt, sed eò tantum, mentionem faciendam putavi, vt ab accusationibus quorundam imperitorũ, nos aliqua ex parte vindicaremus. Idem possit dici de alijs præliminaribus, sed rem ipsam quod attinet & liquidationẽ Doctrinæ, qui scopus est, primæ Actionis agnoscent, vt spe-

ut spero, & testabuntur, ipsi DD. Catholici ad ipsorum propositiones, pro prima Actione, vel alterâ, vel tertiâ die, Declarationem à nobis fuisse oblatam, per quam ad maturandam & felicius expediendam primam Actionem, seu doctrinæ ipsius liquidationem viam aperire voluimus, dum generalem quandam sententiæ de tota Religione declarationem proposuimus, eaq; professi sumus, scripturam nobis vnicam fidei, & cultus Regulam esse. In Catechismi etiam capitibus, quoad credenda in symbolo, quo ad facienda in Decalogo, quoad petenda, & speranda in Oratione Dominica acquiescere. Quæ ipsa Doctrinæ Christianæ capita, duobus Sacramentis, nempe altero Initiationis, altero nutritionis Spiritualis, &c.

Hic interfatus est Illustrissimus D. Castell: Gnesnen, dixitq;: Ista est Refutatio sermonis non Charitatiua, non autem Declaratio. Perrexit nihilominus D. Bergius.

Id deniq; nouissimâ illâ Declaratione speciali propositū voluimus, non alienam nos sententiam proposituros, sed nostram: quia verò ea in plerisq; inter nos controuersis capitibus non est affirmatiua, sed negatiua, ideoq; fieri non potuit, quin alia affirmatiuè, alia negatiuè à nobis proponerentur, si verò in priori forma in modo proponendi, quid aberratum est, id insequentibus emendatum speramus, ut DD. Catholicis satis fiat. Et si offensuscula intercessit, illam hæere nolim, si verò hîc quoq; aliquid obscurius occurrat, iterum nos offerimus ad Declarationem. Desino, Cætera malim scripto. Obtestor partem DD. Catholicorum, imò omnes eos, qui hîc adsunt, ut sepositis omnibus affectibus, odijs, partium studijs, & suspicionibus, illud vnicè agamus, quod ad DEÏ gloriam, quod ad pacem, ad veritatis illustrationem, Partium dissidentium vnionem, ducit, id nos sedulò, & sincerè facturos; & si quid nobis exciderit, illud præter mentem & intentionem nostram fieri, aut factum esse testamur.

Conclufit voto pro incolumitate S. R. Maiestatis, & felici huius Colloquij fuceffu.

Hac Oratione finita Illuftriß. ac Reuerendiß. D. Epifcopus Samogitia intulit, ad tam longam Refutationem D. Bergij petimus, tempus directè refpondendi nobis dari, fiquidem erant multa fuperflua, & quæ Charitatem offendunt, & quia putamus nos eße iniuriâ affectos, proteftationem inferimus.

Cum autem Magnif. D. Boianowski copiam dicendi D. Hülsemanno dari petijßet Illuftriß. D. Castellanus Gnefnenfis conceffit, hoc addito, vt à talibus aculeis, & Refutationibus, abftinerent, fed claras Declarationes adferrent.

Dominus igitur Hülsemannus fic cœpit. In nomine Sacrofanctæ Trinitatis, Patris, & Filij, & Spiritus Sancti, Amen.

Reuerendifsime, Illuftriffime, Illuftrmi Præfides, Dñi Clementiffimi. S. R. Maiestatis Dñi Noßri longè Clementiffimi piam, paternamque follicitudinem, quam rariffimo Chriftiani Orbis exemplo, vniendis Diffidentium in Religione animis impendit, quamq; & venerantur exteri, & adorant Indigenæ, & Orbis vniuerfus fecundis votis profequitur, ad eam interpretandi regulam, hefternâ die cœpiße reuocari, quæ partem vnâ moræ & tarditatis ream peragere, de poßthabita Inßtructione Regia eam poßtulare, & quafi ad ordines vocare, inconfultis DD. Deputatis, nullâq; præiâ intimatione, noua poßtulata in publico prælegere; fibiq; foli licentiam & iudicium interpretandi in tantum præfumere vißa eßt id difsimulare nequeunt Augußtanæ Confefßionis Profeßores, videri fibi ab indole Charitatiui Colloquij ac Fraternæ Collationis, non parùm abludere. Quemadmodum autem ipfi coram D E O Iudice viuorum & mortuorum, verendoq; confcientiæ fuæ tribunali, proteßtantur, nihil fe hætenùß intendiße aliud, neq; intendere, quàm vt S. R. Maiestatis inßtituto fatis fiat,
ex affe.

ex asse; ita non agnoscunt quidquam tale à se, siue neglectum, siue insuper habitum fuisse, vel etiam quidquam intentum, de quo constitisset S. R. Maiestatem intendisse aliud. Nouas autem propositiones prolatas esse in publicum, noua postulata, nouaq; negotia, nouas interpretationes Manuductionis Regiæ, idque nec conscijs, nec consultis omnium partium Præsidibus, id abluere, putant, à pactis & Conuentis, per integrum hunc Mensem magno labore, grauiq; consilio, inter Partes deliberatis. Etenim, vt paucis multa comprehendam, eaq; nunc solum allegem, quæ ad innocentiam nostram ostendendam directè faciunt, confidunt Aug: Confessi: Professores, adeò non esse ablusum à se, siue à scopo S. R. Maiestatis, siue à medijs ab eadem definitis, vt nemini primas hac in parte concedant, liceat bona cum pace Illustratū Vestrarum, & eorum qui Actis interfuerunt, ea repetere ex Actis, & Protocollis, quæ perspicuè faciunt, ad illam cum obedientiam, tum diligentiam nostram demonstrandam. Nec enim nobis propositum est ordine recensere singula, aut refecare ad viuum, aut pedem cum Clariss: D. Collocutore conferre; sed solum Partis nostræ innocentiam, ex actis, & transactis, ostendendā suscepi. Nec aliunde melius constare potest, quid ex ijs concedamus, quid non concedamus, quæ hesternâ oratione allata sunt, quàm ex illis ipsis pactis, & conuentis, quæ ipsi Dñi Catholici non nesciunt publicè acta & transacta esse. Equidem non inuidemus sedulitatis atq; industriæ laudem, Clarissimis DD. Collocutoribus, quòd verò nos à promptitudine obsequendi S. R. Maiestatis desiderijs, excludamur planè, id vero est quod ipsis nequaquam concedimus. Quod ad scopum pariter & media attinet, præterea quæ S. R. Maiestas ex singulari prudentiâ & Clementissimo affectu, clementissimè largita est Aug: Confessionis Professoribus, tum in Inuitatorijs, & Responso ad Conuentum Orlensem dato, tum in præscripto, qualia sunt, vt totum hoc negotium ijs legibus & conditio-

nibus tractetur, quas partes ipsæ ex legitimo & vnanimi Præsidentium & Senatorum consensu, sanxerint; cuiusmodi & illud est, quod rerū tractationē, formā, & ordinem Moderatorū & Collocutorum arbitrio cōmisit, vt ipsi cūmuni Partium consensu, conscis Illustriss: D. Legato, & partium Deputatis, de his statuunt sibiq; leges dicant. Præter hæc omnia, inquam, non ignorant DD. Catholici, multo negotio tandem conclusum esse, & conuenisse inter Partes die 2 Septemb: vt de medijs, quæ siue facere ad scopū à S. R. Maiestate propositum, siue officere illi scopo videbuntur, non cognoscat Pars sola, adeòq; nec interpretatur ea sola, sed iuxta Præsides etiam & Moderatores, quin etiam ipsi Collocutores, si velint, de mediolorum istorum appropriatione cognoscant. Hæc sola nisi me omnia fallunt, sufficere poterant, ad omnem siue suspensionem, siue imputationem moræ, quasi ab hac parte nexæ discutiendam. Quæ enim de cætero per appetitum nouarum, prærogatiuarum, inauditæ hætenus æqualitatis, aliorumq; beneficiorum moralium progressui, huius Colloquij iniecta feruntur ijs omnibus in pactis & conuentis, eo ipso prouisum est, quod die 2 Septēb: cōmuni Partium consensu Collocutorum vtrinq; & Romano Catholicorū, titulus adhibendus ratī habitus est, quod eadē die cōmuni Partium cōsensu exclusum ab hoc Colloquio quidquid inæqualitatis & iurisdictionis, siue Ciuilis, siue Ecclesiasticæ speciem præferre videretur. Nec enim affectamus nouas prærogatiuas, sed promissam æqualitatem seruari, humiliter petimus. Vno verbo, opponimus rem transactam. At verò vt ea quæ iam circa præliminaria, omnium Partium consensu consolidatæ sunt, rursus ab origine sua retexantur, fixa, statutaq; refingantur, Dubia & iam elucidata ex Instructione Regia, in priores tenebras denuo imergantur, indagandæ, atq; explanandæ menti Regiæ, noui indies scrupuli remoraq; iniiciantur, nouisq; concertationibus, quasi nouæ instruantur acies, id verò nec ad scopum.

pum S. R. Maiestatis facere, nec inter media sanandi vulneratos animos computari posse censemus.

Non perstringam singillatim ea, quæ per adhibitam nouæ interpretationis Regulam, media à S. R. Maiestate proposita obscuriora facere uita sunt. Cuius modi est illud, de quatuor gradibus primæ Actionis, non solum ordine, sed propositionum quoque affirmatiuarum, & negatiuarum intercapedine, dierumq; , aut etiam hebdomadarum interuallo distinguendis, ut semel ista omnia præciderentur non solum proximâ die à facta propositione, præliminares nostros articulos, & conditiones, tum generales, tum speciales exhibuimus, de æquitate earum, præsentibus partibus deliberationem instituimus, quæ bono etiam suæ partis receptæ, & approbatæ sunt, sed & media liquidandi totam atq; integram August. Confess. Inuariatæ Doctrinam, ea rotunditate numeri, circumscripsimus, ut quod S. R. Maiestas desiderat, docti pariter, & indocti uelut ad solem meridianum perspicere possint, ea omnia, quæ à libris symbolicis adæquatè à nobis descriptis discrepant, non esse nostra. Itaq; cum nihil supersit, quàm ut DD. Collocutores partis Catholicæ eadem perfectione, atq; integritate definiant media liquidandi Doctrinam suam; ultra & præter, quæ nulla alia sint admissuri, maiorem in modum rogamus, ne ea, quæ ex partium consensu iam statuta firmataq; sint denuò ad calculos reuocent. Reliquam partem Actorum nondum reuisam ante susceptionem vltioris Actionis nobiscum recenscant, & in forma recessus, prout conuenit, inter partes redigant. Nul- lum præterea negotium aut postulatum; totam partem concernens, sinè expresso, DD. Deputatorum & Partium consensu in publicum proferant. Positiones Doctrinæ nostræ iam ante 6. dies oblatas æquè, ut suas, & partis Ræformatæ in publicò audiant. Deinceps ad liquidationem accedant postea ad probationem, quâ si euicerint, consensum Prophetarum atq; Apostolorum, ac omni-

um ubique fidelium pro se solis facere, tum demum profiteantur, se nihil, nihil, omnino velle, aut posse, immutare. Meminimus enim, & constat vniuerso Orbi Carolum V. Imperatorem Religiosiss. cum partes Dissidentes, ad Conciliationem doctrinæ fidei, vocaret, non erubuisse, quin confiteretur, esse etiam nonnulla à sua parte in scripturis secus tractata, & intellecta, quibus sepositis & correctis, res illæ ad vnam simplicem veritatem, & Christianā concordiam componi, & reduci possint, sic enim, & citatio ad Comitia Augustana iam ante Annos 115. coacta, sic propositio Imperatoris, sic decretum, siue conclusum, illorum Actorum docēt. Illæ autem quasi decretoriæ voces, nihil omnino velle remittere, etiam Disputationes Theologicas de vero & falso, eo commate notare, quo Paulus Apostolus Kenophonias, & vaniloquia reprehendit, non videtur esse referendum inter pararias conditiones futuræ pacis, siue perfectæ, siue imperfectæ. Neq; verò meminimus, vllum interpretem S. literarum etiam partis Catholicæ Disputationes Theologicas, de verò & falso recensuisse inter eas Kenophonias, quibus Timotheo & Tito Apostols interdixit, nāq; & ipse de religione disputauit, differebat, *dielēgeto synezite*, siue suafurus eam, siue confirmaturus, siue deniq; vindicaturus *Actor. 9. 17. 18. 19. 20. 24. Capit.* etiam ex vulgata vestra versione, atq; alijs idem docendi, atq; vindicandi officium iniunxit. Ipsa duodecennis IESVLI interrogatio, & redditio, quid obsecro alienum habet à Disputatione Theologica?

Itaq; quā aheneus, & obfirmatus DD. Catholicis est animus, ne latum vnguem discedendi ab Instructione S. R. Maiestatis D. nostri Clementissimi, tam impensè fraternèq; petimus, & rogamus, velint DD. Collocutores Catholici renuntiare, isti animi sui obfirmationi, ex quā pronunciarūt se nihil, nihil omnino esse remissuros. Quæcunq; enim de cætero, de doctrina sua tanquā Matrefamilias, Domina, ac Hærede, & alijs huius nota prætulerunt illa quo-

quoniam ad Theologorum Cathedras non pertinent ea Patronorum nostrorum discussione relinquimus. Id verò non dissimulamus, si mox in limine Colloquij DD. Collocutores Catholici, hoc edixissent, se nihil, nihil omnino esse remissuros bonam partem, & temporis, & operæ huic Colloquio impensæ potuisse redimi. Quod superest DEVM Ter Opt. Max. flexis cordis, corporisq; poplitibus inuocamus, vt securitatem huic Regno, quasi propriam eidem iubeat esse perpetuam, pretium nostræ operæ hæctenus impensæ, ab obedientia nostra expectabimus, quam S. R. Maiestas pro innata orbiq; vniuerso laudatissima prudentia & clementia sua, ex cōparitione, actionibus, & scriptis nostris agnoscet, nec ea dedignabitur, vti confidimus; Solatium, & spem perennaturæ quietis, & securitatis publicæ, post supremum animarum Custodem, & Archiepiscopum nostrum, ponimus in paterno illo amore, atq; inexpugnabili Charitate Sac. R. Maiestatis. Denique fiduciam nunquam extinguendæ veritatis, in illo maiorum nostrorum Symbolo, verbum Domini manet in æternum.

His dictis Illustrissimus D. Episcopus, siquidem (inquirebat) quam plurima dicta sunt ab Excellentiss. D. Doctore, quæ minus intellexisse visus eart, ex propositionibus D. Deputati nostri, ideo ad respondendum illi tempus petimus etiam parati respondere ad ea quæ nobis importunè, & impertinenter imputauit.

Data dilatione ad respondendum Illustriss. D. Castellanus Gnesnensis Sessionem soluit & ad diem Iouis pro hora solita indixit, promittq; futuram inter DD. Deputatos Consultationem de prælectione Confessionis Augustanorum.

S E S S I O XX.

Vigesima octaua Septembris.

Peten-

Petentibus DD. Augustanis, & Reformatis, ut ea quæ in publico dicturi essent DD. Catholici prius scripto DD. Deputatis exhiberent, Responderunt DD. Catholici, se id non facturos eo quod DD. Augustani, & Reformati ea quæ in publico 26. Septemb. dixissent DD. Deputatis non monstraſſent, replicantibus DD. Augustanis, & Reformatis idẽ proximis diebus R. P. Schönhof feciſſe, & ſua nõ monstraſſe. Cum igitur id quod maximẽ cupiebant non impetrarent Sessio dilata est in 30. Septembris propterea quod prædefinitum Sessioibus, tempus iam eſſet elapſum. Rogarunt inſuper DD. Reformati & Augustani ut acta legerentur & conſignarentur, Annuerunt DD. Catholici dato iam prius reſponſo ad nuperrimas Orationes ab illis habitas.

Trigeſimâ Septembris.

Iterum Sessio in qua DD. Catholici Reſponſum dare volebant certas ob cauſas in ſecundam Octobris dilata eſt.

S E S S I O XXI.

Die ſecundâ Octobris.

Horâ undecimâ conuenerunt DD. Catholici ad Maiorem Aulam, cumq; Illuſtriſſ: D. Caſtellanus Gneſnen: aliquandiu conſediſſet, miſit ad DD. Augustanos & Reformatos, Aulicum illuſtriſſ: ac Reuerendiſſ: D. Episcopi Samogitiæ, Generoſum D. Matthiam Narewicz, illos ad publicam Sessioem iterum iterumq; inuitans. Cum autem illi non comparerent, ſed promitterent ſe reſponſum per aliquem ſuorum daturus, cenſuit Illuſtriſſ: D. Caſtellanus Gneſnen: hora mediâ expectandos. Venerunt interim ex parte DD. Reformatorum, Magnif: D. Adamus Rey; Ex parte verò Augustanorum, Generoſ: D. Vladislaus Boianowski, quibus dicentibus ſe in publico non comparituros, propterea

propterea quod hac Sessio sine partium consensu fuisset instituta. Respondit Illustriss. D. Castellanus Gnesnensis, ex consensu omnium partium indictam fuisse Sessionem publicam pro 28. Septemb. quod autem eo die celebrata non fuerit, non per DD. Catholicos stetisse, qui quidem responsa parata habuerunt, & meritò de graamine conqueri possunt, quod ad presentem Sessionem, ad audiendum responsum non compareant. Illis igitur certas ob causas non venientibus, Illustris: D. Cast: Gnesnensis Sessionem soluit, & iterum publicam pro hora 8. in crastinū indixit.

SESSIO XXII. PUBLICA.

Die tertiâ Octobris.

Congregatis omnibus Partibus in Aula maiore, Illustrissimus D. Castellanus Gnesnensis sic incepit.

Optandum sanè foret ut ad nuperas responsiones Clarissimarum DD. Vestrar: eodem die respondissemus, e re tamen charitatis & fraterni huius Colloquij esse duxi id differri: verebar enim ne ex contagione animorum Vestrorum etiam in animum meum affectus aliquis delaberetur. Urgebat enim me censura de presumpta instructionis Regiæ interpretatione, quam nemini permitto, præterquam S. R. Maiestati: dignum tamen puto ut ea charitate, quâ captum est negotium continetur. Sed plenius responsum intelligent, vna pars ex ore R. P. Gregorij Schönbf. altera autem ex ore R. P. Hieronymi à S. Hyacintho. Hic cepit Illustriss. D. Castell. Chelmenfis. Illustrissime Domine (inquit) Paucula verba. Propter summum honorem quem Regi & Dño nostro debemus, venimus in consessum istum publicum, existimo tamen non ægrè laturos si pauca præfab. mur antequam audiamus allocutiones virorum Reuerendorū. Graue illud nobis fuit, ut fateamur, quod die besterna nobis non omnino consentientibus hic in publicum sit ventum. Tutamus mentem S. R. Maiestatis in Instructione eam esse, ut temporā consessuum non ex vnius, sed ex omnium partium fiant consensu, dein-

de ex ea Ratione etiam putabamus aliquod nobis grauamen illatum;
quod cum assenserimus ad publicam Sessionem, nuperâ Sessione illud ca-
uerimus, ut in essentialibus negotij huius satisfactio nobis fieret. At-
tamen eo non attento hesternâ Sessio publica capta est. Nos semper
innixi instructioni S. R. Maiestatis, postulabamus, ut prius protocol-
la (ut ita dicam) collationentur, subscribantur, authorizentur. Illud
idem præsente adhuc Illustriss. D. Legato Regio & Cancellario Regni,
intimaui, & ego voce meâ expressi, nos non venturos in publicum,
nisi protocolla subscribantur. Tamen nihil actum hucusq, imò vide-
mus coniecturas aliquas, ex quibus possumus opinari, partem Catholi-
cam subscriptionem istam Protocollorum negligere. deinde illud etiam
necessarium & essentiale putabamus, ut positiones certæ ab omnibus
partibus in scripto traderentur, quæ pro basi & fundamento essent ul-
terioris tractationis. Propterea confessiones scriptæ sunt ab omnibus
partibus, non ut quid nouum statueretur, sed ut omnes in breuiorem
formam per modum declarationis redigerentur, ut liquidari possint.
Proposui ista omnia; nondum nobis satisfactum. Proinde etsi mul-
tas rationes habuissimus non veniendi ad publicum confesum, tamen
ne videamur contrariari voluntati S. R. Maiestatis, & continuationem
negotij subter fugere, iam præsentiam nostram non subtrahimus. At-
tamen fraternè fratres rogamus, ut hac in parte prius nobis satisfiat,
aut de præsentia, aut per promissum certum & tempore definitum, in qui-
bus iam præiudicia patimur & non satisfit S. R. M. instructioni, tum
& rebus compositis inter nos in præliminaribus. Rogamus ergo fra-
ternè, ut prius nobis satisfiat, & declaretur, quid sperare ultra debea-
mus. Ad hoc Illustrissimus D. Castellanus Guesnensis. Nihil putamus
nos peccasse contra charitatem, quam Illustrissima Dominatio Vestra
preponit. Cum enim Sessio illa non tantum ex voluntate mea (quod
tamen ex vi Legationis meæ licitum erat) sed etiam ex Illustriss. Do-
minationis Vestræ consensu indicta sit, & act. s. inscripta, nihil de-
roga-

rogatum charitati & aequalitati censemus. Quoad alia puncta satisfacti-
onem non denegamus. Erit satis temporis post responsum à nostris
datum, quod tantopere est necessarium. Tum Illustrissimus D. Ca-
stellanus Chelmenfis petijt vt certum tempus definiatur. Idem ro-
gavit Illustriss. D. Capitaneus Stumenfis. Illustriss. & Reuerendiss.
D. Episcopus respondit per Deputatos tractetur qui iam designati sunt.
Iterum Illustriss. D. Capitaneus Stumen: etiā in reliquis grauinibus,
potissimum quo ad Protocola & confessiones eadem mens nostra est.
Reposuit Illustrissimus D. Episcopus. Quod non reuideantur Protocol-
la non culpa nostra est; propositiones autem quia non sunt correcte de-
bito modo & propter rationes quae afferentur, recipere non possumus.
Magn. D. Boianowski. Promissum est (inquit) nobis vt Confessio no-
stra audiat, audita est Dominorum Catholicorum & Reformatorum
equum est, vt & nostra Augustana relegatur. Tempus publice nomine
tur. Desinuit Illustriss. D. Castellanus Gnesnensis, vt cras priuata
Sessione propositiones partium per Theologos Deputatos examinentur
& deinde si conuentum fuerit feria quinta publice praelegatur. Subie-
cit D. Boianowski nisi Confessio nostra praelegatur Die Iouis, se non vl-
tra progressuros. Posthac Illustrissimus D. Castellanus Gnesnensis
annuit, vt R. P. Schönboff responsonem suam prosequeretur qui hunc
in modum cepit.

Clarissimi DD. Collocutores partis Reformatæ.

Quæ fuerit nuper mens nostra, & quis allocutionis nostræ finis
adeo disertis, & apertis verbis explicuimus, vt nihil minùs nobis ve-
nire potuerit in mentem, quàm dubitari aliquando à DD. Collo-
cutoribus posse, quid voluerimus. Noluimus agere Magistros,
nec ideo S. R. Maiestatis D. Nostri Clementissimi Instructionem
voluntate, & nomine Illustrissimi D. Legati interpretati sumus,
vt vos doceremus (quamuis, & hoc Illustriss. D. Legatus omni
iure præstare potuit, & profanum est, vsum legitimæ potestatis ap-

pellare licentiam, sed eo præcipuè fine vos affati sumus, vt per mentem Regiam Instructione expressam, & à nobis palam agnitam, nostraq; Confessione contestatam, mentem quoq; nostram in amplissimo omnium vestrum confessu solenniter declararemus. Sciri à Vobis volebamus, quem scopum in præsentī negotio nobis fixerimus, ideo scopum à S. R. Maiestate constitutum produximus, & hunc esse nostrum contestati sumus, neq; passuros, vt ab eo quacunq; ratione dimoueamur. Deinde quibus lineis in eundem collimemus, quibus medijs prosequamur, testatum esse voluimus. Ideo media à S. R. Maiestate sapientissimè præscripta, ex ipso scripto Regio recensuimus. Et hæc esse nostra, nec ab ijs latum vnguem abituros denunciauimus. Hoc nec quidquam aliud volebamus. Doceri vos à nobis nolle, certò sciuius; declarari tamen mentem nostram nobis non loquentibus, non posse, & vos sciebatis: mentem verò nostram, quæ nihil aliud est, quàm imitatio mentis Regiæ, declarari plenè, & integrè non posse, nō producto in publicum Archetypo mentis Regiæ, certò persuasi eramus. Interim quid à Vobis reportauerimus meministis. Nostra quidem allocutio vim interpretationis habuit, & declarationis. Quà interpretatio, ab Illustriss. D. Legato profecta est, & eo nomine merebatur maiorem, quàm deinceps retulit, reuerentiam. Quà Declaratio nostra fuit, id est, omniū à parte Catholica Theologorū. Quo nomine quidquid contra me Orator Reformatae partis vehementiùs prolocutus est, non mea priuatim solius, sed vniuersæ partis fuit iniuria. Ego tamen libenter in me transfero accepta vulaera, vt vos incolumes sitis Illustriss. & Rndiss. Dñe, Illustrissimi, Illustres, & Admodum Rndi Dñi. Mihi parabilis, & in ipso pectore nata est medicina. Ex persona mea integerrimè, & in omni candore Dño Oratori parco exclusa omni etiam tenuissimæ læsionis recordatione. Quòd vt opere præstem, ita me geram, vt omnes intelligant me negotium agere, non homines lacessere. Mittam quæ partim ad rem non spectant

stant partim extra nostrum Theologicum sunt institutum: quale fore restituere suo loco læsam Illustriss. D. Legati dignitatem, dicto & facto. Maior potestas censeat, & censuret, vtrum veritatis simulq; dignitatis in tali negotio haberi possit, debeatq; ratio. Ego ad rem meam, duo producam, sine quibus nec innocentia nostra poterat esse integra, nec negotium suis constare firmamentis. Itaq; primùm pauculas accusationes breuiter, & modestè diluam non quod verear in hoc loco vindicem, sed quòd reuerear Orbem Christianum, quem habituri sumus dictorum actorumq; Iudicē. Deinde ostēdā quædam, quibus ex opinione Partis Nostræ vniuersum negotium suis dimotum esse cardinibus, & iterum partis nostræ sententiam declarabo. Ex quo intelligetis, quàm vel præsens nostra Responsio, vel nupera Interpretatio, & declaratio fuerit necessaria.

Primò igitur accusamur, quòd eo nostra spectauit oratio, vt culpam morarum in partes deuoluermus. Sed enim nec vestram, nec vllam determinatè partem ream egimus; generatim, quænam esse possint morarum causæ, ex sensu S. R. Maiestatis, nec non Illustriss. Dñi Legati interpretatione explicuimus, easdem à nobis remouimus; in alium vel alios nequaquam deuoluimus, nisi qui reuera forent rei, seq; reos in conscientia sentirent; quales plerumq; esse solent, qui se impatientius, & non sine alterius iniuria defendunt, & excusant. Licuerit sanè vobis depellere suspicionem causatarū remorarum (quis enim prohiberet?) licuerit declarare paratos in Regiam Methodum animos (idenim maximè volebamus) at nos inuadere, & exagitare, & velut in ius vocare, non licuit. An enim scelus fuit, scopum, quem Rex ipse fixit, fixum ratumq; esse velle? Modos generatim recensuimus, quibus arbitrati sumus, à Scopo Regio recedi posse, & quos olim Rex ipse diuinans formidauerat, particulatim induximus, addito, nequaquam nos permissuros, siue nobis, vt alia moliamur; siue alijs vt moliantur. Hoccinē erat

parti imponere? præcauere tempestiuè volebamus, ne quis crederet, aliò nos auocari posse: vt ita futuris progressibus viam pararem; præterita decretoriè non damnauimus. Hæc enim nostra iniuria est.

2. Accusamur, quòd ipsi nos oratione nostra Monitoria inutilem negotio moram iniecerimus. Si monere est moram iniicere, rei sumus. Alioqui nullum omninò argumentum audiuius, quo præcipuum hoc accusationis caput, D. Orator Reformatus probaret. Nostra allocutio Interpretationem Regiæ Instructionis, nostræq; mentis Declarationem continebat, neq; quidquam amplius. Interpretatione, quasi exerto digito, scopû negotij monstrauius, mediaq; consignauimus. Hoc si fuerit moram iniicere, ille quoq; dicendus erit nauigantium remora, qui inter medias tempestates noctisq; caliginem, expositâ Pharo portum indicat, & quo tramite inter scopulos meandum sit, sollicitè & amicè monet. Iam verò nostra Declaratio, si à mente Regia desciiuit, accusetur, vt remora: at hic Oratoris solertiam desiderauimus, vt demonstraret, vbi vel ad latû pilum ab illa Præscriptionis regula discessum sit.

3. Accusamur, quòd insinuare visi simus, quosdam inter nos non tam pacem communem quærere, quàm suæ partis noua stabilimenta, id est, immunitates, titulos, æqualitates. Ita est, insinuauimus, neminem notauimus. Vt autem insinuaremus, manifesta nos coëgit necessitas; oportebat enim semel denunciare, ista ad pacem non facere, neq; nos ad tales de nouis immunitatibus tractatus huc ablegatos esse, multominùs, vt pateremur vetera nobis è manibus excuti. Qua in re dissimulare non possumus commissum esse aliquid, quò non tam componi videretur animorum offensio, quàm potius suscitari. Vt cætera taceam, an ad conciliandos Catholicorum animos facere poterat, vetare, ne in nostro quidem scripto, nos ipsos appellaremus Catholicos? nomine, mille sexcentorum annorum præscriptione, & pacificâ possessione nobis vñtatissimò?

mine

mine quòd partes reliquæ, non aliunde quàm à nobis didicerunt, & aliter sibi vſurpare non poſſunt, niſi à nobis nuper acceptum ſibi violenter tranſcribant; adiecto etiam malæ vſurpationis auctario, quòd ſe, ſimpliciter Catholicos, nos autem non niſi Romano-Sarmatico-Catholicos dicere dignati ſint? Iſta ſpoliatio non facit ad Pacem, neq; nos procedere poſſumus, niſi intacta nobis relinquuntur iura, poſſeſſio, vſus.

4. Accuſamur, de illata cæteris Eccleſijs iniuria, quòd auſi ſimus Eccleſiam noſtram titulis efferre amplioribus, & dicere eam Matrem familias, & Dominam, in hoc Regno eſſe. Magno iure id fecimus, & nihil præter Patriæ morem: In publicis etiam Regni Conuentibus, eoſdem honoris titulos deferre, nullum cenſetur crimen; imò laudatiſſima pietas inter optimos Patriæq; gnariſſimos Ciues, quorū politiſſima ſapientia ſemper diſtinguit, inter familiam & Domum, familiæq; Patrem & Matrem. Et domum quidem Patriam intelligi vult: Familiam, ciues Patriæ; Patrem DEVM, Matrem Eccleſiam. Ita enim ſuaſit priſca Polonorum fides, ita obtinuit hæreditaria poſteriorum pietas. Vtriq; enim pridem didicerant, non poſſe habere DEVM Patrem, qui non habuerit Eccleſiam Matrem. Iam verò Dominam honoris titulo appellamus, qualiter boni filij appellare ſolent matrem, neq; intelligi volunt vel in Matre tyrannicum Dominatum, vel in prole turpem ſeruitutem. Patriam poteſtatem colunt, & imperium obſeruant, ſine detrimento ingenuæ libertatis. Quòd ſi quis in ea Eccleſia eſſe malit, quæ neq; velit, neq; poſſit eſſe Domina, nemini iſtud libertatis genus inuidemus, & facilè patimur vt hanc ſibi gloriam ſeruet, quòd habeat filios, ſe ipſâ liberiores.

5. Accuſamur, quòd ab his pacificis tractatibus, ad illud bellicoſius pugnæ clafiicum prouocare viſi ſumus, dixeramus enim, Sereniſſi REGEM nobis non reliquiſſe poteſtatem, vt diſputando certemus, & hoc imperio noſtram animoſitatem, quâ ſolennem

argu-

argumentorum pugnam meditabamur fregisse. Hâc autem lo-
quendi formâ significare volebamus (quod cuiq; verba nostra
intuenti liquidissimum erit) nos hæcenus res nostras ita præpa-
rasse, vt in hac veluti palæstra, continuatis & in longum produ-
ctis argumentis, & recepto in scholis disputandi vsu, de vero, deq;
falso decertaremus. Quâ declaratione vnum illud testatum esse
volumus, nos consuetam vltro citroq; argumentandi formam,
non tantum non refugere sed expetere, & in eum, ex more nostro,
magnis ferri animis, atq; etiâ paratos esse, cum hoc armorû ge-
nere comparere in quouis loco, si quando dabitur classicum, id
est, si quando ad pugnacius Disputationis certamen vocaremur.
Hanc nostrâ animositatem, per ironiam laudans, carpsit, & ama-
rissimè sugillauit D. Orator, & mox inuidiosè (non vtar acerbio-
re verbo, quò iure possem) alio transtulit: ita verba torquens, vt
concipere Auditor & suspicari posset, spiritus illos bellicosos aliò
spectare, id est, non bella scholastica, sed atrocius aliquid, Arma,
Bellonæ classica, cruenta Martis prælia. Obstupuimus, &
exhorruimus. Quis enim crederet, primû quidem virum bonû
pulsari cogitationibus adeò non bonis, aut animum sapientis con-
cipere parereq; potuisse, optimorum sanissimorumq; verborum,
tam malam, tamq; atrocem interpretationem? tum verò ista no-
bis coram & in faciem obijci ex nostris verbis, coram tot incor-
ruptissimis tum verborum nostrorum, tum sensuum interpreti-
bus & testibus, quibus ipso sole clarius est, ne per vmbra quidem
tale quid cogitatum vel prolatum esse. Quid miremur, eminus
omnia peruerti? Tandem quis non erubesceret ista nobis impin-
gi post sollemnissimâ protestationem modestæ, & vitandæ omnis
in sermone offensionis? Sed mitto ista, quæ per ironiam, id est, ri-
sum Sardium dicta sunt: nobis risum mouit perquam ridicula
armorum confusio & Argumentorum. Illud non omiserim,
iniusto sarcasmo exceptam esse nostram animorum lenitudinem,

quâ

quâ admoniti à Pientiss. **Rex**, spiritus illos ad scholastica prælia paratos, illicò posuimus. Debemus enim & debere volumus istâ Regibus obseruantiam, & in vestris eandem exemplis expressam, in hoc imprimis theatro spectare volumus. Pacis enim & Charitatis Theatrum est, à quo exulare debet, omnis asperitas, amari- tudo, æstus, immodestia. In quibus si vobis præimus, nostra gloria est: si vos sequimur, honor est vester: si inuicem comitamur, ne- gotij felicitas.

6. Accusamur, quòd Disputationem renuamus. Inde arrepta occasio, vt gloriosè in vulgus spargeretur, Papistas timere. Egre- gium gloriæ decus alienâ coronatum infamiâ! Parcite neq; Re- giam, neq; nostram mentem assecuti estis, Disputationem & ratio- cinationem confunditis. Quasi verò, quotiescunq; in maximis mortalium negotijs ratione agitur, disputare dicendi sint homines. Ingratum iam esse coepit Disputationis nomen inter viros grauif- simos, eius præsertim, quæ de rebus religionis instituitur, coram Au- ditore non eruditissimo, plerumq; ab ijs hominibus, qui non sem- per sibi imperare sciunt, & vel ingenio abripiuntur, vel calore quodâ nimio turbantur & turbant. Tale Disputationis nomen detestatur Sereniss. Rex, si præsertim interueniat, illa versipellis, (vti vocat Tertullianus) artifex struendi & destruendi, in argumentis opera- ria contentionum, molesta etiâ sibi ipsi; illa, qualem olim iactabat Eunomius, referente Ruffino, qui cum tendiculas sibi quasdam è Logica, & tortuosum disputandi genus comparauisset, ferocire in Ecclesiam occœpit, adeoq; furere, vt ingenio atq; Doctrinâ se ma- gno Basilio anteferreret; illa, quam afferre solent, qui, vt loquitur Augustinus, ansas atq; vncos, nescio cuius perplexitatis inferunt, ne simplicia pateant, & clara luceant; illam, deniq; qualem, nisi ego fallor, vestri quoq; Maiores, & in his Philip: Melanchton, & pleriq; vestrorû d'rè infectati sunt. Quamuis enim sciam, Sophi- sticâ præcipuè reprehendi, adeò tamen dolus arti vicinus est, vt ra- ri sint, qui discernant, & cùm inter disputantes alter verum tuea-

tur; alter propugnet falsum, ineuitabile est, quin vnus ille, qui pro falsitate decertat, argutiarum strophis, & sophisticis offucijs, ac tendiculis, implectat, ac ludificetur animos audientium. Hoc ergo periculum auertere volens S. R. M. Dñs Noster Clementissimus disputationem vetuit: Ratiocinationē quisquis vetuisse somniat, sapientissimo Principi contumeliam infert; quisquis eandem Catholicos defugisse credidit, brutis animātibus exequare nos voluit. Sed dicam postea pluribus de hac ipsa mente Regia, ac nostra; nunc sufficit iniustam accusationem, nullā fundatam rationē, solā ad rationem prouocatione deterfisse.

Venio ad alteram partem, in qua ostendendum sumperam, negotium cardinibus suis motum esse, & maturē, vt sibi constare possit, reponendum. Notissimum vobis est, vniuersum hoc Conciliationis negotium constare sine & medijs: vtrobiq; ex nupera declaratione vestra aliquid desideramus. Neq; tamen ea quæ dicturi sumus, ita volumus accipi, quasi exprobandi, vel improbandi gratiā dicta sint, sed vt tandem in eundem sensum conspiremus, & quasi prehenfis vtrique manibus, pariq; passu viam aliquando ingrediamur: alioquin frustra adnitimur, si in his cardinibus contranitimur. Malē nos inprimis habet, quod pars Reformata de Pace perfectā desperet, quasi impossibilem esse ex sua Parte existiment consensionem in eandem Doctrinam DEIq; cultum. Nos verò certum exploratumq; habemus, S. R. Maiestatem D. N. Clementiss: si perfectā pacem penitus desperasset, intuitu illius imperfectæ labilisq; Pacis, tam difficile, tantæq; molitionis negotium nequaquam tentaturum fuisse. Quamuis enim & hoc magnum sit, dignumq; Regijs votis, Ciues iniquis odijs non distrahi, & inuicem sibi parcere, vix tamen promitti possunt constantes amicitiae inter vera Religionum dissidia: quarum quia altera ab eo necessariò manat, qui est veritas, altera verò à patre mendacij, intelligebat Princeps Sapientiss: fieri nō posse, quin confligant

fligant; & illa quidem inermis, suo tantum candore conspicua;
ista semper horrendum spirans, à malis artibus instructior, vbique
circumferens tormenta (vt loquitur Tertullianus) cruciandæ
simplicitatis, & suspendendæ veritatis. Suffocari quidem ad horâ
possunt immitiores odiorum flammæ, necesse tamen est, vt sem-
per trepident, qui se sciunt incedere *per ignes suppositos cineri do-
loso*, quod in re alia aiebat Poëta. Hac igitur de causâ existimat
Sereniss: Rex Dñs Noster Clementiss: parum se effecisse, si tantum
sopirentur odia, ex partium iniurijs nata, relicto in pectoribus iniu-
riarum odiorumq; ineuitabili fomite: atq; adeò longiùs sua vota
protendit, & ad perfectam omninò Pacem nos prouocat, atq; in
hac sola veluti desideratissimo centro toto pectore conquiescit.
Nam & illam imperfectam Pacem, id est, cessationem ab iniurijs,
eo dirigi voluit, vt longè pulsus ludibrijs mentium animorumq; ir-
ritamentis, affines populi, puris & serenis oculis, contemplantur
adamentq; verum: & ex amore veritatis, quæ dubio procul vna
est, transeant in optatissimam consensus vnitatem. Et verò mihi
credite, si sincerè serioq; rem agimus, etiam perficimus. Magna
profectò vis est conspicuæ veritatis, nec opus est multa persuasio-
ne, vt fidem inueniat; solo aspectu rapit, & occupat hominis ani-
mum. Quæ causâ fuit, vt S. R. Maiestas tanto verborum appara-
tu, & pondere, exactam à nobis deposceret diligentiam, in liqui-
datione doctrinarum: persuasus, si semel in lucem prodiret sincera
veritas, reperturam sequaces. Eadem ex nostra parte causâ fuit
nostræ vigilantia, quâ adnitebamur, doctrinam sincerissimè liqui-
dari, ijs gradibus quos distinxit S. R. Maiestas. Utinam verò veli-
tis credere, quantâ hîc fiduciâ progrediamur: Confidimus enim
Catholicæ veritati, placituræ etiam vobis si natio compareat vul-
tu, sine sibiò, sine peregrinis coloribus. Prodeat illa qualis ipsa est,
& suo ornatu: vestris obsequijs ornari refugit; nos sibi in istum fa-
mula tum adsciuit, non vt ornemus, sed vt ex se ornatissimâ in pu-

blicum educamus. Nolite igitur mirari, si nihil admittimus ab aliena manu; experti sumus nullam eius imaginem, ab extraneo factam, respondere prototypo. Dabit veniam si idē dixerō apertius. Experti sumus, vix extare inter vos librum, qui si id agat, vt doctrinam nostram pingere, describere, vel explicare velit, non aberrauerit. Principes, qui inter vos sunt, hīc maximē peccant. Ipsi symbolici, quos amplexi estis, libri, his nostris iniurijs scatent. Res profectō omni admiratione dignissima, quæ fuerit ista vel doctrinæ nostræ, vel populorum vestrorum infelicitas! nisi quod tam studiosa natiuæ pulchritudinis occultatio, argumento sit, multū timeri, ne visa adametur. Patimini semel, vt in apertum prodeat, & experimini, an digna sit cuius amore ponamus odia, perfectamq; pacem colamus. Hæc de spe, a quā profectō nos Catholici nunquam excidimus, neq; excidisse nuper inuimus.

Sed est aliud, vnde scopum negotij ē proprio loco maximē longē deturbatum credimus; Consilium pacis à nostro diuersissimum. Dicam breuibus & apertis verbis: Nos pacem & concordiam volumus, per consensum in vnam eandemq; doctrinam, Deiq; cultum. Vos pacem quæritis mutuæ tolerantia.

Si primò, nomine tolerantia, publicam & civilem securitatem, in vestra Religionis exercitio, per Regnum, perq; Prouincias annexas, intelligitis; eam possidetis, nec opus erat, vt ea de causa Thorunium conflueremus. Vtinam verò parem vobiscum vsum prioris nostri, potiorisq; iuris, vbiq; pacificè teneremus. Quod si secundò, nomine tolerantia nouam civilium libertatum & prerogatiuarum in nonnullis Prouincijs, vel Ciuitatibus usurpationem, significare vultis, hoc demū est, quod nuper maximē execrabamur, cū exclamaremus, nihil hīc, nihil innouandum, præter pacem. Tum & vos, non pacem populorum, sed vestra comoda quæritis, quæ vt reperiretis non in hoc loco collocanda fuit industria, sed in Comitijs Regni & Prouinciarum. Si tertio nomi-

nomine tolerantiae libertatem petitis, quā sentire & agere circa res
Fidei & Religionis vobis liceat, id tantum quod ex vestro sensu
arbitramini necessariū, & abijcere aut etiam improbare quod vo-
bis visum fuerit, non necessarium, non est hæc via, vt tollatur dis-
sidium, sed vt augeatur & propagetur, longè maximo Ecclesiæ
Patriæq; detrimento. Quousq; enim tandem procedet illa ne-
cessitatis opinio. Bone DEVS, quantæ pugna! nobis doctrinā,
legem, ritum, disciplinam, statum, ordinem, totum exercitium,
Religionis, tanquam necessarium vrgentibus, vobis vetantibus,
& contra. An verò etiam eo pacto à nobis tolerari vultis, vt
nihil, quod in nobis displicet, toleretis? hoc est, vt vobis etiam de-
inceps liberum sit accusare, carpere, damnare pleraque, tanquam
errores, hæreses, superstitiones, abominabiles idolomanias; nobis,
& hæc & pleraq; alia tolerantibus? Deniq; si nomine toleran-
tiæ intelligi vultis, immunitatem & exemptionem ab omni iu-
dicio Ecclesiastico probante vel improbante doctrinam, vel ritū,
non profectò pacem statuistis, non dissidia extinguistis, sed id de-
struistis, quod semper in Ecclesia habitum est pro supremo dissi-
diorum remedio, pro vnico pacis & concordie Ecclesiasticæ sta-
bilimento. Rex Sereniss: dum expetit publicam fundare pacē,
tale consilium non probat, neque nos probare possumus. Ex
quo fit, vt essentiali scopo discrepemus: Quid igitur mirum si
hactenus in diuersa agimur? Inde verò intelligitis, quā utilis,
quāmq; necessaria fuerit, nupera tum Regiæ mentis Interpreta-
tio, tum nostræ intentionis declaratio. Intellexistis palam quo-
collimemus, intelleximus, quā prorsus aliò collimatis. Videte
iam quid ad vltiores negotij progressus opus sit.

Alter negotij cardo medijs à S. R. M. præscriptis, circumducitur.
Ex ijs verò, quæ nuper allata sunt, timere cœpimus, ne in his quoq;
contrarijs motibus feramur. Liquidatione doctrinæ, & discussio-
ne veritatis, constare præcipue S. R. M. vniuersum negoti voluit.

Omnes equidē verbis profiteamur, obsecundare nos velle S. R. M. eiusq; ductū in utroq; sequi interim re ipsa nos pugnare, hæc totius operis tardatio manifestè docet. In ipso enim limine iam cōfligimus. Nos enim ut & Instructioni Regiæ stemus, & compendio rem agamus, vellemus doctrinæ capita, paucis, breuibus, simplicibus propositionibus, ex cuiusq; Partis sententia in mediū proferri, exclusis omnibus, quæ vel apertè, vel tacitè Doctrinam Partis oppositæ sugillant, vel eandem imputatis dogmatibus onerant, vel superfluis additamentis, explicationibus, sequelis obscurant, suffocant, opprimūt, vel deniq; infinitis doctrinarū minutijs, veluti sparso per aërē puluere, nebulā faciunt, ut caput ipsum controuersiæ (à cuius solius discussione cætera omnia pendent) ab acutissimis etiam oculis vix videri & discerni possit. Vos aliter & sentitis & agitis, solliciti, ne quid indiscussum prætereatur: sed neq; nos quidquam præterire volumus; tractentur etiam ista, sed in suis capitibus. Imitemur peritissimos Medicos. Illi enim in morbis Epilepticis, alijsq; qui à capite manant, & vsque ad extremos pedum manuumq; articulos malum diffundunt, non utique extremo digito emplastrum applicant, quamuis digitos intortos videant, sed caput aggrediuntur, capiti medentur, caput corroborant. Ita nos capita controuersiarum aggrediamur, illa cōpendio proponamus, illa mox liquidemus; ubi dabitur copia, etiā minutissimos discutiendi puluisculos, anatomizandi articulos, secandi tenuissima filamenta. Tandem fallò imputata separemus. Denique anthiteses ex concessis formemus. Ita præcipit Sereniss. Rex. Et poterat ad rem nostram quidquam cogitari concinnius? ut planè mirari satis non possimus, cur improbentur & reprobentur.

Circa discussionem veritatis meministis abhorre S. R. Maiestatē, etiam à nomine disputationis. Hinc arrepta occasio, quod iam querebamus, ut diceretur atq; etiam in vulgus spargeretur,

Papi-

Papistas nolle argumentari, timere, quærere effugia. Disputatio-
nem sanè non admittimus, quam Rex prohibet; argumentatio-
nem ambabus manibus amplectimur, quam & Res & Rex expe-
tit præcipitq;. Expendite quid Rex sub nomine disputationis
velit vetetq;. *Ab infestis, inquit disputationibus, qua partes hinc
inde se se petunt tantopere abhorremus, vt ne quidem disputationis no-
men in toto hoc negotio vsurpari vnquam voluerimus.* Et iterum, *di-
dicimus interminatas argumentorum conflictationes in maiores fere
rixas definere.*

Duo igitur vitia notat, & detestatur, quæ fere disputationibus
iam velut insita & naturalia sunt, *mutuam personarum infesta-
tionem, & interminatam argumentorum conflictationem, & bre-
uius infestas, & interminatas disputationes.* *Infestas* quidem
in quibus ita agitur vt homines expugnari videantur, non autem
verum falsumque disquiri, tanto calore, insultu, furore, vt plus
Martis habeant, quam artis, tam iniquo plerumque exitu, vt non
argumentorum vis, sed vocis violentia plausum referat, & ille
plerumque dicatur minor, qui modestior, cum tamen fere, qui
sapientiâ minore est, voce, verborum vi, quasi plausu rem suam
farciat. Hoc enim agit, non vt victrix caput erigat veritas, sed vt
homo homini videatur nequaquam succubuisse. *Interminatas*
verò in quibus post longos argumentorum iactus, & mutuas re-
uerberationes, tantum abest, vt Pars Parti acquiescat, vt semper
magis magisq; exasperetur pugna, nec vnquam reperiat exitum.
intendunt enim ingenia vires, & semper inueniunt, quo vel ictum
declinent, vel persequantur hostem, iterumq; feriant. In quo dis-
putandi genere (quod dolendum maximè) longissimo argu-
mentorum tractu non illustratur, non solidatur veritas, sed obcu-
ratur, & extenuatur subtilissimis distinctiunculis, obscurissimis
argutis, importunis ludificationibus, impertinentissimis princi-
pijs, miro artificio, neque amplius obtinetur, quàm vt perfosso
semel

semel solido veritatis fundamento, eatur in infinitum. Tales disputationes detestatur Sereniss: Rex, & quia disputationis nomen in istiusmodi altercationes, iam ferè transijt, ne nomen quidem disputationis vsurpari voluit. Ab his sine dubio abhorruit Paulus, & suis, vt euitarent, præcepit. Enimuerò vitandæ quàm maximè, si euitare volumus subuersionem audientium. Sed de Pauli mente alij.

Pergamus iam expendere, quid S. R. M, quid nos ex hac mente S. R. Maiestatis, voluerimus pro discussione Veri. Primo. *Ea inquit producantur in medium, quæ ad candidam simplicemq; veritatis ostensionem spectant.* Quâ quidem candoris simplicitate, qui naturalem vel artificiosam argumentandi formam, exclusam existimat, næ ille procul ab omni iudicij rectiq; sensus regula aberrat. Ille talia somniet, qui artem ratiocinandi, vallum, murumq; veritatis esse ignorat, quo nomine illam insigniuit Clemens Alexandrinus Platonem imitatus. Illa, quemadmodum loquitur Augustinus, docet docere, illa docet discere, in hac seipsa ratio demonstrat, atq; aperit, quæ sit, quid velit, quid valeat; scit scire, sola scientes facere, non solùm vult, sed etiam potest. Secundò. *Ea producantur in medium quæ ad candidam, & sæpè sæpius præstitam ostensionem veritatis spectant.* Nec enim opus esse credidit, vt noua conquireremus. Ex solis utiq; Scripturis Sacris initium dissertationis huius sumendum esse optimè nouerat. Quis verò nostrum credat, novos scripturæ textus, ijs præsertim exclusis, qui toto iam sæculo vltro citroq; tanto ingeniorum conatu discussi, à nobis allegari posse? Illæ igitur iam toties præstitæ veritatis ostensiones, candidè & simpliciter producantur. Tertiò. *Ea inquit producantur, quæ ad ostensionem, & confirmationem veritatis spectant.* Quo significare voluit illud præcipuè quærendum esse, vt quisque suæ partis doctrinam veram esse persuadeat, non vt æmulum disputando vincat, per quod arceatur colloquentium infesta inuasio,
si præ

si præsertim argumenti medulla scripto concipiatur. Et iterum, quæ ad rei substantiam spectant, scripto reponantur, non permissis liberis, extra positos semel medijs cancellos, excursionibus. 4. *Ea inquit producantur semel, iterumq; & tertio.* Trinam nimirum eiusdem argumenti confirmationem sufficere credidit S. R. M. ad ostensionem sæpè iam discussæ præstitæq; veritatis. Nam post longos conatus vix (inquit) fieri potest, ut Divina veritas solidioribus, & validioribus firmetur, argumentis quàm hæctenus firmata est. Quod quidem verissimum est, de ijs præsertim argumentis, quæ eruuntur ex scripturarum textu: Quis enim dubitet, unum, quempiam scripturæ locum, accuratâ & exactâ verborum ponderatione semel factâ, ita excuti penetrariq; posse, ut vix quidquâ super sit? Quod si idem iterum, tertioq; maiori curâ & conatu fiat, nescio an aliquid ampliùs desiderari possit, præter verba, quæ Paulus vetuit, cum diceret: *Noli contendere verbis.* 5. *Ijs in medium productis, nequaquam ingeniosis argumentationibus*, id est argutationibus, *concertare pergant.* Ita metam ponit interminatis, quas vocarat, disputationibus. Sapienter sanè, ut ibi argumentum suo tempore sistat, id est, in ipso veritatis fundo, ultra quem nō proceditur ad verum, sed ad profundiorē veri caliginē. 6. Tandem, *Nequaquam concertare pergant, sed potiùs prudentiâ & consilio difficiendum assumant, quid saluâ veritate & conscientiâ, præstare possint ac debeant, ut tantum Ecclesiæ Patriæq; restituant bonum, pacem Divinam & Humanam,* (id est) videant, an ipsi cessione dissidium componere valeant? an iudice opus sit, & quis ille sit? si vetus Ecclesia; consulatur, audiatur.

Neq; plura. Produximus argumenta innocentiae nostræ contra iniustas accusationes; ostendimus negotium luxatum esse, I. ac præcipuè declaratione illâ, quâ sistere vultis in sola tolerantia, illis quatuor modis explicata nobis, vel inutili, vel noxia; vobis solis proficua: quam proinde non tanti facimus, ut tanta vel nostra,

vel vestrâ negotiatione hîc opus sit. 2. Mediorum usu, discrepante ab ea methodo, quam S. R. M. præscripsit, & à qua dimoueri nos non sinimus. Ac primùm quidem circa liquidationem doctrinæ, nihil nobis obtrudi patimur, quod Regiæ voluntati & Instructioni dissonet.

Atq; hæc vnica causa est, ob quam à tot iam diebus scripta vestra non acceptamus, & ne in publico prælegantur, aut protocollo inferantur, obstitimus. Primò quidem, quia multa continent, quæ Partem Catholicorum meritò offendunt, & irritant; quod sanè non pateretur Sereniss. REX, qui etiam veteres offensas, hoc loco radicitùs aboleri vult, ne dum nouas suscitari.

2. Quia multa adscribunt doctrinæ Catholicæ, quæ nullus Catholicorum docet, quæ, si Partis nostræ declarationem expectare vellent, ipsa per se corruerent. 3. Quia multa imputant tanquã dogmata Ecclesiæ, quæ sunt particulares quorundam opiniones.

4. Quia in multis veram doctrinam Catholicam amarè carpunt, & sugillant. 5. Quia sibi Partes assumunt explicandi pleraq; dogmata Catholicorum; quod REX vetat, & vetaret maximè, si intelligeret hac viâ potiùs tenebras offundi, vel doctrinã inuidiæ obijci. 6. Quia sine vlla necessitate tractatus multiplicant, & ex propositionibus, quas breues & paucas esse oportuit, integros ferè libros contra mentem S. R. Maiestatis conficiunt.

7. Quia recedunt ab optima methodo ad conciliandam concordiam, quam existimauit Serenissimus REX, faciliùs confici posse, si quæratur compendium earum doctrinarum, in quibus hactenus discordes sunt sententiæ, & eo fine præscripsit iterum atque tertio, vt tantùm capita doctrinarum proponantur, ex quibus videlicet cætera, tanquam rami à stipite, pendent, vt proinde illis compositis, cætera omnia seipsis in concordiam eant, sine nouo labore. Itaq; ab optima methodo recedunt, qui omnia penitùs etiam minutissima puncta colligunt, & exaggerant, quasi difficulta-

39
cultatem concordiae vellent ostendere, & terrorem iniicere, non
autem viam monstrare facilis conciliationis, cum in hoc negotio
illud magis curandum sit, ut intelligant populi, in quam multis
magnisque Fidei capitibus conueniant, & quam pauca sint capita
(reuera enim pauca sunt) in quibus dissideant. 8. Quia ita totam
rem agunt, ut non tam videantur propositiones formare, quam
doctrinam iustificare, quod non praesentis est loci, sed ad secundam
actionem spectat, in qua alleganda erunt cuiusque doctrinae funda-
menta. 9. Quia confundunt actiones, quas S. R. M. distinctas
esse voluit, simul enim congerunt propositiones, elucidationes,
depurationes, anthiteses, quae sunt quatuor distinctissimae partes
primae actionis.

Haec de liquidatione. Pro disquisitione autem veritatis, quam
formam progredi ex praescripto S. R. M. velimus satis superque in-
dicauimus. Habetis vniuersam mentem nostram, & sententiam,
ex qua quid deinceps deliberandum agendumque sit, pro vestra sa-
pientia decernetis.

Finita à P. Schönhof allocutione, annuente Illustriss. D. Castellano Gnesnensi, R. P. F. Hieronymus à S. Hyacintho Ordinis Carmelitarum Discalceatorum, hunc in modum prosecutus est.

Clarissimi DD. Collocutores.

Cum altera hebdomada, lectis publice Regijs literis, in locum
Illustriss. D. D. Supremi Regni Cancellarij, Illustriss. D. Castellanus
Gnesnensis Legatus S. R. M. Dñi Nostri Clementissimi renun-
ciatus esset, illico tanquam ex loco Regio demandauit R. P. Schönhof
partis nostrae Catholicae Theologo (re prius cum ipso priuatim
collata) quatenus iustis de causis, maturo suo iudicio trutinatis, &
palam expositis, instructionem praesentis Colloquij à S. R. M. D.
Nostro Clementissimo partibus seu partium Collocutoribus por-
rectam, luculentiùs explicaret: paruit ille, ut par erat, & ex ordi-

ne ac commissione Illustriss. Dñi, atq; adeò ipsius nomine, sermonē ad partes instituit: Declarationem insuper partis nostræ Catholicæ adiunxit; qualiter nimirum Regiæ instructioni, scopo, & mediis sic explicatis, constantissimè velit inhærere; & ab his ne latum quidem vnguem deflectere. Idem an Partibus quoq; animus foret fuscitabatur. Sermonem præfati Theologi nostri, aut veriùs Illustrissimi D. Legati, Clariss. D. Collocutor Partis Augustanæ (cui satisfaciendi prouincia, tum ab Illustriss. D. Legato, tum à parte Catholicorum nostrorum Theologorum ad me deuoluta) bino, vt notum est, excepit responso. Quòd quidem responsum si compendio expendatur, quatuor videbatur comprehendere. Quædam enim redolebant nonnullam offensionem, quædam dictorum Theologi nostri sinistram interpretationem, aut certè minùs rectā intellectionem præferebant, aliqua ad Iustificationem suæ partis, aliqua ad accusationem partis nostræ Catholicæ spectabant. Singula eo ordine prosequor.

Ad offensiua renocamus primò, quòd D. Collocutor Partis Augustanæ, tam in prima, quàm in altera sua declamatione arguit nostri Theologi præsumptam (vt vocat) licentiam, & iudicium interpretandi publicè Regiam instructionem, non Consultis Partium DD. Deputatis, & Præsilibus. Piaculum sanè haud leue foret, si quisquam priuatâ temeritate potius, quàm Auhoritate, ausu magis, quàm iure fretus, Principis mentem interpretari præsumeret. At crimen huiusmodi innoxio cuiquam affingere, est profectò in seipsum retorquere. Catholicæ Partis nostræ Theologus nequaquam priuata Auhoritate leges interpretari Regias præsumpsit: qui (quantum ad hoc) nec suo, nec partis nostræ Catholicæ nomine locutus est, sed nomine, & Auhoritate Illustriss. D. Legati, vices, & locum S. R. M. Dñi Nostri Clementiss. ad præfens, obtinentis. Quòd si crimen erat Legem interpretari Regiā, crimen (si fas est sine crimine) in ipsam Regiam personam reponere.

re oportebit, quæ ore Theologi Regij interpretationem Regiæ voluntatis pronunciauit. Quapropter desiderabatur hac in parte, maior D. Collocutoris Aug. Confess. (alioqui prudenti, & moderato viro familiaris) tum cautela, tum modestia. Modestia quidem, vt ab imputata in vtroq; sermone, præsumptione abstinuisset, nec contra nostræ Partis Theologum, adeò immeritò inuectus fuisset. Cautela verò, ne Personam Illustrissimi D. Legati Regij læsisset. Cùm enim probè intellexisset, Illustriss. D. Oratorem Regium, palam, & disertis verbis nostro comississe Theologo, illam, quam fecit, mentis Regiæ explicationem, & interpretationem: iterumq; reprehensum paulò ante audisset Collocutorem Partis Reformatæ, de præfati Theologi nostri Censura, tanquàm in ipsum Illustriss. D. Legatum redundante, suspicionem euadere vix potuit, quòd non tam Theologum nostrum, quàm ipsum Illustriss. D. Legatum perstringere voluerit. Qui quidem sicut ex munere Illustriss. D. Legati independentē, ab vlllo, præterquam à sola S. R. M. Dño Nostro Clementiss. Autoritatem obtinet, ita in omnibus quæ sunt sui officij (quale est mentem Regiam explicare) à nemine dependere adstringitur.

Creuit offensa ex Parte D. Collocutoris Augustani, cùm adstruxit, per adhibitam (verba sunt illius) nouæ interpretationis Regulam, media à S. R. Maiestate proposita obscuriora videri facta. Profectò distinctio, & ordo partium Actionis primæ, tam dilucidè, & egregiè ac textui Regio conformissimè ab Illustriss. D. Legato per Theologum nostrum proposita, Censuram tam acrem, à D. Collocutore August. immeritò, & minùs cautè subiit, siue personam Regij spectemus Oratoris, cui par obseruantia, respectu muneris sui debetur, siue ipsam Clarissimam, numerisq; omnibus absolutam explicationem illius, consideremus. Quid enim clarius dici poterat, quàm actionis primæ hunc ordinem à S. R. Maiestate præscriptum esse, vt primò quidem pro-

positiones suæ doctrinæ partes sibi inuicem porrigant. Deinde porrectas si opus fuerit scripto, vel voce declarent, tandem ab imputationibus depurent, vltimò demùm ea, in quibus non conueniunt, per Antitheses planas exhibeant. Eiusmodi claram explanationem, maiorem vocare obscuritatem, non intelligo, quâ ratione possimus: nisi forte lucem ponamus tenebras, & tenebras lucem. Hic quidem paulò liberius excurrendi occasio inuitat, sed intra Cancellos lex Charitatiui Colloquij (euocatum licet) continet: nec inuidiam, aut odium aliquod D. Collocutori conciliare opto, sed illud duntaxat, quod ex dictis illius afficit, depromere intendo.

Accessit & illud, quod meritò partem nostram offendere potuit, & de facto offendit; quia & ipse D. Collocutor Partis Augustinæ dissimulare non potuit, quin perstringeret nostrum Theologum, eò quod Religionem nostram Catholicam, quam vocant Partes Romanam, appellauerit in hoc inclyto Regno Matrem familias, Dominam, & Hæredem, vt potè quæ suo schemate nota, ab initio suscepti Christianismi, in nostra hac Patria, etiam tunc quando à Partibus corrupta iam Ecclesia censetur fuisse, Supremo Capiti Ecclesiæ, Romano Pontifici, obedientiam deferens, sicut hucusque defert, pulso Ethnicismo, velut iniquo possessore, primum ius Matris familias ipsa possedit, & hucusq; eam prærogatiuam iure hæreditario obtinet, suisq; alumnis velut obsequentissimis Filijs, non mancipijs, materno dominatur priuilegio. Ipsa est (liceat mihi pace vestrà) de Religione nostra Catholica, quæ sentio pronunciare (sicut liberum fuit Partibus de sua quæ placuit, proferre) ipsa est, inquam, quæ quascunq; Religiones alias, à se Dissidentes, Christiano licet censeantur nomine, hinc præcessit, non subsecuta est, non illa apud vllam ex ipsis, gratiam hospitij postulauit, vel cameræ receptaculum conduxit, vel Partis securitatem, obtinuit, illas potius peregrinas, nec hinc enatas, sed ex vicinis ex-

ter-

ternisq; Prouincijs aduentantes, Principum, ob varios respectus Politicos, benigniore condescensione & indulgentiâ admissas, sustinuit. His de causis appellatam Matrem familias, à nostro Theologo æquum erat dissimulare D. Collocutori Augustano, quamuis per modum præteritionis, quo causas inuidiæ à se remoueret, tanquam ad Cathedras Theologorum minùs spectans, Patronorum id discussioni remiserit. Satiùs consultusq; omisisset & offensam euitasset.

Veniò nunc ad ea, quibus D. Collocutor August. indicat se Regium Theologum nostrũ, vel aliter intellexisse, vel sinistrè interpretatum esse. Arguit quippè eum, quòd in sermone suo, quem dicit, vel forsàn notat, ipsum prælegisse (more quippè Doctorum Virorum, alibi passim vsitato, & noto, longiores huiusmodi sermones maturiori consilio, & præmeditatione, scripto conceptos, non recitando, sed magis prælegendo, declamamus) arguit, inquã, quòd in illo suo sermone, quem dixit, noua inferat postulata, nouas iterum leges instauret, transacta rursus reuocet: Hæc si proprijs Theologi nostri verbis comprobasset, causam euicisset: noui nihil à parte August. postulatum est. Non de nouis legibus cõdendis, sed de conditis à S. R. M. Dño Nostro Clementiss. fideliter, & exactè seruandis actum est. Transacta deniq; volumus, cum illo esse transacta: at non transactis, opponimus transacta. Me explico magis. Quidquid de æqualitate inter partes transactum in Actis publicis legitur, minimè retrò agimus: porrò quidquid in æqualitatis, & iurisdictionis, siue Ciuilis, siue Ecclesiasticæ speciẽ præferre videtur, exclusum ab hoc Colloquio cõmuni partium consensu, in controuersiam quidem nunc non vocamus, sed Actis diei secundæ Septemb. diligenter inspectis consignatum, non legimus. Quæstionem tantum de æqualitate locorum pro Collocutoribus actu colloquentibus, vt commodè se inuicem audire: audiriq; possint, eâ die ab Illustrissimo Dño Legato per designatum.

rum locum, ad mensam hanc in medio sitam, decisam reperimus.

Nec illud quidem satis benè intellectum, aut interpretatum, censemus, quasi ordinem agendorum in prima Actione, ipsarūq; propositionum affirmatiuarum, & negatiuarum intercapedinem, dierum aut hebdomadarum interuallo Theologus noster distinxerit, quo sugillari non nihil videtur, quasi cum nostra parte Catholica inutiles moras, non modò per dies, sed etiam per hebdomadas neçtere velit, prætextu porrectæ explicationis Regiæ Instructionis; cùm tamen nihil magis habeamus in votis, nihilq; magis cordi nobis esse iam probauerimus, nostraq; mox ab initio huius negotij prompta expeditione, & frequentibus instantijs, scriptis etiam consignatis, quàm vt agenda ageremus, omisis ad rem nostram non spectantibus.

Tandem & illa resolutio, quâ noster Theologus suâ nostramq; mentem declarauit, *Nihil, nihil omninò nobis innouandum esse*, trahitur à D. Collocutore Augustano, ad Fidei nostræ & Religionis, quam profitemur, immobilem, & inflexibilē constantiam. Quod tamen (vt palam constat ex Actis) Theologus noster longè diuerso fine protulit, nihil videlicet contra leges S. R. M. Dñi Nostri Clementiss: scopumq; ab illo præfixum, nos velle agere, immutando, vel innouando aliquid ex his, quæ Privilegia, prærogatiuas, libertates, cæteraq; Politica concernunt. Cæterùm, vt aliquid instantissimæ, hac occasione, postulationi Dñi Collocutoris Augustani obsecundando, condescendamus, quo rogatos vult DD. Collocutores Partis nostræ Catholicæ, renuntient vt aliquid suæ obfirmationi, ex qua pronunciarūt, se *nihil, nihil omninò* in suo sensu remissuros esse, alioquin si in limine, inquit, Colloquij hoc edixissent, bonam partem & temporis, & operæ huic Colloquio impensæ, potuisse redimi; Bono esse animo volumus Clariss: D. Collocutorem cum sua Parte Augustana, Bonam partem temporis & operæ huic Colloquio impensam, & impendendam, non
inuti-

inutiliter collocatam vt intelligat, fore confidimus. Nequaquam
adeò nos obstinatos, & obfirmatos, ac illiberales sibi persuadeat,
in ipsa quoq; materia Religionis, quasi nihil, nihil prorsus remis-
suri simus, sexcenta & amplius remitemus. Plaustra, non modò
libros onerare, non tantùm implere, possit his, quæ haud inulti
donabimus, imò iam vel anticipatè (si placet recipere) donamus.
Renunciamus quippè plurimis erroribus, de quibus Augustana
Religio persuasa, nostram Religionem esse obnoxiam, Attentos
velim Auditores & benè capaces. Renunciamus, inquam, omni-
bus ijs erroribus, non quibus vnquam illibata semper sacra Reli-
gio nostra Catholica, quam vocatis Romanam in se sit obnoxia,
sed quibus in vestra opinione, vel persuasione, vel etiam imputa-
tione nigrescit. Non iam loquor de imputationibus, quas pas-
sim leuioris notæ homines in vulgus chartis, aut verbis hæcenus
spargunt, ad illas me reuoco, quibus plena est Confessio Augusta-
na, Apologia ipsius, articuli Smalchaldici, & si quos alios pro sym-
bolicis libris habetis. Iam ex his partem non exiguam nostro
scripto pro ingressu ad primam actionem concinnato, hîc q; pu-
blicè prælecto, collectam reperietis: collecturi adhuc sumus mul-
to plura si libebit. permittite duntaxat, eâ nos liberalitate vobiscû
agere. Equidem si pro vestra humanitate non impediueritis,
nostram vt fidem, & Religionem ab huiusmodi imputationibus
integrè depuratam exhibeamus, bonam partem temporis & ope-
ræ huic Colloquio, non malè impensam fore confidimus.

Foris aliquid amplius expectastis, aut expetistis per Vestræ
Partis D. Collocutorem? vt nimirum ex ipsis quoq; inconcussis fi-
dei nostræ articulis, aliquid in gratiam vestri remitteremus? insi-
gne porro stratagema, quo vel priusquam congregiamur succum-
bamus. Quid enim reliquum est fidei, quam remittere licet? si qui-
dem illam, vel vnicus error corrumpere sufficit. Nunquam fidē
nostram Catholicam antiquissima possessione suæ certitudinis, tot

sæculis firmatam, alæ præsentis Colloquij animus fuit exponere :
idq; vel ipsis vobis semper fuisse, & esse persuasissimum, pro com-
perto habemus. Longè alia est fidei nostræ Catholicæ Conditio,
quàm, vt discussionibus infallibilis suæ veritatis, & certitudinis à
nobis subijci vnquam debeat, vel patiatur. Arundinea non est, quæ
hinc inde agitetur : Petra est quæ fluctuum impetus frangat, non
ab ipsis frangatur. Ea nos certitudine de fide nostra Catholica de-
cet esse persuasos ; vel vobis ipsis approbantibus, illa quæ fide di-
uina creduntur, immobiliter credi oportere : Ni forte existimetis
nos in ea, quàm (DEO miserante) profitemur Religione, vacil-
lare, & similes fluctui maris, qui à vento mouetur, & circumfer-
tur, in fide nostra hæsitare, fidem denique sine fide possidere, nec
quòd credimus, verum esse prorsus credere. Vobis porro, qui ali-
ter de fidei nostræ sanctitate opinamini, licet in eam periculum fa-
cere, & validissimis, quibus præualetis machinis illam impetere :
nobis interim, non vt dubijs, ad discussionem fidem nostram ex-
ponentibus, sed velut securis, contra impetus vestros, illius quàm
diximus certitudinem strenuè defendentibus. Et si quidē omnes
vires vestras in cassum (vt confidimus) deprompseritis, imò ex-
hauseritis, in eandem quòd summopere optamus sententiam feli-
ci coniunctione nobiscum venire licebit : at non antè, deditionem
nostram liceat exposcere, quàm munitissimum castrum nostrum
expugnaueritis : Euincite priusquàm remittamus, quòd de fide
nostra remittere debeamus : nec ante victoriam captiuos abdu-
catis. Sed nectanti est apud nos momenti allegata à D. Collocu-
tore Caroli V. Authoritas, vel potiùs animositas, quâ dicitur non
erubuisse confiteri, ex parte sua Catholica esse aliqua secus, à scri-
pturis tractata, & intellecta, quæ ad Christianorum concordiam,
corrigi oporteat : iudicium Principum sæcularium, quantauis di-
gnitate, vel ipso etiam Diademate insignitorum, apud nos in cau-
sis fidei, & religionis, nequaquam est irrefragabile. Dixerit hæc
[sanct]

sanè Carolus V. & ita censuerit. Opponimus, primum sacris
Christianæ Religionis initiatum Imperatorem, Constantinum,
Magnum; post hunc Gratianum, Martianum, Valentinianum,
Seniorem, Theodosium Iuniorem, Martinum, Basilium, plerosq;
ceteros laudatissimos Imperatores Christianos. Adiungimus eti-
am Gentiles, vt Aurelianum, etiam Arianos, vt Theodoricum,
Regem Gottorum, qui in rebus fidei, & causis Ecclesiæ, Episcopis
& Pastoribus iudicium detulerunt, non sibi arrogarunt. Notabile
est illud S. Athanasij, abominationem desolationis à Daniele præ-
dictam vocantis, si quando Princeps sæcularis, iudicijs præsideat
Ecclesiasticis; sanè & ipse Serenissimus, & pijsimus Rex Noster
D. Clementiss. VLADISLAVS IV. adeò hac in parte se exhibu-
it cautum, vt non modò quicquam facultatis de rebus ad fidei, &
religionis substantiam spectantibus sibi vsurpauerit: quin etiam in
prudētissima sua Instructione cauerit, scripta partiū prius quidē Le-
gato, & Deputatis tradenda, sed non, vt illi de doctrina eiusq; ve-
ritate, vel falsitate iudicent, verum; vt duntaxat videant, num
aliquid sit insertum, quod partem oppositam meritò possit offen-
dere. Habent sanè Principes, aliud circa Ecclesiam officium:
non dijudicandi de dogmatibus Ecclesiæ, sed illius incolumita-
tem tuendi, & propugnandi. Gladio Imperatorum Ecclesia pro-
tegitur, mamilla Regum lactatur, sensu, & iudicio illorum non
regitur, obsequentes potiùs hac in parte, ipsos Imperatores, tan-
quàm filios, experitur.

Nec Carolus quidem Quintus optimè aliàs de Ecclesiastica
Repub: meritis, ac pro fide Catholica zelosissimus Imperator,
contrarium aliquid creditur præsumpsisse, aut præsumptuosè pro-
tulisse, de his præsertim, quæ dogmata Fidei concernunt. In ma-
teria morum fortassis correctionem aliquam legitur desiderasse.
At neque in huiusmodi censura disciplinæ Ecclesiasticæ, segnio-
res Ecclesiæ Catholicæ Prælatos poterit quisquam arguere, qui

non solum in nouissimo Generali Concilio Tridentino, tot de Reformatione capita legerit, tot statuta viderit, sed etiam in plerisque Synodis Prouincialibus & Dioecesanis, de morum correctione, de abusu extirpatione, maturis consilijs, prouide & accuratè deliberari perspexerit. Quod si his non obstantibus adhuc necesse sit venire scandala, & aliquos abusus contingat deprehendere in Ecclesia, Cæus alienus, qui sine peccato est, mittat in eam lapidè. Cæterum manum de tabula retrahimus; Ad tertiam actionem, remittimus, quod occasione dictorum à D. Collocutore Augustano, de Carolo V. obiter tetigimus.

Progredior tandem ad ea, quibus D. Collocutor Augustanus iustificat suæ Partis, accusat verò nostræ Partis causam. Iustificat suam causam, cum suo suorumq; nomine summis votis exoptat, quò consilium Regium præsentis Colloquij D E V S Opt: Max: secundet. Factis, optamus, fidem vt conciliet dictis: & ex parte sua non modò nullum felici exitui huius negotij obicem aut remoram interponat, verum etiam contestatâ promptitudine cooperetur. Adiungit suam suorumq; erga eiusdem S. R. M. Dñi N. Clementiss: Instructionem, debitam obseruantiam & submissionem, nostrâ non inferiorem. At in eo facit nos non nihil hæsitare, siquidem, vt in priori sermone declarauit, Instructionem Regiam legis loco non recipit: quo ipso licitum sibi contrauenire illi indicat, cum tamen S. R. M. Dñs N. Clementiss: in literis patentibus, ad Illustriss: & Reuerendiss: D. Episcopum & Præsidentem nostrum, datis, conceptis exprimat verbis, se Instructionem suâ exactissimè velle seruari. Hinc nos Catholici Theologi, etsi alioquin probè nouerimus, potestatis Secularis legibus Statum Spirituale & Ecclesiasticum non ligari, sponte nihilominus, quasi pro lege eaq; inuiolabili præfatam Manuductionem Regiam, velut prudentissimam, & scopo huius Colloquij appositissimam, cum ea quâ par est reuerentia, & æstimatione acceptauimus, Dños
Theo-

Theologos Augustanæ Confessionis, qui non modò in causis ciuilibus, verùm etiam Spiritualibus, Magistratus secularis iurisdictionem recognoscunt, quiq; velipsis Proconsulibus Ciuitatum vltro parent, multò magis supremæ potestati Regiæ, nihil in Religione ipsorum innouanti, congruentissimum dantaxat ordinẽ Colloquij præscribenti, & iurisdictionem recognituros, & promptè parituros, imò in eo nobiscum certaturos, omninò persuasum habuimus.

Est aliud, quod in ea persuasione faciat nos ampliùs hæsitare: cùm enim S. R. M. Dñus Noster Clementiss: ab hoc Colloquio tam impensè arceat strepitum, & conflictum disputationis, vt ne quidem nomen disputationis in toto hoc Negotio vsurpari vnquã voluerit, è contra D. Collocutor Partis Augustanæ, tot tantisq; verbis vrget disputationis opus, & necessitatem, vt sine illa præsens negotium nullâ ratione confici posse arbitretur. Vnum hîc vel alterum dici oportet. Aut D. Collocutor putat S. R. M. Dñum Nostrũ Clementiss: omnem discursum naturalem, & proprium rationis munus, penitus interdicare, & ab hoc Colloquio ablegare; sic porrò indignè mens Regia detorqueretur, quasi nos homines rationales, nec humano, nec rationali modo velit agere; cuius etiam contrariũ nõ semel expressit S. R. M. mentionem faciens, non tam circa primã actionem, quàm circa secundam, probationũ & trinarum etiam instantiarũ siue ostensionũ, quæ omnia sine discursu fieri nequeunt: aut certè putat D. Collocutor disputationẽ secundum leges Logicæ artificialis, siue non tam vsum, quàm abusum illius S. R. Maiestatem voluisse inhibere. Hîc Regiam mentem attigit; sed illam tot verbis impugnare non licuit, nec decuit nisi professæ erga S. R. Maiestatem oblitum obseruantia. Mens planè Regia est, non naturalem, imò neq; ex integro artificialem Logicam ab hoc arcere Colloquio, sed potiùs contentiosam, & in immensum protractam disputationem, quam etiam

nomine ingeniosæ argumentationis, & interminatæ argumentorum conflictationis, indigitauit. Scilicet præcauere placuit S. R. Maiestati D. N. Clementiss: ne fortassis (vt vulgò fieri solet) non vitio Logicæ artificialis sed deflectentium ab ipsa arte, disputatio in contentiones, Theologicæ veritatis inuestigatio in Logicales difficultates, extraneas controuersias, quæstiones tandem interminabiles non tam desinat quàm excurrat, denique non vsque ad conuincendum, quo fertur conditio disputationis, sed quantum ad prudentiale duntaxat de collatis inter nos iudicium colligendū sufficeret, disceptare nos voluit. Hunc sensum & non alium mentis Regiæ fuisse, Regius Theologus noster disertè aperuit, & congruâ Apostoli autoritate firmavit. In eo porrò sensu plurimos sacrarum literarum Interpretes locum Pauli accepisse, si D. Collocutor non meminit (vt ipse dicit) ad eos recurrens labili memoriæ succurret, & Doctissimum Theologum nostrum, non temerè, nec contra, aut præter communem omnium expositorū sensum, locum vtrumq; Pauli explicasse, fatebitur. Et illud nihilominus sibi persuasum habeat, nos Regiæ quidem menti & voluntati obsecundando, non autem scholasticæ disputationis energiam detrectando, ab hoc concertationis genere velle pronunc supersedere. Licet nihilominus alioquin experiri, quantum etiam in hac palæstra simus exercitati, dummodo (quod nobis cauemus) vis & neruus legitimæ argumentationis titulo, & specie prætensæ sophisticationis, (quod vulgò fieri solet) non insigniatur.

Tandem (quod adhuc ad iustificationis causam spectat) innocentia, sedulitas, promptitudo, quàm D. Collocutor pro sua parte Augustana, in decursu totius Colloquij eo vsq; allegat, an ex toto, vel ex parte subsistat, ex Actis suo tempore patebit. Media liquiddandi suam doctrinam, ea integritate, à se proposita asserit, vt doctis pariter, & indoctis abundè satisfactum arbitretur. Vereor ne
hanc

hanc laudem illi eripiant, vel ipsi sui Augustani: qui in Borussia corpus suum Prutenicum, eo, quem ipsi prætendunt; honore, & æstimatione spoliatum, & posthabitum; docti pariter, & indocti grauatè, haud dubiò ferent: quod tamen nos minùs afficit.

Afficit magis (idq; ad vltimum iam punctum spectat) quòd D. Collocutor iustificata (vt putabat) ex integro sua, suæq; partis causa, nostram indirectè partem accusat, dum aliqua, à nobis postulat, quæ ex obliquo videntur causam, & culpam moræ huius Colloquij in nos refundere. Postulat quippè reliquam partem Actorum nondum reuisam recensere; quasi per nos solos stet, aut steterit vnquam, nondum recensitam; cùm semper ad recensendū præsto sint nostri infatigabiles Notarij. Postulat item propositiones suæ partis, ab aliquot diebus oblatas, in publico prælegi, sicut nostræ; & Reformatæ partis prælectæ sunt: quasi non potius nos earum correcturam, iudicio DD. Deputatorum faciendam, ab ipsis hucusq; ad fastidium præstolemur, quàm prælegere differamus. Media liquidandi nostram doctrinam causatur hucusque non integrè proposita: quasi non iam toties à nobis declaratum sit, ad præsens negotium, alia præter porrecta, non esse opus porrigere: per partem item Augustanam stetisse, quòd alia non sint proposita. Deniq; sicut nos vltra ea, quæ à DD. Augustanis nobis vltro sunt porrecta, alia quæ nobis quoq; videbantur, adhuc ab ipsis in eundem finem porrigenda, importunè non exigimus, nec ideo negotium Colloquij retardamus: ita DD. Augustanos propositis, à nobis præstat esse contentos, nec alia importunè extorquere: aut certè disertè proponant nobis quænam dogmata fidei inter nos, & illos controuersa, ex his quæ porreximus medijs nequeant liquidari? Hæc ad contenta in sermone D. Collocutoris, fusiùs quidem quàm optaram, at non vltra quàm ratio, & necessitas exigebat, proferenda iudicauimus.

In Epilogo D. Collocutoris placet subsistere, & terminare:

vbi

ubi ille fiduciam nunquam extinguendæ veritatis in illo maiorum suorum Symbolo, *Verbum Domini manet in æternum*, expressit, & conclusit. Vocauerat quidem ille in decursu sui sermonis, ex quadam occasione, nouas sermonum concertationes, nouas acies. Equidem non sumus, tam delicati, vt vocabulum aciei nos pungat: non adeò suspiciosi, vt ad cuiusuis instrumenti, vel vocabuli bellici mentionem Catafractum ex ore militem prodire imaginemur, perterriti q; terga vertentes, ex arena descendamus. Deniq; non tam prauæ dispositionis, aut tam paruæ (vt sic loquar) Latinitatis, vt aciem verborum, Classicum Disputationum, ad Spiritus bellicosos, & fragorem armorum, vel detorqueamus, vel vtrumq; confundamus. At dissimulare non possumus Symbolum illud maiorum vestrorum nobis non parum suspectum. Meminimus quippè legisse nos aliquando in Gestis Germaniæ, quosdam occasione, & prætextu Religionis, rebellionem contra memoratum Imperatorem Carolum V. meditados, (quam postmodum, minùs faustis auspicijs inchoatam, tristiori fato terminarunt) hæc pro Symbolo, & tessera verba habuisse, *Verbum Domini manet in æternum*, eorumq; initiales literas suis vestibus affixas prætulisse. Non opinor Clariss. D. Collocutorem, eò suo Epilogo voluisse alludere: hoc demùm quippe à scopo, & indole huius Colloquij foret, non parum abludere. *Verbum quidē Domini maneat in æternū*, at hoc Symbolum, quā nobis est, aut potest esse suspectum, ab hoc inclyto Regno exulet in æternum.

Cum finem dicendi fecisset R. P. Hieronymus à S. Hyacintho, subiunxit illustrissimus ac Reuerendiss. Episcopus Samogitiæ.

Clarissimi Domini Collocutores.

Experimur quotidie magis magisque impediri progressum Negotij; vobis, scripta quædam vt prælegantur

tur, vel Protocollo inferantur, vrgentibus, nobis eadem ex iustissimis causis non admittentibus. Sugerimus medium: mittamus iam disceptationem hanc de toto sistemate siue nostræ siue vestræ Doctrinæ, & in aliud tempus differamus. Interim ordiamur ab vno quopiam singulari capite quale v.g. foret illud, quod est de Regula credendi. Ipsum aggrediamur, in propositiones breuissimas redigamus, mox elucidemus, iterum ab imputatis erroribus vel opinionibus purgemus, tandem antitheses eliciamus. Ita deinceps progrediamur ad alia capita. Hoc nobis visum est vnicum remedium: & vel hac ipsâ horâ parati sumus prodire in medium, & idem vt vtraque Pars alacriter facere velit, postulamus & inuitamus.

Post hæc Clarissimus D. Hülfemannus ex occasione verborum quorundam R. P. Hieronymi de Symbolo illo: Verbum Domini manet in æternum, hanc protestationem intulit.

Illustrissimi & Reuerendissimi Domini quæ publica sunt, mittam, vt Illustrissimus D. Castellanus Chelmenfis prius possit sententiam dicere. Sed hic occurrit aliquid priuatum, de quo filere tanquam subditus Sereniss. Electoris D. mei Clementissimi non possum. Verba illa quæ Rebellionē aduersus Carolū V. præferebant, iniuriosa sunt. Ex actis publicis constat, quinā illi fuerint quos & æquitas & ius naturale cogit arma defensua suscipere; velle autem illa arma eorumq; expeditionē in publico rebellionem dicere (dabunt mihi veniam Illustr. Vestræ) hoc demum est, quod præterire non possum. Reuoco mihi verba illa ad animum, & peto satisfactionem fieri, tam Sereniss. Principi Sax. qui tamen est Summus Dux & Vicarius Imperij, & de Republica non tam male meritis, vt Serenitatis Suae Maiorum arma defensua rebellionis

crimine notari mereantur, quàm toti Domui Saxonica. Et peto, ut
Auctoritate Illustrissimarum Dominationum Vestrarum referant No-
tarij in acta (nisi id iam sua sponte agunt) protestationem meam de
imputatione rebellionis.

Subiecit D. Boianowski liceat nobis deliberare quia multa sunt im-
putata, quæ non possumus pati & proinde protestamur. Accepimus tot
instructiones sex vel decem, & Reuerentiarum Vestrarum non est no-
bis leges dare.

Respondit R. P. Schönhof, obsecramus ne Mag. D. Vestra pro Autho-
ritate assumat Sibi potestatem nos reprehendendi. Veneramur Mag. Ve-
stram tanquam Deputatum suæ Partis. Habemus, qui nos reprehendant.
Interim quantum iuris est Mag. Vestra eo fruatur rogamus, citra no-
stram reprehensionem.

Reposuit Magn. D. Boianowski. Et nos Reuerentiam vestram ro-
gamus, ut idem vicissim faciat. Respondebimus singulari scripto.

Tum Illustrissimus D. Castellanus Chelmen. in hunc modum disseruit.

Intentio prima fuit demonstrandi Instructionem S. R. M. Dñi
N. Clementiss: normam esse, quâ obseruatâ negotium propositum
accelerari & moræ omnes refecari possent. Si intra cancellos istos
allocutiones mansissent, certè iacturam temporis non pateremur,
non propter intentionem illam vrgendi, ut satisfiat Instructioni
S. R. M. sed quòd multa admixta sint, quæ reuera ad hanc inten-
tionem non pertinebant. Iam apologias nectimus, longasq; ædi-
ficamus antapologias, ædificio illo, quod S. R. M. à nobis publicè
laudatissimo exemplo requirit, relicto, iam aliud ædificamus. Ita
indirectè accusamus nos moratum, ut certè si ita pergamus, nulla
apologia, quamuis longissima, sufficiat, quæ nos coram S. R. M.
& Orbe vniuerso excusabiles faciat. Proinde etsi iteratio respon-
sionis à Parte DD. Catholicorum requireret deliberationem &
procrastinationem replicationis, attamen (iam loquor ut vnus
ex Præ-

ex Præsidibus S. R. M. deputatus) mihi minus necessarium vi-
detur, vt longas nectamus apologias. Impendimus plûs quàm
bihorium istis prælectionibus prolixorum scriptorum, fortè duo-
decim dies insumerentur, responsionibus iteratis. Proinde illa
pars temporis, quæ nobis relinquitur, non impendetur huic nego-
tio primario, sed accessorio. In responsione iam prælecta, obie-
ctum est Oratori nostro, illum vulnera intulisse, sarcasmos etiâ
admiscuisse, ratione verbi illius *clasicum*, certè non ea mens fuit
Oratori nostro vulnera inferre. Ille protestabatur coram D. E. O.
& nobis, sibi non fuisse eam mentem; & si culpam imputare alicui
visus est, tamen cum interturbatus fuerit in ea periodo, quâ ver-
ba illa protulerat, impeditus fuit, vt postea subsequenter verbis
explicare priora nequiverit, & potiùs visus est incallescere, voce, &
gestu, quam affectu. Quod sarcasmm attinet, protestabatur mul-
tum abfuisse ab intentione sua. Nam si allegoriam suâ de clastico
ita repetijt, vt remoueret opinionem à se suisq; Fratribus, infesta-
rum disputationum, aut bellicosæ animositatis, tamen non eo a-
nimo fecit, vt obijceret alienam à verbis Partis Catholicæ animo-
sitate. Certè, si verum fatendum est, multa & in priore allocu-
tione, & in hac posteriore inserta sunt, extra rem, quæ potiùs ad
aliam partem actionis referri debebant. Extra rem illud erat, in
prima & in hac iterata allocutione, aliquam Religionem Dominâ
vocare, & ita innuere, alteram esse ancillâ. Nobis, id est, Nobilitati
iniuriosum videtur; & quoniam repetitur, nos etiam repetimus,
lasam esse hac in parte Nobilitatis libertatem. Regem habemus
& Dominum, & ita Dominum vt Patriæ Pater sit. Habemus le-
ges, nexus, Confoederationes, quæ innuunt, ita hospitam esse vnâ
Religionem, vt alteram. Regnum illud est, quod hospites capit,
introducitur & honorat. Præterea nihil fit sine nobis, fide, honore,
& conscientia libertates nostras stabilimus. Hæc tria arctissimo
nexu coniuncta ostendunt, nullum hîc Dñum, nullum seruum.

in Religione esse, sed omnes Fratres: Fraternè inter nos pacisci-
mur, proinde improprie dictum putamus Religionem aliquam,
Dominam esse. Deinde illud etiam fortè minùs benè intellectū
fuit, Oratorem nostrum læsisse dicto, facto, Illustriss: D. Præsidi.
Certè virtus & dotes Illustriss: D. Præsidis, non merentur reprehensionem,
& ita omnibus patent, vt nullus audeat facto & verbo lædere.
Si dictum de veritate & dignitate, non id detorqueri potest
ad aliquam æmulationem dignitatis, sed ita accipienda sunt verba,
vt dicta sunt, non deflectenda ad explicandam aliquam iniuriam.
Optimè dicitur à Rñdo Patre licuisse Instructionem interpretari;
sed non licuisse obijcere aliquid alicui, cū nulli Partialiquid obie-
ctum fuerit. Idem regerimus quod interpretatio Instructionis
neminem lædere potuit, sed multa addita sunt, quæ lædere poterāt,
& de facto læserunt. Itaq; si Instructionem S. R. M. quis inter-
pretetur, nullus ad iniuriam trahere potest. Competebat id Illu-
striss: D. Præsidi, vt declararet Instructionem eam esse sequendā,
& sic nulla iniuria facta fuisset, sed remouenda ea erant, quæ mi-
nùs eò pertinebant. Satis hac in parte declarauimus mentem,
nostram, nos non recedere ab ea per omnes actus, paratosq; esse
procedere. Præliminaria iam absoluta; vt basis statuatur liqui-
dationum, proponuntur certa fundamenta, quæ liquidari tanquā
vera, vel refutari tanquam falsa, debent. Tolerantiam quod ex-
tendere voluerit in diuersos sensus, hoc minùs necessarium arbi-
tratur. Scopus S. R. M. est vt veritas patefiat, sed de toleran-
tia aliqua loqui non huius est loci, vel quæstionis.

Quoad Politicam tolerantiam, illa est indubitata, & quoadusq;
libertas manebit, tolerantia diuersarum Religionum in hoc Regno
manebit inconcussa, nisi forte fratres conuertantur in hostes, quod
Deus auertat à Patria nostra. Attulit R. P. rationes quare scripta
nostra non acceptentur, & quidem quia sunt diffusa. Certè puto
illud breue esse, quod totam rei explicat naturam; illud non solū
breue

breue non esse, sed etiam non adæquare rationem rei, si aliqua essentialia omittantur. Proposuius propositiones nostras breuiter; etiam si multa sint verba, abesse tamen non potuerunt salua rei essentia, suntq; tam generales, vt trahi non possint ad iniuriam: si displicent refellantur, si placent approbentur. Si quis contrarium statuatur, non esse illam Catholicā sententiā, & scrupulos habeat, audiendus est, & scrupuli eximendi sunt, vt constet; si id verò, an falsò imponatur toti vniuersitati. Vtergo præcidatur ansa vltterius morasterendi, pars nostra Reformata, etiam si videat multa in repetitione scripti istius, iam prælecti contineri, ad quæ necessariò fuisse erat respondendum, tamen vt ostendat se in penetralia huius negotij velle descendere, iam præterimus illa, rogantes ne in posterum cathedram introducamus in hunc confessum: tam enim longæ Apologiæ propter commoditatem dicentis requirerent cathedram. Hic locus non est fuscè dicendi, sed breuiter rationes proponendi: disputationem facile abesse patiemur. Non vocetur disceptatio, dummodo illud maneat, Rationibus agendum esse, quæ euincant quid verum, quid falsum sit. Illud præterire non possum in nupera Sessione nostra etiam mihi vitio versum fuisse, quòd titulo honorauerim Pastores meos, qui Ecclesiasticis competit. Ego non ægrè fero, quòd pars Catholica non det illis titulum hunc, quibus dare dubitat per conscientiam. Mihi tamen, vt aliquid imponatur hac in parte, loco legis, iniquum esse existimo: inter Collocutores dicta lex est, sed lex illa non est dicta mihi, qui iure meo, etiam corā S. R. Maiestate vterer, dum, si occasio esset, meæ professionis Ecclesiasticum virum, eo nomine compellarem. Proinde peto ne mihi lex dicatur, cui me non subieci. Si scrupulus hæret ne subscribantur Acta cum his titulis: certe multo grauiora subscribentur. Grauius est dicere Religionem hanc vel illam, magnum errorem, fouere, & tamen ex legibus conuentis subscribenda hæc erunt, non approbatiuè, sed attestatiuè. Ita Iudex de maximis sceleribus, scru-

tinio habito subscribit, cum scelera non approbet, sed testetur ita Actum fuisse. Non est igitur, quòd hac in parte præferant, se consurgere quasi abituros, si hoc nomen alicui detur. Satis est semel declarasse, Vos hunc titulum non dare. Vos videatis, quòd iure Vestris Ecclesiasticis detis. Rogo, vt lenitas & mansuetudo, in hoc Colloquio Charitatiuo obseruetur.

Quoad Scriptũ perlectũ, per Illustriss. & Reuerendiss. D. Episcopum, iam nunc nulla declaratio dari potest, quia natura negotij postulat, vt illud consideretur, an medium istud sit amplectendũ. Declaro igitur à parte Reformatorum, nos vltèrius non condescensuros ad Apologias, aut Antapologias, sed præcidere velle omnes occasiones, præcipuè illò fine, ne tempus teratur, ne occasio detur maiori irritationi, & eò citius veniamus ad portum huius negotij, ne frustremur eo effectũ, quem intendit S. R. Maiestas Dñs Noster Clementissimus: deinde illud iteramus, vt verè Charitativum sit Colloquium, ne Sessiones publicè fiant sine omnium nostrum consensu (aliàs multa cruda afferentur, quæ maturitatẽ postulabant) & ne imponatur nobis necessitas sequendi, vt iam non sponte venire videamur sed coacti. De Protocollis inferimus denuò, obsignari debere, & si protocolla non expediantur minùs fructuosæ erunt Sessiones. Cur enim in publicum procedamus, si spes nulla sit vltèrius procedendi? Iteramus quoq; de Confessionibus nostris acceptandis, & rogamus, vt hæc simul combinentur: adeoq; declaretur non acceptari, aut acceptentur. An verba contineant aliqua acriora, hoc patebit ex iudicio eorum, quibus S. R. Maiestas id muneri tribuit. Sed vt adimatur aliquid de essentia rei, iniquũ esse puto. Neq; mens est S. R. Maiestatis, vt ad libitum alicuius scribamus propositiones, præsertim in Articulis quos credimus, modo absit occasio acerbitalis: sed non putamus nos occasionem acerbitalis dare, cum explicamus fidem nostram quid credamus, quid non credamus: facimus hoc ita, vt si ostendatur nobis aliud, para-

100
parati sumus responsionem modestam, & accipere & referre. De particularibus quaestionibus eo tendit nostra declaratio, ut inuicem nobis explicemus quid credamus, & nihil interest, ponaturue id in propositione, an in liquidatione. Rogamus itaq; ne ulterius fiant nobis ista praedicta, & ut fundamentum illud, quod explicabit ulterius negotium constituatur, & confirmetur, quod spem habere possimus ulterioris negotij, & boni successus; si contrarium fiet, desperandum esse de effectu videbitur; Nec satisfacient nobis rationes R. P. Schönhof, etiamsi dono facundiae ditissimi, qui putat nos debere generalissimas formare propositiones. Et ita postulamus, ne intentio nostra, sinistra in patiatur interpretatione. Toto animo & corde anhelamus processum negotij, neq; refugimus, ut quam citissime perueniamus ad liquidationem doctrinae, ut tandem videatur successus tam grauis negotij.

Excepit R. P. Schönhof. Expediret tandem, ut omni siue apologiae, siue antapologiae finis imponatur, neq; aliud Pars nostra Catholica à multis hebdomadibus expetit, & desiderat. testis est ipsa Illustriss. D. V. quanto radio accesserimus ad prolixiores praeliminares tractatus, & quanto affectu expetiuerimus, ut absolutis una die conditionibus, iuxta Instructionem S. R. M. Dñi Nostri Clementiss. descenderemus ipsa 3 die ad negocium principale. Ex quo concludet Illustriss. D. V. nihil ex parte nostra desiderari. An allocutio nostra ad rem non fecerit? an etiam grauis necessitas nobis imposita non fuerit mentem nostram explicandi, magno & sublimi iudicio Illustrissimae D. V. subijcio. An mea, quanquam non mea, sed totius Partis Catholicae, qualicunq; oratione rem & punctum acu tetigerim, siue circa scopum, siue circa media, aduoco quotquot adsunt testes, omnes spectatores, & Auditores. Adegit me sermo nuper habitus à Clarissimo D. Collocutore, ut reassumerem titulum Dominæ, quæ Ecclesiae attribui, & ipsis verbis meis aperte significare volui, non aliud nos inten-
dere

dere, quàm more Polonico honoris causâ deferri. Constat autem inter omnes Titulum Domini aut Dominæ, si honoris causâ deferatur, non opponi correlatiuè seruo aut ancillæ, sed cuicumq; alteri recognoscenti aliquam minoritatem siue dignitatis, siue temporis, siue cuiuscunq; circumstantiæ. Atq; hæc est nostra mens, cùm dicimus Religionem nostram Catholicam esse Dominam, cæteras aduenas: vt verò præiudicium vel tenuissimum, imprimis Nobilitati inferatur, absit. Iam de tolerantia, maluissimam nec mentionem fuisse factam. Scimus quàm periculosa sint conuenta per tolerantiam; vnde hactenus ex ore siue meo, siue alicuius nostrum, nunquam elapsum est nomen tolerantia. Sed quia Clarissimus D. Orator, præcipuam partem præsentis nostræ conciliationis reuocauerat ad tolerantiam, & ad imperfectam, illam pacem reduxerat, non poteram dissimulare planè oppositam fuisse intentioni nostræ tolerantiam. Itaq; quæ mens nostra esset, declarandum erat. Quod ad offensam illam dignitatis publicæ Illustriss. D. Legati iussus fui, etiam præter voluntatem meam, sicco pede non præterire. Deniq; quod ad propositiones attinet, causæ, quas obstitisse dicimus, non meæ sed totius partis sunt: vnde argui non debui vt inuentor & Author. Declaro, nisi his causis satisfiat, & exæquetur tota Pars, fieri non poterit, vt prælegantur, & in Protocolla inserantur. Illustrissimæ D. V. maximas refero gratias, nomine Partis meæ, pro ea candidissima & sincerissima voluntate promouendi hoc negotium; & scio S. R. Maiestatem maximam cum animi voluptate accepturam hanc alacritatem, & promptitudinem, cui nihil tristius accidere potest, quàm si audiat moras nece, nihil gratius, quàm si intelligat hominem esse, qui rem cordi habeat.

Subiunxit Illustrissimus D. Castellanus Chelmenfis. Non solum meam sed totius partis mentem aperui.

Hic R. P. F. Hieronymus à S. Hyacyntho interposuit sequentem prote-

protestationem. Expostulauit Dñs Collocutor Partis Augustanae de clausula mei sermonis : sed quia non est huius loci, negotia Ducis aut Ducatus Saxonia tractare ; in quocunq; alio loco & foro paratus ero respondere, & dictorum meorum veritatem comprobare, atq; ita quantum opus est, contra protestationem D. Collocutoris protestor, & re-protestor.

Post hac Mag. D. Guldensternius Capitaneus Stumensis, Petijt parti Augustanae dari tempus ad scriptum prolixè lectum respondendi breuissimè & sine aculeis. Idem postulauit Mag. D. Boianowski.

Illustriss. verò D. Castell. Gnesnensis. Putabam (inquebat) Illustr. DD. Vestras hoc medio cōtentas fore quod Illustriss. D. Castell. Chelmen. proposuit, id est abrumpendi tam prolixas responsiones. Cum verò DD. Vestrae respondere proposuerint rogatas volo, vt ab eo supersedeant, aliàs dabitur rursus respondendi occasio & sic procedetur in infinitum: potiùs progrediantur ad trutinandas & pensandas propositiones suas, quas iam nobis obtulerunt.

Respondit Mag. D. Guldensternius Capit. Stumen. si permissū fuit respondere ex tempore Illustriss. D. Castell. Chelmen. liceat etiam nobis scripto id facere, Nihil moræ faciemus.

Denique Illustriss. D. Castell. Gnesnen. soluit Sessionem & indixit priuatam ad diem sequentem horâ solitâ, ad examinandas propositiones DD. Augustanorum per Dominos Deputatos.

S E S S I O XXIII.

Die quartâ Octobris.

Cum in præsentia Illustrissimorum DD. Deputatorum omnium partium conuenissent in conclaue Illustrissimi D. Legati, Deputati Theologi, ad reuisionem positionum DD. Augustanorum, iuxta conuentionem

proximâ Sessione publicâ factam: ex parte quidem DD. Catholicorum; Illustris & Adm. R. D. Ioannes Zawisza Archidiaconus Vilnensis, & R. P. Martinus Olßewski Soc. Iesu. Ex Parte autem DD. Augustanorum, D. Hülfemanus, & D. Bottsaccus; cœpta est relectio illarum positionum; ubi statim sub initium DD. Catholici requisierunt à DD. Augustanis; Primò, ut præfationem integram omitterent; deinde ex titulo vaces, In thesi & Antithesi. Item vocem liquidationis. Quod postulat DD. Catholicorum, cum D. Hülfemanus sumeret ad referendum suæ parti, Sessio soluta & in diem sequentem indicta.

S E S S I O XXIV.

Die quintâ Octobris.

Præsentibus ijsdem qui proximâ Sessione interfuerunt continuata fuit censura positionum DD. Augustanorum. Cumq; ea dies esset assignata publicæ prælectioni earundem, eâ tamen conditione, si inter partes de illa conuentum foret; Partes autem conuenire non potuissent, propterea quod DD. Augustani dicerent nihil inesse offensuum: Catholici autem opponerent, Propositiones DD. Augustanorum recedere à præscripto S. R. Maiest: aliqua præterea in ipsis esse offensua, pluresq; alias causas iam ante allatas propter quas admitti non possint (quod negabant DD. Augustani) elapso tempore Sessionibus habendis definito præsens Sessio soluta est, & limitata usque ad decimam Octobris.

S E S S I O XXV.

Die decimâ Octobris.

Leeta est Declaratio voluntatis S. R. Maiestatis, circa Instructionem eiusdem, cuius Declarationis tenor est.

DE.

DECLARATIO

Voluntatis Sacrae Regiae Maiestatis;

*Circa Instructionem missa, ad Colloquium Thorunienſe designatum
pro pacificandis dissensionibus in Religione adfaciliorem in hoc negotio progressum,*

data Illustrissimo Dño IOANNI à Lesño LESZCZYŃSKI Castellano Gneſneń.

tunc S. R. Maiestatis Legato, ut in notitiam deducatur. Illustriss.

& Magnificorum DD. tam Catholicorum, quàm Augu-

stana ac Reformatæ Religionis Deputatorum.

VLADISLAVS IV.
DEI GRATIA REX POLONIÆ
Magnus Dux Lithuanix, Russiæ,
Prussix, Masouix, Samogitiæ, Liuo-
nix, Smolensciæ, Czerniechouixq;

Nec non Suecorum, Gotorum,

Vandalorumq; Hæreditarius

R E X.

REVERENDE, MAGNIFICI, GENEROSI, NO-
BILES, SPECTABILES, ERVDITI, Sincerè,
& Fideliter Nobis dilecti.



ON sine graui cordis nostri dolore in-
telleximus negocium pacificationis, &
concordiæ, inter eos, qui sententijs circa
Religionem in Ditionibus Nostris dissident, non

tantum magno consilio, sed & Paterno erga subditos nostros affectu, à nobis susceptum, & iam in publicum Theatrum productum, ita lentè & cum tergiversatione procedere, ut non solum nulla adhuc ad penetralia, tam sancti laboris patefacta sit via, sed ipsum quoque limen variæ remoræ impedimentaque obsederint, quæ plurimum hebdomadarum cura superare non potuit.

Nos verò eius sumus opinionis, ad celerem optatumque, istius operis progressum, nil fuisse facilius commodiusque, quam præscripto nostræ primæ Instructionis in omnibus instituisse, nullis admissis novis Regulis, quæ ab intentione nostrâ ac fine præstituto, multum deuiarunt. Quamvis enim non fuerit mens nostra, cuiuspiam de potestate nostrâ, quam ad eiusmodi causas non extendimus, ius statuere, non dubitauimus tamen, normam modumque, à nobis bene expensum & accuratâ consideratione educatum, cum Sync: & Fid: vestrarum iudicijs conuenturum, utpotè rectâ tendentem ad eum scopum, ad quem in præsentis tractatu vnanimi consensu collineamus. Optâdo igitur non sine certa spe exactam Instructionis nostræ, tanquam Regulæ & amissis obseruantiam, aliquot puncta ad Sync: & Fid: vestras mittimus, in quibus expressior sit primæ nostræ designationis Declaratio, quæ etiâ ad nouas, si quæ fortè emergerent, perplexitates decidendas multum conferat.

1. Inprimis non permittant Sync.: & Fid: vestræ nouam vllam quæstionem circa præliminaria excitari, eam potissimum, quæ nostræ Instructioni aduersetur; sed ambagibus omnibus amotis, Collocutores adducant ad rei ipsius aggressionem, additâ de nouo adhortatione, ad affectus eo mentis desideriorumq; candore dirigendos, vt collapsa Pax & Concordia Christiana vera ac Deo accepta, illiq; dissimilis, quam fortasse aliqui priuato commodo, & respectu ducti, apud se pingunt, assurgat, & stabiliatur.

2. Deinde quemadmodum in toto negotij huius progressu hoc spectauim? vnicè optauimusq;, vt quâ longissimè abessent causæ omnes atq; occasiones, quæ vel minimam partes offenderent; ita cum ventum est ad mutuam scriptorum porrectionem, cautela omnis fuit adhibenda, vt prudenti suauitate plena essent, demulcerentq; potius quàm exacuerēt animos. Quâ in re iam aberratum esse, planè perspicimus. Ne ergo deinceps idem contingat, hanc præmonitionē notam omnibus esse volumus. Videlicet nos modestiam & mutuum partium honorem, eâdem æstimatione, quâ ipsum negotium, omniaq; ex eo venientia commoda, accipere.

3. Liquidationem doctrinæ & dogmatum, magni semper in hac causa fecimus, & idcirco etiam quo

certius, perfectiusq; obtineri posset, eam magno
prouidoq; studio in certos gradus distinximus. Vo-
luimus enim capita doctrinæ paucis ac breuibus pro-
positionibus concipi, postea illustrari fusiùs, deinde
ab alienis imputationibus emundari, tum demùm ve-
ras ac manifestas contradictiones, diffidiaq; doctri-
næ inde deduci, atq; agnosci: & hic sensus noster sē-
sim gradatimque ad finem vsq; procedendi non fuit
obscurus: cui quia non ab omnibus est satisfactum,
non minima prolixæ dilationis occasio, facileque
pretiosi temporis damnum emerfit. Quod ne iterum
eueniat hunc modum subiicimus. Scripta Augusta-
norum & Reformatorum prout hactenus porrecta
sunt, admittantur, expunctis tamen ijs, quæ Ca-
tholicam partem meritò offendunt, nec pertinent ad
doctrinam, vt sunt Præfationes Epilogi &c. &c. Et
quia ita sunt sufficienter confecta, vt non tantum
propositiones, sed etiã declarationes vocari possint,
idcirco in vtraque liquidationis parte habeātur, pro
propositionibus, & declarationibus; neq; alia decla-
randi obligatio imponatur, nisi forte eam Pars aliqua
requireret. Catholici verò Collocutores suis propo-
sitionibus adiungant declarationes, & tum demum
ijs confectis singulæ partes eodē ordine alienas im-
putationes à se amoueant. Ad extremum ex liquida-
tis

tis emundatisq; sententijs veras contradictiones deducant, & quam generalissimè ad sua capita reuocēt.

4. Quis modus inquirendi dignoscendiq; veri ac falsi (cū ad id ventum fuerit) tenendus sit, satis superq; in Instructione nostra exposuimus, ita vt mirari cogamur eos, qui in illo conuentu modum à nobis præscriptum, esse sibi seruandum proposuerunt, reprehensionem non euasisse.

5. Vehemēter nobis displicet, homines varios magno numero ad locum colloquij passim admitti, vbi etiam pauciores ac prudentiores, vnde ædificarentur, hucusq; nihil habuerunt: Ea de causa deinceps mandamus & sic volumus obseruari, vt congressus ex Aula maiore in minorem quampiam cōmodiorē inferatur; hoc numero. Inter sit noster Legatus cum sex Deputatis, duo collocutores cuiusq; Partis cū vno Partis suæ subsidiario. Notarij & septem Auditores. Nempē septē ex parte Catholica, septē ex Augustana, totidem ex Reformata. Et quia inter partes conuenit quatuor integras horas in colloquio insumere, optamus eas ita distribui, vt si contingat in quopiam capite doctrinæ, vnanimem esse Augustanæ ac Reformatæ Partis sensum, Pars vna duabus horis cum Catholicis conferat; Altera, siquidē noui aliquid circa idem doctrinæ caput habuerit, transigendū, statim.

et id reliquis duabus horis perficiat, neq; vnquam
idem eiusdem argumenti punctum ad sequentem
Sessionem reijciatur: sin autem nihil eiusmodi sibi
occurrere Pars, quæ succedit, affirmet, ad alia puncta
cum principali Parte fiat progressus; ea lege ne vlla
Pars res semel conclusas iterum ad tractandum resumat.

6. Nec minus offendit cum audimus nouorum no-
minum impositionem contra communem iuris, adeoque
ipsarum confederationum morem, usumq; titulorum,
quibus hactenus in ditionibus nostris, Religiones
discernebantur, in hoc conuentu per importunum
ambitum excitari. Propterea volumus vt toto hu-
ius colloquij tempore quemadmodum hactenus fie-
ri solebat, Catholici vocentur ac scribantur, ij, qui
se Catholicos appellant, alij Augustani, terrij Refor-
matae Confessionis Socij, seu Professores.

7. Deniq; Sync: & Fid: Vestras, ex intimo animi
sensu monemus, desideramusq; vt alijs viuo attentoq;
exemplo sitis ad negotium hoc libera ab omnibus
respectibus humanis consciencia; sedula, sobriaq; cir-
cumspeditione, indefessa patientia, æstimandum, con-
siderandum, tractandum. Dei est utiq; causa non
hominum, ex quo proinde non vanus humanæ glo-
riolæ fumus, sed odoriferum Nominis Diuini sacri-
ficiu, in totum orbem erumpat, necesse est. Et
quia

quia cardo votorum curæque nostræ in eo vertitur,
vt stabilis Pax in vnitæte fidei ad Nostrarum Terrarū
subditos redeat, impensam diligentiam sollicitudi-
nemq; Sync: & Fid: Vestrarum requirendam esse du-
ximus, vt in hoc congressu, cui præfixus titulus Pacis,
omnia dissensionum offensarumq; fomenta mutuâ
charitate, debito respectu, maturâ patientiâ, extin-
guantur. Interim Sync: & Fid: Vestræ prosperam à
DEO sanitatem precamur. Datum Starozrzebis, 7.
Octobr. Anno Salutis M. DC. XLV. Regnorum No-
strorum Poloniæ XIII. Sueciæ verò XIV.

VLADISLAVS REX.

*Quâ finitâ cum tempus deliberandi DD. Augustani & Reformati
perissent, soluta est sessio.*

Die vndecimâ Octobris.

*Expectantibus DD. Catholicis responsum super declaratione
S. R. Maiestatis heri prælecta, nullum à DD. Augustanis, & DD. Re-
formatis allatum est, sed amplius deliberationis tempus postulatum.
Interim responsa quædam S. R. M. per R. P. Schönhof oretenus parti-
bus omnibus data sunt, quorum tenor talis est.*

Responsa quædam à S. R. M. oretenus data.

I. **A**gnoscat Sereniss: REX Dñus Noster Clementiss: non fuisse
mentem suam Regiam, satis perspectam, quibusdam Par-
tium Collocutoribus, qui hoc vnum hætenus intendisse, & egisse
visi sunt Sux Maiestati, vt doctrinas committant & collidant, &

A a

indc

inde aliquid in rem suæ Partis domum referant. Hoc verò alienissimum est ab intentione & scopo S. R. M. Quæ non hoc vult, vt doctrinæ hîc collidantur, sed tantum vt merè collationentur, ad videndum vbi consentiant, vbi verè (sepositis calumnijs, criminationibus, falsis imputationibus) dissentiant? An & quo pacto ex tali collatione elici possit perfecta Pax, id est, vnitas Religionis, vel saltem an hac viâ sinistræ intelligentiæ & diffidentiae sopiri, sensimq; animi ad perfectam Pacem disponi ac præparari possint? si aliud, inquit, agunt Collocutores, nihil agunt, satisq; nobis causæ fuerit ad soluendum totum negotium.

2. Pleraq; quæ hætenus acta sunt mirè displicuerunt S. R. M. multis nominibus, sed eo imprimis, quòd toto coelo aberrant à proposito scopo, & à toto præsentì negotio, eiusq; forma (prout à S. R. M. concepta, & præscripto Instructionis expressa est) penitus sint aliena, nihilq; aliud sapiant, quàm veteres diffidentias, & inanes curas, Charitatiuo agendi modo parùm conformes.

3. Quid sibi velint illa verba declarationis Regiæ § 2. *Eadem estimatione, quâ ipsum negotium?* Respondet S. R. M. sensum esse non minoris se facere pacificum & Fraternalium agendi modum, iuxta formam præscriptam, quàm totum negotium. Vnde si accideret contra charitatem in Colloquijs peccari, & interuenire offensas ex dictis, & scriptis infestis (vti iam factum est) alteram fore causam soluendo toti negotio.

4. Cum in numero eorum, qui ad Colloquium admittendi sunt, non exprimantur DD. Moderatores singularum Partium, an censeantur exclusi? Respondet S. R. M. minimè, sed suum obtinere locum, etiam quando Collocutorum munere non funguntur.

5. Vtrum Collocutores Nostri implere possint septenarium numerum Auditorum? Respondet. Ita omninò, si Moderatori placuerit illos deputare, cum præsertim alij desunt.

6. Vtrū

6. Vtrum Prælati inter Collocutores recensiti substitui possint, in locum absentis D. Deputati? Rñdet, omninò possunt & debent.

7. Continuisné duabus horis cum vna quapiam parte agendū est, an potiùs discontinuis? Respondet, potiùs discontinuis.

8. Cùm in priori S. R. M. Instructione relinquatur facultas corrigendi aliquid aliâ Selsione, si quid non satis cautè dictum sit, quomodo iam nihil reassumendum? Respondet, intelligitur nihil reassumendum ad declarationem punctorum iam declaratorum, per hoc tamen non vetatur, correctura vnus vel alterius verbi, malè pronuntiati.

Vigestimâ quartâ Octobris.

Superioribus intermedijs diebus nihil actum fuit, eo quòd omnes partes Internuncios suos ad S. R. Maiestatem expediuissent, ex parte quidem Catholica Illustres & Admod. Rñdos Dños Archidiaconos Ioannem Zaw ̄sa Wilneñ. & Paulum Petrikowski Pultouieñ. Ex parte verò Augustanorum Illustr. D. Sigismundum Guld. nsternium Capita. neum Stumeñ. Deniq̄, ex parte Reformatorum Generos. D. Aaamum Rey. Qui postquam redierunt, hac die Illustriss. D. Legatus à DD. Augustanis & DD. Reformatis responsum ad declarationem S. R. M. requisivit, rogauitq̄, ut & voluntati S. R. M. & Cath. licorum desiderio (satisfacerent, rescississq̄, omnibus moris (præsertim quod exiguum restaret tempus) ad rem accederent. DD. autem Augustanis, & DD. Reformatis in diem crastinā responsū differentibus, a seipsum est.

SESSIO XXVI.

Vigestimâ quintâ Octobris.

Postquam Illustriss. D. Legatus cum Illustriss. Illustribus & Magnificis DD. Deputatis omnium Partium in consueto conclavi consedit, Rogare coepit Partem Augustanam & Reformatam, ut tandem negotium Colloquij ad mentem S. R. M. tractarent, sublati ex suo scripto omnibus, quæ aliquam iniuriam offensamq; continent, & ijs etiam quæ doctrinæ Catholicæ expositionem concernunt. Nisi id fiat necesse est actiones partessq; actionum à S. R. M. præscriptas confundi, fieriq; iniuriam Catholicis, qui sua dogmata ab alijs scribi, sinistreg; explicari nolunt, multò magis quidquam sibi adscribi, quod suum esse non agnoscunt. Huic desiderio satisfacere, nil derogat partibus, aut earum confessioni; non satisfacere multum derogat Catholicis. Affert enim secum nostram infamiam, quæ sequitur ex prava nostrorum dogmatum expositione, opponiturq; fini Colloquij Charitatiui, qui est emundatio depuratioq; doctrinæ. Id cum fecerint partes non censebuntur sua deleuisse ex suo scripto, sed non intromisisse se in aliena.

Respondit Illustriss. D. Castellanus Chelmen. Deum testem inuocamus, quidquid proposuimus, non est factum animo iniuriandi, sed ut aliqua differentia Religionum ostenderetur. Et hoc est ex mente S. R. M. quæ iubet proponi ea, quæ credimus, & non credimus. Quæ sic à nobis remouimus, non fecimus, ut imputemus parti Catholicæ, sed simpliciter ea negauimus, & unicum verbum vestrum, posset remediari, si diceretis, ea, vos non credere, sic satisfaceret intentioni S. R. Maiestatis, & hoc esset depurare. Cogimur certè omnes scrupulos nostros exponere etiam paruos, si diceremus Ecclesia Romana impiè, & non rectè sentit, offenderemus, sed quia generaliter ponimus, non potest esse iniuria. Nunquam finiemus quamdiu vnus in alterius Confessione improbauerit, quæ ipsi non placent. Et quoniam vultis ut deleamus antitheses, petimus ostendi nobis numerum, & designationem specialem antithesium illarum, scripto. De Proœmio clausulaq; omittenda minor est difficultas, modo Confessio maneat in integro.

Tum

Tum Illi striff. D. Legatus intulit, Existimo Propositiones Vestras esse iniurias, quod eadem in se contineant, quæ nobis Scriptores Vestri iniurijs imputant. Non sumus ij, quales nos esse dicitis. Obtruduntur nobis ea quæ nolumus. Iniuriâ efficimur ante tempus. Dicimur enim v. g. Omnem spem in Sanctis, quos inuocamus ponere, & B. Virginem inuocare tanquam Redemptricem. Idolatriam præterea nobis obijcitis, quod est iniuriosum. Optimus modus esset, si Theologi partium inter se, de hac re conferrent.

Illustriß. autem Cástellanus Chelmen. dixit. Melius foret si scripto comprehendantur, quæ vobis displicent, idq; vnâ horâ absolui posset.

Subiunxit Perillustis D. Záwißá Archidiaconus Vilenfis. Aliam fuisse mentem Serenissimi Regis, qui noluit Actiones confundi, sed suo in loco singula tractari. Iussit capita doctrinæ controuersæ conscribi, non imputationes earum rerum, quas nostras esse negamus. Sed quia erratum est; iure meritò Theologi sunt designandi, vt inter se conferant, remoueantq; quidquid parti nostræ facit præiudicium, & menti S. R. M. repugnat. Idem vobis licebit circa nostram Confessionem.

Postea Mag. D. Bojánowski dixit. Causa conscientie in Confessione requirit, vt dicat quisq; quid credat, quid non credat, pateatq; hac ratione differentia sententiarum. Distinguunt Theologi Augustani negatiuas Propositiones ab Antithesibus, paratiq; sunt probare quæ imputarunt. A moralibus autem offensiuis, si quæ sunt, quoniam ita iubet S. R. M. recedent, modo in scripto, offensiuæ tam moralia, quàm dogmatica offerantur, quod ipsum petunt à DD. Catholicis.

Is verò modus scripto agendi consulta parte Catholica non placuit Illustriß. D. Legato, quod infinitam suggereret, scriptis inuicem certandi, altercandiq; materiam, vt iam non semel obseruatum. Minus præterea id esse necessarium, eo quod optimè omninò meminissent partes, quæ Catholici abesse à scriptis volebant. Superfluum hoc planè esse desiderium, & ad moras nectendas conferre, quas etiam sine talibus

scriptis, & rescriptis nec ab Augustanis & Reformatis; Subiunxit
Perillustris D. Arhid. Viln: eo quod cum omnibus ad suos recurratur.

Cum tamen Illustrissimus Dominus Castellanus Chelmenfis,
non omnia teneri memoriâ dixisset, & longè plus temporis absum-
pturam illam, quæ verbis sit collationem; suggestit modum Illustris-
sanus D. Legatus, nempe, ut aliquem Partis Augustanæ & Reformatæ
Deputatum seorsim duo ex Catholicis Theologis adirent, & præsen-
tibus totidem Collocutoribus Partium, ostenderent quæ iniuriam offen-
samque continerent, aut ad alias Actiones spectarent. Probavit ex par-
te sua Illustris. D. Castellanus Chelmen. sed tamen nihil statuere posse,
nisi parte sua consultâ. Magnificus etiam D. Boiânowski, suis se rela-
turum dixit. Quo audito Illustris. D. Legatus Sessionem soluit.

SESSIO XXVII.

Vigesima octaua Octobris,

Præsentibus omnium partium Deputatis & Notarijs, Illustris. D.
Legatus sic exorsus est. Ad instantiam à DD. Reformatis nuper fa-
ctam proposui DD. Catholicis Theologis, eorum postulata quibus dis-
siderabatur, ut DD. Catholici in dum & media suggererent, quibus li-
quidè pateret, quid ipsis in scripto Reformatorum placeret quid displiceret:
Primum igitur displicet DD. Catholicis, quod DD. Reformati
scripto suo tantopere inhereant, ut nihil eorum, quæ DD. Catholicos,
& Catholicâ Ecclesiâ iure afficiunt, offendant, & grauant, tollere velint.
Deinde & illud grauare ferunt, ac dolent, quod à publica illa scripti
prælectione tam longum tempus sine ullo fructu consumptum sit. Cum
enim data à me Instructionis S. R. Maiestatis declaratiue, contenti
non essent, coactus sum ad S. R. Maiestatem recurrere. & super data de-
claratione, ac vero sensu Instructionis suæ Maiestatis consultare. Non
omnibus est, responsum. Probauit enim S. R. Maiestas interpretatio-

nem.

nem, & declarationem meam, quam etiam misso Instructionis supplemento confirmavit. At DD. Reformati hic iterum de mente S. R. M. deliberare coeperunt, & postquam integri quinque dies inani deliberatione consumpti sunt, ad S. R. Maiestatem Legatis missis prouocarunt, ne scilicet illo Instructionis supplemento stringeretur. Redierunt missi à S. R. M. Legati, & ecce iterum deliberando triduum est consumptum. Omnes profectò dolemus tam diuturnum tempus inaniter effluxisse cum circa solam mentis Regiæ interpretationem, quinque hebdomadæ sine fructu consumptæ sint. Etsi verò Serenissimus REX conscientias stringere noluerit, tamen pro debita erga S. R. Maiestatem obseruantia consentiendum parendumq; fuit, præsertim cum nihil esset quod ulli præiudicaret; quia tamen nonnulli etiam hic orti sunt scrupuli, ex eo quòd declaratio illa DD. Reformatorū Actis non inferatur. DD. Theologi Catholici rationes propter quas permittere id non possint, iam proponunt.

Hic Illustris D. Guldensternius. Voluntas (inquit) est S. R. M. ne scripta in publicum proferantur, nisi ante prælecta, & à DD. Deputatis examinata fuerint.

Respondit Illustris: D. Legatus. Nullum hinc scriptum, sed tantum memoriale est, solius memoriæ iuuandæ causâ, conceptum & glossæmatis adhuc plenum. Quod si Notarij illud excepturi sunt, causa est, quòd DD. Reformati Notarios ad Collationem historicam nuper requisierint, hinc autem nihil aliud nisi historica collatio erit.

Postquam igitur propositæ sunt rationes, Illustris: D. Castellanus Chelmen: respondit. Scopus DD. Catholicorum nunc expressus est, ille, ne declaratio Confessionis nostræ inferatur Protocollo. Nos è diuerso putamus, declarationem illam ad mentem S. R. M. esse factam, neq; posse, aut oportere illam mutari, vel ea de causa, quod iam ad principales, præsertim ad eos ad quos spectat, missa sit, quod

quod nobis partim per Clementiss. S. R. M. ad supplicem libellum Orlensem responsum, partim per pacta conuenta præliminaria licebat. Habuimus censuram, manu illius, qui cætera scripsit, datam, iuxta quam mutauimus aliqua, vnde iterum declaramus, quod nullo modo possit mutari. Necessè est autem illam Actis inseri, quia publicè prælecta est, & à Iuratis Notarijs audita. Cùm enim DD. Notarij ex formula Iuramenti obligentur ad connotanda, non tantùm ea, quæ vni parti placent, sed etiam ad ea, quæ audierunt, ex conscientia obligantur, ad Confessionem illam, quam audierunt, inscribendam. Quod si DD. Catholici cum suis dispensant, nos cum nostris dispensare non possumus. Quod attinet ad rationes à DD. Catholicis nunc propositas, si illæ Actis inserantur, iniuria DD. Reformatis fiet, nisi etiam ipsi ad eas responderint; responderi autem non potest, nisi post aliquot dies, & ita nascetur chartaceum bellum.

Ad hæc Illustriss. D. Legatus respondit. Confessionem DD. Reformatorum ad mentem S. R. M. non posse dici factam, eò quòd sit contra meam (inquit) interpretationem & declarationem, mea autem interpretatio à Serenissimo REGE sæpiùs probata est, primùm quidem per literas ad me datas, iterùm verò per reduces à S. R. M. Internuncios; quòd verò dicunt Confessionem illam mutari non posse, eò quod iam alio missa sit, id sanè fieri non debuit, vt aliò mitteretur. Ius publicationis Actorum, S. R. M. sibi reseruauit, nullo igitur modo probare poterit, cùm audierit se infcio & inconsulto ad alios promanasse. Deinde, quomodo non possunt mutare Confessionem suam, cùm in publico Confessu, voce publicâ promiserint se eam emendaturos? Emendatio enim & correctio quæ præmissa est, sine mutatione fieri non potest. Cæterum, vt Confessio illa Actis inseratur, id fieri nō potest. Primò quidem, quia contra illam protestatio, & quidem à Legato Regio, publicè intercessit. Neque Notarij protestationi à Legato

gato factæ, contrāuenire, & Actis inferere possunt, cūm dependant à Magistratu, tanquam eidem legitimè subordinati, quo etiam facit, quod iidem Notarij corrigere & emendare Acta possint, quomodo igitur nihil aliud, nisi id quod audiunt, Actis inferere debent? 2. Ego ipse pro officij mei ratione illam Confessionem admittere non possum; si enim ego ipse contra protestarer, sine pudore, & ignominia mea, id quod protestatione interpositâ damnassem, admittere non possem. Et nunc profiteor, me cōfessionem illam, cūm mihi obsignandum erit protocolium, non obsignaturum. Deniq; quod DD. Reformati rationes à DD. Catholicis modò propositas, hac conditione actis inseri permittunt, vt ad eas quoq; respondeant, ibitur fateor in infinitum; certū enim est, si ad eas responsum fuerit, Catholicos etiam deinceps, ad responsum illud, aliquid reposituros.

Interim Magnificus D. Rey ab Illustriss. D. Capitaneo Stumen. tanquam socius obitæ Legationis euocatus dixit:

Partes suas ex declaratione Illustrissimus Dñs Cancellarij non obligari ad S. R. M. instructionem, tanquam ad Legem, nisi in quantum ipsi velint ei stare, & in quantum illa responso ad Orlensem Conuentum dato, conformis est. Idq; saluis præliminaribus, & fidei veritate, quā vt defenderemus, *inquit*, huc venimus.

Ad hæc Illustriss. D. Legatus. Colloquium hoc à S. R. Maiestate institutum est, vt ex mutua, & amica doctrinarum, & Confessionum collatione, Pax & vnio inter Ecclesias Regni coalesceret, vos. vt audio, ad sententias vestras defendendas huc venistis. Equidem longè aliud est, venire ad vnionem, quod huius loci, & temporis proprium est; aliud ad defendendas sententias, quod vos ut iam video, agitis.

Post hæc Magn. D. Boianowski, à Parte DD. Augustanorum Deputatus, petijt, vt tandem suorum Confessio publicè prælegatur & actis inseratur.

Respondit Illustriss: D. Legatus. Cùm inter Partes conuentum, sit, quod vel ex Actis patet, Confessionem Augustanam Actis inferi non posse, nisi eiusdem censura præmittatur, vos autem censuræ inchoatæ eandem Confessionem subtraxeritis, non potest iam ad Acta referri. Non subtraximus, *inquit Magnificus D. Boianowski*, sed cùm vel de vnico illo verbo *Etiā* per duos dies certatum sit, ne in infinitum iretur, progredi nec potuimus.

Illustriss: D. Legatus. Non hæc, *inquit*, causa soluti, aut interrupti negotij fuit: sed quia vos censuram, quæ afferebatur malam, & sinistram interpretationem dixistis, & quia Dñs Hülsemannus meā tanquam Regij Legati interpretatione non fuit contentus, ipse tandem Rex Serenissimus consulendus fuit.

Mag. D. Boianowski. Venit quidem à S. R. M. supplementum Instructionis, sed quod nos multum aggrauat eò quod priores literas tollat, & durioribus verbis, contra libertatem Religionis nō careat.

Illustriss: D. Legatus. Cùm amica & ad rem facientia media, quæ singillatim recenseri necesse non est, acceptare nolueritis, opus fuit nouā instructionē, vel potius declaratione S. R. M. quam ego non examinare, sed manutenere volo, hoc enim officij mei est, præsertim, quia non tantum Sereniss: Rex ita ordinauit, sed etiam Illustris: D. Archiepiscopus Regni Primas, apprimè laudauit. Expo- scit autem debitā erga vtrumq; obseruātia, ne secus fiat, vos quæso, declarate sensum vestrum, vultis Instructioni illi stare, nec nē?

Magnificus D. Boianowski. Et stetit, & volumus stare Instructioni S. R. M. *Illustriss: D. Legatus.* Liberum est vobis dicere vti dicitis Instructionem S. R. M. vobis præiudiciosam esse, at dicere, vos illi stare, & parere, cum ex mea, & S. R. M. declaratione aliud liquidò constet, id verò quis concedat?

Hic Illustr: D. Guldensternius. Ipse, *inquit*, Rex Sereniss. palam recognouit, nos saltē, quoad quatuor illos gradus primæ actionis Instructioni eius Maiestatis non stetisse, & sanè vi conscientia non potui-

tuitus stare. Mag. D. Poianowski. Sâtem nobis ostendatur, quid in illa Confessione nostra offensivum sit.

Dum hæc aguntur ad consessum Illustriss. & Perillustrium Domi-
norum, D. Legati & Deputatorum & Vicedeputatorum, cum & No-
tariarum omnium partium, obtulit R. P. Hieronymus à S. Hyacintho
scripto satisfactionem a D. Hülsemanno Collocutore Partis Augustane
in Sessione publica, die 3. Octobris requisitam, & à se promissam. Quod
quidem scriptum etsi acceptatum, & actis inscribi & inscribere permissum
fuit: attamen rem melius postea perpensa prædictis Illustrissimis & Il-
lustribus DD. visum est, differentiam illam ad principale negotium
minus spectantem, neque hic decidendam, posse multum temporis exhau-
rire, cuius iam paruum superest: ideoque à prædicto R. P. requisierunt,
ut consentiret; ne illud scriptum Protocollo inscriberetur, non urgen-
te etiam ad præsens prædictam satisfactionem D. Hülsemanno. Inter-
posita itaque prædictorum Illustrissimorum & Illustrium DD. auctori-
tati, nec non iustæ rationi illorum pro modestia religiosa prædictus
R. P. deferens facile his acquievit. Sessio indicta pro sequenti die Lunæ.

Die Trigesimâ Octobris.

Actum est de conferendis Actis, & indicta ei negotio hora secunda
post meridiem.

SESSIO XXVIII.

Die Trigesimâ primâ Octobris.

Ad rationes DD. Catholicorum nuper propositas, à DD. Refor-
maris responsum est, & interim elabente tempore, pro continuatione
in conferendis Actis, hora 2 post meridiem designata.

S E S S I O XXIX.

Secundâ Nouembris.

In præsentia DD. omnium partium Deputatorum Illustriss. D. Legatus, dixit se cum DD. Theologis Catholicorū egisse super scriptis DD. Reformatorum & Augustanorum Protocollo inserendis. Qui quidem è medio sui tum super ea causa, tum super vltiore præsentis Colloquij progressu declarationem vltimam se daturos promiserunt. Quod cum DD. partium Deputati admississent, R. P. Schönhof S. R. Maiestatis Theologus ad DD. Deputatorum conclauē vocatus, ita dicere cœpit.

Illustrissimi, Illustres, & Magnifici Domini

In proximis DD. Vestrarum confessibus, agitata fuit pristina, & satis iam adulta quæstio, de admittendis vel non admittendis scriptis vtriusq; Partis, Augustanæ & Reformatæ. Nostri Catholica Pars, cū videat negotium principale, tot rationum pugnantium conflictationibus non proficere, sed magis magisq; impediri, doleatq; vehementer, post consumptum inutili operâ bimestrem conatum, etiam vnum, qui superest, præfiniti temporis mensem periclitari, vt extremam saltem huius occasionis particulam, arripere & lucrari possit, & vel tertiam concessi temporis partem, in qualem qualem totius negotij prouentum conuertere, communi consilio constituit, ab omnibus deinceps communi nomine habendis concertationibus supersedendum esse. Et hac vnica declaratione, quam per me denunciat, & ex sua Parte vltimam esse vult, finem his actionibus quibus nihil agitur, imponere; adiecto tamen vnico, quanquam tripartito remedio, quod suggerit & offert, existimatq; fore reliquo negotio peropportunū & ad aliquid deinceps agendum non incommodum.

De-

Declaratio nostra tota versatur circa scripta vtriusq; Partis, Reformatae & Augustanae, quæ (quemadmodum audire quotidie cogimur) pleriq; Confessiones suas vocant, quamvis initio, nomen Confessionum, cum significassemus nobis displicere, ipsi quoq; viderentur reijcere, & improbare.

Itaq; quod illa scripta concernit, declaramus, ea sub hac forma, quâ iam concepta & consignata habentur, admitti à nobis in Protocollo nequaquam posse, & hâc vnâ declaratione nostrâ omnem spem admissionis, & vltiorem super ea re disceptationem, præcidere volumus. Facimus hoc imprimis ex sensu S. R. M. Nostros enim in hac causa sensus, iam pridem deposuimus, & in manus, potestatemq; S. R. M. Dñi N. C. vtrò vnâ Vobiscum consignauimus, tum verò præcipuè, cum expeditis ab omnibus tribus Partibus Internuncijs ad S. R. M. decisionem huius controuersiae ab ipsius S. R. M. Dñi N. Clementiss: ore, censura, & arbitrio peteremus; eâ sine dubio mente & animi præparatione, vt prolatae per Sapientissimi & Pijssimi REGIS arbitrium sententiae, acquiesceremus, eiusq; ductum Regium vnanimiter sequeremur. Censuit ille, disertisq; verbis denunciari iussit, id quod iam ante scripto supplemento instructionis, & viuis responsis exposuerat, nempe, vtrumq; scriptum aliter formandum fuisse, & sub tali forma admittendum non esse. Nobisné liceat aliter sentire, vel agere? & ne penderemus ambigui, quid tandem illud foret, quod iustam visum est mereri repulsam, pleraq; capita expungendorum; non tantum intimare, sed propè indigitare dignata est S. R. Maiestas. Et nos certemus adhuc, num insertum sit aliquid, quòd expungi mereatur? Nobis non licet esse tam consultis, vt nostras sententias Regis oraculis superimponamus, admittamusq; nostro arbitrio, quòd Princeps Sapientissimus censuit non admittendum. Illud singulare est, quod ex ore S. R. M. apportarunt, tum nostræ, tum vestrarum, Partium Internuncij, nempe apertis verbis contestatâ esse S. R. M.

utrumq; scriptum multum ab instructione primitus data descuiisse. Nobis autem semper fixum ratumq; fuit, ab eadem ne latum quidem vnguem discedere, & obstare totis viribus aliorum conatibus, qui nos aliò ducere, & trahere vellent. Intimis enim pectoribus accepimus, quòd tum alias, tum per eosdem partium Internuncios S. R. Maiestas clementissimè nos monere dignata est, spem nullam boni progressus fore, si ab eo tramite, quem ipsa declarauerat, semel nos dimoueri pateremur; aliter inter periculosos nos procedere scopulos, alià viâ portum sine periculo vix obtineri.

Veniam igitur dabitis, si statim, cum vix soluissetus à littore, ductum vestrum sequi noluiamus, & non nisi ad Regiæ Manuductionis lineam, scripta præterita exigi velimus, præsertim in eo passu in quo substitimus. Cum enim in toto negotio multum interesse nostrâ crederemus, à ductu Regio-nequaquam deflectere, tum verò maximè, in ea actione, quæ liquidationem doctrinarum concernit, in qua nihil vnquam magis timuimus, quàm confusionem, vnicam matrem sinistrarum intelligentiarum, & natarum inde diffidentiarum.

Accessit & altera authoritas, quâ ad eam nos legem artissimè adstrictos sensimus, vt ab ea Methodo, & agendi forma, quàm S. R. M. præmonstrauit, ne minimum quidem deflecteremus; Authoritas, inquam, Illustriss. & Reuerendiss. Principis, ac Dñi D. Archiepiscopi & Primatis, qui cum sua nos quoq; instructione munire & armare vellet, tantâ conspiratione sensus, & totius formæ, in Methodum ordinemque S. R. M. incidit, vt planè mireremur, & ab eodem Dei Spiritu, vtramq; Instructionem profectâ esse faciliè agnosceremus. Illustrissimus igitur Archiepiscopus, & suâ procedendi formâ nos ligat, & simul ad Regiæ Instructionis ordinem adstringit. Nos autem tum obseruantia, tum debitâ obedientia, vtriq; obsecundare decet. Neq; verò oblat, quod concessa.

cessa sit potestas condendi leges. Ea enim nullam vim habituræ erant, nisi ex partium consensu; nos autem in nullas consensimus, aut consentire volumus, si videantur, aut deuiare à Manuductione S. R. Maiestatis, aut eidem aduersari.

Sed quid opus est multis? Vnica vox Scripto DD. Reformatorum inserta, vniuersum negotij cursum iustissimè, ex nostra parte sistere, & nos ab omni progressu arcere potuit. Præfixerunt toti scripto titulū Doctrinæ Catholicæ: ita enī inscriptio habet: *Specialior declaratio doctrinæ Catholicæ, &c.* Petijmus toties aboleri, sed vendicatio eius tituli quasi iusta, in hanc vsq; diem defensa fuit. Multæ ratiocinationi, quā expostulationem nostram iustam esse ostendamus, hic locus non est: referuanda enim erat hæc actio, prout & ipsa tituli vëdicatio, in postremum saltem secundæ actionis gradum. Interim possessionem nostram integram esse volebamus, neq; poteramus taciti permittere, nouam in hoc Regno eamq; publicam noui Nominis vendicationem: in hoc, inquam, loco & occasione, ex quā prætenderetur, suo tempore, & loco, publica, & quasi solennis comprobatio, adiecta præsertim illi scripto manus Episcopalis subscriptione, quam exigere poterant. Vna quidem, & exigua vox est dici Catholicum: at ingentia rerum nouarum & malarum, si nouiter vsurpetur, agmina post se trahit; statuum, in hoc Regno turbamenta, iurium confusionem, veterum possessionum, & præscriptionū conuulsionem, nouarum vsurpationum obtensionem, rerum omnium perturbationem. Sciunt omnes Catholicos in hoc Regno iure primigenio niti, sciunt, in Prouincijs, & vrbibus primum semper in omnibus Priuilegijs, vbi Religionum fit discretio, Catholicis, & Catholicæ Religioni locum dari: inde quid saltem posteris oboriri posset dubij, & difficultatis? Mihi certū est, & probè persuasum, Illustrissimas, Illustres, & Magnificas DD. Vestras, eò non collimasse, sed in posteritatē projiciendus est oculus eius providentiæ, quæ sanè in DD. vestris eximia est.

Hæc

Hæc sanè causa fuit inter alias S. R. M. Dño Nostro Clementiss: cur nuper in supplemento tantâ verborum energiâ nouorum nominum vsurpationem vetuerit.

Meminimus Conuentum fuisse de titulis, at nihil aliud per consensum probatum est, quàm vt in Protocollis Partis Reformatæ & Augustanæ Notarij, liberâ conscientiâ notare possent. nomen Romano-Catholicorum, si quando à suis Collocutoribus proferretur, seruato nobis iure actiuæ & passiuæ compellationis Catholicorum, & impositâ Notarijs lege, vt eodem, si compellaremur etiam consignaremur. Itaque nunc iterùm, iterumq; & si opus est millies protestamur, sub eâ compellatione doctrinæ, nullam aliâ à nobis admitti posse præter eam quæ nostra est. Etsi hæc compellatio aliarum doctrinarum auerti nequit, superesse, vt hîc subsistamus, & neque ad vnum passum procedamus.

Erant initio aliæ quoq; reclamandi causæ, cur scripta reprobaremus, si d pleraq; ne Partes irritare videremur celauimus. Iussus sum edicere: Principio statim mirati sumus, cur tanto conatu & opere vrgeretur scriptorum illorum authenticatio, cur tantæ auctoritati, tantis nostris rationibus, atq; etiam amicis precibus non cederetur? Incidit plerisq; sagaciùs omnia circumspicere volentibus ingens suspicio, aliquos hoc solùm agere, vt tractatus istiusmodi ederentur, & authenticarentur, in quibus doctrinæ Augustanæ & Reformatæ redderetur ratio, & quasi iustæ ab Ecclesia Romana secessionis demonstratio, quo peracto vel impetrato timebatur, ne quasi re iam confectâ illicò abirent, minimè de vltiori tractatione reconciliationis & pacis solliciti. Huic periculo obuiare volumus, obstitendo & tanto quidem magis; quòd eiusmodi scripta præferre viderentur, nomen & rem Confessionis, quæ si à nostra Parte acceptaretur, Protocollo infereretur, manu Episcopi subscriberetur, circumferretur deinceps tanquam acceptata, signata, subscripta etiam à Catholicis. Hoc certè rei Catho-
tholi-

tholicæ, & periculofum, & perniciofum fore, prudenter præuifum
eft. Conftabat etiam efle contra expreffam mentem S. R. M. con-
tra fcopum negotij, contra propositum noſtrum, contra mandatū
eorum, à quibus delegati fuimus. Nec enim ad quidquam aliud,
quàm ad collationandum doctrinas miſſi ſumus, videndumq;
num ſe modus aut ratio offerret, quâ Partes Religione diſſidentes
ad vnitatem Fidei & Doctrinæ reducerentur; ſanctiões Confeſ-
ſionum nouarum, ab hoc propoſito & inſtituto alieniſſimæ ſunt,
imò quidquid prætergreditur fines, & rationem collationis, ab
hoc negotio procul exulare voluimus.

Addo tandem, quod vltimum eſt, longiſſimum illud vtriuſq;
Partis Scriptum, ſi acceptatum fuiſſet, grauem ipſi protocollo al-
laturum fuiſſe notam, & ingens incommodum. Neq; enim vos
latet, omne ſcriptum, ex propoſitionibus diſſonantibus à noſtra
Catholica doctrina, conflatum, ex omnium Doctorem noſtrorum
Catholicorum ſenſu, qui eximi illis nequaquam poterit, haberi, &
dici hæreticum. Quòd ſi integrum conficiat tractatum, & ita in-
diuulſum, neque proximè confutatum inferatur libro, librum in-
tegrum cenſeri, & dici Hæreticum: eoq; nomine à legitima pote-
ſtate interdici; poſitâ ſeueriſſimâ lege, & prohibitione; ne ab vllò
Catholico legatur, teneatur &c. Quo fieret, ſi tractatus illi vtri-
uſq; Partis Protocollo noſtro integri, & vt neceſſe fuit, indiuiſi in-
ſerti fuiſſent, Protocollum eandem cenſuram, atque prohibiti-
onem non euafiſſet. Quod quâ S. R. M. Veſtriſq; Illuſtriſſ. Illuſtr. &
Mag. DD. toti; Collegio Collocutorum omnium honorificū
fuiſſet magnis, & ſublimibus iudicijs Veſtris Vos ipſi penſitate.
Optabamus igitur alium ſcriptorum formam, & ordinem, quâ, ſal-
uâ ipſius Protocolli gloriâ, ea quæ ad ſenſus partium explicandos
pertinebant, ſufficienter explicari, & inferi potuiſſent.

Et hæc ſanè erant, quæ ex parte noſtra, æquitati cauſæ noſtræ ſem-
per ſufficere viſa ſunt, cū tantâ conſtantiâ inſcriptioni tractatū

illorum obsisteremus. Quid verò iam superest remedij? Urgebatur hactenus correctura à nobis punctatim præmonstrāda, verum ex his, quæ paulò prolixiùs retuli intelligitis futurum illud fuisse, vt eiusmodi à nobis desideraretur correctura, qualem nequaquā admisissetis. Non enim ea tantum expungi voluissimus, quæ nos offendunt, quæ actiones confundunt, quæ doctrinam nostram obtenebrant, quæ Catholicos sugillant, quæ incompetenter allegantur, quæ nostra traducunt; sed ea quoque, quæ exundant, quæ tractatum implent, quæ confessionem sapiunt, quæ à natura, & conditione breuium simpliciumq; propositionum recedunt: Vno verbo, exæquationem poposcissemus cum nostris propositionibus, quæ ex breuitate sua, claritate, sufficientia alijsq; laudibus, ab ore S. R. M. insigni Encomium retulerunt; sed erant aliæ quoq; grauissimæ rationes, ob quas ad illam particularem erratorum corrigendorum præmonstrationem, ijs præsertim legibus, quas nobis imponere volebatis, non descendimus.

1. Constat nobis, quàm firma fixaq; vobis stet animi vestri sententia, vt Confessiones illas, vti vocant, seruetis integras & illibatas: ita enim sapè sapiùs nobis etiam audientibus protestati estis.

2. Audimus etiam nunc, iactare quosdam, quasi scripta illa optimè consonent menti Regiæ, nihilo discedant ab Instructione &c. quæ sanè exiguam faciunt spem futuræ correcturæ.

3. Prætendebatis hodieq; prætenditis, saluâ conscientiam vestrâ, nil immutari posse.

4. Agnoscitis & palam fatemini, missas esse ad quosdam Principes, aut Principales: nobis etiam nescio, quis tacitus rumor aures, & ipsa quoq; pectora asperiùs vellicat, alicubi ea iam imprimi.

5. Accingamur sanè labori, & ordiamur corrigere, nonne validissimi ad singulos passus occurrerent obices? eundem mihi credite, quem hactenus decurrimus, deinceps circuibimus Labyrinthū: his causas obtendentibus, vt pleraq; corrigantur expungantur, alijs
in oppo-

in oppositum multa allegantibus, quibus persuadere volent, nec expungi, nec corrigi debere.

6. Quis tandem exitus, quis fructus eius conatus, in his temporis angustiis? Vix dimidium decurreremus, cum meta definiti temporis à progressu nos excluderet, & offerremus orbi Terrarum ridendam potius operam, quam probandam.

7. Virgeretur ut scripta, in eadem fortassis amplitudine, & prolixitate conseruata inferrentur protocollo, quibus ex nostra parte nihil par adiectum esset, non sine maximo doctrinae nostrae praeiudicio.

Inde igitur parua ab hoc remedio spes: Interim hæremus inter hos scopulos nostrae obsistentiae, ne scripta admittantur, & vestrae obfirmatae voluntatis, ut sub ea forma protocollo inferantur. Orbis iudicet penes quos causa sit æquior. Illud verò omnium sapientum iudicio præcipuè librabitur, an oportuerit, tam grande negotium irritari, & cassum reddi, propter reprobationem vnus scripti, quod hinc quidem à Catholicis sine maximo causæ suæ totiusq; negotij detrimento, sine aliquo vilipendio Regiæ, & Archiepiscopalis authoritatis, admitti non potuit; inde verò à Dissidentibus nullo, vel suo, vel negotij detrimento, nullâ sua notâ, omitti potuit? Si iam non superesset modus, & remedium, quo etiam exclusis hisce, ut vocantur, Confessionibus, sine vestro nostroq; damno, & cum maximo Ecclesiæ, Patriæ, populorumq; prouentu, ex mente, & desiderio S. R. M. procedere queat negotium, haberemus quod liceret ad excusationem prætendere. At cum non desit via, & ratio promouendi negotium, sepositis hisce de scripto disceptationibus, non poterit, non admirari Orbis, si negotium, hic sistimus, aut pessundamus. Sed quæ tandem via? quis modus?

I. Seruentur in manibus Vestris, vtriusq; Partis scripta integra, sub ea planè forma, quâ iam concinnata sunt. Inde extrahantur paucula, ex singulis capitibus propositiones, nostris propositionibus

bus proportionatæ; complectentes præcipua quæque, & generalia semina doctrinarum, deinceps in publicum producendarum, & declarandarum. Eas nullâ interpositâ morâ Protocollo inferi libenter permittimus. Interim succedant singularem doctrinarum, aut capitum declarationes, & descensus usque ad particulares, & particularissimos articulos, & ne quid videamur subterfugisse eorum, quæ in scriptis hætenus porrectis comprehendebantur, ipso declarationis tempore, ex eisdem scriptis, singulæ propositiones in medium producantur, & cum nostris quoque declarationibus conferantur. Quod si visum fuerit, ut hæ ipsæ propositiones declarationis loco Protocollo inserantur, non immutatis substantialibus, & ijs quæ concernunt doctrinam, omisis tamen, quæ manifestè offendunt, ad singulastrarum declarationum puncta, inserantur singula similiter ex his scriptis translata puncta, ita ut post propositionem generalem, una quæpiam nostra declaratio, locum suum occupet, proximum verò partis oppositæ declaratio iisdem verbis concepta obtineat, atque ita procedatur in longum à Primo capite usque ad ultimum.

2. Si fortè visum non fuerit, in his angustiis temporis totius doctrinæ, prout scriptis concepta est, fieri eiusmodi interpolatam declarationem, assumamus caput unum; cui imprimis præmittatur summaria propositio, succedat deinde declaratio, ab utraque parte inferenda, retenta semper eadem Methodo & ordine, quem requirit Instructio S.R.M. ut nimirum post unius istius capituli sufficientes, & copiosas declarationes subijciatur depuratio doctrinarum, & exprimantur ultimò Antitheses, formeturque principalis status controuersie.

3. Si fortè difficultas futura est, ut integræ aliquæ partes in eam formam procedendi consentire nolint, efficiant Illustrissimæ, Illustræ, & Magnificæ DD. Vestræ, ut viri pauci, duo, tresue, DD. Vestrarum saltem nomine, in eandem formam, ac methodum consentiant.

fentiant, & si non in loco publico, saltem in hoc conclauis, aut vbi libuerit, saltem de vno minimo fidei articulo (si quis tamē minimus in rebus fidei articulus dici potest,) eiusmodi propositiones forment: declarationes nobiscum conficiant, deinde ab imputationibus depurent, & deniq; formato statu controuersiae, toti Orbi exhibeant, vñum saltem specimen eius laboris, & operæ, quam in hoc theatro præstituri eramus, aut saltem præstare desiderabamus, & nunc etiam desideramus, simulq; oramus, & obsecramus Illustrissimas, Illustres & Mag. DD. Vestras, persuadere velint sibi, suffq; partibus, eam agendi rationem, quā aliquid agamus, neq; hinc abeamus, cum istā, certē non satis gloriosa diuulsione Partium, & negotij totius, in quo quidem hæctenus nihil confectum est, & si deinceps nihil confici potest, aut aliquibus resistentibus, ipsum perferuiturum est negotium, iudicet Orbis vniuersus Christianus, quæ Pars causam dederit tantæ frustrationis. Nos hac ipsā horā, imò hoc ipso momento, prodire parati sumus, & in istud charitatis certamen descendere. Et vt idē partes velint, idemq; præstent, per Illustrissimas, Illustres, & Mag. DD. Vestras fieri posse credimus, & ab vtraq; parte Augustana videlicet, & Reformata præstandū speramus.

Finita hac Declaratione, subiunxit idem Pater, per eam Declarationem ad rationes, à DD. Reformatis nuper redditas, nunc responsum non esse, sed in casu, quo rationes illæ in publicum prodirent, responsum Parti Catholicæ integrum reseruari. Interim suo V. Catholicorum omnium nomine, iterum petijt, vt ad principale negotium sine mora procedatur, alia verò omnia ne cursus publici negotij impediantur, quasi lateraliter tractentur.

Respondit Illustriss: D. Chelmenfis, duas in ea allocutione DD. Catholicorum esse partes. In prima rationes proponi ob quas suarum partium scripta Actis inserta non sint. In altera verò modos, quibus deinceps in negotio procedatur. Proinde cum vtraq; mutuam inter

*Partes collationem requirat, responderi tam subito non posse, se tamen
certo pro sua Parte spondere, eos minimè subterfugere, quo minùs sine
mora ad rem accedant. Interim modos & mediâ à DD. Catholicis pro-
posita ponderaturos. Sessio soluta.*

S E S S I O XXX.

Die Tertiâ Nouembris.

*Coram DD. omnium Partium Deputatis, Illustrissimus D. Legatus
ita proposuit. Existimabam nos hodie post datam heri à Theologo
Partis Catholicæ declarationem, ad rem, de qua agimus, sine mora ac-
cessuros: sed quia Partes vestrae ea super re deliberant, ne tempus fru-
strâ conteratur, Dubia quæ in Actorum prælectione occurrerunt, in-
terim expendantur & complanentur, iuxta hesternæ Sessionis placitû.*

1. Dubium fuit de Titulo Vniuersali Actis præfigendo, &
Procemio, Decisio vtriusq; dilata vt interim procedatur ad Acta.

2. De Titulo *Admodum Rndi Dni* D. Hülsemanno dando
iuxta postulatam Sessionis decimâ quartâ die 16. Septemb. nota-
tum. Respondit Illustriss. D. Legatus: neq; Catholicis Prælati ad-
mi posse, quod in hoc Regno vfu, possessione, & præscriptione obti-
nent, neq; D. Hülsemanno, id quod nunquâ hîc habuit tribui, in-
terim ad ulteriorem priuatam tractationem res seposita.

3. Cû in Actis citatæ Sessionis, omnes septem Notarij confi-
gnarint illas voces [Priuata ambitione] an iuxta D. Hülsemanni
postulationem, illæ expungi, illarumq; loco debeant substitui
[ambitione aliqua] Responsum est, quando omnes Notarij con-
cordant, neminem esse debere tantæ authoritatis, vt id corrigat. Il-
lis verò discordantibus nostrum est decidere. Vnde cû hîc
Notariorû consensus sit, retineantur voces illæ [ambitione priuatâ]

4. Qui ordo seruandus sit, quando DD. Augustani, & DD.

Refor-

Reformati simul occurrunt nominandi. Responsum est, omnia
ut sunt in Protocollo die 29. Augusti, maneant, & deinceps libe-
rum sit scribere, prout contigerit nominari.

5. Quando scripta alicuius partis Illustriss. D. Legato insinua-
ta, non eadem die parti alteri, sed postmodum exhibita sunt, quæ
illarum dierum in actis consignanda? Responsum est utramq;
diem, & uti res acta est, consignandam: & simul causam non red-
ditorum parti Scriptorum notandam. Vnde cum scripta DD.
Catholicorum die 29. Augusti, Illustriss. D. Legato insinuata DD.
Augustanis, nonnisi die 31. Augusti exhibita fuerint, ne causa mo-
ræ in Illustriss. D. Legatum deoluatur, inferenda est Actis causa,
videlicet, quod DD. Augustani, scripta vicissim DD. Catholicis
reddenda, nec dum habuerint parata.

*Dum hæc aguntur, R. P. Schönhof S. R. M. Theologus, ad Illustris-
simorū DD. Deputatorum Consecsum venit, & nomine tum Illustris-
& Reuerendis: D. Præsidis, tum omnium Theologorum Catholicorum, ad
Declarationem heri propositam, certum & ultimum responsum pe-
tijt, præsertim cum ad duodecimam horam, quæ iam audita esset,
Pars Catholica Responsum illud expectaret.*

*Respondit Illustris: D. Castellanus Chelmen: parari Responsum;
Interim cum tempus Sessioni designatum, iam transierit, non posse
DD. Catholicos amplius distineri.*

*Subiunxit Magnif: D. Droboiewski, hodiernum tempus decisioni
dubiorum esse designatum.*

*Excepit Illustris: D. Legatus. Priores quidem horas Dubijs fuisse
designatas; reliquum verò tempus Negotio Principali tractando, vn-
de in sequentem diem ab octaua hora ad nonam designauit tempus du-
biji solvendis, residuum verò, responso postulato, & negotio principali.*

S E S S I O X X X I .

Quartâ Nouembris.

Cum iuxta proximè præteritam Sessionem, Dubia, quæ in relatione Actorum occurrerunt, adhuc soluenda superessent, placuit Illustrissimo D. Legato, ut in ijs procederetur. Alijs igitur nonnullis, præsertim quæ in Sessionibus diei vigesima nona, & trigesima prima Augusti, item diei septima Septembris, notata fuerunt, suo loco ut oportebat correctis, placuit, ut iuxta conditionem 20 præliminarem 2 Septemb: notatam formula Precum Parti Augustana singularis, quâ tamen in publico vñ non sunt, Actis inferatur: cuius tenor est talis.

DEVS cuius causa agitur, Deus Sancte Spiritus, illabere his mentibus, linguis, pennisque scriptoriis, easq; totus posside, illustra, dirige, ut hoc solum concipiant, meditentur, statuunt, quod menti tuæ in sacris literis reuelatæ per omnia conforme, & ad salutiferam pacem inter dissidentes constituendam, firmandamque appropriatissimum est. Hoc fac, hoc præsta, Orate & exorate, per sanctissima vulnera Domini nostri Iesu Christi. Amen.

Interim R. P. Schönhof S. R. M. Theologus, ad DD. Deputatorum conclauē venit, & hunc in modum locutus est.

Illustrissimi, Illustres, & Magnifici Domini

Tertia iam dies labitur, ex quo modos & media, quibus negotium principale videbatur posse promoueri, suggestimus, & nos paratos esse, ad prodeundum in publicum, illo ipso tempore, ac momento, significauimus. Interim nullum responsum habemus; cum tamen hodie circa nonam reddendum fuerit, iuxta spem ab Illustriss: D. Legato hesternâ die datam. Iam autem decima præterijt: veremur, ne reliquæ duæ horæ Sessioni destinatæ elabantur, nosq; responso vacui iterum abeamus. Petit itaque Illustriss: ac Rndiss: D. Antistes & Præses noster, totumq; Collegium nostrum Theologicum, ut Illustrissimæ, Illustres, & Magni:

Dñi-

Dñationes Vestræ, dignentur à suis responsum vr̄gere, vt saltem, reliquis horis, certi aliquid hodie audiamus, quo nos ipsi quoque responsum hodie reponamus, & sic proximâ Feriâ secundâ rem ipsam, quod vnice desideramus, seriò aggrediamur. Alioqui dies reliqui, & Mensis hic qui reliquus est, sine fructu præterlabetur. Quocirca iterum atq; iterum petunt omnes, vt mentem DD. Collocutorum vtriusq; Partis intelligamus & modo statim, aliquid certi in commune concludamus. Neq; mirentur, quòd tantoperè responsum vr̄geamus. Nam præterquã quod maximo desiderio negotij principalis teneamur, impellimur etiã à rumore, nō in Vrbe tantū, sed circumquaq; sparsò, quasi nos simus, qui moram negotio facimus, qui comparere nolimus, nec audeamus, de qua iniuria, Pars Catholica grauiter protestatur, & petit, vt Illustrissimæ, Illustres, & Magni DD. Vestræ, à suis impetrent, aut extorqueant, vt re ipsâ ostendant, seipsos non esse in causâ tantarum morarum.

Ad hæc Illustrissimus D. Castellanus Chelmen. quo magis (*inquit*) deliberamus, quid respondeamus, tanto magis, scitote rem nobis esse cordi.

Mox subiunxit Illustriss. D. Capitaneus Stumen. est ista finalis responsio, debet benè de illa deliberari: paratur tamen.

Et R. P. Schönof. etiamsi *inquit* in responso aliqua aculeata continerentur, non patiemur, nos induci, vt respondeamus, nē respondendo tempus negotio principali subtrahamus.

Hic deliberationis causa Partes ad sua conclauia secesserunt, & post reditum *Illustriss. D. Castellani Chelmen.* etsi *inquit* responsum Partis nostræ paratum sit, tamen quia videmus tempus elabi (tantum enim hora iam superest, & tamen responsum plusquàm horâ requirit) ad feriam secundam negotium deferatur; vt in ipso horæ octauæ puncto, tum responsum demus, tum deinceps ad rem ipsam accedamus.

Quod porrò R. P. Schönhof protestatur, ratione rumorum, nos quoque ex rumore in multis iudicamur; sed habemus rumorem pro falso Iudice, Protocolla iudicabunt qui fuerint causa moræ.

Illustrissimus D. Legatus, nostri inquit Theologi Catholici idcirco hodie responsum optabāt, & expectabāt, ut sine vlla mora ad rem ipsam feriā secundā accedi posset. Et sanè cum scriptum ut audio paratum sit, facilè ab iisdem DD. Theologis impetrabo, ut supra duodecimam horam aliquid temporis addant, hodie; illud responsum audiant, ne feriā secundā tempus principali negotio eripiatur.

Hic Magnificus D. Drohoiowski Partis Reformatæ Director, Domini inquit Catholici ad deliberandum satis habuerunt temporis, nos heri primum declarationis illorum copiam accepimus, quod igitur temporis hodie superest solutioni dubiorum impendatur.

Nos verò inquit Perillustris & Adm R. D. Zawissa, Partis Catholicæ Deputatus: Protestamur; quod nulla in nobis moræ causa fuerit, parati enim eramus audire responsum, si redditum fuisset.

At verò Mag. D. Boianowski, nos inquit reprobamus nullam in nobis esse culpam moræ, cum enim DD. Catholici finalem dederint declarationem, & nobis de finali declaratione benè deliberandum est.

Ad extremum circa liquidationem dubiorum DD. Reformati urgebant, ut scriptum suum, quod vndecima Septemb. Actis insertum non esset, tandem infereretur, quandoquidem è S. R. M. instructione scripta, in quibus nihil esset offensivum, inferenda esset. Quod cum DD. Catholici non permitteret, DD. Reformati cōtra protestati sunt: c. diverso R. P. Schönhof nomine DD. Catholicorū reprobatus, ostendit scriptū illud

*illud acceptum quidem à Catholicis fuisse, cum autem non ad eum sed ad
aliud locū pertineret, illo tunc loco inseri non debuisse. Soluta Sessio.*

S E S S I O XXXII.

Sextâ Nouembris.

*Præsentibus omnium partium Deputatis in conclavi Illustrissimi
D. Legati, Illustrissimus D. Castellanus Chelmenfis ex memoriali legio
responsum Partis Reformatæ ut sequitur.*

Illustrissime Domine Legate.

In Illustrissimo Confessu Vestro præterita die 2. Nouemb. ab-
sentibus nostris Theologis, nobis plerisque; id minimè fortè expe-
ctantibus, Theologum Partis Catholicæ prolixam quandam,
orationem prælegisse, & à Notarijs partium excipiendam, curasse,
accepimus, quâ nos non obseruatæ instructionis Regiæ, tertio
iam, aut quarto accusauit, & reiiciendæ ex protocollis declaratio-
nis fidei nostræ rationes, iam ante toties ab ipso propositas, totiesq;
à nobis retusas maiore verborum apparatu repetijt, media deniq;
continuandi colloquij nonnulla proposuit.

Cum verò ad eandem accusationem, easdemq; rationes ex me-
moriali quodâ Partis Catholicæ die 28. Octobris nobis prælectas,
nostra item responsio pridie Calendas Nouembris Illustritatibus
Vestris maiore ex parte prælecta iam sit, nos quidem illam nouis-
simam orationem, quoad partem priorem non modo superuaca-
neam fuisse, sed & vltiori responso, minimè indigere arbitramur.
Attamen si Protocollis, & illa, & priores eiusdem fere argumenti
inferendæ sunt, ne accusationes toties repetitæ, sine vlllo responso
nostro in Protocollis legantur, vt nuperrimum saltem illud iisdem
inferatur obnixè petimus. Cum præsertim ipsimet verborum vlt-
riorem concertationem, temporisq; maius dispendiū vitari, haud

dubiè malint, quàm nouas refutationes, aut apologias institui. In illo verò responso nostro, non tantùm rationes nostræ, quātum satis visum est ponderatæ, sed & nostræ in contrarium grauiores multò (vt nobis videtur) atq; vrgentiores propositæ, medium etiam continuandi Colloquij conuenientius, iam tum à nobis indigitatum fuerit, quod ab oppositæ Partis Theologis, vel ignorari, vel dissimulari sanè nollemus. Illius ergò responsionis nostræ verba, ijs modo, quæ offensiuæ videri tunc poterant, ne fortè nouæ iam offensionis materiam præbeant, omisis, ita se habent, quæ à DD. Notarijs, vt iam consignentur, officiosè rogamus.

Quanto cum dolore nostro progressus instituti Colloquij impeditus sit hætenùs, verbis vix satis exprimere possumus. At culpam insuper eius remoræ in nos reijci, id verò non possumus non ferre grauissimè. A qua tamen ipsorummet nos facilè absoluet conscientia, si charitatem potiùs, quàm affectus, aut suspiciones sinistras, in consilium adhibere, & eorum modo, quæ vtrinque hætenus acta sunt, probè meminisse voluerint. Non repetemus omnia. De Doctrinæ nostræ in controuersis Capitibus declaratione, medio Septemb: ipsis exhibita agitur. Eam vniuersam ipsismet postulantibus, cum cæteroq; nos quidem de singulis controuersijs seorsim liquidandis agi mallems, vix tridui spatio, eam in rem concessò conscripsimus, ipsisq; recognoscendam obtulimus, recognitam ad ipsorum præscriptum, in ijs quibus se offendi significarunt, vt traditæ nobis ipsorum annotationes testantur, mutauimus, ipsis post nodum vrgentibus, 16 Septembr: in Publica Sessione prælegi, quamuis priuatim, iterum recognoscenda priùs fuisset, concessimus; ignominiosè verò non sine graui verborum in nos contumelia reiectam, ægerrimè quidem, nec sine reprobatione, sed tamen patienter tulimus. Quæ reprehensa publicè fuerant, etsi tueri facillimum fuerat, expungere, quæuè inuolutiùs dicta arguebantur, dilucidius exponere, satius duximus;

mus, quam vel Colloquium ea causa, quantumvis iustissima ab-
rumpere, vel offensioni vltiori voculâ vllâ duriusculâ materiam
scientes relinquere. Ita iterum eliminatam tertio obtulimus, sed
& tertio reiecti sumus. Cumq; vel scripto, vel voce, quam
ergo mutari porro aut tolli cuperent, designari nobis singula iden-
tidem peteremus, ne id quidem impetrare, in hanc vsq; diem po-
tuimus. Interim verò declamationes nobis audiendæ fuerunt,
accusatorio fere stylo acuminatæ, cumq; responsum nostro vi-
cissim nomine proponeretur, ad singulas ferè periodos interpellati
fatis iniquè obturbati fuimus, vt deinceps silentio iniurias eiusmo-
di dissimulare mallems, quâ apologijs in cassum casuris tempus
pretiosissimū terere. Tum verò à S. R. M. nouo instructionis sup-
plemento quodam huc misso, nostros quoq; ad S. R. M. ablegan-
di necessitas nobis imposita est, à qua clementissimo & æquiore
responso impetrato, operas rursus nostras ad optatum Colloquij
progressum obtulimus, cumq; de antithesibus nescio quibus ex-
pungendis potissimū ageretur, vt eæ nobis singillatim designa-
rentur, iterum iterumq; rogauimus. Cū enim Ecclesiarum
nostrarum sententia in plerisque his controuersijs merè negatiua
sit, eoq; non nisi negatiuis propositionibus enuntiari potuerit, eas
antitheseon nomine expungi iniquissimum, & primæ Actionis
scopo à S. R. Maiestate proposito, alienissimum fore iudicauimus,
sed quid tandem postulato hoc nostro impetrauimus, scripto qui-
dem sententiam suam exponere pars opposita renuebat, cæterum
collationem priuatam vltio offerebat. Promptè igitur cupideq;
nos quoq; eam acceptauimus, sed quo certior dictis, aut dicendis
fides esset, Notarios ex præscripto Regio, ei quoq; collationi adesse
debere censuimus. Id verò omninò denegatum est. Vt igitur
Augustanæ saltem Partis Theologo vni, atq; alteri, ceu Auditori-
bus & testibus adesse liceret, optauimus; id quoq; recusatum est.
Hinc vt Illustriss. D. Legatus eius collationis Acta vel agenda

subsignatione suâ firmare dignaretur; orauimus; sed ne id quidem
exorauimus. Demum, vt Augustanæ saltem, nostræq; Partis;
Illustrissimi & Generosi Præsides atq; Antislites, præsentia & sub-
scriptione suâ ei collationi fidem facerent, rogauimus; quibus v-
trisque suam quidem operam promptissimè offerentibus, tamen per
DD. Collocutores Catholicos, ne hoc quidem ad Collationem
inchoandam valuit, sed deliberatione in biduum extracta, tandem
die 28 Octobris scripto quodam memoriali, Illustriss: D. Præsidi,
& Mag: D. Directori nostro, prælecto: cuius tamen apographum,
illis, nobis uè tradere recusarunt, rationes suas, cur in reiicienda ex
Protocollis expositione Fidei nostræ persisterent, iterum declara-
runt. Enimuero nos vicissim responso hoc nostro, vtrinque sic
Acta vel ideo enarranda nobis, & in memoriam ipsis reuocanda
censuimus, vt aut ipsi iudicent, aut indigenas pariter, & externos, si
quando ista examinarint, totū imo Orbem Christianū, & seram
olim posteritatem, hinc agnituram tandem, & iudicaturā cogi-
tent, an iste procedendi Modus, in præsentī Colloquio hætenus
obseruatus, dici mereatur Charitatiuus. Interea Charitatis &
veritatis interesse credimus, vt quæ ex dicto memoriali memoria
suggerit, sine responso Charitatiuo non dimittamus.

Imprimis de titulo Catholico sibi adempto nobis vindicato
questi sunt. Nos verò sicut ipsis quos discriminis causa Romano
Catholicos, vt in præliminaribus conuenerat diximus scripto illo
nostro, cum ademptum eum non iniimus, ita nobis ille, vt eripi-
atur, nisi proprio nos ore Acatholicos, vel etiam Hæreticos proffi-
teri velimus, pati nequaquam possumus. Sed vt ipsos in ijs doctri-
næ capitibus, in quibus nobiscum consentiunt, quæ sanè, & pluri-
ma sunt, & Momenti maximi, doctrinam verè Catholicam retine-
re non inuiti fatemur, eaq; ratione Catholicos etiam appellari non
repugnamus, ita à nobis vllum fidei Catholicæ articulum impu-
gnari pernegamus, eoq; nisi contrarium prius euincatur, à Catho-
lici

lici nominis ~~communione~~, nullo iure, nullaué possessionis cuiusdam præscriptione excludià quopiam possumus. Non enim ex tituli usurpatione doctrinæ Ecclesiæ, sed ex doctrina titulus æstimari debet, hæc utiq; , non ille, verè Catholicum, aut Hæreticum facit. Quod ipsi etiam statim sub initium Colloquij satis testatum fecimus, generali primitus fidei nostræ professione, quàm ne ipsi quidem verè Catholicam esse negare poterunt, oblata, cuius specialiorẽ, postea in Theologicis hilce controuersijs declarationem, ipsismet postulantibus adiecimus, in quâ, si quidquam Catholicæ illi, quàm semel proposuimus fidei contrarium ostendi poterit, illud potiùs abijciendum nobis esset, quàm vel fides, vel nomen Catholicum deferendum.

2. Porro dissensum ab ipsis nostrum nimis apertis propositionibus, nos professos aiunt, quòd dissidio potiùs firmando, quàm paci Ecclesiæ; quæ S. R. Maiestatis scopus sit, cuiusq; studium ipsi professi sumus, facere videatur. Atq; & ipsi Catholici, & inprimis S. R. M. non de dogmatibus vtrinq; extra omnium controuersiam positis, sed de omnibus, ac singulis doctrinæ controuersæ capitibus, sententiam nostram simplicibus, & apertis verbis proponi iussit, totiusq; primæ Actionis vnicum hunc scopum esse voluit, ut vnusquisq; doctus & indoctus, quid vnaquæq; Pars de ijs credat, vel nō credat, & in quibus sibi contradictoriè aduersetur, vno velut intuitu possit agnoscere. Idq; nos etiam, tum veritati, tum paci, Ecclesiasticæ conuenientiissimū esse iudicauimus. Nō enim rite sanari possunt, aut coire vulnera, nisi probè prius detegantur, & depurentur. obscuris, vero, aut ambiguis propositionibus, ceu emplastris quibusdam palliatuiis sententias, vtriusque partis inuoluere, quod aduersa pars maluisse iam videtur, ab hoc certè scopo medium foret alienissimum varijs omnium partium calumnijs, & cauillis obnoxium, ideoq; maiorum deinceps litium, potiùs seminarium, quàm pacis remedium.

3. Mul-

3. Multa etiam in scripto nostro ad irritandos animos, posita conqueruntur, falsas imputationes, quas iam ipsi in propositionū suarum præambulo remouerint nihilominus repositas, Concilij Tridentini anathemata ad odium subinde repetita. Nos verò nisi fortè ipsa doctrina nostra, quam dissimulare nefas erat, eos irriter, animo irritandi nihil posuisse sanctè profiteamur, si quid autè tale verbis nostris inesse, si quas etiam imputationes fallò sibi repositas putant, eas vt difertè exprimant vnice desideramus, & petimus. Anathemata Tridentina quamuis in odium & execrationem nostri vibrata, non tamè in odium ipsorum (absit) sed ad grauitatem & necessitatem controuersiarum ostendendam aliquando memorauimus; ne de minutijs minùs necessarijs agere videremur, quæ quidem si persequi omnia fuisset animus, vel decuplo plura non quidem ad odium aliquod, sed tamen ad tedium legentium, recenseri potuissent.

4. In primis ab Instructione S. R. M. nos recessisse arguunt, quod non summa tantū capita, sed minutissima puncta attigerimus, non breues propositiones, sed prolixū tractatū scripserimus, solo capite de gratia, octo puncta cōplexi simus. Atqui ipsa S. R. M. de omnibus, & singulis controuersijs sententiam partium proponi voluit, idq; cum nos diuisim fieri malle, pars aduersa coniunctim, vt fieret postulauit, quod certè in tanto controuersiarum numero, sine prolixitate aliqua fieri minimè potuit, nec minuta censenda sunt ea, sine quibus maxima constare non possunt, quæ uè sub anathemate Ecclesiæ credenda faciendaq; proponi non ignoramus. Quod si minuta omnia persequi libuisset duplo plura potuissent congeri. At nos breuitatem adeò sectati sumus vt nec verbū facilè vllum frustra positū vellemus. Cauimus sanè, ne in re tantum breues esse studuimus obscuri fieremus, imò si ad res modo ipsas examinandas progredi Pars aduersa voluisset, sensisset profectò nō cōstram qualemcunque prolixitatem, breuitati in tractatione
reliq

reliqua maximè seruituram, ipsorum verò plurimis omis-
sisque obscurè propositis inuolutam breuitatem, prolixioribus de-
inceps disceptationibus, & euolutionibus materiam, moramq;
non necessariam præbituram. Locus de Gratia, non vnum sal-
tem, sed complures grauissimos Fidei Christianæ articulos, de Re-
demptione, vocatione, iustificatione, satisfactione, glorificatio-
ne, bonis operibus, eorumq; præmijs, de electione, deniq; & repro-
batione continet, quorum nullum vtiq; præteriri decuit, quosq;
singulos, vnicâ tantùm propositione affirmatiua proponere satis
habuimus, vt nimix citius breuitatis, quàm prolixitatis, hîc argui
meritò possimus, quin si maximè prolixitate aliquâ peccatum,
non nihil foret, an Charitatis erat, totum ideo scriptum Proto-
collis eijcere: quibus tam multa alia magis proluxa, minùsq; ne-
cessaria inferuntur.

5. Sed & multa posuisse arguimur, quæ vel planè non sunt
controuersa, vel non cum tota Ecclesia Romana, sed tantùm cum
quibusdam Doctõribus, vel corollaria tantùm, vel probationes
non ad primam, sed ad secundam actionem pertinentes; quin etiã
doctrinæ Catholicæ explicandæ partes nobis ita v'surpassè, vt te-
nebras ei offuderimus, inuidiæ eam obiecerimus aut amarè car-
pere & sugillare visi simus. At nos si quid fortè non controuer-
sum attigimus, id ad remouendas à nobis falsas imputationes vni-
cè fecimus. Si quid cum quibusdã tantùm Doctõribus contro-
uersum, id DD. Collocutores vno verbo à se remouere, suumq;
ab illis dissensum profiteri poterunt, ita propiori iam inter nos con-
sensui optatum fiet initium. Corollaria & probationes nullas
adiiecisse meminimus, nisi quæ & ipsæ controuersiam ex priori pul-
lulantem constituunt, aut ad dilucidiorẽ simul doctrinæ expli-
cationem & liquidationem facere videbantur. Nec verò doctri-
nam ipsorum explicandi, sed nostram saltem siue negatiuam, siue
affirmatiuam sententiam simplicissimè proponendi partes nobis

sumpsimus, si quid obscuritatis aut inuidiae obnoxium videretur, is utique declarationis propositae scopus fuit, ut talia deinceps depurentur, liquidentur, non ut propterea declaratio ipsa ex Actis & Protocollis eijciatur, si quod verbum amarum, quod carpendi, aut sugillandi speciem habeat, nobis exciderit, id & in prima recognitione ab ipsis indicari debuit, & vel nunc tandem ut indicetur petimus, nobis enim quamvis sedulo quærentibus nihil tale occurrit.

6. Denique ipsum etiam agendi ordinem à S. R. M. prudentissimè præscriptum à nobis confusum arguunt, & distinctissimas primæ Actionis partes, videlicet propositiones, elucidationes, depurationes, & antitheses in unum congestas. At nos partes illas, ut distinctæ sint, non tamen vel ex natura rei, vel ex S. R. M. voluntate, ita disjunctas & separatas esse censemus, ut in ipsis propositionibus elucidationi & depurationi, atque etiam antithesibus, seu vero statui controuersiae constituendo, viam parare nefas sit, imò cum non diuersæ actiones, sed primæ actionis tantum partes dicantur, eas quantum fieri potest, coniungendas, quin etiam in præcipua laude ponendum ducimus, si quæ Pars suas propositiones ita formarit, ut simul elucidationi, & depurationi, atque antithesibus deinceps seligendis inseruiant: quam etiam laudem S. R. M. eò ipso rescripto nuper haud obscure nobis tribuisse videtur, quam etiam ipsimet dum hoc in nobis accusandum arbitrantur, confirmant; si verò scrupulosam nimis curiositate particulatim illæ discerperentur, haud secus ac rami ex stipite auulsi, genuinam certè atque integram doctrinæ ceu arboris speciem lectori minimè exhiberent.

Atque hæc quidem ea sunt, quantum meminisse possumus, ob quæ doctrinæ nostræ declarationem protocollis eijciendam DD. Catholici nouissimò illo memoriali suo manifestarunt. Addiderunt ab ea se sententia minimè recessuros, ne vel vilipensæ S. R. M. vel leuitatis, & inconstantiae, aut inobedientiae, erga Illustriss. Archiepiscopum argui possint. At nos vicissim, sicut à vilipendio
S. R.

S. R. M. nos longissimè abesse omnibus humillimi obsequij studijs
hactenus per Dei gratiam ostendimus; ita si fidei nostræ profes-
sionem, quam ex Dei verbo hausimus, hominum gratiâ, aut me-
tu, in realibus mutaremus, non tantùm summæ inter homines le-
uitatis, & inconstantia infamiam, sed etiam vilipendij, & inobe-
dientia erga Maiestatem Diuinam crimen grauissimum incurre-
remus. Quod vtrumq; pro charitate sua Christiana, non à nobis
minùs, quàm à seipsis abesse velle DD. Catholicos persuasi sumus.
Nec verò nostrarum Partium Collocutor talem mutationem,
vel suo, vel nostro nomine, vt quidem ipsi memorant pollicitus
est, sed quod de ipsius oratione Protocolla testantur, quodq; no-
stræ etiam declarationis clausula, ipsi nobis reservatum volumus,
si quid obscurius incommodius dictum videri possit, id porro
à nobis, & quidem quod S. R. M. instructio expressè iubet, scripto
aliquo nouo, aut viuâ voce, plenius ac dilucidius declarandum re-
cepit. Quod verbum nostrum ea ipsa quàm DD. Catholici of-
ferre nuper videbantur collatione priuata, eliberare parati, nos qui-
dem eramus, atq; etiam nunc sumus. Sed hic vereri se obtendunt,
ne verba ipsorum per Notarios captare velimus. Quâ quidem ra-
tione omnem deinceps colloquij spem præcidere videntur. Nam si
captiosum putant, per Notarios dicta excipi, quas non captiones
ingenua nostra simplicitas metuat, si Notarij Actionibus partium,
quod S. R. Maiestatis Instructio iubet, interesse prohibeantur. Sed
finem hic facimus, eo rationibus illis eliminandæ declarationi no-
stræ, sine iusta ratione prætensis, easdem solùm rationes hoc scri-
pto opponimus, quas coram ex nobis, nostrisq; sæpè iâ audierunt.

I. Nimirum cum doctrinæ ipsorum professio, quàmuis nos in
ea, si non plura certè non pauciora, quàm ipsi in nostra, desidere-
mus Protocollis nihilominus inferenda sit, nihil nobis videri ini-
quius, nihil Instructioni Regiæ & responso Orlensi, aut pactis con-
uentis præliminaribus repugnantius, quàm si quod ipsis conceditur
nobis negetur.

2. Tum autem postquam nostram publicè iam prælectam esse, non hîc modò omnibus constat, sed ad cæteros quoq; fama loquax longè lateq; disseminauit, imò postquam Sacratiss. Regiæ Maiestatis manibus oblata iam est, ac veluti Protocollo omnium nobilissimo inserta, quid inconsultius fingi posset, quàm ex conuentus huius Protocolli proprijs eam rejci? An non tota Protocollo-
rum nostrorum fides, eo ipso labefactabitur? an non alia etiam acta compluria similiter omissa esse cætera secus quam Acta fuerint narrata, quibus merito suspicabitur?

3. Quid verò absurdius, quàm alia quidem minùs necessaria, ac ferè parerga, vt declamationes, protestationes, satisfactiones, quas pleraq; vel nunquam propositas, vel minimè consignatas præstitisset, Protocolli sollicitè inseri, illud verò, in quo totius negotij cardo vertitur, ipsas nempe doctrinæ cuiusq; partis expositiones, quarum causa maximè conuentus hic institutus est, ex ijs eliminari.

4. Quod si in prima actione nudam sententiæ nostræ, vtpotè ipsis aduersæ, Professionem in Protocolli ferre nequeant, & quis nobis fidem faciat, in secunda actione suæ sententiæ oppugnationem, nostræ defensionem, quæ grauiori vtiq; offensioni erit obnoxia, toleraturos? Quid igitur in cassum porrò hoc Colloquio laboremus, si à tribulis publicis nostra omnia prætextu offensionis Catholicorum, aut obedientiæ Prælatorum arcebuntur, & hâc veluti bisi totius reliquæ actionis remotâ, cui tandè fundamento defensionem deinceps, aut refutationem nostrâ inædificabimus?

5. An non autem omnis hoc pacto Colloquij huius fructus tam ipsis quàm nobis intercidet, si quod vtriq; in propositionibus nostris maximè spectasse videmur, vt absteris falsis imputationibus, neutra Pars alteri a iena ab ipsius mente dogmata deinceps affingeret, huius quoq; Professionis mutux, & attestationis monumentum ex Actis publicis eradatur?

6. Quo

6. Quo verò pacto ad vnionem Romanæ Ecclesiæ, quod sibi quidem maximè in votis esse ipsimet profitentur, nos sperent posse reduci, si ne sententiam quidem nostram, & secessionis causas æquis animis, vel ipsi audire sustinent, vel aliorum considerationi exponere? Quæ tandem via supererit quæ errores illos, quorum nos accusant, vel nobis, qui iam hic adsumus vel cæteris fratribus, atq; Ecclesijs nostris possint eximere, an non imò eo ipso vel maximè in ijs nos confirmabunt?

7. Quod si etiam charitatis aliqua, vel saltem æquitatis cura est, quid æquius, quid uè charitati Christianæ conuenientiùs, quàm ut iisdem Protocollis, quibus accusatio confessionis nostræ, atq; reiectio toti Orbi Christiano exponetur? ipsa etià confessio (liceat enim eam cū vulgo iam sic appellare) velut rea eidẽ tribunali sistatur, ut quo iure quauè iniuria, accusata reiecta uè sit iudicari possit.

8. Deniq; si causæ suæ præiudicium aliquod metuant, ecquod grauius ipsimet aduersus seipsos præiudicium acta ista legentium, vel audientium animis iniicere poterunt? an pleriq; suspicabuntur plurimum obesse eam confessionis nostræ declarationem? quam ex Protocollis tanto molimine eiectum eunt, quàm tamen ratione, quid tandem aliud lucrabuntur, quàm quod pleriq; ut sunt homines in vetita procliuiore, tanto auidius ad eam noscendam aliunde rapiuntur. Simulq; hoc ipsum nostræ quidem de causæ bonitate fiducia, ipsorum verò (ignoscant sincere monentibus) diffidentia cuiusdam luculentum indicium esse videbitur. Hæc aliaq; huius generis, quæ iam repetere omnia super sedemus, qui propè considerarit, agnoscet profectò ipsos, si in hac sententia persistant, malè quidem causæ nostræ, peius verò charitati uo huic colloquio, at sibi ipsis suæq; causæ minimè omnium consulere.

Cæterum, ne tamen vel sic illa detrectandi porrò Colloquij in nobis residere queat suspicio, ecce nos sepositâ paulisper illâ de propositionibus in Protocolla inferendis quæstione, iterum DD. Ca-

tholicos ad censuram ipsorum in realibus doctrinæ à nobis propo-
sitæ capitibus singulis audiendam, ac vicissim propositionum ab
ipsis oblatarum, (quas absit vt silentio nostro approbauerimus)
considerationes nostras seu scripto, seu voce proponendas, atque
ita vtrumq; in liquidatione doctrinæ progrediendum nos ipsos of-
ferimus. Si annuant in nobis nulla erit mora, quin ad inchoandam
illam collationem, siue priuatam, siue publicam, vel hac ipsâ ho-
râ (si ita videbitur) progrediamur; si cunctentur, aut abnuant id
saltem, quâ par est obseruantia ipsos rogatos volumus, vt culpam,
vel impediti, vel dissoluti Colloquij huius, nobis deinceps imputare
desinant. Quod declaratione tantum Fidei nostræ Proto-
collis inserta, sine vlla vltiori liquidatione abutum nos parasse
arguunt, nominis Catholici possessionem sibi tam operose asserât,
nobisq; adimant, omnium iurium confusionem, rerum pertur-
bationem inde arcessant, aut Fidei nostræ expositionem Principi-
bus, vel Principalibus nostris, ipsis ita iubentibus, quod & per con-
ditiones præliminares, perq; responsum Regium, ac Conuentum,
Orleñ licuit, à quibusdam nostrum exhibitam in crimine ponant,
vel eiusdem editionem, si quæ vsquam paratur, (cuius nos quidem
minimè conscij sumus) nobis imputent, vel deniq; ipsis Protocol-
lis huius Colloquij à Cathalogolibrorum prohibitorum, per ex-
clusionem doctrinæ nostræ tam sollicitè caueant, & quædã alia no-
uissimè huic declarationi admisceant, illis refellendis, poteramus
nos quidem sermonem non minùs prolixum opponere, & cri-
men illud neglectæ Instructionis Regiæ ita à nobis remouere, vt
in ipsos meliori iure retorqueretur, quod debitum nisi porrò nos
arguere desinant, à nobis quamuis inuitis, non sine scœnore tan-
dem exoluendum erit. Sed nunc quidem eò abstinere, & tria
illa media ab ipsis proposita, paucis etiam attingere maluimus.
Ea verò ita comparata esse videmus, vt nequaquam nobis acce-
ptanda esse censeamus, quia & ab Instructione Regia aliena, &
præiu-

præiudicijs varijs obnoxia, & multis difficultatibus inuoluta, & neutri Parti vtilia, aut honorifica fore metuimus. Aliena quidē, quia S. R. M. non generales propositiones, sed omnium & singularum controuersiarum explicationes à nobis requirit. Præiudicijs verò exposita, dum reiectis doctrinæ totius declarationibus, earum loco generales tantum propositiones, & quidem ad præscriptam ab ipsis normam conscribi, & Protocollis inferi volunt, vel cum duobus saltem tribusue Theologis, etsi integræ Partes consentire nolint, talem collationem institui. Difficilia autem, quia non magis sperandum est propositiones de controuersijs generales, quæ ipsis satisfaciant, quam declarationem antea specialē à nobis conscribi posse. nec minùs imò longè plùs temporis ijs primo formandis, deinde recognoscendis, postmodum declarandis, demum depurandis, & penitus liquidandis impendendū foret. Inutilia verò, quia per angustias reliqui temporis vix rectè inchoari nouum istum controuersias liquidandi modum, nedum per omnes, aut saltem præcipuas percurri posse præuidemus. Vnum, verò aliquem vel minimum, vt ipsi veile videntur, articulum, ita pertractari, perexiguum foret Colloquij huius tanto conatu instituti, tantoq; sumptuum & temporis dispendio, hucusq; continuationis pretium, varijs imò omnium toto Christiano Orbe partium calumnijs, cauillis, ludibrijs, obnoxium. His igitur medijs bona ipsoꝝ cum pace sepositis, vt tamen omnes Colloquio huic porro etiam continuando nos paratissimos esse agnoscant, nostra ex parte tria alia & conuenientiōra, vt nobis videtur, & vtiliora, & faciliōra, & æquiora, & Regiæ menti magis consentanea proponimus.

Primum illud quod iam superius attigimus, vt ipsi declarationis nostræ recognitionem specialem, per singula & præcipua doctrinæ capita considerandam nobis proponant, ac vicissim ipsi nostras propositionum ab ipsis oblatarum considerationes, à nobis alternatis vicibus acceptent, atq; ita vtrinq; in pleniori declaratione

tionem, & liquidationem doctrinae pergamus. Alterum si forte propositiones nostras, ut hactenus ita deinceps suam considerationem non dignentur, saltem in suarum propositionum ad recognitionem à nobis offerendam (quae iam parata est) declaratione, depuratione, ac liquidatione nobiscum progrediantur. Sin autem ne hoc quidem medium placeat, Tertium, & ex nostra quidem parte ultimum illud proponimus, ut selecti utrinque Theologi, seni aut septeni praesentibus utriusque Partis Praesidibus ac Directoribus, familiari Colloquio, in loco tamen publico, utraque & nostras, & ipsorum propositiones, inter se ita conferant, ut ex illis communi deliberatione, atque consensu propositiones certas excerpant, formantque ex quibus quatenus utraque Partes inter se consentiunt, quatenus verò, & in quibus differunt, cuius docto, & indocto manifestum fiat, ut quae propositiones illas à delectis illis Collocutoribus, ita formatas, & per Notarios consignatas, per singula capita, suae quisque parti considerandas, porro examinandasque proponat, atque ita ex omnium tandem consensu tota liquidatio dogmatum controuersorum perficiatur, ac tum demum ad eorundem quae controuersa manebunt defensionem, aut refutationem procedatur. Hac via si pergamus eius, quod restat quamuis exigui temporis spatio modo animis utrinque solius veritatis, & charitatis cupidis conueniatur plus utilis operae, quam duobus hactenus, aut tribus mensibus, utrinque nos praestituros confidimus. Huic autem negotio inchoando, & si nos quidem, vel haec ipsa hora parati simus, si tamen deliberandi aliquod spatium, sibi concedi postulant, dicemus crastinum designari optamus.

Subiunxit Peril ustris & Adm. R. D. Archid. Vilnae. Protestati sumus ab initio, quod hoc scriptum in Protocolum ad mitti non possit ob sequentes rationes. I. Quia totum illud scriptum, quod antea lectum fuerat contra nostras rationes, insertum est, de quo tamen conuentum fuit omnium consensu, ne

extaret in Protocollo, ex ea potissimum ratione ne scriptis inutilibus pretiosissimum tempus tereremus? 2. Quia in illo imputantur nobis quæ nunquam sunt acta, aut non eo modo acta. 3. Quia hoc scriptum magis ad dissensionem, quàm ad finem, quem S. R. M. intendit, facit; eò quod multa insunt offensiva. 4. Quia expectauimus responsum à Theologis Reformatis, nullum autem habemus, nisi ab Illustriss. D. Castellano Chelmen: protestamur proinde, & rogamus, vt descendant nobiscum iuxta Instructionem S. R. M. in arenam.

Tum Illustriss. D. Castellano Chelmen. Replico (*inquit*) ad verba Adm R. D. Archidiaconi Vilnen. nullam rationem esse sufficientem, quâ hoc quod iam declaravi nomine totius partis Reformatae, actis excludi posse, aut debere probat. Nâ primo etiamsi consensu fuit, ne memoriale prius prælectum actis insereretur, attamen cum in prælecto à R. P. Schönhof scripto eadem, quæ nos oppugnant, rationes aut directè aut indirectè, sunt allatae, ideo necesse fuit, ad virumq; illud scriptum, vno solo, lucrandi temporis gratiâ, respondere. Quoad 2. Realitas eorum, quæ dicta sunt, magis à parte Reformatae Religionis Professorum stabit, quod acta ipsa, & Protocolla Orbi demonstrabunt. Quoad 3. An offensiva aliqua scripto huic insint, Orbis iudicabit. Quoad 4. Quod non Theologus nomine partis totius Reformatae responderit, ideo factum, quia metus fuit ne per interpellationē, aut verba aliqua à fine charitativi colloquij valde aliena, Theologo respondentem maior crearetur acerbitas, & negotium hoc eo magis impediretur: si verò à protestatione non recesserint DD. Collocutores Partis Catholicae, vicissim reprotestatur Pars Reformata, se etiam refragari vt prælecta à DD. Catholicis, quæcunq; illa nouiter sunt illata, inserantur,

*Tandem Illustris & Adm. R. D. Zawisza Archidiaconus Vilnen. Re-
feremus ait ad Partes. Sessio soluta & in diem sequentem indicta.*

S E S S I O XXXIII.

Septimâ Nouembris.

*In præsentia Illustrissimi D. Legati & DD. Deputatorum, petie-
runt DD. Augustani ut responsû ipsorû ad proximâ declarationẽ DD.
Catholicorum, à R. P. Schönhof 2. Nouemb. propositam prælegeretur.
Quod cum DD. Catholici certas ob causas non admitterent, auditâ ho-
râ duodecimâ, soluta est Sessio.*

Die Octauâ Nouembris.

Eadem controuersia agitata fuit, sed nec dum componi potuit.

S E S S I O XXXIV.

Die Nonâ Nouembris.

*Cum Illustrissimus D. Legatus, suo & Catholicae Partis nomine, scri-
ptum quo DD. Augustani, DD. Catholicis respondere volebant, admitte-
tere & actis inferri nollet, DD. Augustani contra id Manifestationem
eo, qui sequitur, modo fecerunt.*

*Quandoquidem Augustanæ Confessionis Professibus nomine
tenus compellatis per ultimam Declarationem Dominorum Catho-
licorum, die secunda Nouembris præsentibus Illustrissimis DD. Le-
gato & partium Præsilibus prolatam, necessitas imposita est respond-
di, ad quod responsum reddendum iam per sextiduum parati fuerunt,
admittiq; constanter petierunt: E contra DD. Catholici non obstante,
quod ipsorum sermo & Partis Reformatæ responsum, sine ulla Præsidi
censurâ eodem loco iam audita sint, responsum tamen Augustanorum, ci-*

tra

tra prauiam S. R. Maiestatis censuram admittere, mediâq; ad progres-
sum Colloquij facientia saltem audire noluerunt. Nos autem euicentē
illam inaequalitatem inter partes & futuram temporis iacturam atten-
dentes, antequam censura à S. R. Maiestate possit obtineri, mediū hoc
ab Illustrissimo D. Legato propositum, moram huic negotio iniecturum
& quod superest ad metam Colloquio positam exiguum temporis spatium
planè cōsumpturū esse praeuideamus ideo manifestamus non posse nos per-
mittere, ut inferiores & viliores habeamur, quam Pars Catholica fuit
in proponendo, & Reformata in respondēdo; sed petere instanter & instan-
tissimè, ut eadem facultas nobis fiat propinendi nobis nostrum respon-
sum, quæ scripta & data est Parti Catholicæ & Reformata. Quod si hoc
non concedatur; manifestamus porro, nos neq; moræ huic sancto negotio
iniectæ & iniiciendæ, neq; dispendij si quod inde est oriturum reos esse.
Reseruare autem nobis per expressum facultatem competentem propo-
nendi ea in publico quæ hactenus, fuerunt repulsa; & nequaquam re-
nunciare Actioni publicæ magno cum dolore nostro hactenus impeditæ,
sed paratos esse vel hac die descendere, ad liquidationem, siue etiam ad
collationem de Vero & Falso, postquam honestissimis petitis nostris
ipsiq; equitati, ex iure naturæ & gentium, maximè autem ex vigore
Inuitationis & Instructionis Regiæ nobis debitè fuerit satisfactum.

Quâ Manifestatione Audita, Pars Catholica ad suos referendi & vi-
cissim respondendi potestatem sibi reseruauit.

Decimâ Nouembris.

Propter vrgentiſſimas occupationes Illustriss. D. Legati, & abi-
tum ex Vrbe, delata est Sessio & in diem Lunæ, proximæ sequentis heb-
domada indicta.

SESSIO XXXV.

Decima octauâ Nouembris.

In praesentia Illustriss. D. Legati, & Illustrissimorum DD. Deputatorum insinuarunt DD. Catholici ad proximum DD. Reformatorum 6. Nouemb. praelectum Memoriale, responsum, quod nomine Illustrissimi & Reuerendissimi D. Episcopi Samogitiae, vti Praesidentis Catholicorum conscriptum 7. Nouemb. quidem paratum habuerunt, praelectionem tamen eius in hunc usque diem distulerunt, eo quod priuata quedam collatio inter DD. Catholicos & Reformatos intercessisset, & DD. Notariis tempus interueniens relectioni Actuum concessum fuisset. Cuius responsi praelectionem Illustriss. D. Castellanus Chelmen. nomine Parvis Reformatae admisit, libertate sibi reseruata paucis verbis, ad illud respondendi. Responsi autem tenor est talis.

Illustrissimi & Magn. Domini.

Tandem nostris imò & Sereniss. Regis D. Nostri Clementissimi, omniumque Illustrissimorum ac Rndmorum Regni Episcoporum, atque imprimis ipsius Illustriss. ac Rndmi Metropolitani, Archiepiscopi Gnesnens. votis, ac intimis desiderijs videtur annuere benignissimus DEVS, quando post illos, tam praelimuminarium conditionum scopulos, tum incidentium haecenus difficultatum lyres, Colloquium nostrum, (vti ex nupero cum Parte Reformata pacto, & consensu sperare fas est) secundiore cursu videtur profecturum: Deum meo, & omnium meorum nomine supplex oro, vt cursum istum secundare, & Diuini Spiritus sui aurâ, ad portum dignetur prouehere. Quod reliquum est ne fortè in similes deinceps scopulos, aut breuia impingamus, visum est mihi, Illustriss. & Mag. DD. Vestris, nonnulla in antecessum proponere, quae tanto plus ac melius ad futurum cursum faciant, quanto nos ex parte nostra, ad ineundum, & prosequendum hunc cursum, promptiores paratioresequi esse ac semper fuisse iudicabunt.

Cum nuper ad consessum DD. Vestrarum nostrum Theologum destinassemus, non aliud nobis propositum fuit, quam declarare

rare nos progredi quidem serio velle, sed progredi non posse; si DD. Vestrae pergent vrgere acceptationem diu iam, & saepius reiectarum à nobis Vestrarum (vt vocat) Confessionum: deinde verò modos suggerere, quibus negotiū procedere posse visum est, si exclusis vel sepositis tātisper illis Confessionibus procedere, prout inuitabamus, velletis.

Hic erat sensus noster, hæc omnium Oratio, neq; quidquam ad inuidiam, in vos deuoluendam, dictum est. Rationes, quibus moti confessiones illas semper repulimus, modestè & sine vlla penitus offensa (quod agnouit Illustriss. D. Castell. Chelm.) productæ sunt, in eum tantum finem, vt constaret orbi non temerè repullas esse.

Vos ista ad inuidiam vestram dicta esse interpretamini, & acerbè nos, & dicta nostra tractatis. Impediui, quibus maximè modis potui, ne quis Theologorum meorum, paria vellet reponere, & optassem, DD. Vestrae suis interdixissent. Seruabo constanter, quod nuper denunciari iussi, non permissurum me, vt nouis hiscè rationum certaminibus, obex ponatur. Si permittenda sunt, expediantur lateraliter, sine impedimento causæ publicæ.

Vnum illud commemoro, aduertere vos ipsos potuisse, ea omnia, quæ tanto molimine congeruntur, inutilia esse, & ad persuadendum inefficacia, si intelligere voluissetis, quænam apud nos sint præcipuæ, & veluti fundamentales causæ, reiectarum Confessionum Vestrarum. Generatim omnes ad tria Capita reuocauimus.

1. Quòd Confessiones Vestrae aduersentur eorum sensui, qui nobis præscribere, & imperare potuerunt. 2. Quòd nobis sint præiudiciosa & noxia. 3. Quod vobis, & toti negotio inutiles.

Hoc postremum sufficere vobis potuit & debuit, vt intelligeretis omnes vestras ratiocinationes, & censuras esse ruiosas. Nam supremū & potissimum omniū rationū, & discursuum vestrorū fundamentum est, (ad quod cætera omnia reuocantur) quòd istiusmodi forma Confessionū necessaria vobis viā sit ad hoc, vt mentem & doctrinā vestram sufficienter, quantum præsens negotium requiebat, explicaretis.

Et quidē si ita Confessiones vestras à negotio arceremus vt simul vetitū vellemus, ne vlllo deinceps pacto doctrinā vestrā & singulos particulares articulos in mediū proferre liberū vobis foret, haberetis profectò causam tantoperè expositulandi, & hanc quasi vnicam viam vrgendi, quā producere vobis liceat omnia & singula dogmata in publicum. Sed enim si hoc obijcitis, iniuriam nobis facitis, & notā impingere vultis, quam neq; ferre possumus, neq; iure debemus. Sæpè sæpiùs contestati sumus, liberū & integrum vobis fore, vt omnia & singula vestra dogmata, singulaq; dogmatum partes ac particulas, vsq; ad minutissimos articulos, & tenuissima opinionum vestrarum filamenta in publicū producat; quidue nobis consonum, quidue à nobis dissonum, in catibus vestris doceatur, liberrimè & integerrimè suo tempore, suo loco edisseratis. Quis enim hoc vetet? itanè nos hebetes esse censetis, vt quod vnicè, & summè omniū ad præsens negotium necessariū est, à negotio arcendū esse decreuerimus quasi ignari, quid agendum, quid in præsentiarum tractandum susceperimus?

Scimus scopum nobis propositum esse, vt tollantur s. fieri potest dissidia doctrinarum. Quis verò ea tollat, nisi doctrinæ adinuicem conferantur? Quomodo autem conferantur, nisi in medium hinc inde liberrimè & integerrimè proferantur?

Non igitur proferri vetuimus, nec vetamus. Ipsi vos memorias & conscientias vestras consulite, quoties vobis istam libertatem obtulimus, concessimus priuatim, publicèq; assecurauimus? Nō memorabo vices alias, expendissetis saltem hanc ipsam extremam, quam iam impugnatis, declarationem nostrā, ibi vidissetis aliquoties specificationem dogmatum, non prohiberi à nobis, sed expeti. Quare primum saltem quem suggessimus, ad progressum principalis negotij modū, non inspexistis? vbitantum vobis in eam rem concedimus, quantū prudentissimus quisq; desiderare potuit? nonnè ibi disertis & expressis verbis dicimus; *Libenter nos permittere, vt pauculis & generalibus propositionibus succedant singularum d. & b. inarum, aut capitum declarationi-*

tionem, & descensus usque ad particulares, & particulatissimos articulos, & ne quid videamur subtraxisse eorum, quæ in scriptis hætenus porrectis, id est, in prænominatis Confessionibus comprehendebantur, ipso declarationis tempore, ex iisdem scriptis singula propositiones in medium producantur, & cum nostris quoque declarationibus conferantur. Quod si visum fuerit, ut hæc ipsæ propositiones declarationis loco Protocollo inserantur, non immutatis substantialibus, & ijs quæ concernunt doctrinam, omiſſis tamen quæ manifestè offendunt, ad singula declarationum nostrarum puncta, inserantur singula similiter ex his scriptis translata, ita ut post propositionem generalem, una quæpiam nostra declaratio, locum suum occupet, proximum verò Partis oppositæ declaratio, iisdem verbis concepta obtineat, atque ita procedatur in longum, à primo capite usque ad ultimum. Quid desiderare poteratis liberaliùs?

Itaque incompetens erat, & ad invidiam quæſita Confessionum, illarum defensio, quâ persuadere imperitis nitimini, impeditos vos esse, ne doctrinam, & singulos doctrinæ articulos, exactissimè in mediū proferre vobis liceat. Minimè verò gentium. Proferte, enarrate, edicite omnia capita, singula membra, secate, discerpere, anatomizate exactissimè, nobis etiam urgentibus; quidquid agendæ rei necessarium est, agite: vnum illud duntaxat cauete, ne quid agatis, quod hic minimè agendum est.

Tale verò est Confessiones condere, librum conficere. Tractatus integros, indiuisos, non interpolatos, doctrinam nostram non interfectos Protocollo inserere. Hoc ad cognoscendam doctrinam, ad conferenda dogmata, ad dispiciendum dissidium, ad disquirendum pacis, & concordie modum, minimè necessarium est: imò novas Confessiones sancire, nihil aliud est, quàm vel ipsum dissidium stabilire, vel anſas, causas, formam, & animam dissidio subministrare.

Nobis propositum est, doctrinas conferre; conferri autem doctrinæ non solent, nec possunt, per integros tractatus. Sed membratim, diuellendæ sunt, & per partes ad inuicem componendæ. Hoc nos facturos

Eturos toties promittebamus, tantum capita quædam in pauculas propositiones distributa, præmitti (iuxta Instructionem Regiã) optabamus, vt sciremus saltem genera vel species dogmatum, de quibus deinceps conferendum esset. Vos ex occasione istorum summorum, capitum, & summariarum propositionum ingentes tractatus concinnastis. Istos reiecimus grauissimis ex causis, quas nuper audiulistis: reiecimus, inquam, non vt res ibi comprehensas à tractatione, quæ suscipienda fuit, excluderemus, sed vt in locum proprium tractationis differremus, vt suo tempore in alia, forma, eadem ipsa, omniaq; alia ac singula dogmata declarando reassumerentur.

Vestri iniuriam clamitant, queruntur, nos inuadunt, nos damnant, nos, famamq; nostram indignè tractant. Quæ nostra culpa? quid tandem est, quod tantopere ambitis? quid vestrâ interest, vt Confessiones illæ ex hac officina prodeant? quid negotio prodest, vt hanc formam, & nomen retineant?

Hoc vno fundamento conuulso ruit omnis illa strues vestrarum contra rationes nostras munitionum; & nostrarum declarationum, allegationumq; impugnatio. Pauca recensebo, missis plerisque, quæ tantum ad pompam orationis inserta sunt. Atq; inprimis quidem cur recognitionem Confessionum vestrarum, & eorum, quæ corrigi, vel expungi oportuit, particularem notationem detrectauerimus, septem nuper rationes produximus, quarum nulla hactenus confutata est. Neque verò eratis ita parum sagaces, vt ex generalibus nostrorum notationibus, assequi non potueritis, quid à vobis corrigi, quid expungi vellēt. Inprimis autem illud optimè, ex frequentissimis declarationibus sciebatis, nostros pauculas, breues, & generales de capitibus doctrinarum propositiones velle: vos tractatum & Confessionem volebatis. Hanc corrigi, hanc in breuiorem formam redigi, seruatâ in alium locum pleniori tractatione, nostri postularunt. Hoc vobis durum, hoc visum fuit impossibile, hoc demum est quod tam amarè accusatis, exaggeratis, exacuitis, quasi factum non ex conscientia, non ex lege charitatis.

tatis, sed ex affectu & suspicionibus, ex obliuione eorum, quæ
vtrinq; acta sunt, adiectis etiam non paucis, quæ nos grauiter offen-
dunt, vt cùm interpretationem Instructionis Regiæ, Illustriss. Legati
nomine factam, nostramq; declarationem tanquam declamationē,
& acuminatam accusationem sugillatis, cùm protestationē Illustriss.
Cancellarij, & meam, ignominiosam, contumeliosam, iniuriosam re-
iectionem appellatis, cùm supplementum, voluntate & autoritate
Regiæ allatum, viliter compellatis, cùm omnem vestræ Confessionis
correcturam, à nobis toties expetitam, & à S.R.M. requisitam, ad so-
lam expunctionem negatiuarum propositionum reuocatis, cùm so-
lemnitates in priuata correctura non admissas, omisissis nostris iustissi-
mis causis, & alijs remedijs, exaggeratis, imò cùm deliberationes à
vestris sæpè protractas, nobis tacitè exprobratis: cum de rationibus
contra vestra scripta per nos allatis, ita narrationem instituitis, ac si
easdem subducere voluissemus Protocollo, cùm tamen inter vtrāq;
partem conuentum sit, inferendas esse, si ipsi suas, quas opposuerant
inferi vellent. Hæc, inquam, & longè plura, incautè, & asperè dicta
vehementer nos lædunt, & iustas parti nostræ extorquent querelas,
prouocantq; ad reponendum; neq; deessent, quæ abundè reponi pos-
sent, nisi nobis charitas, & beata pax esset cordi. Vos Illustriss. & Mag.
DD. oratos velim, vt autoritatem vestram interponere velit, quā
ab his confessibus arceantur ista partium irritamenta, quæ sola suf-
ficere possent, vt finem potiùs negotio imponamus, quàm vt irritati
pro pace, maiora odia domum reportemus. Examine, si vobis li-
bet, postremæ declarationis nostræ verba singula, nihil profectò re-
perietis, quo vos oporteat offendi. Rationes cur Confessiones Ve-
stras non admiserimus, ex nostra parte iustissimas producere volui-
mus: in vos frustrati negotij inuidiam detorquere non intendimus;
liberam vobis defensionem vestri reliquimus. Produxissetis locu-
pletissimas rationes, cur pro Vestris Confessionibus tanto hætenus
opere egeritis, libenter audiuissemus. At quid opus erat tanto in nos

impetu ruere? non infirmus nos in ea, quæ in rem vestram allegatis, ut probetis non fuisse vobis integrum à Confessionibus illis, resilire.

Habeant illæ rationes robur suum, quod habere aptæ natæ sunt, Fraternaliter vos audimus. Primò, cum profiteamini vos Fidei vestræ professionem, quam ex Dei verbo hausistis, hominum gratiâ aut metu, in realibus mutare non posse, ne & summæ inter homines leuitatis, & inconstantiae infamiam, & vilipendij ac inobedientiæ, erga Maiestatem Diuinam crimen grauissimum incurratis. 2. Cum conquerimini iniquum videri nostras Propositiones Protocollo inferi, vestras Confessiones excludi, quamuis videamini si non plura certè non pauciora in nostris desiderare. 3. Cum commemoratis vestram Confessionem iam publicè prælectam esse, idq; famam loquacem ad externos extulisse, atq; adeò infame fore, si iam reprobetur. 4. Cum meministis tandem etiam Regijs manibus per Internuntios vestros oblatam fuisse, ac per hoc veluti nobilissimo Protocollo inferri, ideoq; nihil inconsultius fingi posse, quàm à Protocollis Partium excludi. 5. Cum auguramini eâ ratione omnem Protocollorum fidem vacillaturam. 6. Cum indignamini plurima minoris momenti Protocollis inferri, id verò quod omnium maximū est, excludi. 7. Cum male de toto negotio ominamini, si semel quod nobis aduersari videtur, rejicimus. 8. Cum negatis, quidquam deinceps agi posse, si hæc veluti basis, cui omnia inædificanda sunt, euertitur. 9. Cum dubitatis, quo pacto nos vobiscum unionem desideramus, si ne vestram quidem sententiâ æquis auribus & animis excipere possumus. 10. Cum interrogatis, quæ tandè alia super sit via ad eximendos vobis vestrisq; Fratribus errores, quorum vos accusamus. 11. Cum Confessionem ipsam accusationi Confessionis, necessario in eodem Protocollo iungendam esse dicitis. 12. Cum ab exclusionem eius Confessionis maximū causæ nostræ præiudicium comminamini. 13. Cum inde luculentum, diffidentiae nostræ indicium & argumentum sumitis. Hæc, inquā, & alia, quæ in defensionem Confessionum vestrarum signastis retineant

per

per nos robur suum, qualicunq; tandem pollere vobis visa sunt. Nos in ista propugnacula, quibus vos tuemini, impatienter nō inuachimur. Orbi vniuerso iudicium committimus. Iudicent prudentissimi quiq;.

1. Vtrū crimen sit propositiones condere, vbi propositionum locus est, & à Confessione nouiter condenda abstinere, vbi aliud agitur. 2. Vtrū par sit ratio vestrarum Confessionum, & nostrarum propositionum; quas initio non tantū non accusastis, sed mirè laudastis, & indoluistis, non præhabitas fuisse ad exemplar vestrarum: nunc vetò primū vindicem manum minitamini. 3. Vtrū prælectio Confessionis vestræ, contra quam & ego, & Illustriss: D. Legatus Regni Cancellarius solenniter protestatus est, ius ei contulerit, vt inferatur Protocollo. 4. Vtrū à manibus Sereniss: Regis, à quoreprehensæ sunt, & improbatæ, valorem acceperint. Nam qui S. R. Majestatem collaudasse Confessionem existimant, næ illi vehementer errant. DD. Internuntiorum memoriam, & testimoniū compello. 5. Vtrū fides Protocolli vacillet, si aliquid solenniter reprobatum non contineat. 6. Vtrū in contentis Protocolli rerum magnitudo, an Actorum legitimitas attendenda sit. 7. Vtrū à nobis Confessiones reiiciantur, quia nobis doctrinæq; nostræ contrariæ sunt: an quia eius formæ Confessiones, non suo loco, nō suo tempore positæ, relicto iure & plenâ potestate, eadem omnia dogmata alibi integerrimè in publicum producendi. 8. Vtrū concessio hoc iure basis negotij emota sit. 9. Vtrum æquis auribus & animis instructissimus, qui suo loco, suo tempore omnia audire, & excipere paratos nos esse, toties denuntiauimus. 10. Vtrum non hæc ipsa sit aptissima via vestros vobis errores, suo tempore, suo loco eximendi. 11. Vtrum iustum sit inferi Protocollo Confessionem accusatam, quæ ex iustis alijs causis ideo accusatur, vt non inferatur. 12. & 13. Vtrum illi sibi præiudicent, aut causæ suæ diffidant, qui ius amplissimū concedunt, vt suo tempore, & loco, integra causa doctrinæ nostræ, in medium proferatur, atq; etiam exactius & copiosius quàm in vestra Confessione expressa sint.

Hæc, inquam, diiudicent nostri ac vestri, & utriq; de nostris quoq; causis, quibus persuasi Confessioni tantopere obstitimus, pronuncient.

Secuti sumus sensum, & desiderium, nutumq; S. R. M. suscepimus imperium eius, qui in hac causa imperare nobis potuit, Illustriss. Regni Primatis, ab Instructione Regia, tanquam optima & sapientissima totius negotij regula, & vnica in hoc æquore Cynosura, dimoueri nolimus; timori iusto, & ex grauissimis causis primitus concepto, tempestiuè consulimus; Protocollū ab Ecclesiastica censura præcustodiuius; deniq; solā vsurpatione Catholici nominis, cuius insigne Confessioni non Catholicæ affixum fuit, à toto negotio & vltiori tractatione nos detrudi, professi & protestati sumus. Hæc sanè tanti momenti sunt, vt nō potuerit prudens charitas importunitati vestræ cedere.

Quod si cui vestrum, ista non satis faciunt, nobis parum est, non ab omnibus probari. Nec propterea à nostra sententia dimouemur. ad plura vestrorum nostrorumq; suffragia prouocamus.

Iudicabunt sine dubio, vestri quoq; non debuisse vos, vnus, non necessarij, inutilis, superflui, impertinentis, incommodi scripti gratiā, in negotio tanti momenti, tantæq; necessitatis, tot, & tam diuturnas difficultates facessere. Dispicient, fueritnè ad propositum finem, bonosq; progressus tale scriptum vsq; adeò necessarium, vt penitus sine ipso non fuerit integrum, sine vllō incommodo, adhibitis alijs, melioribusq;, nec vlli parti aduersis, aut præiudiciosis medijs, finem persequi, hoc est, itanè necessarium fuerit, istiusmodi tractatus edere, quin aliā viā, alijs medijs licuerit, & explicare partis suæ sententiam, & percipere partis oppositæ doctrinam, & utrosq; partium sensus, inter se componere. & deniq; videre in quo posita fuerit hætenus, positaq; sit hodie disidij summa: & an, aut vbi lateat spes pacis, ac concordiae? disquirent, quid tandem incommodi acceperitis, si, dando locum Catholicorum iustis rationibus, scriptum illud, non dico sustulissetis, sed distulissetis, & à modo tractatus ac Confessionis transulissetis in modū ac formam collationis, ita dispositæ, vt singulis vestrarum declaratio-

num

num punctis, proximè & imediatè subijci, & immisceri possent singula puncta declarationū nostrarū. Quid enim ampli⁹ à nobis, vel vos ipsi requirere potuistis? vel requirant deinceps quāuis rigidissimi Iudices,

Iam verò nostri, vt nihil aliud habeant, cur pro nobis pronuncient, vnum illud, ad reprobendam Confessionem vestram, suffecisse abundè dicent, quòd obtrusa sit sub titulo Catholicæ doctrinæ.

Duplici iure hoc nomen nobis asserimus, Ratione & Præscriptione. Vos hætenus neutrum probastis. Multa à vobis dogmata, quæ Catholica sunt; credi, & doceri non diffitemur. Sed quemadmodum, annulus aureus in torque æneo, non facit torquem aureum; ita nec vna veritas doctrinam Catholicam. Indiuisibile est ex sua forma nomen Catholicum, aut totum tenetur, aut totum perditur. Nec de eo plura. Restabat, quæ diffusè contra particulares quasdam in Cōfessionem Vestram notationes regessistis: Compendio decurram.

1. Negatiuas Propositiones doctrinæ vestræ, nemo nostrum excludere voluit, sed oppositiones affirmatiuarum, simul & negatiuarū; quas ad extremā primæ Actionis partem pertinere, non ignoratis.

2. Doctrinæ falsò nobis imputatæ, non hic à nobis repellendæ, sed à vobis omittendæ fuerunt, eæ præsertim quas à nobis iam damnatas esse constabat. 3. Sententiæ priuatæ quorundam Doctorum inferendæ non erant inter primas illas propositiones, quæ esse debebant, veluti semina & themata totius negotij; & ex præliminaribus conuentionibus sciebatur, nihil allegandum esse, nisi ex libris symboli-
cis, vel consensu totius Ecclesiæ Nostræ 4. Corollaria quoq; inter Doctos simplicibus assertionibus inferi non solent.

5. Doctrinæ nostræ declaratio, præsertim non satis æqua, propositionibus vestris immisceri non debuit, & nobis relinquenda fuit pro altera parte primæ Actionis, vti requirebat instructio.

6. Non equidem negamus, potuisse absolutè loquendo partes illas primæ Actionis in vno scripto confundi: at in hac causa, vbi agendum fuit de partium tantopere sibi aduersantium sensu, nihil magis

optandum fuit, quàm distincta tractatio, & progressio per gradus, ascendendo; à facilibus ad difficiliora. Nec plura.

Namq; quæ ad extremum de nostris propositionibus examinandis adijciunt, vel minæ sunt, vel nostra ipsorum met desideria: quid enim, amplius expetimus, quàm vt nostræ vestræq; propositiones examinentur, cum fuerit declarandi, & disquirendi locus? sed vos imprimis de integro tractatu propositiones facite: iam pridem promptitudinē nostram obtulimus, & vestram non semel euocauimus, duobus semper adiectis conditionibus. 1. Vt scripta toties repulsa sub hac forma Protocollo inferenda non obtrudatis. 2. Vt in omni deinceps Actione, teneatur modus præscriptus in Instructione Regia, à qua (quod aiunt) longius nostros hactenus abijisse, quàm vestros, mihi nouum visum est, & cōmīnationem probandi, eo spectare existimo, vt noua excitetur concertatio, quā reliquum tempus trahatur.

Deniq; ea quæ de modis in Principali negotio procedendi, nostris, non sine accusatione & censura opponere vobis placuit; reieceramus ad binos ternosue partium Theologos. Dispexerint illi, quid agi potuerit; & iam possit, ac debeat: quanquam vt (quod sentio) dicam in tempestiuum mihi iam visum est, de modis agendi differere; & vereor, ne exhibeant orbi ridendam potius operam, quàm probandam. Quis enim vnquam, cum negotio imponendus est finis, de modo primum agendi disputat? Procedant tamen: vtinam verò maturius actum fuisset! Si benè aduertere vultis, eum demum modum amplexi sunt vestri, quem toties palam, & priuatim suggessimus: & in ijs tribus modis, quos nuperrimè obtulimus, substantia cum vestro postremo, prout à vobis declaratus est, eadem est. Propter Notarios Iuratos nuper ad priuatā formationem thesium, à vobis non admissos, nostra aliquoties consilia repulsa sunt, nunc tandem probatis ipsi Notariorum ab isto examine absentiam. Vtinam iam in ipsa negotij extrema deuolutione fructum aliquem carpamus, & saltem ad metas bono populi Christiani plausu coronemur.

Inte-

Interim etiam atq; etiam obsecro, charitatem teneamus, & Vestra imprimis Illustriss. Dñatio Illustriss. Legate nihil concedat, nihil permittat, quo fieri possit, vt discedamus irritati.

Sessio Soluta.

SESSIO XXXVI. ET VLTIMA.

Die vigesimâ primâ Nouembris.

In presentia Illustrissimi D. Legati, & omnium partium Deputatorum, Illustriss. D. Castellanus Chelmenfis sic locutus est.

Ad præscriptum proximum à DD. Catholicis 18. Nouembris insinuatum, iam non replicamus, quia tempus id nunc non permittit. Præterea honorantes personam Illustrissimi & Reuerendissimi Dñi Episcopi cuius nomine prælectum fuit, cuiusq; humanitatem & suauitatem tractationis hic experti sumus, a responso super sedemus. Hoc tantum nos afficit, quod dicimur viliter compellasse supplementum S. R. M. quod longissime a nobis abesse profiteamur, & quod is, qui scriptum nostrum leger, facile etiam iudicabit.

Respondit Illustris & Adm. R. D. Zawisza, Quem admodum in charitate Colloquium hoc cœpimus, ita vt in charitate finiatu optamus. Theologi etiam nostri habuerunt quod responderet, ad illud proximū DD. Reformatorum scriptum: sed quia tempus nos excludit, & vt ostendamus fraternam Charitatem, etiam super sedemus.

Eadem Sessione obtulerunt DD. Catholici Remanifestationem contra DD. Augustanorum die 9. Nouemb. insinuatam Manifestationem, Quam cum DD. Augustani admittere nollent, nisi eâ conditione, vt ipsis liberum esset reprobare: censuit Illustriss. D. Legatus, rem hoc pacto in infinitum processuram adeoq; præstare, vt ros in suspensio maneat. Quod mediū licet Parti Catholica præiudiciosum visum sit, condescendendo cum autho-





ritati Illustriss. Legati & angustis temporis et si iam de Remanifestatione antea conuentum esset, studio tamen Pacis & Charitatis in hoc digressu retinenda, modeste ferendum duxit. Cui etiam medio, ab Illustrissimo D. Legato proposito Pars Augustana acquieuit. Sessio soluta & Colloquium, mutua valedictione & in fraterna charitate.

Georgius Tysskiewicz, Episcopus Samogitia, uti Praesides Theologorum Catholicorum mpp.

Joannes de Lesno Leszczynski, Castellanus Gnesnensis mpp.

Zbigneus de Goray Gorayski, Castell. Chelmen. Testor ita Actum esse, mpp.

Stanislaus Drohozowski, de Drohozow, Testor ita Actum esse, mpp.



Adamus Kos S. R. M. Secretarius Canonicus Kielcensis, hoc Protocolum conscripsi, & in ordinem digessi, tanquam iuratus eiusdem S. R. M. Notarius in Colloquio Charitativo Thoruniensi.

Fridericus Meyboch Archipresbyter Elbingensis Canonicus Gudsdiadensis S. Theologiae Doctor, hoc Protocolum conscripsi, & in ordinem digessi tanquam iuratus a parte Catholica Notarius in Colloquio charitativo Thoruniensi.

*Ad mandatum S. R. Maiestatis D. mei Clem. Acta hac Conuentus
 Troruniensis, ad Regij & Archiepiscopalis Protocolli fidem, typis Warsaviae descripta,
 ex speciali Commissione Illustriss. D. Castellani Chelmeris, cum Protocollo partis Re-
 formate accuratè ac diligenter controli, nec quicquam discriminis, quod quidem ad
 essent alia attinet, in ijs deprehendere potui. Curiositati tamen & forte an scrupu-
 lis nonnullorum ut eatur obuiam, pauca quaedam tuis, candide Lectr, oculis inspi-
 cienda propono, iudicandumq; annon fieri potuerit, ut interdum manus Notarij. li-
 cuius tardius cursum verborum loquentis & lingue velocitatem assequi non potuerit.
 Pauca ea sunt, quæ rem ipsam aspicere videri queant: pluscula, ubi Typographi
 operis errandi forsitan occasio præbita. Minuta planè, & vocis in alterius sonum me
 mutationem, tituliq; alicubi additionem aut omissionem, verborumq; transpositionem,
 scias me non acedè moraturum. Vale. Warsavia, 2 Iun. An. Christiano 1646.*

Ioannes Wundergoff.

*Protocollum Reformatorum non habet proœmium istud, quod in Warsaviensis
 Editionis extat frontispicio. Quaternions A. pag. 1. 2. & principio 3. Sed ita incipit:
 Illustrissimus ac Excellentissimus D. GEORGIVS à TĘCZYN
 Dux in Ossolin, S. R. I. Princeps, & supremus Regni Cancellarius, ad præsens
 negotium pacificè tractandum, & Fraternalitè continuandum, à S. R. M. Legatus,
 in hunc modum auspicatus est. REDIVIVVM &c.*

PROTOCOLL. REG.

A 2. p. 2. Tranquillâ Collocatione.

C1. Vniuersi Clerus & populus Chr.

C3. Louicij VI. Mensis Iul.

*D1. p. 2. Conditiones pro prima Actione,
 quæ quidem DD. Reformatis
 eadem die ab illis exhibitæ sunt
 Illustriss. D. Legato insinuarunt,
 DD. verò Augustanis non nisi
 31 Augusti, & sunt istæ.*

*D3. p. 2. Sic me Deus adiuvet, & hæc san-
 cta Dei Evangelia.*

E2. p. 2. Sibi arrogatæ Superioritatis

*H3. Liberum erit duabus reliquis, in
 id consentientibus, ex Protocol-
 lis, supra dicto modo, seruatisq;
 ipsdem legibus, vel ex Transum-
 ptis legitimè subscriptis Typo*

PROTOC. REF.

Tranquillâ collatione.

Vniuersus Catholicus & pop: Ch.

Lou. XVII. Mensis Iulij.

*Conditiones pro prima Actione,
 Illustriss. D. Legato insinuarunt,
 quæ quidem DD. Reformatis
 eadē die ab illo exhibitæ sunt,
 DD. verò Augustanis non nisi
 31 Augusti. Sunt autem istæ.*

*Sic me Deus adiuvet, & Sanctum
 Dei Euangelium.*

*Sibi arrogandæ Superioritatis.
 Liberum erit duabus reliquis, in
 id consentient. supra dicto mo-
 do, seruatisq; ipsdem legibus, ex
 protocollis suis, vel Transum-
 ptis legitimè subscriptis Typo*

Hh

pu.

REG.

publicare. Indicta est Sessio in
sequentem diem,

Bb 4. lin. 6. Vniuersum negotij cursum iu-
stissimè ex nostra parte sistere,

Dd 3. p. 2. l. 3. atque Antistites.

Ff 2. respondendi potestatem sibi refer-
uauit,

REF.

publicare. Sessio ad crastinam
indicta.

Vniuersum negotij cursum ex no-
stra parte sistere,

Addites.

Post hac verba. resp. pot. sibi ref.
Protocollum Reform: ista habet:
Soluta Sessio, & insequentem
diem indicta,

SPHALMATA TYPOGR.

A 2 astro.

A 3. lin. 3. quis dubitat?

ibid. ad secundanda eius vota.

A 4. idq; in votis habentes, Fraternalis.
lin. pen. ipso Orbis iudicio.

B 4. p. 2. Functio DD. Deputatorum.

C 2. R. P. Damalevich,

C 2. p. 2. Custodem Samogitiae,

C 3. illud optari,

C 3. p. 2. sanguinis guttam
proinde ac si vereamur,

C 4. die 25 Iulij,
superioris saeculi Anno 1530.
eiusq; gloriosissimae record:

D 1. l. 4. Nadaboth spontaneum,
non esse opus suae

D 1. p. 2. Sed etiam eiusdem Regni,

D 2. p. 2. Quae pars id quod affirmat in
probando,

D 3. à Consensu delectorum,

D 3. p. 2. Cathalogus,

D 4. Neopoleos,
alij substituere,

pag. 2. Georgius Lætus Districtus
Rusiae,

E 3. p. 2. Principijs quae nostrae Proposit:
nec non parallela

astro.

quis dubitet?

eius Maiestatis vota.

idq; in vot. hab. vt Fraternalis.
ipsum Orbis iud.

Functiones Illustr. & M. DD. Dep.

R. P. Stephanum Domalevich,

Custodem Ecclesi Cath: Samt

illud aptari.

Sangu: nostri guttam.

Proinde et si vereamur,

die 25 Iulij.

sup: saec: An: 30.

eiusq; glori: record:

Nadaboth spontaneitatum,

non esse opis suae.

sed etiam vbi extra eiusdē Regni.

Quae pars in probando id quod af-
firmat, & ab adu.

à Consensu delectorum.

Catalogus. idem Sphalma occurrit

Neapoleos. [et alibi.]

alios substituere.

Georg: Lætus District: Lublinen:
Consen.

Princip: quae naturae Proposition,
nec non parallela,

E 4. lin. 3. in hſdem literis,
Sententiam præferunt,
F 1. l. antep. interpretatio
F 2. lin. 5. homogæneum,
F 4. p. 2. Euthichianorum,
G 2. p. 2. debito ponendi ſententia,
H 1. l. 10. rapsodias,
J 5. p. 4. Euthychetis,
K 3. p. 1. doctrina legis,
M 2. l. 1. ſanguinem perfundere,
M 3. Quoad 3.
N 2. l. 1. Quæ in Concilio definita
P 1. lin. 4. & ſtabilienda,
P 3. pag. 2. diſſertatio,
Q 4. ex aliqua eloquentis,
breuib; & ſimplicibus,
R 1. p. 2. Rndmæ, Illuſtrmæ, Illuſtrmæ,
R 3. p. 2. ſynæzite,
R 4. l. 1. viſus erat.
R 4. p. 2. dato iam prius
Ibid: Acta legerentur,
S 2. p. 2. tenuiſſimæ læſionis,
S 3. lin. 2. fore,
lin: ult: vt alia moliamur,
S 3. p. 2. lin: ult: vſitatiffimo,
S 4. p. 2. riſum Sardium,
T 2. p. 2. è proprio loco maximè lon-
gè deturb:
V 3. l. 1. ex munere Illuſt: D. Legati,
V 3. pag. 2.

lin: penult: vel Partis ſecuritate
V 4. l. 1. conſultuſq;
X 1. lin. 5. haud inuiti.
X 4. pag. 2. cataſtractum,
T 1. lin. 4. ſiſtemate,
T 2. lin. 1. ex præſidibus S. R. M.

in hſdem ſacris literis.
Sententiam referunt,
interpretatio,
homogeneum.
Eutychianorum,
debito promendi ſent:
rhapsodias.
Eutychetis.
doctrina leg.
ſanguinem profundere.
Quæ 3.
Quæ in Concilijs def.
ad ſtabilienda,
diſſertatio.
ex aliqua loquentis.
breuib; ſimplicib; & perſpicuis.
Reuerendiſſime, Illuſtriſſimi,
ſynæzitei.
viſus erat.
dato tamen prius reſp.
Acta relegerentur.
tenuiſſimæ læſionis record,
foret.
vt talia moliamur.
vſitatiffimo.
riſum Sardonium.
è prop: loco longè deturbatū, mā-
ximè credimus.
ex munere Legati.
Deleatur ſignum parentheſeos poſt vo-
cem veſtrā, & alterum ante vocem
ſicut,
vel Pactis ſecuritatē.
conſultioſq;
haud inuiti.
cataphractum.
Systemate,
ex præſidibus à S. R. M. depur.
T 3.

<i>T 3. pag: 2.</i>	Ne selsiones publicæ fiant, sed coacti,	Ne selsiones publicæ fiant; sed quasi coacti.
<i>T 4</i>	Spem habere possimus vl- terioris,	Spem habere possimus solidiorem vltterioris-neg.
<i>T 4. p. 2. l. pen.</i>	totius partis mentem ap:	totius partis meæ mentem aperui.
<i>Aa 1.</i>	Qua finita,	Quâ declaratione finita,
<i>Aa 2. pag: 2.</i>	posset remederi,	posset mederi.
<i>Aa 3.</i>	eo quod optimè omnino meminissent,	eo quod optimè omnium mem: par- tes.
<i>Aa 4.</i>	deliberando triduum est consumptum.	deliberant: triduum integrum est con- sumpt.
<i>Ce 1.</i>	alium scriptorum formam & ordinem, qua,	alium scriptorum ordinem & for- mam, qua.
<i>Ec 1. lin: 6.</i>	satisfactione,	sanctificatione.
<i>Ec 2.</i>	eo rationibus illis,	& rationibus illis.
<i>Ec 3.</i>	An pleriq; suspicabuntur,	Annon pleriq; suspicabuntur?
<i>pag: 2.</i>	ac Conuentum Orlen. alia nouissimè, attingere maluimus,	ad Conuentum Orlen. alia nouissimæ huic declarat. attingere malumus.
<i>Ec 4. p. 2.</i>	vt quæ propositiones,	vtque proposuit.
<i>Ff 2.</i>	proponendi nobis nostrum re- sponsum, quæ scripta, Delata est Selsio,	proponendi nostrum responsum, quæ sumpta. dilata est selsio
<i>Ff 2. p. 2.</i>	Tam præliminarium,	tum præliminarium.
<i>Gg 2. l. vlt:</i>	expressa sint,	expr: sit
<i>Gg 4</i>	Ad præscriptum prox:	Ad scriptum proximum.
<i>l. penult:</i>	vt ros,	vt res.
<i>lin: vlt:</i>	condescendendo tum auth:	condescend: tamen auctoritat:



em

at

on

or

M

M

a,

